





Ex Bibliotheca  
majori Coll. Rom.  
Societ. Jesu

20.2.30-33

20  
E  
37

2.0  
D  
8

13-14

# CONSTITVTIO- NES, ET DECRETA,

*Coll. Dom. loc. res.* concinnata atque *et. Inscr.*

IN

PROVINCIALI SY-  
NODO SALISBURGEN-  
SI EDITA.

Anno Domini M. D. LXVIII.

Sub Reuerendissimo & Illustrissimo Prin-  
cipe & Domino, D. IOANNE IACOBO  
Archiepiscopo Salisburgensi, Sedisq;  
Apostolicæ Legato.

*Cum approbatione sanctæ Sedis Apostolicæ.*

D I L I N G A E  
Excudebat SEBALDVS Mayer.

M. D. LXVIII.







IOAN. IACO-  
BVS DEI GRATIA, SALIS-  
BURGENSIS ECCLESIAE ARCHIEPI-  
scopus, Sedisq̃ue Apostolicæ Legatus, vni-  
uerso Clero, ac Populo Prouinciæ suæ,  
Salutem in Domino exoptat  
sempiternam.



ROBE, AC VERE Ecclef. 2.  
admodum docuit Eccle-  
siales, omni negotio tē-  
pus, opportunitatemq̃,  
et multam hominis affli-  
ctionem esse. Quod nos  
Christiani Catholici calamitosis hiscetē-  
poribus, multis, miserandisque modis ex-  
perimur. Nulla tamen in re magis, quàm in  
orthodoxæ religionis reformandæ nego-  
cijs. Etenim, cū Petri Nauicula (quæ Chri-  
sti est Ecclesia) Naucleris suis, Prælati-  
nimis, quàm plurimis, supinè dormitanti-  
bus, ociantibusq̃ue, à Lutheri, eiusq̃ fari-  
næ hominum, perindè vt vetustissimorum  
Hæreticorum procellis, & tempestatibus  
a ij                      agitari

agitari cœpisset, quibus ab initio per rerū,  
 temporisque opportunitatem, cū, vt ne-  
 cessitas efflagitabat, occursum non est, ta-  
 lem (heu) sustinuit iacturā, quam Deo sic  
 conuiunte, vel summorum Principum co-  
 natus, & post festum, vt dici solet, adhibita  
 studia, reparare minimè valuere. Vsq; adeo  
 latè ex antiquorum Hæreticorum sopitis;  
 & rursus à nostri æui Nouatoribus excita-  
 tis scintillis, sparsum est incendiū, vt prius-  
 quàm ad restructionem cordatiores suam  
 conferrent operam, vorax hæreseon flam-  
 ma per animarum infinita domicilia gra-  
 sata, atq; populata est. Quid enim tot tan-  
 tisq; Comitijs, Synodis, conuentibus, col-  
 loquijs, & visitationibus institutis, quid  
 deniq; tot cū priuatis, tū publicis con-  
 sultationibus, ob huiuscemodi sedandos  
 fluctus, qui in Religionis, & vitæ, morum-  
 que reformationis nauiculam irruerant,  
 aliud est effectum, quàm quòd res prope-  
 modum concitator facta sit, & deterior?  
 Quia Dominus auxilio suo nobis factus  
 erat longinquus, eò quòd, cū tempus, &  
 oppor-

opportunitas Cymbæ subueniendi & pro-  
 uidendi in promptu esset, ocio se dederint  
 Nautæ, in rem suam quàm Dei negocium  
 attentiores, tantisper, donec pientiss. &  
 multæ misericordiæ Dominus, æterni Pa-  
 tris filius, magis volens sanam mentem, vi- Philp. 2.  
 tæ genitricem, quàm ob errorum nebulas  
 interitū mortēque peccatoris: is, inquam,  
 iam olim forma, imago, & substantia Dei  
 cū esset, neq; rapinæ loco duceret æqua-  
 lem se Deo haberi, quin tanto ab fastigio  
 Diuinitatis, ad imam serui formam se de-  
 mittens, homini mortali & similitudine  
 & habitu par factus, & ita inuentus, humi-  
 li studio Patri cœlesti ad mortem vsque fa-  
 ctus obediens, nos, vt omnes iam antea,  
 ceu Diaboli mancipiâ, tenebrarum vincu- Rom. 8.  
 lis nexos, redimeret, in libertatem vindica-  
 ret, & Deo Patri, cui ob primorum paren-  
 tum præuaricationem facti eramus inimi-  
 ci, reconciliaret: is idem hisce supremis nu-  
 tantis Mundi temporibus, hanc Petri na-  
 uem, sponsam suâ Ecclesiam Catholicam,  
 nimis fluctuare, in eaque piorum Christia-  
 a iij      norum

Marc. 4.

norum multitudinem vehementer tribu-  
 latam atq; vexatam, vocem illam Aposto-  
 licam, Domine adiuua nos, perimus: subin-  
 dè ingeminantem conspiciens atque hisce  
 permotus cœlestis Patriæ Pater, tametsi  
 iam longè à nobis abesset, deferere tamen  
 noluit, sed perindè vt Apostolis naufragio  
 proximis, affuit præstò: ita nunc Hæretico-  
 rum motibus imperitans, in medijs tempe-  
 statum procellis auxiliares percommode  
 attulit manus. Nam licet permulti seruo-  
 rum oscitarent segniter, nō paucos tamen  
 deprehendit fideles, atque vigilantes, quos  
 oleo sancto suo Deus vnixerat, à quorū fa-  
 cie exterminauit, & cecidit hostes, cætero-  
 rumq; peruersè odientium in fugam con-  
 uertit turbam. Quo beneficio secuta est &  
 serenitas, & non contemnenda tranquilli-  
 tas, ita vt nautis respirandi facultas data sit  
 gratissima. Inter quos quàm incredibilem  
 operam Christianiss. & inuictiss. Rom. Im-  
 perator Carolus V. nec minus germanus  
 eius frater, ei in Imperio successor, piissi-  
 mus Ferdinandus (quorum recordatio in-  
 bene-

benedictione est) Comitibus superioribus, in componendis controuersæ religionis, & Reformationis articulis adhibuerint, id in orbe Christiano magis quàm notum est. Horum nanque per illud tempus studio res cò redacta fuit, vt in religionis negotio hominum distracta multitudo, reddita sit pacatior, & motus quoque sisterent. In Reformatione verò, seu emendandis corruptis moribus, Ecclesiastico vsq; adeò patefacta est ordini ianua, & via munita, vt cū eius ineundæ certissima illi fuerit oblata demonstratio, eam obuijs, vt dicitur, manibus, acceptarit, & propterea maximam habuerit gratiam. In promouenda deinceps, & defendenda vniuersali Synodo, sub eorundem fœliciss. Imperatorum tutela, et protectione, Tridenti celebrata, vt in ijs, quæ ad Religionem restituendam, morum, & abusionum prauitatem corrigendā spectare viderentur, quid quæso diligentia, vel operis omissum est? Quantū enim vterque Imperator, alter quidem sub Paulo, & Iulio, alter sub Pio III. Pontificib. Max. per huius-

huiusmodi Patrum selectissimorum cō-  
uentus, pro subleuandis Ecclesiæ calami-  
tatibus, & Aduersariorum iniurijs, & ca-  
lumnijs expellendis desudauerint, nemo  
est qui id ignoret. Neque verò sanctissimo  
suo studio (quod Diuinæ clementiæ acce-  
ptum ferimus) defraudati sunt. Nam ea in  
Synodo sanctissima eorundē Pontificum  
successiuis temporibus interueniente au-  
thoritate, cū ex omnibus penē Christia-  
ni orbis partibus selectissimi, doctissimi-  
que Patres, & supremorum quorumque  
Christianitatis Regum, Principumq; Le-  
gati interfuerunt, sic optimē dissidijs om-  
nibus, atq; disceptationibus, in religionis  
causa natis, nec nō vitæ, morumq; restitu-  
tioni est prospectum, quòd nemo illius Sy-  
nodi Canonibus, vel Decretis, citra teme-  
ritatis notam, quicquam vel adijcere, vel  
demere queat. At quid vtilitatis, & subsidij  
nostris regionibus, sectarum pestiferis do-  
gmatibus infectis, vtilissima illa possint  
afferre Decreta, nisi à nobis, nostrisq; suf-  
fraganeis Coëpiscopis, cæterisq; suo in or-  
dine



dine Prælatiſ, ea accepta, amplexata, & noſtræ Prouinciæ Clero, Populoque non tantum promulgata, ſed etiã executioni fuerint demandata? Qui enim pharmacũ bonum à perito medico præſcriptum, infirmo proderit, ſi id eidem aut ſubtractum, aut intempeſtiue adhibitum, aut deniq; à ualutudinario planè reiectum fuerit? Ne itaq; vel de Nobis, vel noſtris Coëpiſcopis, quòd de infirmiorum ſalute parum Nobis curæ fuerit, vlla exiſtat ſiniſtra ſuſpicio: nè ue clamor ille Propheticus in nos inſurgat, nimirum: Infirmi fuimus, & non conſolidati, ægroti & non ſanati, confracti & non alligati, abiecti & non reducti, perditione, & ubiq; errantes diſperſi, & non requiſiti, famelici, & ſitibundi, & non ſaturati, neque potati. En igitur vobis languentibus pharmacæ illa ſaluberrima, infirmitatiq; veſtræ in primis accommodata, à medico omniũ optimo, ſpiritu ſancto, in ſacro Tridentino, & Occumenico Concilio compoſita, offerimus, porrigimus, & in viſcera pietatiſ veſtræ infundimus, quæ, ſi à vobis

b      ocyus,

ocys, & sine repulsa (quod planè speramus, idque inuitis, seu nauseantibus, si qui fuerint, seriò mandatum volumus) acceptabuntur Christianorū nemini dubium est, quin ea ad teterrimos quosque languores sensim tollendos eorumque in locum pristinum, auitamque sanitatem restituendi, admirabilem sint habitura efficaciam. Hæc verò sunt, ad quæ suprà annuimus, sacratissima Patrum Tridentini Cōcilij Decreta, & Canones: non quidem documenta noua, sed ex sacrarum scripturarum medullis, & primæuæ Christi Ecclesiæ sanctitate, eruditioneque incomparabilium Patrum, doctorumque monimentis excerpta, & concinnata. Ad horum verò regulā noster Clerus à summo ad infimum vsque non tantum functionis suæ administrationē, sed & vitæ curriculum dirigat, volumus, idque vt ita fiat negotium hoc pro viribus executioni mandari studebimus. Quod negotium vt optimo procederet modo consultum censuimus hoc ipsum, per Synodū Prouincialem præstandum esse, vt non solum



lùm à nostris Coëpiscopis & suffraganeis,  
 cæterisq; Prælati, illa ipsa, quæ offerimus  
 Decreta susciperentur, summoq; studio ad  
 effectum optatum, & frugem perducantur,  
 verùm etiam pro captu istarum Regio-  
 num, quo ad ea quæ morum duntaxat re-  
 formationem concernunt, accommoda-  
 rentur, aliaq; secundùm Prouinciæ nostræ  
 vsum adderentur. Perindè siquidem, vt nō  
 quæuis pharmaca, tametsi per se bona, non  
 tamen omni morbo, vel hominī æquè con-  
 ueniunt: sed antequàm adhibeantur, sin-  
 gulorum morborum causæ, naturæq; con-  
 stitutiones separatim sunt explorandæ: Ita  
 & Nos, nostriq; Coëpiscopi, & Prælati, no-  
 strorum in Christo subditorum hominum  
 cōstitutionibus, naturis, & necessitatibus  
 consideratis, pharmaca illa à sacro Conci-  
 lio Tridentino, quoad morum reparationē  
 congesta, nostris iuxtà iam nunc aptata,  
 quibusdam in locis nonnihil auctiora, &  
 magis explicata tradere, eaq; studiosè ob-  
 seruari voluimus. Tempus autem ipsum  
 tacito pede præterire nolentes, ex omni

Metropolitanatu nostro Coëpiscopos nostros, in certum Conuentum ecclesiasticum congregauimus, vt vestris votis (si fieri posset) satisfacere, vt nostram, coram Deo, ac hominibus testatam faceremus voluntatem, & conscientiam. Eam verò Synodum, Deo auspice, summi Pont. Pij V. Patris sanctiss. nutu, cui parere fas est, incepimus, ac porro sedulis consultationibus celebratam, feliciter, & cum vtilitate (quemadmodum planè speramus) Dei opt. max. fauore, & gratia absoluimus, Id verò iam pridem nobis præstandi animus fuit paratiss. & magna cum voluptate quidem per nos effectum fuisset: haud ignorantes Decretum illud Concilij Tridentini, quod Metropolitanis, horumque similibus quibusque istius negocij executionem annali temporis spacio post idem ipsum Concilium, nisi grauissimis de causis impeditis, præcipit & iniungit. At diuersorum sanè negociorum sarcinis, aduersitatumque cumulis nos prementibus, ab isthoc necessario, & saluberrimo opere

abstra-

Seff. 24. cap. 1.  
Decret. de Re-  
form.

abstracti, & detenti sumus. Nihil enim magis, ex eo potissimum tempore, quo nos Deus Opt. Max. licet præter meritum nostrum, ad functionis Archiepiscopalis munus vocare dignatus est, Nobis in votis fuit, quàm quòd vita comite, ad hoc tam optatum tempus, opportunitatemq; vsque adeò auidè desideratam, contingere, facultatemq; Reformationis instituendæ nancisci commodè possemus. Post multa itaq; impedimēta, occasione, omnipotentis Dei nutu arrepta, posthabitis alijs omnibus, quæ grauitè nobis incumbunt, officio, vt par est, fungi decreuimus. In hac proindè Nostra Prouinciali Synodo, ex Reuerendis octo Coëpiscopis & Suffraganeis nostris, Illustrissimus Dominus Ernestus, vtriusq; Bauariæ Dux &c. Frisingen. Episcopatus Administrator, Vrbanus Patauien. Urbanus Gurcen. Christophorus Chiemen. Petrus Seccouien. Ecclesiarū Episcopi coràm præsentès, Ecclesię porrò Ratisbonen. Christophori Brixinen. qui & S. R. E. Cardinalis, & Martini Herculis Lauentini, Episco-

*Jacob. primo.*

porum Legati, vnà cum venerabilibus Abbatibus, cæterisq; Prælatiſ, Præpoſitiſ, Archidiaconiſ, & Decaniſ: tùm etiã Capitulorum, tàm Metropolitica, quàm cathedralium, & collegiatarum Eccleſiarum, & communis Cleri totius noſtræ Prouinciæ A mandatiſ, & Procuratoriſ Nobiſcum in Dei nomine conuenerunt, ac primùm Spirituſ ſancti auxilio implorato, debitiſque ritè abſolutiſ cæremoniſ, Dei omnipotentis, & Eccleſiæ cauſam ſtudioſiſſimè (quantum iſ, à quo omne datũ optimum, omneq; donum perfectum deſcendit, Pater luminum gratiæ conceſſit) in commune contulimus, ſemotiſ tandem omnibuſ, quæ ſuperflua videbantur, Reformationẽ, quam omni opera, & ſtudio molimur, iudicio, & aſſenſu noſtro, Coëpiſcoporum & Suffraganeorum Prælatorumq; noſtrorũ, & eorum, qui à cæteriſ, vt diximus, ad hoc negocium tractandum ablegati ſunt, conſilio, in Canoneſ quofdam, & Decreta, diuinẽ legi, ac Patrum traditionibuſ conſentanea, contraximus, quæ iam nunc vobiſ

com-

communicamus, publicamus, eaque ceu  
 Reip. Christianæ, & nostro in primis com-  
 misso gregi salutifera, sine cunctatione ad  
 effectum vt deducatis, in Domino manda-  
 mus. Cùm itaq; hisce cōstitutionibus (qua-  
 rum arbitrium penes S. Sedem Apostoli-  
 cam semper esto) nihil noui, nihil difficile,  
 nihil inusitati, nihil à sacris literis, vel pa-  
 trum sententia abhorrens, sed omnia hæc  
 ex verbo Dei, & sacrosanctorū tam Oecu-  
 menicorum, quàm particularium etiam  
 huius nostræ Prouinciæ, Conciliorum san-  
 ctionibus desumpta sint: ea inquam ipsa  
 Decreta vobis proponimus, hac ducti fidu-  
 cia, si ea omnia (cùm renouata, & huic no-  
 stro calamitoso sæculo accommodata, &  
 iuxta Tridentini, aliorumque supradictorū  
 Conciliorum Constitutiones limata,  
 formataque sint) vestris pectoribus, & fi-  
 deli memoriæ altius infigantur, fore, vt ea  
 vobis, vniuersoq; gregi nostro, exoptatissi-  
 mum sint allatura fructum. Quare vos  
 omnes per viscera misericordiæ Domini  
 nostri Iesu Christi obtestamur, vt hæc Sy-  
 nodal-

PRÆFATIO ARCHIEPISC.

Match, 11.

nodales Constitutiones, omni cum pietate, summissione, amore, atque ad eò hilari vultu, non amara, sed suauissima pocula animabus vestris, amplectamini, ijsque in Spiritu sancto inebriemini. Ceruicibus etenim vestris præter iugum, & onus Christi (quod Saluator ipse, & iucundum, & leue testatus est) aliud nihil imponimus. Quod ipsum tollite super vos, & discite à me (inquit idem Christus) quia mitis sum, & humilis corde, & inuenietis requiem animabus vestris.



AD



# AD LECTOREM.



*X* constitutionibus huius sanctæ Synodi, post fidei Catholicæ confessionem, omniumq; hæresum detestationē, habes candidè lector, disciplinæ Ecclesiasticæ institutionem, & Sacramentorum administrationis, rituum, & caeremoniarum instaurationem, ac morum denique emendationem, emendatorumq; regulam & modum, nec non id genus alia, quæ ad cultus Diuini normam, & obseruationem spectant, in ea ipsa Prouinciali Synodo Salisburgensi, vigilantissimorum Episcoporum, aliorumq; Prælatorum, & piorum viro- rum studio, tum ex sacris literis, cum Veteris, & nostram adusq; ætatem progressæ orthodoxæ Ecclesiæ monimentis eruta, maturo consilio concinnata, atque deinceps ædita, & promulgata sub Reuerendissimo & Illustriss. Principe & D. D. Ioanne Iacobo, Archiepiscopo Salisburgensi, Sedisq; Apostolicæ Legato. Quorum omnium capita & tractationes, in sequenti Indice per ordinem ob oculos tibi ponuntur: minutim verò, iuxta materiarum seriem, in fine libri, singula indice alphabetico annotantur. Placuit autem hæc Synodi Constitutiones vulgatori stylo, & pinguiori, ut dici solet, Minerva conscribi, cum

c            quòd

## Ad Lectorem.

Ib. 5. Diuin.  
Instit.

quòd rerum Diuinarum traditiones verborum phaleris,  
scu lenocinijs, non indigent, & simplex veritatis, vt ille  
inquit, oratio est: tùm quòd Cleri nostri, tam simplices  
quàm peritiores facili labore, & citra ambages intelli-  
gant, quid ijs suo in officio, vel sequendum, vel vitandum  
sit: idq; vel Lactantij Firmiani consilio sic faciendum  
erat, qui ait, Dum summa prouidentia suo carere vo-  
luisse ea, quæ Diuina sunt, vt omnes intelligerent, quæ  
ipse omnibus loqueretur. Hoc te, Lector, latere nolumus.  
Tenor verò statutorũ, ordinationumq; huius sanctæ Re-  
formationis est is, qui proximum Indicem sequitur.

**F. Felicianus Ninguarda Morbi-  
niens. Doctor Theologus, Re-  
uerendiss. & Illustriss. Archie-  
piscopi ac Principis Salisbur-  
gens. Consiliarius.**



# INDEX CONSTITUTIONVM HVIVS SYNODI vnà cum titulis singulorum Capitulum.

## Const. 1. DE RELIGIONE ET FIDE CATHOLICA.

1. Cap. 1. *Quare istarum Synodaliū Constitutionum tractatio à religione, et fide Catholica, exordium capiant.* pag. 1  
2. *Vt iam Laici quàm Clerici vnā, solamq, fidem Catholicā in Prouincia Salisburgē, obseruent, atque colant.* pag. 2

## Const. 2. De Tridentini, aliorumq, Conciliorū Constitutionibus.

1. *Patres huius Synodi, Cōcilij Tridentini sanctiones amplecti, suisq, subditis easdē in posterum obseruandas exhibere pollicentur.* pag. 2  
2. *De professione fidei Catholicæ præstanda etc.* pag. 3  
3. *De eadem in posterum obseruanda.* pag. 4  
4. *De eadem fidei professione in Synodis diocesanis, et etiam ab omnibus beneficiatis præstanda.* pag. 4  
5. *Vt huius, atq, præcedentium, futurarumq, Synodorum statuta obseruentur.* pag. 5  
6. *De Agendario in lucem emittendo, eodēq, ab omnibus Archiepiscopis omnino obseruando.* pag. 5  
7. *Quomodo, et quando hæ Constitutiones Synodales quouoties publicari, et promulgari debeant.* pag. 6

## Const. 3. De Consuetudine.

1. *Consuetudinem antiquā hactenus in Ecclesia Catholica obseruatā, etiam in posterum constanter esse retinendam.* pag. 7

## Const. 4. De Cæremoniis.

1. *Vt ritus, ac Cæremoniæ Ecclesiasticæ obseruentur.* pag. 8

## Const. 5. De hæreticis atque eorum libris.

1. *Doctrinā, quæ Tridentini et aliorum Conciliorum generalium sanctionibus aduersatur, esse erroneā, eiusq, sectatores esse hæreticos, ac pro hæreticis damnandos.* pag. 9

# Index

	2	Nemini vel Clerico, vel seculari, licere hæretica scripta, seu libros penes se habere, nisi qui eius rei gratia veniam à sede Apostolica habeat.	pag. 11
	3	Quid Episcopi debeant habere Coryceos, qui Bibliopolarum aliorumque inferentium libros inspiciant, obseruent, & suspectos tollant &c.	pag. 12
Cap.	4	Corycei indicem veterum librorum ex actis cognoscant, & iuxta eiusdem regulas, prohibita, & ysfinita scripta è medio auferant &c.	pag. 12
	5	Ut quotannis typographi & Bibliopole, iuxta formam superius descriptam, fidei Catholicae facere teneantur professionem.	pag. 13
<b>Const. 6. De custodiendis gregibus, ne hæreseos labeficiantur.</b>			
	1	De diligentia Prælatorum, & Parochorum, circa tam clanculariorum, quam manifestorum hæreticorum inquisitionem, correctionem, & extirpationem.	pag. 13
Cap.	2	De observandis yis, qui ex locis suspectis adueniunt, & conuentibus vitandis.	pag. 15
	3	Neminem, nisi cui hoc specialiter licitum est, de religione disputare, seu concionari debere.	pag. 15
<b>Const. 7. De magicis artibus, sortilegijs, veneficijs, incantationibus, diuinationibus, &amp; id genus alijs prohibitis.</b>			
Cap.	1	Magica insania, huiusq. species, studium, & sequela prohibentur.	pag. 16
<b>Const. 9. De electionibus Episcoporum.</b>			
	1	Qui, & quomodo ad Episcopatus dignitatem sint eligendi, siue postulandi.	pag. 17
Cap.	2	De omnibus sacris ordinibus ab Electis, siue postulatis, infra statutum tempus suscipiendis: deq. eorundem consecratione.	pag. 19
<b>Const. 10. De Electionibus minorum vtriusque sexus Prælatorum.</b>			
	1	Monasterijs religiosorum vacantibus, quomodo providendum sit de Prælati.	pag. 20
Cap.	2	Quibus, & quomodo in Prælatum monialium sit eligenda, siue postulanda.	pag. 21
<b>Conti. 10.</b>			

# Constitutionum.

**Const. 10.** De examine Electorum, siue postulatorum in Metropolitanū, siue in Episcopos, ad Sum. Pont. Rom. transmittendo. pag. 12

- Cap. {
- 1 Cur sequens examinis forma, Electis, vel Postulatis in Metropolitanum, siue Episcopos praescribatur. pag. 12
  - 2 Quomodo ad inquisitionem sit procedendum, & de re-  
sultum qualitatibus. pag. 23
  - 3 Testium sinceritatem, ac fidem, in hoc negotio in-  
quisitionis maxime requiri. pag. 24
  - 4 Quod Electus, siue postulator, doctrinae suae specimen  
aliquid edere debeat. pag. 24
  - 5 De fidei professione Electi, siue Postulati, iam Exami-  
nati, ab eodem praestanda. pag. 25

**Const. 11.** De Confirmationibus minorum Præla-  
rum, atq; Prælatorum, ab Ordinarijs pre-  
standis. pag. 28

- Cap. {
- 1 Electi siue Postulati, aut presentati, utriusq; sexus mi-  
nores Prælati, quomodo, & ubi Confirmandi sint. pag. 28
  - 2 De studio, ac diligentia adhibenda in huiusmodi Con-  
firmationibus. pag. 29
  - 3 De Examine promouendi ante Confirmationem. pag. 29
  - 4 De modo procedendi circa Confirmationem, & quale  
iuramentum, fideique professio Confirmando incum-  
bant. pag. 30
  - 5 De examinati confirmatione, & lucrari confirmationis  
exhibitione. pag. 33
  - 6 De iuramentis & examine monialium Electarum, si-  
ue Postularum in Prælatas. pag. 33
  - 7 De iuramento cum fidei professione, ab ipsis monialibus  
promouendis, & stando. pag. 34
  - 8 A quibus, & quomodo Confirmanda informati su-  
menda. pag. 35

**Const. 12.** De renunciationibus dignitatum, & bene-  
ficiorum Ecclesiasticorum. pag. 35

- Cap. 1 Ne ulla renunciatio, seu resignatio, sine causa canonica  
fiat, & quomodo fieri, & acceptari debeat. pag. 35

c in

Const. 13.

# Index

Const. 13.	De modo præsentandi, acceptandi, seu promouendi Clericos ad quævis beneficia Ecclesiastica, præsertim curata.	pag. 37
Cap.	<ol style="list-style-type: none"> <li>1 De idoneis ad beneficia Ecclesiastica assumendis, ineptisque ad suos Patronos remittendis, &amp; de pœna eorum qui acceptando præsentatos, magis affectibus, quàm conscientia reguntur. pag. 37</li> <li>2 De quorundam Conciliorum Constitutionib. obseruandis circa præsentatorum acceptationem, &amp; sine causa euidenti absentia alicuius veniam nemini concedendam. pag. 38</li> <li>3 Nullum Vicarium sine Ordinarij autoritate, vel constituendum, vel etiam dimittendum esse. pag. 39</li> <li>4 Pastores non residentes de proventibus Ecclesiarum nihil percipere debere, nisi quod ultra sufficientem Vicariorum sustentationem, &amp; sartorum tectorum cõseruationem reliquum fuerit. pag. 40</li> <li>5 Ad curam animarum non nisi legitima ætatis homines ac iam presbyteros, aut quàm primum futuros admittere debere. pag. 41</li> <li>6 Quomodo Ecclesijs vacantibus sit providendum, &amp; de promouendorum examine ac Confirmatione. pag. 34</li> <li>7 De iuramento, quo se promouendus à labe Symoniæ alienum testari debet. pag. 45</li> <li>8 De fidei &amp; obedientia professione eiusdem. pag. 46</li> <li>9 De Cõfirmatione promoti, &amp; ne Officiales eundem iniusta exaltatione premant. pag. 47</li> </ol>	
Const. 14.	De pluralitate beneficiorum.	pag. 48
Cap.	<ol style="list-style-type: none"> <li>1 Ut ex pluribus beneficijs vnum retineatur, vel cæterorũ tituli, iura &amp; dispensationes Ordinarijs pro ampliori deliberatione adantur. pag. 48</li> <li>2 Plura beneficia contra Canones impetrata, ac retenta, cadere in priuationem. pag. 48</li> <li>3 Quomodò subueniendum his, quibus exiguum accidit beneficium. pag. 49</li> <li>4 Decretum de pluralitate beneficiorum tollenda. pag. 49</li> </ol>	
Const. 15.	De assumendis ab Episcopis, siue alijs minoribus Prælati, Coadiutoribus.	pag. 50 Cap.

# Constitutionum.

Cap. 1. *Ne Prælati coadiutores sibi cooptent, nisi forte aliquis per accidens aliquod sit redditus ad functionem inhabilis: & hoc casu qui & quomodo sint cooptandi.*

pag. 51

Const. 16. *De vita, qualitatibus, & officio Episcoporum, atq; cæterorum Prælatorum.*

pag. 52

- Cap. {
- 1 *Quibus dotibus prædicti esse debeant Episcopi, cæteri q; Prælati.* pag. 52
  - 2 *De officio Episcopi, eiusq; Vicario.* pag. 54
  - 3 *Episcopum qui concionari non potest, aptos Concionatores, & alios qui cætera ministeria ritè exequantur, iusto stipendio alere debere.* pag. 55
  - 4 *Episcopos vigilantes, & circumspectos esse debere.* pag. 55
  - 5 *Decretum exhortatorium ad Episcopos, quibus præscribitur modus & forma vivendi.* pag. 56
  - 6 *Episcopos ea negotia, quibus ipsi interesse non possunt, grauib; & bonæ existimationis viris demandare debere.* pag. 57

Const. 17. *De residentia Episcoporum, aliorumq; minorum Prælatorū & Pastorum omnium, ac beneficia Ecclesiastica quomodolibet habentium.*

pag. 58

- Cap. {
- 1 *Ecclesiarum Rectorum residentiam omnibus modis esse necessariam: venia autem absentiae quo vsque sit concedenda.* pag. 58
  - 2 *Canonicis, qui in suis Ecclesijs dignitates, & officia gerunt, præcipitur continua residentia.* pag. 61
  - 3 *De residentia, officio, ac diligentia beneficiatorum.* pag. 62
  - 4 *Indulgentias rationabiles firmas manere, interim tamen curam animarum negligi non debere.* pag. 63

Const. 18. *De Episcoporum Vicarijs, siue Officialibus generalibus, atq; eorum Assessoribus.*

pag. 63

- Cap. {
- 1 *Qui ad Officialatus seu Vicariatus generalis dignitates, ac munera sint adsciscendi.* pag. 63
  - 2 *Vicarium generalem seu Officiale, citra Episcopi expressum mandatum, seu datam facultatem, nil agere posse.* pag. 65

3 De

# Index

		3	<i>De iuramento præstando à Vicario generali, seu Offici- ciale.</i>	pag. 65
		4	<i>Officiales ne sint pathetici, id est, ne ab afflictionibus re- gantur.</i>	pag. 66
Cap.	{	5	<i>Officiales neminem sibi, nisi auctoritate Episcopi, sub- delegent.</i>	pag. 67
		6	<i>Sede vacante à Capitulo constituendum esse Officia- lem seu Vicar. generalem, seu pro tempore existen- tem approbandum.</i>	pag. 67
Const. 19.			<i>De Assessoribus.</i>	pag. 68
		1	<i>Qualis Officiali sit arrogandus Assessor.</i>	pag. 68
Cap.	{	2	<i>De officio Assessoris, et quid in eo agere, vel omittere debeat.</i>	pag. 69
Const. 20.			<i>De Prædicatione verbi Dei, &amp; officio Ec- clesiastæ.</i>	pag. 70
		1	<i>Munus prædicationis diligenter esse curandum à Præ- latis, vel eorum surrogatis.</i>	pag. 70
		2	<i>Ut Concionatores verbi Dei non tam sint diligentes in sua doctrina, quam etiam cauti, orthodoxi, et pru- dentes, et quorum Doctorum enarrationibus potis- simum uti debeant.</i>	pag. 71
Cap.	{	3	<i>Modus vitandi hæreticorum scriptorum lectionem.</i>	pag. 72
		4	<i>De modestia et ratione inter concionandum obseruan- da.</i>	pag. 74
		5	<i>Quibus locis, et quando non sit concionandum.</i>	pag. 74
		6	<i>Neminem sine legitimo mandato concionari debere.</i>	pag. 75
Const. 21.			<i>De Theologis ab Episcopis suis Ecclesijs cathedralibus, alijsque collegiatis, desi- gnandis atque deputandis.</i>	pag. 75
Cap.	{	1	<i>In metropolitana, et quatuor præcipuis cathedralibus Ecclesijs etc. eruditum Theologum ali debere, qui caterum Clerum, sacras literas statutis horis præle- gendo, informet.</i>	pag. 75
Const. 22.			<i>De Consideratione ab Episcopis habenda, in admittendis ijs, qui ad sacros Ordines aspirant.</i>	pag. 77
				Cap.



# Constitutionum.

- |            |    |  |            |
|------------|----|--|------------|
|            | 1  | Præfatiuncula ad sequentis materia tractationem.   | pag. 77    |
|            | 2  | De examinatione ordinandorum, & a quibus ea fieri debeat.  | pag. 77    |
|            | 3  | Summos Scholasticos, & Cantores, vel eorum Vicarios idoneos, examini Ordinandorum interesse debere.  | pag. 78    |
|            | 4  | Electiōnem, promotionem, atq; examen Ordinandorum, tanquam rem maximi momenti, non segniter, sed summa fide, ac sollicitudine esse peragenda.  | pag. 79    |
|            | 5  | Parentes admonentur, ut filios sacris ministerijs dedicandos, a prima iuuentute in bonis literis atq; moribus educant.   | pag. 80    |
| Cap.       | 6  | De modo inquirendi, & examinandi ordinandos.   | pag. 80    |
|            | 7  | Ne quispiam Ordinandus, cuiuscumq; sit gradus, & cōditionis, ab examine sit immunis, nisi gradu aliquo theologico decoratus fuerit, qui etiā, licet non sit ipse examinandus, alios tamen examinare debebit, ut de ipsius eruditione periculum fiat. | pag. 82    |
|            | 8  | Quis ordinandos Episcopo præsentare debeat.  | pag. 82    |
|            | 9  | Quis ordines conferre debeat, & de dimissorialibus concedendis, nec ne.  | pag. 83    |
|            | 10 | Ea, quæ ad ordinandorum promotionem spectant, gratis conferri debere, at si alicubi consuetudo aliud obtineret, Notarijs taxatur modus exactionis.   | pag. 84    |
| Const. 13. |    | De Præpositis, & Decanorū, summorumq; Custodum, Cantorum, atq; Scholasticorum Cathedralium, & aliarum Collegiatarum Ecclesiarum officijs.  | pag. 85    |
|            | 1  | Præpositi, qui, & quare sic dicantur, & de eorundem officio.   | pag. 85    |
|            | 2  | De officio Decanorum.  | pag. 87    |
|            | 3  | De summorum Custodum officio, ac diligentia.   | pag. 90    |
|            | 4  | De summorum Cantorum officio.  | pag. 91    |
| Cap.       | 5  | De summorum Scholasticorum officio, quod est de cura adhibenda circa ludos literarios, & eorum moderatores.  | pag. 92    |
|            | 6  | De animaduersione in negligentes Officiarios supradictos.  | pag. 93    |
|            | 7  | Quæ qualitates requirantur circa eiusmodi officiarum.  | pag. 93    |
|            |    | d  | Const. 14. |

# Index

## Const. 24. De Canonicis.

- |      |    |  |          |
|------|----|--|----------|
|      | 1  | <i>Præfatiuncula ad sequentia.</i>   | pag. 94  |
|      | 2  | <i>Minoremnes, sed tamen puberes, nobiles Germanos, ex speciali gratia, ad titulum Canonicatum admitti posse, dummodo alio Canonico impedimento non fuerint irretiti.</i>  | pag. 94  |
|      | 3  | <i>Sine iuramento ac professione fidei Catholicae, nemine ad Canonicatus possessionem admitti debere.</i>  | pag. 95  |
|      | 4  | <i>Minoremnes Canonicos, etiam Præsentiarum distributione, non tamen annali præbenda, gaudere posse.</i>   | pag. 96  |
|      | 5  | <i>Seniores æquè, ac maiores natu Canonicos, Clericali vestitu incedere debere.</i>  | pag. 96  |
|      | 6  | <i>De cura, &amp; institutione Domicellorum.</i>   | pag. 97  |
|      | 7  | <i>De sustentatione Domicellorum in liberalibus studiis, &amp; fide iussione ab ipsis accipienda.</i>  | pag. 97  |
|      | 8  | <i>Quòd bona pars Canonicatum conferatur, iuxta decreta Concilij Tridentini, Doctoribus &amp;c.</i>  | pag. 98  |
|      | 9  | <i>Canonicos legitimo accedente tempore, aptitudine, &amp; habilitate, presbyterio initiari debere.</i>  | pag. 99  |
| Cap. | 10 | <i>Quandiu Canonicis, occurrente negotio, à Canonicatibus abesse liceat.</i>   | pag. 99  |
|      | 11 | <i>Quomodo in residentia, &amp; inter horarias decantationes se gerere debeant Canonici.</i>   | pag. 100 |
|      | 12 | <i>De ministerio Canonicorum circa Pontificalia.</i>   | pag. 102 |
|      | 13 | <i>De Vestitu, cultu, &amp; moribus Canonicorum incommuni.</i>   | pag. 102 |
|      | 14 | <i>De præsentiarum distributione, &amp; quibus ea dentur.</i>  | pag. 103 |
|      | 15 | <i>Numeratio Præsentiarum quare sit instituta, &amp; de eiusdem continuatione, auctione, &amp; distributione.</i>  | pag. 104 |
|      | 16 | <i>Exhortatio ad Canonicos, ut pro conservanda, &amp; augenda præsentiarum pecunia, libenter quidpiam contribuant, quòd ipsum, si solliciti fuerint, ad eos redimabit.</i> | pag. 105 |
|      | 17 | <i>Quòd nullus ad præsentiarum perceptionem admitti debeat, nisi à principio diuinorum vsq; in finem, in eorum præsens perseverauerit.</i>                                 | pag. 107 |
|      |    |  | 18 Rem   |



# Constitutionum.

- 18 Rem sacram à Canonicis non tam propter lucrū, quā pietatem esse sectandam. pag. 108
- 19 Canoniorum excitatio ad pietatem & cultum diuinum. pag. 109
- 20 Canonicis plures titulos Canonicatum in gratiam nobilitatis Germanicæ ob certas rationes concedi. pag. 111
- 21 Pinguiores Canonicatus in suo statu, & numero relinquendos esse. pag. 114
- Cap. 22 Quomodo Episcopi, Præpositi, ac Decani Ecclesiarum, de residendo in vno loco inter Canonicos disponere ac componere debeant, si fortè inter aliquos suboriretur disceptatio. pag. 115
- 23 De sufficiendis Canonicis in locum defunctorum. pag. 116
- 24 Episcopos ex gratia Apostolicæ Sedis Canonicatus in alijs Ecclesijs obtinentes, non nisi inuitabili de causa, ad fructuum perceptionem, aut residentiam admitti debere. pag. 117
- 25 De moderatione, & restrictione statutorum Capitularium, & pœna æquitatem transgredientium. pag. 117

## Const. 15. De Archidiaconis, Archipresbyteris, & ruralibus Decanis. pag. 119

- Cap. 1 De Archidiaconatus, Archipresbyteratus, & Decanatus ruralis dignitatibus. pag. 119
- 2 De diuersa potestate Archidiaconorum, Archipresbyterorum, & Decanorum ruralium. pag. 120
- 3 Quales personæ requirantur ad supradicta officia, quæ etiam constitui non debent, nisi prius fidei fecerint professionem. pag. 121
- 4 De iniustitia & æquitate ab Archidiaconis, & ceteris huiusmodi Officialibus exercenda. pag. 121
- 5 Archidiaconi nati &c. non præsumant exercere Officium, antequam Ordinario se præsentarint, & ab ipso approbati fuerint, & fidei professionem præstiterint. pag. 122

# Index

## Const. 16. De Parochiis, atq; eorū Cooperatoribus. pag. 124

Cap.

- 1 Eandem propē sollicitudinem requiri in Parocho, quæ in Episcopo. pag. 124
- 2 De tribus virtutibus, quibus Parochi præditi esse debeant, quarum prima est oues suas cognoscere: atque etiam de libris ab ipsis in promptu habendis, in quibus oues suas sigillatim describant. pag. 125
- 3 De secunda parochi proprietate, quæ est suis ouibus notis optime prospicere, illarum saluti consulendo. pag. 127
- 4 Quod Parochi non tantum quo ad spiritualia, sed etiam temporalia, suis subditis pro viribus opitulari, & illis, in omnibus, quantum eius fieri potest, succurrere debent. pag. 130
- 5 De tertia Parochi proprietate, quæ continet vigilantiam, sollicitudinem, & charitatem, qua etiam animam suam pro ouibus suis, si necessitas exposculetur, exponere debet. pag. 131
- 6 Prosequitur instructionem circa officium Parochi. pag. 132
- 7 Quas præterea virtutes sequi debeat Pastor, & quæ vitia vitare. pag. 134
- 8 De collaboratoribus Pastorum, eorumq; mutuo officio, atq; illorum sustentatione. pag. 135

## Const. 17. De Disciplina, vita, honestate, & moribus Clericorum. pag. 136

Cap.

- 1 Clericos, cum sint Christi milites, soli Deo militare debere. pag. 136
- 2 Clericos inculpate viuere debere. pag. 137
- 3 Decenti vestitu domi & foris uti debere Clericos. pag. 138
- 4 De forma vestimenti Clericalis. pag. 140
- 5 De armis Clericorum. pag. 140
- 6 Clericos à malorum hominum cōsuetudine, publicis spectaculis, choreis, conuiujs suspectis &c. abstinere debere. pag. 141
- 7 Ne secularibus negocijs se immisceant. pag. 143
- 8 Ne exercent monopolia, & negotiationes. pag. 144
- 9 Nemini Ecclesiasticorum, nisi qui mixtum, & merum habent imperium, licere exercere rem metallicā. pag. 145
- 10 Ne Clerici exercent cautionariam. pag. 146

31 Quib.

# Constitutionum.

- |      |    |   |          |
|------|----|---|----------|
|      | 11 | Quib. vinum ex annuis redditibus venit, id non per se, sed seculares personas venundari licere.                                     | pag. 147 |
|      | 12 | Clericos ab omni studio auaritiæ alienos esse debere.   | 148      |
|      | 13 | Clericos temulentiam, & crapulam, ceu venena fuisse debere.   | pag. 149 |
|      | 14 | Ut nisi peregrinationis necessitate compulsi, tabernas & ænopolia non ingrediuntur.   | pag. 150 |
|      | 15 | Quibus conuiuijs interesse liceat Clericis, & quomodo illis componere debeant.  | pag. 151 |
| Cap. | 16 | Alea prohibetur Clericis.   | pag. 152 |
|      | 17 | De continentia Clericorum.  | pag. 153 |
|      | 18 | Quò Clerici non solum à publicis tabernis, sed & Concubinarum sædo conuictu abstineant, & a quæ sequuntur seruare illis præcipitur. | pag. 155 |
|      | 19 | Sacerdotes amplioreni alentes familiam, quibus Occonomis uti debeant.   | pag. 156 |
|      | 20 | De conuictu priuatorum Sacerdotum.  | pag. 157 |
|      | 21 | Comminatio in prauaricatores.   | pag. 158 |
|      | 22 | De coniugio Clericis vitando &c.  | pag. 158 |

## Const. 28. De Obligatione & modo Canonicas dicendi horas.

- |      |   |   |          |
|------|---|---|----------|
|      | 1 | Clericos ad horarum Canonicarum preces astringi.  | pag. 159 |
|      | 2 | Clericum pœna amissionis fructuum, teneri ad recitationem horarum Canonicarum &c.   | pag. 161 |
|      | 3 | Clericos in sacris constitutos, non sacerdotes, intermitteutes orationem horarum, suspendi à promotione sequentium ordinum. | pag. 162 |
| Cap. | 4 | De pœna sacerdotis simplicis, negligentis horas Canonicas.  | pag. 162 |
|      | 5 | Ante missæ celebrationē, matutinarum preces prius absoluedas esse, & quæ pœna negligētes maneat.                            | pag. 163 |
|      | 6 | Ut Episcoporum Officiarij in huiusmodi animaduertant negligentēs.   | pag. 163 |
|      | 7 | De horis Canonicis cum deuotione perorandis.  | pag. 164 |

## Const. 29. De Clericis peregrinis, & alijs, absq; suorum Ordinariorum dimissorialibus literis, ab alienis Episcopis ordinatis.

d iij

pag. 164  
Cap.

# Index

- |  |  |   |
|--|--|---|
| Cap.   | 1 <i>Neminem extraneam, non solum Prouinciam, sed etiam Diocesim (nisi deuotionis gratia, et uisus formatis, si de dignis) ad exercenda sacerdotalia esse admissendum, nisi à suo Ordinario etc.</i> pag. 165    |   |
|  | 2 <i>Ab alijs Episcopis absque suorum Ordinarij di-<br/>missorijs, quomodocunque ordinatos, ad sacerdotium non admitti, nisi Ordinarijs suis, vel eorum Vicarijs generalibus sese præsentarint etc.</i> pag. 166 |   |
|  | 3 <i>De examine eorum qui aliunde ferunt dimissoriales, et qua poena fraudulentis sint afficiendi.</i> pag. 167  |   |
|  | 4 <i>Vbi, et quomodo puniri tempore suspensionis degere debeant.</i> pag. 168  |   |
| Const. 30.   | De vita regulari vtriusque sexus religiosorum, Canonicorum regularium, & monachorum, etiam mendicantium. pag. 169  |   |
|  | 1 <i>Præfatiuncula, siue exhortatio ad sequentium obseruationem.</i> pag. 169  |   |
|  | 2 <i>Vt sui ordinis regulam teneant, ac rite obseruent.</i> pag. 170   |   |
|  | 3 <i>Qui, et quomodo sint acceptandi, et non cogendi, ad quemq. ordinem, et quod ante etatem legitimam nemo ad professionem suscipiatur.</i> pag. 171  |   |
|  | 4 <i>De assumendis, et confirmandis monialibus.</i> pag. 172   |   |
|  | 5 <i>Nullam debere cogi, vel inuitam adduci ad ingressum Monasterij, vel habitum suscipiendum.</i> pag. 173  |   |
|  | 6 <i>De his, qui facta professione, ex ordine discedere cupiunt.</i> pag. 173  |   |
|  | Cap.   | 7 <i>De cura erudiendi, et informandi Monachos, et monachas iuniores.</i> pag. 174  |
|  |  | 8 <i>Vt religiosi vtriusque sexus circa diuina tam diurna quam nocturna officia, aliasq. munia Monastica diligenter sint.</i> pag. 175                                      |
|  |  | 9 <i>Monasticis personis non concedi licentiam euagandi.</i> pag. 177   |
|  |  | 10 <i>De tribus regularibus vite fundamentis, quorum primum est obedientia, quam si quispiam violauerit, eum iuxta illius regulam, absque venia puniri debere.</i> pag. 178 |
| 11 <i>Ne Prælati Monasterij cuiquam Monacho licentiã<br/>det extra</i> |  |   |

# Constitutionum.

det extra Monasterium ex quacumque causa commorandi sine sui Episcopi Ordinarij expresso consensu.

pag. 178

- 12 *Vi* religiosi, qui etiam cum bona superiorum venia aliquandiu extra monasterium fuere, illuc se recipiant, & qui sui ordinis habitum temere deposuerunt, acerrime puniantur. Si qui vero aliquā pretenderint legitimam, extra adhuc commorandi causam, Ordinarijs suis legendam atque approbandam exhibeant.

pag. 181

- 13 Quando, & quando liceat Monachis propter administrationem parochialem abesse à Monasterijs.

pag. 181

- 14 Monachos Ecclesijs Monasterio vnitis, siue commendatis, ministrare posse, dummodo regulariter ibidem viuunt.

pag. 182

- 15 Monachum ad Parochie curam, ob secularium sacerdotum defectum admissum, habere debere consortē, tanquam vitæ inspectorem ac testem, nisi fratrum penuria aliud facere cogeret.

pag. 183

Cap.

- 16 Monachos extra Monasterium, in Parochijs, vel alibi degentes, habitu regulari & aperto semper uti debere, nisi aliqua rationabilis causa aliter postulauerit, ab Ordinario approbanda &c.

pag. 184

- 17 Monachos exstrictiori se nō posse conferre ad laxiorem ordinem, nisi à sancta Sede obsepta facultate.

pag. 185

- 18 De religionis, siue in habitu seu absq̃, desertoribus, ad curam animarum non admittendis.

pag. 185

- 19 Apostatas à nullo, praesertim in dignitate constituto, tolerari, multo minus foveri debere.

pag. 186

- 20 *Vi* Apostatae sub pena excommunicationis latae sententiae &c. ad sua monasteria in spatio duorum mensium proximorum à praesentium publicatione redeant.

pag. 187

- 21 Penitentes quando mereantur veniam, & quomodo sint suscipiendi.

pag. 188

- 22 De his qui ob diffidentiam, ad sua Monasteria redire pertimescunt.

pag. 189

- 23 De pena & processu persederantiū in apostasia.

pag. 190

- 24 Ne quis apostatas occultet, vel domo excipiat.

pag. 190

25 De

# Index

- |  |    |  |          |
|--|----|--|----------|
|  | 25 | De castitate, quæ est alterum monasticorum fundamentum, ad quam utriusq; sexus religiosi apprimè exhortantur amplectendam, atq; conseruandam.                  | pag. 191 |
|  | 26 | Vt fœminæ abstineant à monasterijs virorum.  | pag. 193 |
|  | 27 | Quomodo circa fœminarum ministeria se gerere debeant, qui Parochiales administrant Ecclesias.  | pag. 193 |
|  | 28 | De pœna religiosorum prauaricantium legem castitatis.  | pag. 194 |
| Cap.   | 29 | De voto paupertatis, quod est tertium vite regularis fundamentum, & quomodo utriusq; sexus religiosi illud obseruare debent.                                   | pag. 194 |
|  | 30 | De diligentia superiorum circa monasticarum sanctiionum obseruantiam, & tam conseruatione, quàm instauracionem Bibliothecarum.                                 | pag. 196 |
|  | 31 | De souendis & conseruandis Monasteriorum scholis, & ab ijs quæ scholis carerent, instituendis.   | pag. 196 |
| <br>Conf. 3 1. De Monasterijs ab ordinariis obedientia olim exemptis, & sanctæ sedis Apostolicæ immediatè subiectis, nunc verò Ordinarijs iisdem restitutis. |    |  |          |
|  | 1  | Nimiam licentiam multis nocuisse Monasterijs.  | pag. 197 |
|  | 2  | De instituendis congregationibus Monasteriorum exemptorum, seu ipsis subiyciendis Ordinarijs.  | pag. 198 |
| Cap.   | 3  | Concluditur auctoritate sacrosancti Concilij Tridentini, vt monasteria exempta, Sediq; Apostolicæ immediatè subiecta, rursum subiyciantur suis Ordinarijs etc. | pag. 199 |
| <br>Conf. 3 2. De Fratribus mendicantibus.   |    |  |          |
| Cap.   | 1  | Vt Monachi mendicantes Episcopis suis sint in licitis & honestis subditi, & priuilegijs suis moderatè vtantur, & de eorum audiendis Confessionibus, ac vita.   | pag. 200 |
| <br>Conf. 3 3. De Monialibus.  |    |  |          |
|  | 1  | Præfatiuncula.   | pag. 201 |
| Cap.   | 2  | De monasterijs clausis, & restringenda vita monialium.   | pag. 202 |
|  | 3  | Quibus liceat ingredi Monasteria clausa.   | pag. 202 |
|  | 4  | Monia-   |          |

# Constitutionum.

- 4 *Moniales non solum viros intra monasteria non admittere, sed etiam ipsas euagari minime debere: et de Monasterijs extra ciuitates positis.* pag. 203
- Cap. { 5 *De Confessione, et Communione Monialium.* pag. 204
- 6 *Earundem monialium Monasteria, quae S. Sedis Apostolicae hactenus immediate fuerunt subiecta et ab Episcopis Ordinarijs in posterum esse gubernanda.* pag. 204
- Const. 34. *De Ecclesijs, siue Sacellis, vel Altaribus, annuis redditibus dotatis, & secundum fundatorum institutionem non prouisis, neque officiatis.* pag. 205
- 1 *De prouisione beneficiorum vacantium.* pag. 205
- 2 *Episcopi, ut praesentatos, non nisi idoneos confirmant, et de modo approbandi censem.* pag. 206
- Cap. { 3 *De tempore praesentandi.* pag. 207
- 4 *De poena praesentantium indignos.* pag. 207
- 5 *Quibus praesentare liceat.* pag. 207
- 6 *De officio beneficiatorum.* pag. 207
- 7 *Ut Officiales circa vacantes Ecclesias perquirendas sint vigilantes.* pag. 208
- Const. 35. *De Ecclesijs Collapsis.* pag. 208
- 1 *Praefatiuncula ad sequentia capita.* pag. 208
- 2 *De ruinosis Parochialibus Ecclesijs resarciendis, et collapsis reficiendis.* pag. 209
- Cap. { 3 *De Ecclesijs etiam non curatis, sed sacelli populo utilibus, et redditus annales habentibus, instaurandis, et alijs loco minus commodis transferendis.* pag. 210
- 4 *A brutorum accessu munienda esse Sacella, atque altaria, extra Ecclesias constructa.* pag. 211
- Const. 36. *De Prophanantibus Ecclesias, vel coemiteria.* pag. 211
- Cap. 1 *Quomodo plectendi sunt, qui loca sacra polluant.* pag. 211
- Const. 37. *De rebus Ecclesiarum, & Monasteriorum non alienandis.* pag. 211
- Cap. { 1 *Ne res Ecclesiae alienentur, neque dissipentur, aut distrabantur, sed tanquam propriae conseruentur.* pag. 211
- 2 *De non alienandis rebus Ecclesiasticis immobilibus, seu mobilibus*



- mobilibus insignioribus, sine Ordinatorum licentia  
 in scriptis obtenta. pag. 212
- 3 Ne rerum Ecclesiasticarum dispensatores, res alienum  
 contrahant, neq. res sacræ oppignorentur, nisi in eui-  
 denti necessitate & utilitate. pag. 213
- 4 De conscribendis prædijs, & redditibus Ecclesiarum,  
 ipsiq. sub tuta custodia conservandis. pag. 213
- 5 De rationibus propter annuos redditus præstandis. pag. 214.
- 6 Prælatos, vel quomodocumq. beneficiatos, qui sui iura-  
 menti immemores, propria temeritate, bona Eccle-  
 siastica alienauerint, tanquam periueros, & suæ Ec-  
 clesie defraudatores acerrimè puniri debere. pag. 214
- 7 De inuentarijs bonorum Ecclesiasticorum, tam mobilium,  
 quàm immobilium conscribendis, eo tempore, quo il-  
 larum Ecclesiarum alicui datur possessio. pag. 215
- 8 Clericos, præsertim beneficiatos, studiosè inquirere debere  
 qualescunque occupatores, seu detentores, aut  
 spoliatores rerum Ecclesiasticarum, tam immobi-  
 lium, quàm mobilium, eosque suis patefacere Or-  
 dinarijs. pag. 216
- 9 Modus conservandi Ecclesiarum indemnitate. pag. 216
- 10 De pena abutentium bonis Ecclesiasticis. pag. 217
- Const. 38. De Immunitatibus & privilegijs Ecclesia-  
 rum, & Clericorum.** pag. 217
- 1 Admonetur magistratus secularis, ut defendat, ac con-  
 servet immunitates, & Privilegia Ecclesiarum. pag. 217
- 2 Ne quis Clericorum, seculari se subdat dominio, neq. de  
 manu laici Prælaturam, aut beneficium, curatum,  
 vel non curatum, eiusdemque investituram accipere  
 præsumat. pag. 218
- 3 Ne ob delictum, vel culpam, aut debitum ministri, ple-  
 flatur, aut cogatur Ecclesia. pag. 219
- Const. 39. De Iudiciali foro Ecclesiastico.** pag. 220
- 1 De Conservanda iurisdictione spiritali, quam laicalis  
 Magistratus usurpare nullo pacto debet. pag. 220
- 2 Ne Clericus citetur ad forumulare, & quæ pena  
 huius sanctionis transgressoribus imminet. pag. 222
- 3 Criminosos Clericos, ubi de fuga timor est, à seculari  
 magistratu



# Constitutionum.

magistratu simpliciter capi, & Ordinarijs presenta-  
ri posse &c. pag. 113

4 Quibus viris prospectum esse debeat Confessorio, & d  
quibus iidem se abstinere debeant. pag. 113

5 Ve quilibet Iudex Ecclesiasticus, suum habeat Notarium,  
procuratores, & cursorem vnum, vel plures, iuxta  
necessitatem, omnes iuratos &c. pag. 114

Cap. 6 Ne corporalis poena conuertatur in multam. pag. 115

7 De honestate Iudicum, Notariorum, Procuratorum, &  
cursorum Confessorij. pag. 115

8 De publicandis citationibus, mandatis, executoriali-  
bus &c. pag. 116

9 De causa in Citationibus assignanda, & Aduocatis,  
Procuratoribusq; etiam extraneis, a partibus citatis  
assumendis. pag. 116

Const. 40. De Notarijs fori Ecclesiastici. pag. 117

Cap. 1 Quales sint cooptandi Notarij, & de iuramento fideiq;  
professione eorum. pag. 117

Const. 41. De decimis, oblationibus, & collecturis. pag. 119

Cap. 1 Decimas veteri ac nouo iure persolendas esse. pag. 119

2 Ex omnibus fructibus decimas dari debere. pag. 120

3 Oblationes, & collecturas, iuxta antiquam huius Pro-  
uincia consuetudinem, fieri praecipitur. pag. 121

Const. 42. De sacrosanctis Sacramentis Ecclesiae Dei,  
ac eorundem administratione. pag. 122

1 De septem Sacramentis, eorumque virtute, & qua pu-  
blicitus de hisce sint enuncianda. pag. 122

2 Declaratio Sacramentorum magna ex parte refertur  
ad librum Agendorum. pag. 123

Cap. 3 Etiam hic nonnulla tractari de Sacramentis, in libro  
Agendorum non contenta. pag. 124

4 Ministros Sacramentorum inculpatae vitae, bonorum-  
que morum esse debere, licet Sacramentorum vir-  
tus accipientis non adimatur propter ministri ini-  
quitatem. pag. 124

5 De constituenda commoditate administrandorum Sa-  
cramentorum in locis a parochia distantibus. pag. 124

e ij 6 De

# Index

- 16 De sustentatione sacerdotum recentiorum Ecclesiarum  
curatarum. pag. 235
- 7 Iustam provisionem sacerdotum circa numerosam ple-  
bem fieri debere. pag. 235
- Cap. 8 De ceremonijs circa sacramentorū administrationem,  
iuxta Catholica Rom. & uniuersalis Ecclesie tra-  
ditionem obseruandis. pag. 236
- 9 De Sacramentorum explanatione, cum administran-  
tur, ab Episcopis, atq; Parochis facienda. pag. 236
- Const. 43. De Baptismo. pag. 237
- 1 Baptismum infantium ultra octiduum non esse diffe-  
rendum. pag. 237
- Cap. 2 De instruendis obstetricibus circa subitaneum Baptis-  
ma. pag. 237
- 3 Quibus non liceat, nisi in Ecclesijs, baptizari. pag. 238
- 4 De diligentia circa illinitionem Chrismatis. pag. 239
- Const. 44. De Confirmatione. pag. 239
- 1 Ut Episcopi frequentent vsu Confirmationis, & quot  
annorum debeat esse confirmandus. pag. 239
- 2 Ut Concionatores competenti tempore hoc Sacramen-  
tum populo exponant, atq; declarent. pag. 240
- Cap. 3 Tempore quo Episcopi hoc Confirmationis Sacramen-  
tum sunt ministraturi, visitationes iuxta per ean-  
dem partem Diocesis fieri debere. pag. 240
- 4 De spirituali designatione circa Baptismi, & Confirma-  
tionis Sacramenta, contracta. pag. 241
- Const. 45. De Poenitentia. pag. 241
- 1 De vsu confutendi peccata, & qualitatibus Confesso-  
rum. pag. 241
- 2 In quibus admonendi sint Confessores. pag. 242
- 3 De Poenitentiaris instituendis, vbi non habemur, &  
eorum officio. pag. 243
- Cap. 4 Neg. simplici sacerdoti, aut extraneo, licere absolueri,  
nisi is fuerit legitime deputatus: neq; exposito, a casi-  
bus non concessus, nisi obtenta prius facultate. pag. 244
- 5 De publicatione Confessorum. pag. 245
- 6 De annotatione, & animaduersione in eos qui Confes-  
sionem intermiserint. pag. 245
- 7 De Confessione sacerdotum, & eius rei testimonio. pag. 245
- Const. 46.

# Constitutionum.

**Const. 46.** De sententijs excommunicationum, aliarum-  
que censurarum, & irregularitatis. pag. 246

- 1 *Pœnas censurarum Ecclesiasticarum, & irregularita-  
tis &c. per iura recentiora non reuocatas &c. in suo  
robore permanere.* pag. 246
- 2 *De excommunicatione moderatè vsurpanda.* pag. 247
- Cap. 3 *De animaduersione Decreti Constantiensis Concilij si-  
per ipsis censuris obseruandi.* pag. 247
- 4 *De pœna sacrificantium in excommunicatione consti-  
tutorum.* pag. 248
- 5 *Cetera in Agendario esse perquirenda.* pag. 248

**Const. 47.** De Augustissima Eucharistia, & Missæ ce-  
lebratione. pag. 249

- 1 *Circa Sacramentum Eucharistiæ, omnia, quæ in Agen-  
dario præscripta sunt, esse obseruanda.* pag. 249
- 2 *De modo consecrandi Eucharistiæ, cui si quispiam te-  
merarius contraxerit, quomodo sit pletendus.* pag. 250
- 3 *De pœna celebrantium, vel quomodocunque communi-  
cantium sacerdotum sine præsentia sacramentali Con-  
fessione.* pag. 250
- 4 *De pœna non ordinatorum, semerè sacrificantium, aut  
quidpiam aliud diuinum tractantium.* pag. 251
- 5 *De non porrigendo Sacramento, nisi Confessis.* pag. 251
- Cap. 6 *Ut Parochi ea obseruent, quæ in præcedenti Const. de pœ-  
nit. cap. 6. sunt dicta, in annotandis videlicet omni-  
bus & singulis vtriusq; sexus, suis capacibus Paro-  
chianis, qui tempore Pasch. præmissa sacramentali  
Confess. communicarunt, & qui id agere contempse-  
runt.* pag. 252
- 7 *Eucharistiæ contemptores, sacra prinandos esse sepul-  
tura.* pag. 253
- 8 *De pœna sacerdotum, qui Eucharistiæ parum cautè  
conseruant.* pag. 253
- 9 *Pœnes quos clauæ S.S. Eucharistiæ, & sacrorum liquo-  
rum conseruari debeant.* pag. 253

**Const. 48.** De sacris Ordinibus. pag. 254

- Cap. 1 *Refert se ad ea quæ superius in Const. 22. & in Agen-  
dario sunt dicta.* pag. 254

# Index

Const. 42.	De Matrimonio.	pag. 254
	1 Relatio ad Agentarium, in quo satis traduntur, quæ ad huius Sacramenti administrationem videntur necessaria.	pag. 254
	2 De ritu benedicendi desponsatos.	pag. 255
Cap.	3 Quibus liceat decidere causas Matrimoniales.	pag. 255
	4 Matrimonium clandestinum à Concilio Tridentino laudabiliter esse abolitum.	pag. 256
	5 De diuorijis, et eorum accurata tractatione.	pag. 257
	6 De pœna coniugum pertinaciter dissidentium, et non cohabitantium.	pag. 258
Const. 50.	De Extrema vnctione.	pag. 259
Cap.	1 Vt Extrema vnctionis Sacramentum apud Parochos in crebriorem vsum, iuxta Agendary præscriptum modum, reducat, et quæ pœna id negligentes mereatur.	pag. 259
Const. 51.	De Funeribus, sepultura, & exequijs.	pag. 260
	1 De ritu inferendi fideles mortuos sepultura.	pag. 261
	2 De processione funerali.	pag. 261
	3 De sumptibus funerum.	pag. 262
	4 De compellendis heredibus ad pias Cereemonias defuncto adhibendas.	pag. 262
Cap.	5 Vt post funeralia, reliqui dies exequiarum celebrentur, pauperibusq; elemosynæ erogentur.	pag. 262
	6 Ne quid ultra morem solitum in exequijs habendis exigatur.	pag. 263
	7 De modo in posterum circa exequiarum sumptus constituendo.	pag. 263
	8 De modestia in parentalibus seruanda.	pag. 263
	9 Qui à sacra sepultura sint arcendi.	pag. 264
Const. 52.	De Simonia.	pag. 264
Cap.	1 De vitanda Simonia, quauis hæresi pestilentiore.	pag. 264
	2 Qui circa hanc labem plectendi veniant.	pag. 266
	3 Instas exactiones non esse negligendas.	pag. 267
Const. 53.	De Rogationum processionibus.	pag. 267
Cap.	1 De causa, et origine supplicij precum, vel, vt vocant, Processionum, earumq; frequentatione.	pag. 267
	2 De ritu, ac Cereemonijs licentiarum, seu Processionum.	pag. 286
	Const. 54.	

# Constitutionum.

- Const. 54. De Cantionibus, diuersis temporibus, in  
Ecclesijs cantandis. pag. 270
- Cap. 1. *Ut plebi, statis anni temporibus, solita ac approbata in  
Ecclesijs maneant Cautiones vulgares, in Agendario  
descriptae, aut ab Ordinarijs approbatae.* pag. 270
- Const. 55. De diebus festis, & eorū sanctificatione. pag. 270
- Cap. 1. *Instructio & annunciatio festorum dierum ex Agen-  
dario discenda.* pag. 270
- Const. 56. De obseruatione ieiuniorum. pag. 271
- Cap. 1. *De indicendis, atque obseruandis Ecclesiae ieiunijs, &  
poena prauaricantium.* pag. 271
- Const. 57. De disciplina Populi. pag. 273
1. *Præfatio continens ex corpore naturali comparationem  
sacralis status, ad corpus mysticū, cuius velut ani-  
ma censentur Clerici.* pag. 273
2. *De reuerentia Populi in Clerum, & obedientia erga  
proprijs sacerdotes.* pag. 274
3. *Quod Prælati, & Parochi, etiam dyscolis sit obedi-  
endum.* pag. 276
4. *De supercilio plebeio vitando, id est, ne Clerum indi-  
care, vel carpere præsumant.* pag. 276
5. *Malos sacerdotes à Deo propter Populi peccata quan-  
doque dari.* pag. 278
6. *De reconciliatione Populi per pœnitentiam.* pag. 279
7. *De instructione populi circa pœnitentiae usum.* pag. 279
- Cap. 8. *De oratione Populi.* pag. 280
9. *De oratione peragenda in Ecclesia, siue templo, ut potè  
orationis domo.* pag. 281
10. *De modestia & deuotione exercenda in Templis.* pag. 282
11. *De mercatoribus, Nundinarum tempore à liminibus,  
porticibus, & continentijs Templorū arcendis.* pag. 283
12. *Ne, præsertim inter sacra, vel conciones, vtenfilia fe-  
rantur per templa.* pag. 285
13. *De non ingrediendo Ecclesias cum armis maioribus  
alijsq; profanis.* pag. 286
14. *Ne mendici inter sacra, homines eleemosynarum exa-  
llione turbent.* pag. 286
15. *De vsurarijs, & seneratoribus extirpandis.* pag. 286

# Index

Cap.	16	De inuocatione brachij secularis, pro euellendis publicis criminibus, & flagitijs, præsertim blasphemia, adulterio, cœcubinatu, siue fornicatione publica, cum ebrietate, & id genus alijs.	pag. 288
	17	De homicidijs, siue homicidis tollendis.	pag. 289
	18	De puniendis fraudulentis, & impostoribus.	pag. 289
	19	De cura lactantium circa infantes.	pag. 290
Const. 58.	Ad Principes & alios Dominos in Prouincia Salisburgensi, secularem iurisdictionem habentes, eorumq; delegatos Magistratus.		pag. 291
Cap.	1	De potestate ac imperio Principum, & Magistratum, in subditos exercendo, eorq; in vniuersitate Catholica Ecclesie retinendo.	pag. 291
	2	Principes nō solum liberales esse in Ecclesias, sed etiam earundē priuilegia et immunitates tueri debere.	pag. 292
	3	De prudentia, & circumspectione Principum, circa delegatos suos, quos inferiores magistratus vocant.	pag. 294
	4	Ut Episcopi, & Prælati alij, iurisdictionem temporalem habentes, circa delegationes suorum Officialium, seu Magistratus gerentium, sint pariter cauti, ac diligentes.	pag. 296
Const. 59.	De Scholis, & earum Moderatoribus.		pag. 297
Cap.	1	De instructione Ludimoderatorum.	pag. 297
	2	De scholis instituendis, augendis, & conseruandis.	pag. 298
	3	De subsidio cōtribuendo ad alēdos egenos studiosos.	pag. 299
	4	De Ludimoderatorum delectu, atque eorundem fidei professione.	pag. 299
	5	De non assumendis, neq; admittendis in Ludimoderatores, vel Collaboratores, seu Padagogos etc. qui in vniuersitatibus, siue scholis infectis, aut suspectis, operam dederunt literis, nisi per triennium proxime præteritum, inter Catholicos, & Catholice fuerint conuersati, cuius rei sufficiens habere debent testimonium.	pag. 300
	6	De auctoribus inuentuti prælegendis.	pag. 300
	7	De diligentia Magistrorum circa instituendam iuuentutem tam in moribus, quam doctrinā.	pag. 301



# Constitutionum.

	8	De methodo docendi, ac disciplina modestia.	pag. 302
	9	De stipendijs Ludirectorum.	pag. 303
	10	Ne Scholasticis venticantibus liceat vulgares, neq; infestas, aut nonas, ab Ecclesia Catholica non appro- batas, decantare canitonas.	pag. 304
Cap.	11	De cura, et officio vulgarium Scholarum Magistro- rum.	pag. 305
	12	Visitatores Scholarum inspectione curare debere.	pag. 306
	13	De scholasticis inuenibus, ad Chorales cantiones assue- faciendis.	pag. 306
Const. 60.		De seminario Clericorum.	pag. 307
	1	De utilitate Seminariorum, et a quibus ea sint insti- tuenda.	pag. 307
Cap.	2	De conscribenda forma seminariorum.	pag. 310
	3	De alendis Scholasticis a quatuor inferioribus suffra- ganeis.	pag. 311
Const. 61.		De Xenodochijs, quæ hospitalia dicun- tur.	pag. 311
	1	De incommodis Xenodochiorum reparandis.	pag. 311
	2	De Xenodochiorum æconomis.	pag. 312
Cap.	3	De ratione æconomorum.	pag. 313
	4	De visitatione Xenodochiorum, eorumque reductio- ne, in quantum possibilitas permittit, ad fundatorum institutionem.	pag. 313
Const. 62.		De Visitationibus.	pag. 313
	1	De necessitate, ac utilitate visitationum.	pag. 314
	2	De ordine visitandi quasq; Ecclesias.	pag. 318
	3	De visitatione Prælatorum, et Officialium Ecclesia- sticorum.	pag. 318
Cap.	4	De visitatione minorum Clericorum.	pag. 319
	5	De visitatione suorum aliorumq;.	pag. 319
	6	De visitatione Parochialium Ecclesiarum.	pag. 320
	7	De inquirendo numero Cooperatarum retinendorum, et concione in visitationibus habenda.	pag. 320
	8	De quibus inuestigandum sit apud Parochos, et eorum- dem Cooperatores.	pag. 321
	9	De morum inquisitione.	pag. 322
		10 De	



# Index

	10	De inquisitione populari, & educatione iuuentutis, atq; visitatione Xenodochiorum.	pag. 323
	11	De inuestigatione pauperum Xenodochij.	pag. 324
	12	De admonitione, & correctione lapsorum in hereses, nec non aliorum criminoforum.	pag. 324
	13	Visitationes per eadem loca, eademque tempora, fieri debere, in quibus Episcopi Sacramentum conferunt Confirmationis.	pag. 325
	14	Per visitationes generales non tolli speciales, quæ ab inferioribus Officialibus fieri solent.	pag. 326
	15	De visitatione Archidiaconorum, & aliorum Ecclesiastica munera ferentium.	pag. 326
Cap.	16	De visitatione Monasteriorum.	pag. 326
	17	De inquisitione Prælatorum religiosorum.	pag. 327
	18	De visitatione Officialium monasticorum.	pag. 327
	19	De ratiocinijs Monasteriorum.	pag. 327
	20	De numero conuentualium perquirendo.	pag. 328
	21	De visitatione Monialium.	pag. 328
	22	In visitationibus vtriusque sexus religiosorum, tam ea quæ in hac, quam quæ in superiori Const. xxx. sunt notata, observari prorsus debere.	pag. 328
	23	Ahortatio ad Monasteria, ab Ordinarijs Episcopis exempta.	pag. 328
	24	De scopo, & summa visitationis.	pag. 329
	25	De visitationum sumptibus, atque eorum moderatione.	pag. 329
Const. 63.		De Pœnis.	pag. 331
Cap.	1	Vt delinquentes meritis afficiantur pœnis.	pag. 331
	2	Ne multa, ob auaritiam, exigatur.	pag. 332
	3	Ne pœna excedat delictum.	pag. 333
Const. 64.		De Synodis celebrandis.	pag. 334
	1	De institutione, diuisione, vsu, commodo, necessitate, ac translatione Synodorum.	pag. 334
	2	De Synodis diœcesanis.	pag. 338
Cap.	3	Singulo quoque triennio, Prouinciales Synodos esse habendas.	pag. 339
	4	Synodis habendis nunc certum tempus præfigi non posse.	pag. 339

# Constitutionum.

Cap.	{	5 De controuersijs in Synodis proponendis, ac dirimen-	
		dis.	pag. 339
		6 De publicatione Constitutionum Synodaliū.	pag. 340
Const. 65.	{	7 De inspectoribus defectuum constituendis.	pag. 340
		De Fine huius sanctæ Synodi.	pag. 341
		1 Gratiarum actio ad Deum propter bonum Synodi fi-	
Cap.	{	nem.	pag. 341
		2 Approbatio Synodaliū constitutionum per Metro-	
		politaniū.	pag. 342
		3 De obseruatione harum Constitutionum Synoda-	
	{	liū.	pag. 342
		4 Protestatio de saluo iudicio, & autoritate Aposto-	
		lica.	pag. 343
		Subscriptiones Patrum.	pag. 344-345
	{	Testimonia Notariorum.	pag. 346
		Breuia Apostolica	pag. 358-361
		Mandatum Archiepiscopi.	pag. 363
		Orationes in hac Synodo, & in eius publicatione habi-	
	{	ta.	pag. 366-380-390-401



# Table of Contents

1	Introduction	1
2	Chapter I	2
3	Chapter II	3
4	Chapter III	4
5	Chapter IV	5
6	Chapter V	6
7	Chapter VI	7
8	Chapter VII	8
9	Chapter VIII	9
10	Chapter IX	10
11	Chapter X	11
12	Chapter XI	12
13	Chapter XII	13
14	Chapter XIII	14
15	Chapter XIV	15
16	Chapter XV	16
17	Chapter XVI	17
18	Chapter XVII	18
19	Chapter XVIII	19
20	Chapter XIX	20
21	Chapter XX	21
22	Chapter XXI	22
23	Chapter XXII	23
24	Chapter XXIII	24
25	Chapter XXIV	25
26	Chapter XXV	26
27	Chapter XXVI	27
28	Chapter XXVII	28
29	Chapter XXVIII	29
30	Chapter XXIX	30
31	Chapter XXX	31
32	Chapter XXXI	32
33	Chapter XXXII	33
34	Chapter XXXIII	34
35	Chapter XXXIV	35
36	Chapter XXXV	36
37	Chapter XXXVI	37
38	Chapter XXXVII	38
39	Chapter XXXVIII	39
40	Chapter XXXIX	40
41	Chapter XL	41
42	Chapter XLI	42
43	Chapter XLII	43
44	Chapter XLIII	44
45	Chapter XLIV	45
46	Chapter XLV	46
47	Chapter XLVI	47
48	Chapter XLVII	48
49	Chapter XLVIII	49
50	Chapter XLIX	50
51	Chapter L	51
52	Chapter LI	52
53	Chapter LII	53
54	Chapter LIII	54
55	Chapter LIV	55
56	Chapter LV	56
57	Chapter LVI	57
58	Chapter LVII	58
59	Chapter LVIII	59
60	Chapter LIX	60
61	Chapter LX	61
62	Chapter LXI	62
63	Chapter LXII	63
64	Chapter LXIII	64
65	Chapter LXIV	65
66	Chapter LXV	66
67	Chapter LXVI	67
68	Chapter LXVII	68
69	Chapter LXVIII	69
70	Chapter LXIX	70
71	Chapter LXX	71
72	Chapter LXXI	72
73	Chapter LXXII	73
74	Chapter LXXIII	74
75	Chapter LXXIV	75
76	Chapter LXXV	76
77	Chapter LXXVI	77
78	Chapter LXXVII	78
79	Chapter LXXVIII	79
80	Chapter LXXIX	80
81	Chapter LXXX	81
82	Chapter LXXXI	82
83	Chapter LXXXII	83
84	Chapter LXXXIII	84
85	Chapter LXXXIV	85
86	Chapter LXXXV	86
87	Chapter LXXXVI	87
88	Chapter LXXXVII	88
89	Chapter LXXXVIII	89
90	Chapter LXXXIX	90
91	Chapter LXXXX	91
92	Chapter LXXXXI	92
93	Chapter LXXXXII	93
94	Chapter LXXXXIII	94
95	Chapter LXXXXIV	95
96	Chapter LXXXXV	96
97	Chapter LXXXXVI	97
98	Chapter LXXXXVII	98
99	Chapter LXXXXVIII	99
100	Chapter LXXXXIX	100
101	Chapter LXXXXX	101
102	Chapter LXXXXXI	102
103	Chapter LXXXXXII	103
104	Chapter LXXXXXIII	104
105	Chapter LXXXXXIV	105
106	Chapter LXXXXXV	106
107	Chapter LXXXXXVI	107
108	Chapter LXXXXXVII	108
109	Chapter LXXXXXVIII	109
110	Chapter LXXXXXIX	110
111	Chapter LXXXXXX	111
112	Chapter LXXXXXXI	112
113	Chapter LXXXXXXII	113
114	Chapter LXXXXXXIII	114
115	Chapter LXXXXXXIV	115
116	Chapter LXXXXXXV	116
117	Chapter LXXXXXXVI	117
118	Chapter LXXXXXXVII	118
119	Chapter LXXXXXXVIII	119
120	Chapter LXXXXXXIX	120
121	Chapter LXXXXXXX	121
122	Chapter LXXXXXXXI	122
123	Chapter LXXXXXXXII	123
124	Chapter LXXXXXXXIII	124
125	Chapter LXXXXXXXIV	125
126	Chapter LXXXXXXXV	126
127	Chapter LXXXXXXXVI	127
128	Chapter LXXXXXXXVII	128
129	Chapter LXXXXXXXVIII	129
130	Chapter LXXXXXXXIX	130
131	Chapter LXXXXXXXI	131
132	Chapter LXXXXXXXII	132
133	Chapter LXXXXXXXIII	133
134	Chapter LXXXXXXXIV	134
135	Chapter LXXXXXXXV	135
136	Chapter LXXXXXXXVI	136
137	Chapter LXXXXXXXVII	137
138	Chapter LXXXXXXXVIII	138
139	Chapter LXXXXXXXIX	139
140	Chapter LXXXXXXXI	140
141	Chapter LXXXXXXXII	141
142	Chapter LXXXXXXXIII	142
143	Chapter LXXXXXXXIV	143
144	Chapter LXXXXXXXV	144
145	Chapter LXXXXXXXVI	145
146	Chapter LXXXXXXXVII	146
147	Chapter LXXXXXXXVIII	147
148	Chapter LXXXXXXXIX	148
149	Chapter LXXXXXXXI	149
150	Chapter LXXXXXXXII	150
151	Chapter LXXXXXXXIII	151
152	Chapter LXXXXXXXIV	152
153	Chapter LXXXXXXXV	153
154	Chapter LXXXXXXXVI	154
155	Chapter LXXXXXXXVII	155
156	Chapter LXXXXXXXVIII	156
157	Chapter LXXXXXXXIX	157
158	Chapter LXXXXXXXI	158
159	Chapter LXXXXXXXII	159
160	Chapter LXXXXXXXIII	160
161	Chapter LXXXXXXXIV	161
162	Chapter LXXXXXXXV	162
163	Chapter LXXXXXXXVI	163
164	Chapter LXXXXXXXVII	164
165	Chapter LXXXXXXXVIII	165
166	Chapter LXXXXXXXIX	166
167	Chapter LXXXXXXXI	167
168	Chapter LXXXXXXXII	168
169	Chapter LXXXXXXXIII	169
170	Chapter LXXXXXXXIV	170
171	Chapter LXXXXXXXV	171
172	Chapter LXXXXXXXVI	172
173	Chapter LXXXXXXXVII	173
174	Chapter LXXXXXXXVIII	174
175	Chapter LXXXXXXXIX	175
176	Chapter LXXXXXXXI	176
177	Chapter LXXXXXXXII	177
178	Chapter LXXXXXXXIII	178
179	Chapter LXXXXXXXIV	179
180	Chapter LXXXXXXXV	180
181	Chapter LXXXXXXXVI	181
182	Chapter LXXXXXXXVII	182
183	Chapter LXXXXXXXVIII	183
184	Chapter LXXXXXXXIX	184
185	Chapter LXXXXXXXI	185
186	Chapter LXXXXXXXII	186
187	Chapter LXXXXXXXIII	187
188	Chapter LXXXXXXXIV	188
189	Chapter LXXXXXXXV	189
190	Chapter LXXXXXXXVI	190
191	Chapter LXXXXXXXVII	191
192	Chapter LXXXXXXXVIII	192
193	Chapter LXXXXXXXIX	193
194	Chapter LXXXXXXXI	194
195	Chapter LXXXXXXXII	195
196	Chapter LXXXXXXXIII	196
197	Chapter LXXXXXXXIV	197
198	Chapter LXXXXXXXV	198
199	Chapter LXXXXXXXVI	199
200	Chapter LXXXXXXXVII	200
201	Chapter LXXXXXXXVIII	201
202	Chapter LXXXXXXXIX	202
203	Chapter LXXXXXXXI	203
204	Chapter LXXXXXXXII	204
205	Chapter LXXXXXXXIII	205
206	Chapter LXXXXXXXIV	206
207	Chapter LXXXXXXXV	207
208	Chapter LXXXXXXXVI	208
209	Chapter LXXXXXXXVII	209
210	Chapter LXXXXXXXVIII	210
211	Chapter LXXXXXXXIX	211
212	Chapter LXXXXXXXI	212
213	Chapter LXXXXXXXII	213
214	Chapter LXXXXXXXIII	214
215	Chapter LXXXXXXXIV	215
216	Chapter LXXXXXXXV	216
217	Chapter LXXXXXXXVI	217
218	Chapter LXXXXXXXVII	218
219	Chapter LXXXXXXXVIII	219
220	Chapter LXXXXXXXIX	220
221	Chapter LXXXXXXXI	221
222	Chapter LXXXXXXXII	222
223	Chapter LXXXXXXXIII	223
224	Chapter LXXXXXXXIV	224
225	Chapter LXXXXXXXV	225
226	Chapter LXXXXXXXVI	226
227	Chapter LXXXXXXXVII	227
228	Chapter LXXXXXXXVIII	228
229	Chapter LXXXXXXXIX	229
230	Chapter LXXXXXXXI	230
231	Chapter LXXXXXXXII	231
232	Chapter LXXXXXXXIII	232
233	Chapter LXXXXXXXIV	233
234	Chapter LXXXXXXXV	234
235	Chapter LXXXXXXXVI	235
236	Chapter LXXXXXXXVII	236
237	Chapter LXXXXXXXVIII	237
238	Chapter LXXXXXXXIX	238
239	Chapter LXXXXXXXI	239
240	Chapter LXXXXXXXII	240
241	Chapter LXXXXXXXIII	241
242	Chapter LXXXXXXXIV	242
243	Chapter LXXXXXXXV	243
244	Chapter LXXXXXXXVI	244
245	Chapter LXXXXXXXVII	245
246	Chapter LXXXXXXXVIII	246
247	Chapter LXXXXXXXIX	247
248	Chapter LXXXXXXXI	248
249	Chapter LXXXXXXXII	249
250	Chapter LXXXXXXXIII	250
251	Chapter LXXXXXXXIV	251
252	Chapter LXXXXXXXV	252
253	Chapter LXXXXXXXVI	253
254	Chapter LXXXXXXXVII	254
255	Chapter LXXXXXXXVIII	255
256	Chapter LXXXXXXXIX	256
257	Chapter LXXXXXXXI	257
258	Chapter LXXXXXXXII	258
259	Chapter LXXXXXXXIII	259
260	Chapter LXXXXXXXIV	260
261	Chapter LXXXXXXXV	261
262	Chapter LXXXXXXXVI	262
263	Chapter LXXXXXXXVII	263
264	Chapter LXXXXXXXVIII	264
265	Chapter LXXXXXXXIX	265
266	Chapter LXXXXXXXI	266
267	Chapter LXXXXXXXII	267
268	Chapter LXXXXXXXIII	268
269	Chapter LXXXXXXXIV	269
270	Chapter LXXXXXXXV	270
271	Chapter LXXXXXXXVI	271
272	Chapter LXXXXXXXVII	272
273	Chapter LXXXXXXXVIII	273
274	Chapter LXXXXXXXIX	274
275	Chapter LXXXXXXXI	275
276	Chapter LXXXXXXXII	276
277	Chapter LXXXXXXXIII	277
278	Chapter LXXXXXXXIV	278
279	Chapter LXXXXXXXV	279
280	Chapter LXXXXXXXVI	280
281	Chapter LXXXXXXXVII	281
282	Chapter LXXXXXXXVIII	282
283	Chapter LXXXXXXXIX	283
284	Chapter LXXXXXXXI	284
285	Chapter LXXXXXXXII	285
286	Chapter LXXXXXXXIII	286
287	Chapter LXXXXXXXIV	287
288	Chapter LXXXXXXXV	288
289	Chapter LXXXXXXXVI	289
290	Chapter LXXXXXXXVII	290
291	Chapter LXXXXXXXVIII	291
292	Chapter LXXXXXXXIX	292
293	Chapter LXXXXXXXI	293
294	Chapter LXXXXXXXII	294
295	Chapter LXXXXXXXIII	295
296	Chapter LXXXXXXXIV	296
297	Chapter LXXXXXXXV	297
298	Chapter LXXXXXXXVI	298
299	Chapter LXXXXXXXVII	299
300	Chapter LXXXXXXXVIII	300
301	Chapter LXXXXXXXIX	301
302	Chapter LXXXXXXXI	302
303	Chapter LXXXXXXXII	303
304	Chapter LXXXXXXXIII	304
305	Chapter LXXXXXXXIV	305
306	Chapter LXXXXXXXV	306
307	Chapter LXXXXXXXVI	307
308	Chapter LXXXXXXXVII	308
309	Chapter LXXXXXXXVIII	309
310	Chapter LXXXXXXXIX	310
311	Chapter LXXXXXXXI	311
312	Chapter LXXXXXXXII	312
313	Chapter LXXXXXXXIII	313
314	Chapter LXXXXXXXIV	314
315	Chapter LXXXXXXXV	315
316	Chapter LXXXXXXXVI	316
317	Chapter LXXXXXXXVII	317
318	Chapter LXXXXXXXVIII	318
319	Chapter LXXXXXXXIX	319
320	Chapter LXXXXXXXI	320
321	Chapter LXXXXXXXII	321
322	Chapter LXXXXXXXIII	322
323	Chapter LXXXXXXXIV	323
324	Chapter LXXXXXXXV	324
325	Chapter LXXXXXXXVI	325
326	Chapter LXXXXXXXVII	326
327	Chapter LXXXXXXXVIII	327
328	Chapter LXXXXXXXIX	328
329	Chapter LXXXXXXXI	329
330	Chapter LXXXXXXXII	330
331	Chapter LXXXXXXXIII	331
332	Chapter LXXXXXXXIV	332
333	Chapter LXXXXXXXV	333
334	Chapter LXXXXXXXVI	334
335	Chapter LXXXXXXXVII	335
336	Chapter LXXXXXXXVIII	336
337	Chapter LXXXXXXXIX	337
338	Chapter LXXXXXXXI	338
339	Chapter LXXXXXXXII	339
340	Chapter LXXXXXXXIII	340
341	Chapter LXXXXXXXIV	341
342	Chapter LXXXXXXXV	342
343	Chapter LXXXXXXXVI	343
344	Chapter LXXXXXXXVII	344
345	Chapter LXXXXXXXVIII	345
346	Chapter LXXXXXXXIX	346
347	Chapter LXXXXXXXI	347
348	Chapter LXXXXXXXII	348
349	Chapter LXXXXXXXIII	349
350	Chapter LXXXXXXXIV	350
351	Chapter LXXXXXXXV	351
352	Chapter LXXXXXXXVI	352
353	Chapter LXXXXXXXVII	353
354	Chapter LXXXX	

# CONSTITVTIO<sup>I</sup> NES ET DECRETA IN PROVINCIALI SYNODO SALIS- BURGENSI CONDIȚA.

Anno M. D. LXVIII.

*Ad laudem omnipotentis Dei.*



**N**OS IOANNES IACOBVS  
Dei gratia Ecclesiæ Salisburgen-  
sis Archiepiscopus, & S. S. Apo-  
stolicæ Legatus, de consilio & as-  
sensu Reuerendorum D. D. Coë-  
piscoporum & suffraganeorū no-  
strorum, atq; reliquorum Præla-  
torum, ac aliorum qui de Iure, vel  
consuetudine huic nostræ Synodo interesse debuerunt,  
in hac ipsa nostra Prouinciali Synodo has quæ sequun-  
tur Constitutiones & Decreta statuimus atq; ædidi-  
mus.

## DE RELIGIONE ET FI- de Catholica. Const. I.

*Quare istarum Synodaltum Constitutionum tractatio  
à Religione, & fide Catholica exor-  
dium capiant.*

**C**VM omnis vitæ bonæ, beatæq; via, qua vnus Deus Cap. I.  
in trinitate, & vicissim trinus in vnitate, per fidem,  
sanctissimæ nostræ religionis fundamentum, colitur, &  
A sincera

## Constitutio prima.

ſyncera pietate cognoscitur, in veræ, & Catholicæ Religionis tramite, non autem hæreticorum diuerticulis, constituta ſit; commodiſſimum fore duximus, has noſtras cōſtitutiones, inſtar directorij cuiuſdam, quod viam ad bene beateq; viuendum, ceu digito monſtraret, idq; vel in primis ad vſum Cleri noſtri ſtatuentes, hanc ipſam tractationem à Religione, & fide Catholica auſpicari.

*Ut tam Laici quàm Clerici unam ſolamq; fidem Catholicam in Prouincia Salisburgen. obſeruent atq; colant.*

Cap. I I.

**Q**Uare primò omnium conſtituimus & ordinamus, vt omnes tam Laici quàm Clerici noſtræ Prouinciæ, vnus ſacræ fidei profeſſionem, veramq; regulā teneant, & profiteantur, ſicuti ea à Chriſto tradita, & edocta, à ſanctis Apoſtoliſ prædicata, à ſanctorum Patrum Orthodoxiſ Concilijs, & ſcriptis ritè expoſita, probata, & confirmata eſt; nec quicquam credant, colant, aut venerentur, quod Ro. Eccleſia, aut Patrum decreta, à veritate Catholica alienum, & repudiandum cenſent.

## DE TRIDENTINI, ALIORUMq; Conciliorum conſtitutionibus. Conſt. II.

*Patres huius Synodi Concilij Tridentini ſanctiones amplecti, ſuisq; ſubditis eaſdem in poſterum obſeruandas exhibere pollicentur.*

Cap. I.

**L**icet in præcedenti Synodo Salisburgenſi anno 1549. ſub Archiepiſcopo & Principe Domino Erneſto, ſel. rec.

## Constitutio secunda.

3

fel. rec. celebrata, Cōciliū Tridentinū tunc, Pauli III. Pont. Max. autoritate incepti, Actis, Decretisq̃ omnibus, nō tantū eo tempore iam æditis, verū etiam in posterum ædendis atq̃ sciendis, se parituros, eaq̃ omnia seruaturōs, vt obedientiæ decet filios, omnes qui eidem Prouinciali Synodo interfuerunt Patres, totius Prouincię nomīne polliciti fuerint, nihilominus ad maiorem nostrum in ipsius vnīuersalis Concilij Tridentini Canones & Decreta ostendendum animum, præsertim vt ipsius sacrosancti Concilij, & Sum. Pont. Pij. III. fel. rec. mandato, tanquam filij obedientissimi pareamus, omnia & singula ab eodem Conc. condita & definita, optimo animo palam recipimus atq̃ amplectimur, & omnibus nostris subditis, tam Clericis quā Laicis, ea obseruanda exhibere promittimus, & vt ab ipsis executioni mandentur, pro viribus, & quo ad eius fieri poterit, curabimus. Quod si aliqua difficultas hac in re exorta fuerit, Reuerēdissimus Metropolitanus consulatur. Quia autem ipsa Oecumenica Tridentina Synodus præcipit, quod si in recipiendis decretis aliquæ difficultates oriantur, de his referatur ad Sanctissimum D. N. vt Prouinciarum necessitatibus, pro Dei gloria, & Ecclesię tranquillitate consulat; Nos in his quæ ad reformationem pertinent, nonnulla vel addendo, vel explicando, ad Prouincię nostræ captum & necessitatem accommodauimus, quæ omnia & singula, sanctę Sedis Apostolicę, & ipsi Sanctissimo D. N. vel corrigenda vel approbanda subijcientes, rogamus S. suam, vt matura habita deliberatione, Prouincię nostræ, pro vt SS. melius visum fuerit, consulere dignetur.

Sess. 25. c. Decr.  
cip. & obseru.  
Decr. Concilij.

### *De professione fidei Catholicę præstanda &c.*

**E**T quia supradicta sancta Synodus Tridentina Patriarchis, Prælatibus, Archiepiscopis, Episcopis, & omnibus

Cap. II.  
Sess. 25. c. 2. de  
Reformatione.

nibus alijs, qui de iure, vel consuetudine in Concilio Prouinciali interesse debent, præcipit, vt in ipsa prima Synodo Prouinciali post finem eiusdem Tridentini Concilij habenda, non solum ea omnia, & singula, quæ ab ipsa vniuersali Synodo definita, & statuta sunt, palàm recipiant: sed & veram obedientiam summo Romano Pontifici spondeant, & profiteantur: simulq; hæreses omnes, à sacris Canonibus & generalibus Concilijs, præsertim verò ab eadem Synodo Tridentina damnatas publicè detestentur & anathematizent: idemq; in posterum quicunq; in Archiepiscopos, Episcoposq; promouendi, in prima Synodo Prouinciali, in qua ipsi interfuerint, omnino obseruēt, nos omnes à primo vsq; ad vltimum, qui huic nostræ Prouinciali Synodo interfuimus atque subscripsimus, hoc ipsum, iuxta sequentem verborum formam præstitimus. Videlicet.

Ego N. omnia & singula, quæ in sacrosanctis vniuersalibus Synodis, præsertim Tridentina, definita & statuta sunt, palàm accepto, nec non veram obedientiam summo Pontifici Romano spondeo & profiteor, simulq; hæreses omnes à sacris Canonibus, & generalibus Concilijs, præsertim à prædicta Synodo Tridentina damnatas, publicè detestor, & anathematizo.

*De eadem in posterum obseruanda.*

Cap. III.

**D**Einde itidem à nostris successoribus in posterum fieri, in prima Synodo Prouinciali, cui ipsi interfuerint dignum & æquum iudicauimus.

*De eadem fidei professione in Synodis diœcesanis,  
& etiam ab omnibus beneficiatis  
præstanda.*

Postremò



**P**ostremò eodem sacri Tridentini Concilij innixi Decreto, omnibus & singulis qui siue in præsentì habeant, siue in futurũ beneficia Ecclesiastica sint habituri, & qui in Synodo Diocesana conuenire debent, vt supra, in ea Synodo, quæ quoq; tempore celebrabitur, faciant, & obseruent, seriò mandamus atq; iniungimus. Quod vt quàm citissimè fiat, cuilibet Episcopo in sua Diocesi erit curæ. Quapropter ipsam Synodum Diocesanam quilibet Episcopus nō tardabit celebrare. Si qui verò huic Decreto parere neglexerint, secundum sacrorum Canonum formam punientur.

Cap. IIII.  
Ex Sess. 25. c. 2.  
de Reform.

*Vt huius atq; præcedentium, futurarumq; Synodorum statuta obseruentur.*

**C**æterum sacrorum etiam Canonum statuta omnia, ac constitutiones Prouinciales, tam à nostris prædecessoribus, quàm à nobis in præsentì Synodo æditas, ab omnibus nostris Prouincialibus non solum cognitæ esse, sed etiam diligenter obseruari mandamus. Dicit enim Canon primi Carthaginens. Concilij: Si quis statuta supergressus corruerit, vel pro nihilo habēda putauerit, si Laicus est, communionē, si Clericus est, honore priuetur.

Cap. V.

Conc. 1. Carthag.

*De Agendario in lucem emittendo eodemq; ab omnibus Parochis omnino obseruando.*

**I**nsuper cū in diuersis Colloquijs Prouincialibus Salisburgi celebratis, semper fuerit pro necessitate huius Prouinciæ determinatum, atque statutum, vt liber Agendorum huius Archiepiscopatus, iuxta moderni temporis calamitosi necessitatem accomodaretur, eiq; adderentur, quæ digna & nostris Parochis, atque eorum cooperatori-

Cap. VI.

bus, & Vicarijs necessaria esse viderentur, præsertim circa Sacramentorum clariorem intelligentiam, ipsorumque administrationis instructionem, & nunc solitudine nostra opus iam sit perfectum à nobis, ac nostris Coëpiscopis, alijsque Prælatiis, & reliquis in hac sancta Synodo congregatis perlustrandum, perlegendumque exhibitum, & ab omnibus approbatum, nostris etiam sacerdotibus valde ex usu fore iudicatum, ideoque acceptatum; Omnibus & singulis nostræ Prouinciæ Parochis, Parochorumque cooperatoribus, & Vicarijs, & alijs quibuscumque animarum, siue Ecclesiarum quomodocumque curam habentibus, mandamus atque præcipimus, quod in administrandis sanctissimis Sacramentis, & circa ipsorum instructionem, erudiendis populis, atque celebrandis benedictionibus, & id genus alijs exequendis, quæ in nostris Ecclesijs, iuxta rerum, siue temporum necessitatem, consueuerunt hactenus celebrari: alium modum, vel formam, postquam hic liber in lucem excusus venerit (quod breui futurum speramus) nolint seruare, neque aliam doctrinam populum docere, quæ doctrinæ in hoc ipso libello tradita sit contraria, vel quomodocumque ab ipsa aliena, sed huic libello in omnibus & per omnia, vnum quemque ipsorum se accommodare volumus & sancimus.

*Quomodo & quando hæ Constitutiones Synodales  
quòque loco publicari & promulgari  
debeant.*

Cap. VII.

**N**E autem quis sub prætextu ignorantia, transgressiionem suam excusare valeat: Ideò statuimus & ordinamus, vthic Constitutionum nostrarum liber in omnibus Metropolitanæ nostræ ditionis Ecclesijs Cathedralibus sub Episcopi sigillo, aliquo in loco commodo omnibusque patulo legendus exhibeatur, harumque Constitutionum copia fide

piæ fide dignæ per manum Notarij publici subscriptæ, in Monasterijs, Ecclesijs quoq; collegiatis, & domibus Parochorum, circa vnamquamq; Ecclesiam Parochialem, infra tres menses post earundem Constitutionum publicationē, habeantur & retineantur impressæ: Ita quod vnusquisq; & conditionis suæ, dum legerit, recordari, & quomodo se gerere debeat, instrui possit.

## DE CONSVETVDINE.

## Constit. III.

*Consuetudinem antiquam hætenus in Ecclesia Catholica obseruatam, etiam in posterum constanter esse retinendam.*

**M**agna vis est, & non leuis auctoritas in Ecclesia, rationabilis ac rectæ Consuetudinis. Nam licet multa in libris non inueniantur Apostolicis, neq; in posterioribus scripta Concilijs, nihilominus quia per vniuersam custodiuntur Ecclesiam, non nisi ab ipsis Apostolis tradita & commendata, & verbo Dei minimè contraria creduntur, Quinimò & consuetudo in particularibus etiam Ecclesijs vim legis obtinuit, vt in his rebus in quibus nihil certi diuina statuit scriptura, obseruationes populi Dei, vel instituta maiorum pro lege teneantur: potissimum autem mos illorum, quibus populorum congregatio regenda commissa est. Cùm autem nostris temporibus piæ fidelium consuetudines, à quibusdā parum admodum currentur, & Canon dicat ridiculum esse, & satis abominabile dedecus, vt traditiones, quas antiquitus à Patribus suscepimus, patiamur infringi: tanto itaq; magis præcipimus & mandamus, vt cōsuetudines piæ ac Christianæ quæ multis tempo-

Cap. vnicum,

C. in his 1. dist.  
glos. in c. generali,  
de clerico, in  
6. & in c. ex li-  
teris, de cōsuet.  
l. de quib. caus.  
ff. de legib.

temporibus per nostram Prouinciā circa ferias, ieiunia, benedictiones, orationes, peregrinationes, cantica, pias recordationes, ac repræsentationes Christi saluatoris nostri actorum & gestorum, quæ suis quibusq; & statutis diebus, & temporibus celebrari, obseruariq; solitæ fuerunt, futuris quoque temporibus nequaquam omittantur, sed ita, vt per manus piorum Patrum atq; antecessorum nostrorū recepimus, obseruentur. In Parochos enim Ecclesiarum Parochialiū, atq; aliarum Rectores, & quoscunq; qui in præmissis negligentes fuerint, Nos, cæteriꝑ Prouinciæ Episcopi, & suffraganci, meritas poenas certò statuere, non intermittemus.

## DE CÆREMONIIS ECCLESIASTICIS. Const. IIII.

*Vt ritus ac Cæremonia Ecclesiasticæ  
obseruentur.*

Cap. vnicum.

**Q**Voniam Cæremoniæ à Patribus in Ecclesia potissimum sunt institutæ, tum vt mentes simplicium (quæ aliās ob tarditatem intellectus difficulter mouentur) in Dei cognitionem eleuentur, tum vt eorundem, atq; aliorum Christianorum corda in commemorationem beneficiorum à diuina bonitate collatorum, ac subindè ad pias & vtilis cogitationes, gratiarum actiones, & laudes altissimi, aliquo modo vherentur, atque vt ad diuina mysteria, non cum leuitate, & irreuerenter, sed cum aliquali maturitate & maiestate accederetur, tum ob alias rationabiles causas, penes sacros Canones, & Doctores sanctos descriptas, quibus Christi fideles ad pietatem excitarentur, illas non abolendas, neque in minimo immutandas, sed syncerè, & piè, omniꝑ diligentia retinendas & obseruandas censemus, atque iubemus: eas præsertim, quæ ab antiquo

## Constitutio quinta.

9

quo per nostram Prouinciam, in qualibet Diœcesi iuxta Catholicæ Ecclesiæ traditionem, sunt obseruata. Quales sunt, quæ in Sacramentorum administratione adhiberi consueuerunt: quibus adnumeramus, vt templa (velut orationum, & diuini cultus, & Sacramentorum officinæ) per loca idonea habeantur; ad quorum ornatum (simul etiam velut diuini cultus & promouendæ pietatis instrumenta) in ijs signa crucis, aliasq; Sanctorum imagines, vexilla, vestes sacras, Altaria, & vasa sacra, conseruari & in vsu posita esse volumus. Si qua tamen alicubi Cæremonijs ludicra magis quàm seria fuerint admixta, quæ maiestatem auferant, & iocum, ac risum, potius quàm deuotionem excitent, ludumq; magis, quàm veram repræsentent historiam, illa per Episcopos cum discretionem tamen submoueri volumus, atq; præcipimus. Insuper statuimus, vt Pastores, & verbi Dei concionatores, quouis tempore, & per omnem occasionem, plebem doceant, quæ per tales Cæremonias mysteria significentur.

## DE HÆRETICIS, ATQVE eorum libris. Const. V.

*Doctrinam, quæ Tridentini & aliorum Conciliorum generalium sanctionibus aduersatur, esse erroneam, eiusq; Sectatores esse hæreticos, ac pro hæreticis damnandos.*

**C**Um in vnaquaque facultate non solùm ea, quæ ad Cap. I.  
ipsius substantiam faciunt, sint perlustranda, verùm  
& quæ illi sunt contraria, vt vitari possint, tanquam nociua, pariter sint inquirenda, atq; cognoscenda: ideò & nos  
perlustratis omnibus Ecclesiæ Catholicæ cōuenientibus,  
B & salu-

& salutis nostræ necessarijs, operæ precium esse duximus, etiam quæ illis contraria sunt, assignare, vt tanquàm salutis nostræ noxia, possint vitari. Contraria autem Christianæ veritati declaramus esse omnia & singula, quæ de Articulis fidei, de septem Sacramentis Ecclesiæ, de sacrificio Missæ, de purgatorio, de Mortuorum suffragijs, de Inuocatione, & intercessionem sanctorum, de Indulgentijs, de Sanctorum imaginibus, & id genus alijs, aliter docentur, quàm sancta Romana & vniuersalis Ecclesia, generalia Concilia (quorum postremum fuit sacrosanctum Concilium Tridentinum) docuerunt, docent, prædicant, & obseruant, nostræq; huius prouinciæ decreta præcipiunt. Quapropter vniuersos, qui impia & pestifera dogmata inter alios sparserunt, vel ipsi tenent, docent, prædicant, aut tuentur, vel eiusmodi fauerint, eos tanquàm hæreticos homines, & Ecclesiæ Dei pestes deuouemus, eorum doctrinam & scripta, non secus quàm pestilentissima venena euitanda, à nemine Christiano, & qui iram Dei effugere velit, habenda, legenda, vel quouis modo publicanda esse, cum sacrorum Conciliorum, summorumq; Pontificum constitutionibus, & Rom. Imperatorum Catholicorum mandatis, sentimus, atque decernimus, talesq; præposteror, & à fide Christianæ Ecclesiæ auersos homines etiam à nostræ Prouinciæ omnibus vtriusq; sexus Christi fidelibus, pro erroneis, hæreticis, cæcorumq; ducibus habendos, & reputandos, seriò mandamus. Inhibentes atq; mandantes ne eorum damnata doctrina, siue publicè, siue priuatim in nostra Prouincia quoquo modo doceatur, vel audiat, neq; illorum quicunq; libri legantur, emanent, dono accipiantur, vel quoquo modo venales proponantur, sub poenis tam in Sum. Pontificum, & Concilij Tridentini condemnatione, quàm Cæsareæ maiestatis fel. rec. Caroli V. ac nostrorum Prædecessorum Archiepiscoporum, & Coëpiscoporum Salisburgen. Prouinciæ publicatione expressis, & comprehensis,

*Nemini*



# Constitutio quinta.

I. I.

*Nemini uel Clerico, uel Seculari licere hæretica scripta,  
seu libros penes se habere, nisi qui eius rei gratia  
ueniam à sede Apostolica habeat.*

**E**T si qui timore Dei postposito, pœnisq; tam spiritua- Cap. II.  
libus quàm temporalibus spretis, atq; contemptis, hæ-  
tenus huiusmodi libros, ausu temerario tenuerint, vel  
quomocunq; habuerint, & adhuc etiã habent, vt à se  
illos reiiciant, & de perpetrato delicto pœnitentiã agant,  
ordinamus atq; præcipimus. Quod vt fiat sub eisdem su-  
prascriptis pœnis, & alijs temporalibus à nobis, nostrisq;  
Coëpiscopis iuxta delinquentium proteruitatem & con-  
tumaciam imponendis, ac suspicione hæreticæ prauitatis,  
statuimus & mandamus, vt omnes qualescunq; Prælati,  
Præpositi, Decani, Canonici, Parochi, Prædicatores, Ec-  
clesiarum Prouisores, Cooperatores, Beneficiati, Capel-  
lani, & quoruncunq; ordinum religiosi, ac passim qui-  
cunq; Clerici, Moniales, & vtriusq; sexus Laici, & secula-  
res, cuiuscunq; sint dignitatis, & conditionis, per nostram  
Prouinciã vbilibet constituti, qui absque sanctæ sedis  
Apostolicæ licentiã, in scriptis obtenta, Lutheranorum,  
Zuinglianorum, Oecolampadianorum, Anabaptistarũ,  
Caluinistarum, Trinitariorum, atq; huius generis omniũ  
aliorum Hæreticorum libros, sermones, scriptaue penes  
se habeant, ea omnia infra spacium vnus mensis, ab insi-  
nuatione huius nostri mandati Prouincialis legitime cõ-  
putando, nostris, atque nostrorum Coëpiscoporum Offi-  
cialibus, Archidiaconis, aut Commissarijs nostris, cum ef-  
fectu assignent, tradant, atq; præsentent, nullo eorum pe-  
nitus reseruato, vel retento. Cuncta enim scripta, quæ  
Deum ad iracundiã prouocarent, vel animas violarent,  
ne in hominum quidem venire aures, iam olim pientissi-  
mi Imperatores Theodosius, & Valentinianus A. A. pro-  
hibuere,



Constitutione  
Græc. in præter-  
miss. post. l. 2.  
C. de sum. Tri-  
nit. & fid. cath.

Dist. 15. c. fan-  
cta Ro. Eccle-  
sia s. Montan.  
quod; 24 q. 1.  
c. aduocauit.

hibuere, publica lege sancientes, vt si quis, vel Episcopus, vel Clericus nefarias hæreticorum doctrinas sequeretur, ab Ecclesijs sacrosanctis eijciantur, Laici verò hac eadem inculpa deprehensi, anathematis fulmine percuterentur, iuxta etiam hæretica prauitate infectos libros incendi, ac perfectissimo interitui mancipari, eos verò, qui tales libros, seu scripta haberent, & legerent, vltimo supplicio affici præceperunt: nec immerito, quemadmodum enim hæretici damnati sunt ab Ecclesia, ita quoq; eorum scripta explosa; quandoquidem, D. Ambrosio teste, nulla exhibetur fides Christo ab ijs, qui euacuant, atq; distrahunt passionem eius.

*Quòd Episcopi debeant habere Corycæos, qui Bibliopolarum aliorumq; inferentium libros, inspiciant, obseruent, & suspectos tollant, &c.*

Cap. III.

**E**T ne diabolo operante, huiusmodi infecti libri à peruersis hominibus in hanc nostram Prouinciã venales, siue aliàs quomodocumq; in posterum introducuntur, vnusquisque Episcopus curam habebit, non solum in ciuitate sua Episcopali, sed & in alijs suæ Diocesis locis, aliquos instituendi, qui introductos libros ante quàm à quoquam videantur, sigillatim perlustrent, & si qui huiusmodi inuenti fuerint pestiferi, introductor condignam luat pœnam, à sacris Canonibus determinatam, & libri tales igni tradantur.

*Coricæi indicem uetitorum librorum exactè cognoscant, & iuxta eiusdem regulas, prohibita, & ijs similia scripta è medio auferant &c.*

Cap. IIII.

**H**I verò qui ad hoc fuerint deputati, diligenter animaduertere debent, non solum regulas cum Indice librorum

rum vetitorum in sacro Concilio Tridentino editas (quas accuratè seruari volumus) verùm etiam quoscumq; alios libros, ab alijs in Indice non contentos post Tridentinum Conciliũ in lucem emissos, haud segniter esse perlustrandos atq; percunctandos: Indies enim à serpente maligno similes suscitantur spiritus, qui non dissimiles emittunt foetus venenosos.

*Ut quotannis Typographi & Bibliopola, iuxta formam superius descriptam, fidei Catholicae facere teneantur professionem.*

**O**rdinamus quoq; vt in singulos annos, iuxta formulam superius descriptam, ex Concilio Tridentino excerptam, coram ab Ordinarijs locorum deputatis omnes nostrae Prouincię Typographi, Bibliopola profiteantur, simulq; obedientiam sanctae Sedi Apostolicae, cum renunciatione & abnegatione omnium haeresum polliceri teneantur. Quod vt nunc post huius nostrae Prouincialis Synodi tractationem praestare incipiant, Episcopi locorum curabunt. Cap. V.

DE CVSTODIENDIS GREGIBUS, ne haereseos labe inficiantur.

Const. VI.

*De diligentia Prælatorum & Parochorum, circa tam clanculariorum, quàm manifestorum Hæreticorum inquisitionem, correctionem & extirpationem.*

Cap. I.

**Q**Via etiam nonnunquam sub specie Religionis, variæ insurgunt sectæ, & conuenticula damnosa, quibus erumpentibus, peruersissima venena, atq; pestiferi errores inter Christifideles seminantur, Ideò præcipimus & mandamus omnibus Prælatiſ & Clericis, præſertim autem Eccleſiarum parochialium Rectoribus noſtrę Pro- uinciæ, vt diligenter vigilant ſuper greges ſuos, ne iſſis dormientibus, pseudoprophetæ, & falſi Apoſtoli, ſiue ſuperſtitioſæ aliſquæ Religionum vmbra emergant, hominesq; inficiant, quæ, ſi radices egerint, difficillimè eradica- ri poſſint. Idcirco quiſquis intra limites cuiuſcumq; Pa- rochiæ de hæreſi aliqua, errore, vel ſuperſtitione, ſiue iam orta, ſiue futura, & noua, quomodocumq; diffamatus fue- rit, Plebanus, ſiue Rector illius Eccleſiæ, teneatur eundē, ſub pœna priuationis beneficij ſui & alia arbitraria, ſtatim & recta ſuo Ordinario denunciare, vt principijs obſtari, & ignis dum adhuc in ſauilla eſt, extingui, atque populus Chriſtianus à futura perditione tam temporalī, quàm per- petua cuſtodiri valeat. Hæreſi autem notandi ſunt, qui- cumq; in fide pertinaciter vacillant, qui ſe ab Orthodoxa Eccleſia auertunt, qui cum ſancta Orthodoxa & Catholi- ca fide pugnantia ingerunt, & docent, aut qui falſam opi- nionem, contra Chriſtianæ Religionis fidem, tuentur: imò & eos, qui vel probabiliſ argumento à Catholice Re- ligionis iudicio, & tramite detecti fuerint deuiare, ſub hæ- reticorum vocabulo cenſendos, cum hiſ nihil quicquam communicandum. Hæreſim enim crimen eſſe publicum (nam quod in Religionem diuinam committitur, in om- nium fertur iniuriam) in mortem quoq; hæreticorum in- quiſitionem extendi voluere ipſi etiam Pſiſſ. Impp. Gra- tian. Valentinian. atque Theodoſ. Quia ſi in criminibus (inquiunt) maiſtatis, licet memoriā accusare defuncti; non immerito & hæreticum debere ſubire tale iudicium, & longè grauius eſſe, æternam, quàm temporalem offen- dere maiſtatem.

De

c. 1. & ibi Abb.  
& dd. extra de  
hæret. cap. ad  
abolendam, c.  
inter hæreſim.  
hec. hæreticus  
24. q. 3. & l. q.  
cumq; § vlt. C.  
de hæret. &  
Manich.  
l. omnes & l.  
Manichæos C.  
de hæret. &  
auth. Gazaros.  
& ibi gloſ. cap.  
eod. l. c. ver-  
gentis. extr.  
eod. tit.

*De obseruandis ijs, qui ex locis suspectis adueniunt,  
& conuenticulis uitandis.*

**E**Os quoq; obseruare debent Parochi, qui ex hæretico-  
rum locis, siue de hæresi suspectis veniunt, singulo-  
rumq; dicta, & facta animaduertant, ac de eorum vita, con-  
suetudine, & ratione cognoscant, & si qua de ijs suspicio  
fuerit, Ordinarium admoneant. Pari modo animaduerte-  
re debent Plebani, si in illorum Parochijs occulta conuen-  
ticula & suspecta, siue in die, siue in nocte, in quibuscumq;  
angulis, fieri cœperint, vt ea statim, sub pœna præmissa,  
Ordinarijs indicent. Cap. 11.

*Neminem, nisi cui hoc specialiter licitum est, de Reli-  
gione disputare, seu concionari debere.*

**I**mperatoris etiam Martiani Augusti legem antiquam,  
in nostris autem temporibus repetere necessariam, ample-  
ctentes, prohibemus, ne quisquam cuiuscumq; conditio-  
nis, de fide Christiana, extra scholas Vniuersalium stu-  
diorum, in nostra Prouincia vigentium, publicè turbis  
coadunatis, vel etiam in locis priuatis, populo tamen illic  
conueniente, tractare, neq; nisi Ordinarij loci super eo li-  
centia obtenta, disputare conetur. Cui id quoq; addimus,  
ne Laici occulta conuenticula in arcibus, domibus, vel in  
angulis, prædicationis officium sibi illic vendicantes, ce-  
lebrent. Qua conscientia, quo spiritu, audet quis hoc san-  
ctum prædicandi munus sibi vsurpare non vocatus, & à  
superioribus, qui pro suorum subditorum animabus Deo  
reddere debent rationem, non destinatus? Audiant quid  
dicat Apostolus, Quomodo predicabunt, nisi mittantur?  
Abstineant igitur & caueant, & si quisquam deprehensus  
fue rit, iuxta sanctiones canonicas, seuerè puniatur. Deus  
enim Cap. 111.  
L. nemo Cleri-  
cus, C. de sum.  
Trinit. & fide  
cath.

He br. 13.

Rom. 10.

enim qui lux vera est, in angulis non latens, illorum nequitiam, licet occultam, faciet palam.

## DE MAGICIS ARTIBVS; sortilegijs, veneficijs, incantationibus, diuinationibusq; & id genus alijs prohibitis. Const. VII.

*Magica infania huiusq; species, studium, & sequela prohibentur.*

Cap. vnicum.

**R**Eprobamus quoq; & damnamus omnes diuinationes, incantationes, sortilegia, præstigia, artemq; magorum, & maleficarum, ac Pythonis sarum, quibus decepti homines, bona posse sibi euenire, vel mala vitare, futura prædicere, thesauros absconditos inuenire, & id genus alia perficere sibi persuadēt. His etiam eos adiicimus, qui credunt verbis quibusdam, quorum formam benedictionem appellant, aut certis characteribus, ligaturis, nodis vel obseruantijs, aut quibuscumq; huius generis præstigiorum demoniacorū alijs, quæ species sunt Idololatriæ, quibus simplices seducti, putant hisce hominum mentes posse perturbare, hominum & brutorum animalium languores curare, vel eis morbos inducere, corporum figuras immutare, ventis, tempestatibus, fulguribus, aëri ac mari imperare: statuentes & ordinantes, vt si quispiam talium repertus, ac iudicialiter conuictus fuerit, iuxta Iurium sanctiones, acerrimè puniatur. Insuper quod si aliquis Clericus, aut Laicus, talem aliquem repererit, vel sciuerit, cuiuscumque sexus, vel conditionis hominem Clericum, siue Laicum, hisce erroribus inuolutum, aut aliàs demoniacis familiaritatibus, conuentionibus, pactionibus, siue confederatio-

Extra de Sortileg. & C. de malefic. & magic. p. tot. tit.

fœderationibus esse deditum, Episcopo suo, uel eius officiali illum patefacere debet; nec est, quod delatoris nomen suspicionemq; propterea formidet, cum fides, atq; industria eius, tam laude, quam honestate, ac pariter pietate non careat, cum scelus tale detexerit, & ueritatem in lucem deduxerit. Episcopus deinde, depositore non manifestato magna adhibita prudentia atq; diligentia, omni cum charitate operam dabit, ut illum lucri faciat, sin minus, iuxta Canones procedat. Si uero quispiam talis occultus fuerit, & in confessione sacerdoti duntaxat errorem suum aperuerit, tunc cōfessortalem, uel tales (si plures fuerint) paternè instruat, qualiter hæc tantummodo illusiones sint demoniacæ, quæ à quocumq; uero Christiano alienæ esse debeant, ac subindè adhortetur, ut deinceps ab illis prorsus abstineat; Quod si se facturum pollicitus fuerit, ipsum sacerdos est lucratus: at si illum in uiam reducere non poterit, uel is de errore apud alios diffamatus fuerit, cum non absoluat, sed Ordinarium siue ipsius Pœnitentiarium prius consulat, ab eoq; auctoritatem illum absoluedi, si pœnituerit accipiat, personam tamen non designando, neq; nominando.

Anthemius  
Imp. in l. nulli  
lece, C. de  
Episc. & Cla-  
ric.

## DE ELECTIONIBVS EPISCOPORUM. Const. VIII.

*Qui, & quomodo ad Episcopatus dignitatem sint eligendi siue postulandi.*

**Q**uanta diligentia Ecclesiarū Episcopi eligi debeant, Cap. I.  
officium ipsorum satis demonstrat. Præficiuntur enim curæ animarum, pro quibus Christus mortuus est, preciosissimumq; sanguinem suum fudit. Quo factum est, ut maiores nostri in eo negotio diu, multumq; desuda-  
C rint,



**L. si quemquā,** rint, tūm etiam Leo, & Anthemius Ro. Impp. ante annos  
**C. de Episc. &** 1100. quemadmodum Episcopus sit eligendus, publica  
**Cleri. Huic legi** lege, non minus sanctē, quā eleganter constituerunt, vt  
**concordat. c.** si quemquam ad Episcopatus gradum prouehi, Deo auto-  
**per nostras, cū** re, contigerit, cum puris hominum mentibus, nuda ele-  
**glo. i. extra de** ctionis conscientia, sincero omnium iudicio proferen-  
**lur. patronat,** dum. Nemo enim (aiunt) gradum sacerdotij, precij vena-  
 litate mercetur; quantum quisq; mereatur, non quantum  
 dare sufficiat aestimetur. Profectò enim quis locus tutus,  
 & quæ causa esse poterit excusata, si veneranda Dei tem-  
 pla pecunijs expugnentur? quem murum integritatis, aut  
 vallum fidei prouidebimus, si auri sacra fames in penetra-  
 lia veneranda proserpat? Quid deniq; cautum esse pote-  
 rit, aut securum, si sanctitas incorrupta corrumpatur? Ces-  
 set altaribus imminere profanus ardor auaritiæ, & à sacris  
 adytis repellatur piaculare flagitium: itaq; castus & hu-  
 milis eligatur: non precio, sed precibus ordinetur Anti-  
 stites. Si quis verò hanc sanctam, & venerandam Antistitis  
 sedem pecuniæ interuentu subiisse, aut si quis, vt alterum  
 ordinaret, vel eligeret, aliquid accepisse detectus fuerat, is  
 ad instar publici criminis, & læsæ maiestatis, accusatione  
 proposita, à Sacerdotij gradu retrahebatur, neque hos so-  
 lūm deinceps honore priuari, sed perpetua quoq; infamia  
 damnari, eadem lege decretum fuit, vt eos, quos par faci-  
 nus coinquinaret, & æquaret, vtrosq; similis pœna comi-  
 taretur. Quare tandem in Cōcilio Basilicē. Sessione. XII.  
 vniuersale æditum est decretum, quod eligentibus nor-  
 mam præscribit, qualiter se ad dignè eligendum præpara-  
 re, qualem virum eligere debeant. Insuper & vias secun-  
 dum quas electiones Ordinari debeant, exponit, sed quia  
 satis exploratum habemus, quod nostris temporibus à  
 Regula præscripta, sæpius circa electiones recessum sit,  
 Ideo futura pericula, quantum possumus præcauere vo-  
 lentes, hac nostra Prouinciali Constitutione mandamus.



Vt quoties posthac se Actus electionis, siue Episcopalis, siue alicuius alterius prælationis, seu dignitatis electiuæ offert, hi ad quos eligendi lus pertinet, ante omnia publicas supplicationes, & preces, quibus deuotè à Deo postuletur, vt neminem permittat ad illam ministerij sedem assumi, nisi quem ipse vocauerit, quemq; ad legitimam functionem dono Spiritus sancti accommodauerit, faciant: deindè se dicto Basiliens. Concilij decreto per omnia & exactè coforment, nihilq; horum, quæ vel ad præparationem, aut personæ eligendæ excussionem, seu etiam viâ procedendi electionem, requiruntur, prætermittant. Nos enim & nostri Coëpiscopi totum id quod secus factum fuerit, præsentī hac nostra Constitutione annullamus, reprobamus, suoq; effectu carere decernimus. Insuper & ipsi Eligentes, qui contrarium fecerint, à diuinis sint suspensi per vnum mensem ipso facto, beneficioq; eligendi vltèrius, pro hac vice quæ deliquerunt, sint priuati. Quod si Commissarij, quos Nos Ordinarij pro dirigendis electionibus ad Ecclesias vacantes mittere solemus, electionibus, quæ contra formam decreti Basiliens. fiunt, interfuerint, vel eorum absentia affectata conuiuerint, in eos quoq; Nos digna poena animaduertemus.

*De omnibus sacris Ordinibus ab Electis siue Postulatis, infra statutum tempus suscipiendis, deq; eorundem consecratione.*

Statuimus etiam & ordinamus, quod exindè Capitula nostræ Metropoliticae, atque Ecclesiarum Cathedralium, ad Episcopatus nullum eligant, postulent, vel assument, nisi sit sacerdos, aut promittat se velle ordines, quos nondum habet, post adeptam Canonicam confirmationem, omnes intra tempus à iure statutum: deindè consecrationis

Cap. II

Ex Conc. Trid.  
Sess. 23. c. 2. De  
eret. de Ref.

crationis munus, intra tres menses absq; fraude, dilatione, aut tergiuersione suscipere. Quod si non præstiterit, secundum Tridentini Concilij decisionem, puniatur. Consecratio verò si extra curiam Romanam fiat, in Ecclesia, ad quam promotus fuerit, aut in Prouincia, si commodè fieri poterit, celebretur.

## DE ELECTIONIBVS MI- norum vtriusq; sexus Prælatorum. Const. IX.

*Monasterijs religiosorum uacantibus, quomodo prouidendum sit de Prælatis.*

Cap. I.

**C**Um nostris temporibus vsu veniat, quod pleraque Monasteria conuentuales non habeant, aut in aliquibus dummodò vacauerint, debitum numerum eorum qui Canonicam electionem celebrare possent, inueniri non detur, Ideò statuimus & ordinamus, ne Monasteria vacantia maneant, sed de consensu Ordinarij, electio vel postulatio Prælati, aduocatis duobus, vel vno Prælato eiusdem ordinis, Monasterijs sic vacantibus per viam compromissi simplicis, provideatur, & etiam de persona alicuius Presbyteri secularis, ita tamen, vt ad postulationem huiusmodi secularis Presbyteri, quam diu religiosus eiusdem ordinis reperiri poterit, non procedatur, neque postulatio ritè facta confirmetur ab Ordinario, nisi postulatus habitum Religioni debitum induerit, atq; professionem tali ordini competentem, solemniter fecerit. At si sufficientes fuerint & habiles in vno qualicumq; Monasterio conuentuales, pro eligendo, vel postulando illorū Prælato, tunc capitulum sextum Decreti Reformationis

Ex Concilio  
Tridentino.

Sessio-

Sessio<sup>n</sup>is 25. Concilij Tridentini obseruabunt: non neglectis etiam quæ in superiori titulo de Electionibus Episcoporum sunt præscripta.

*Qualis, & quomodo in Prælatam monialem sit eligenda siue postulanda.*

**I**N electione verò, siue postulatione vniuscuiusq; Monasterij Monialium Prælatæ, eadem quoq; obseruabuntur, quæ de Viris conuentualibus sunt dicta, nisi quòd eis sint addenda, quæ in sequenti capitulo eiusdem Synodi sunt tradita, quæ sic se habent: Abbatissa, & Priorissa, & quocumq; alio nomine Præfecta, vel Præposita appelletur, eligatur non minor annis quadraginta, & quæ octo annis post expressam professionem, laudabiliter vixerit. Quòd si his qualitatibus non reperiatur in eodem Monasterio; ex alio eiusdem ordinis eligi possit. Si hoc etiam incommodum Superiori, qui electioni præest, videatur, ex ijs, quæ in eodẽ Monasterio annum trigesimum excesserint, & quinque saltem annis post professionem, rectè vixerint, Episcopo, vel alio superiore consentiente, eligatur. Duobus verò Monasterijs nulla præficiatur. Et, si quæ duo, vel plura quocumq; modo obtinent; cogantur, vno excepto, intra sex menses, cætera resignare. Post id verò tempus, nisi resignauerint, omnia ipso iure vacent. Is verò, qui electioni præest, Episcopus, siue alius Superior claustrà Monasterij non ingrediatur, sed ante cancellorum fenestellam, vota singularum audiat, vel accipiat. In reliquis seruentur singulorum ordinum, vel Monasteriorum Constitutiones.

Cap. II.

Ex Concilio  
Tridẽt. Sess. 25.  
c. 7. Decret. de  
Reform.



DE EXAMINE ELECTO-  
rum, siuè postulatorum in Metropolita-  
num, siuè in Episcopos ad Sum. Pont.  
Rom. transmittendo.  
Const. X.

*Cur sequens examinis forma, Electis uel Postulatis  
in Metropolitanum, siuè Episcopos  
prescribatur.*

Cap. I.  
Ex c. p. Sess. 24.

**Q**Voniam ob varios diuersarum nationum mores, sacrosancta Synodus Tridentina mandauit & statuit, vt in qualibet Prouinciali Synodo per Metropolitanum habenda, prescribatur quibusuis eiusdem Prouinciæ locis propria examinis seu inquisitionis aut instructionis faciendæ forma, sanctissimi Rom. Pont. arbitrio approbanda, quæ magis eisdem locis utilis, atq; opportuna esse videbitur: ita tamen, vt cum deinde hoc examen, seu inquisitio de persona promouenda perfecta fuerit, ea in instrumentum publicum redacta, cum toto testimonio, ac professione fidei ab eo facta, quamprimum ad sanctissimū Rom. Pont. omnino transmittatur: vt ipse Sum. Pont. plena totius negocij, ac personarum notitia habita, pro gregis Domini commodo, de illis, si idonei per examen, seu per inquisitionem factam, reperti fuerint, Ecclesijs possit utilius prouidere: nos hanc sequentem formulam Pio IIII. Pont. Max. fel. rec. iam approbatam, & à moderno Summo Pont. Pio V. approbandam, in nostra Prouincia semper obseruandam exhibemus.

Quo-

*Quomodo ad inquisitionem sit procedendum, &  
de testium qualitatibus.*

**C**Um supradictum de aliquo ad Prouinciæ nostræ Episcopatum electo, vel postulato, examen erit faciendū, Metropolitanus, siuè alius vicinior Episcopus, mandato prius à Sum. Pont. accepto, adstantibus ad minus tribus Præfatis, vel Canonici, alijsq̃ honoratis Ecclesiasticis personis, notario fidele, probato, ac legitimo pariter præfente, qui de omnibus iuridicum conficere possit processum, testes ad hoc vocatos, qui ad minus quatuor probi, graues, docti, & omni exceptione maiores esse debent, infra scripto modo iuxta singula, quæ in Decreto Concilij Tridentini continentur, & à sacris Canonibus in eo, qui ad Ecclesias Cathedrales sit assumendus, requiruntur, interrogabit. Quod etiam in examine Electi in Metropolitanum, per viciniorum Coepiscopum est obseruandum. Cap. 11.

Interrogationes autem fiant,  
hæ videlicet.

**A**N natalibus, ætate (annorum enim triginta, nec minus esse debet) moribus, & vita, ac alijs, quæ à sacris Canonibus requiruntur, plenè sit præditus. An incommodo, aliquo crimine, vel vitio, quibus iure repelli posse videatur, sit diffamatus, scilicet, An sententias aliquas tutatus sit hæreticas, vel cum hæreticis, ipsorum opinionibus quasi assentiendo, consuetudinem habuerit, vel aliâs vitam turpem duxerit.

Item an sex mensium spacio in sacro ordine antea fuerit constitutus.

An in vniuersitate studiorum Magister, vel Doctor, aut Licentiatus in sacra Theologia, vel Iure Canonico Ex Concilio Tridentino loco ut sup.  
merito

meritò sit promotus, aut publico alicuius Academiæ testimonio idoneus ad alios docendos approbatus. Si verò nobilis, & in examine habilis ac sufficiens fuerit repertus, similiter admitti poterit.

Loco vti.

Si autem Regularis fuerit, à Superioribus suæ Religionis similem fidem de moribus & vita habere debet.

*Testium sinceritatem ac fidem, in hoc negotio  
inquisitionis maxime requiri.*

Cap. III.

**I**psi autem testes de huiusmodi ornamentis, qualitatibusque interrogati, quibus promouendus debet esse dotatus: præ oculis Deum habentes, & manibus super pectus positis, sincere, absque fraude respondeant, quomodo hæc ipsa sciant, planè, aperte affirmantes, vel negantes, quod ipsi in conscientia affirmandum vel negandum esse iudicauerint. Vnde sacra Synodus Tridentina: Prædicti autem omnes, vnde instructio, seu testificatio erit sumenda, hæc fideliter & gratis referre teneantur: alioquin eorum conscientias grauiter oneratas esse scient, ac Deum, & superiores suos habebunt ultores.

Loco vti.

*Quòd Electus siue Postulatus doctrina suæ specimen aliquod edere debeat.*

Cap. IIII.

**H**is autem peractis, Metropolitanus, siue alius Episcopus quicumque fuerit Examinator, duobus, vel tribus adhibitis Theologis, totidemque Iuris Canonici peritis, de promouendi aptitudine aliquod faciat periculum, eisdem aliquas quæstiones Theologicas, tum etiam Pontificias proponendo, ab ipso discutendas.

De



*De Fidei professione Electi, siue Postulati iam Examinati, ab eodem præstanda.*

**P**ostremo est Electo, siue Postulato iam examinato, fidei faciendi professio, cuius exemplar est quod sequitur, nobis à Sum. Pont. Pio IIII. f. l. rec. transmissum. Cap. V.

Forma professionis fidei præstandæ ab Electo, siue Postulato, examine completo, coram suo Metropolitano, vel alio Coëpiscopo examinatore, ac notario & testibus.

**E**GO N. firma fide credo, & profiteor omnia & singula, quæ in fidei continentur Symbolo, quo sancta Romana Ecclesia utitur in Missa, videlicet.

Credo in vnum Deum, Patrem omnipotentem, factorem cœli & terræ, visibilibus omnium, & inuisibilibus. Et in vnum Dominum IESVM Christum filium Dei vni-  
genitum, Et ex patre natum ante omnia secula, Deum de Deo, lumen de lumine, Deum verum de Deo vero, Genitum non factum, consubstantiali Patri, per quem omnia facta sunt: Qui propter nos homines, & propter nostram salutem descendit de cœlis: Et incarnatus est de Spiritu sancto, ex Maria virgine, & homo factus est. Crucifixus etiam pro nobis sub Pontio Pilato, passus & sepultus est. Et resurrexit tertia die secundum scripturas. Et ascendit in cœlum, sedet ad dexteram Patris. Et iterum venturus est cum gloria iudicare viuos, & mortuos, cuius regni non erit finis. Et in Spiritum sanctum, dominum, & viuificantem, qui ex Patre, Filioque procedit: Qui cum Patre, & Filio simul adoratur, & conglorificatur, qui loquutus est per

D

Prophe-



Prophetas. Et vnam, sanctam, Catholicam, & Apostolicam Ecclesiam, Confiteor vnum Baptisma in remissionē peccatorum. Et expecto resurrectionem mortuorum. Et vitam venturi sæculi. Amen.

Apostolicas & Ecclesiasticas traditiones, reliquasq; eiusdem Ecclesiæ obseruationes, & constitutiones, firmissimè admitto & amplector.

Item sacram scripturam, iuxta eum sensum, quem tenuit & tenet sancta Mater Ecclesia, cuius est iudicare de vero sensu, & interpretatione sacrarum scripturarum, admitto; nec eam vnquam, nisi iuxta vnanimem consensum Patrum, accipiam, & interpretabor.

Profiteor quoq; septem esse verè, & propriè Sacramenta nouæ legis, à Iesu Christo Domino nostro instituta; atq; ad salutem humani generis (licet non omnia singulis) necessaria, scilicet Baptismum, Confirmationem, Eucharistiam, Pœnitentiam, Extremam Vnctionem, Ordinem, & Matrimonium; illaq; gratiam conferre, & ex his Baptismū, Confirmationem, & Ordinem, sine sacrilegio reiterari non posse.

Receptos quoq; & approbatos Ecclesiæ Catholice ritus, in supradictorum omnium Sacramentorum solenni administratione, recipio, & admitto.

Omnia, & singula, quæ de peccato originali, & de iustificatione in sacrosancta Tridentina Synodo definita, & declarata fuerunt, amplector, & recipio.

Profiteor pariter in Missa offerri Deo verum, proprium, ac propitiatorium sacrificium, pro viuis, & defunctis; atq; in sanctissimo Eucharistiæ Sacramento esse verè, realiter, & substantialiter, corpus, & sanguinem, vnà cum anima & diuinitate Domini nostri Iesu Christi, fieriq; conuersionem totius substantiæ panis, in corpus, & totius substantiæ vini, in sanguinem, quam conuersionē Catholica Ecclesia Transubstantiationem appellat.

Fateor

Fateor etiam sub altera tantum specie, totum, atq; integrum Christum verumq; Sacramentum sumi.

Constanter teneo Purgatorium esse, animasq; ibi de-  
tentas fidelium suffragiis iuuari.

Similiter confiteor, & sanctos, vñà cū Christo regnan-  
tes, venerandos, atque inuocandos, eosq; orationes pro  
nobis Deo offerre, atq; eorū. Reliquias esse venerandas.

Firmiter quoq; assero imagines Christi, ac Deiparæ  
semper Virginis, nec non aliorum sanctorum habendas,  
& retinendas esse, atq; eis debitum honorem, ac venera-  
tionem impartiendam.

Indulgentiarum etiam potestatem à Christo in Eccle-  
sia relictam fuisse, illarumq; vsum Christiano populo ma-  
ximè salutarem esse affirmo.

Sanctam, Catholicam, & Apostolicam Romanā Ec-  
clesiam, omniū Ecclesiarum Matrem, & Magistram agno-  
sco: Romanoq; Pontifici, beati Petri Apostolorum Prin-  
cipis successori, ac Iesu Christi Vicario veram obedien-  
tiam spondeo, ac iuro.

Cætera item omnia à sacris Canonibus, & Oecume-  
nicis Concilijs, ac præcipuè à sacrosancta Tridentina Sy-  
nodo tradita, definita, & declarata, indubitanter recipio,  
atq; profiteor: simulq; contraria omnia, atque hæreses  
quascunq; ab Ecclesia damnatas, & reiectas, & anathe-  
matizatas, ego pariter damno, reijcio, & anathematizo.

Hanc veram, Catholicam fidē, extra quam nemo sal-  
uus esse potest, quam in præsentī spontē profiteor, & ve-  
raciter teneo, eandem integram, & immaculatam, vsq; ad  
extremum vitæ spiritum constantissimè (Deo adiuuan-  
te) retinere, & confiteri, atq; à meis subditis, seu illis, quo-  
rum cura ad me in munere meo spectabit, teneri, doceri,  
& prædicari, quantum in me erit, me curaturum promit-  
to. Ego idem N. Spondeo, voueo, ac iuro, sic me Deus ad-  
iuuet, & hæc sancta Dei Evangelia.

D. Quibus

Quibus finitis omnibus, processus per Notarium super his confectus, tectus, & obsignatus, ad sanctiss. Rom. Pont. quàm primum erit mittendus.

## DE CONFIRMATIONIBVS minorum Prælatorum, atque Prælatarum ab Ordinarijs præstandis. Const. XI.

*Electi, siue Postulati, aut præsentati, utriusq; sexus  
minores Prælati quomodo, & ubi confir-  
mandi sint.*

Cap. I.

**C**VM deprehenderimus in Confirmationibus electionum, siue postulationum, aut præsentationum minorum vtriusq; sexus Prælatorum, sæpius negligenter admodum agi: ita vt magis ludus, aut spectaculũ aliquod, quàm actus Ecclesiasticus videatur exhiberi, maiorũ nostrorum, à quibus magna in æstimatione tales confirmationes habitæ, & non nisi cum maturitate, & seueriori tractatu fuerint impensæ, zelum & sanctiones in pristinum vsum reducere satagentes, statuimus & ordinamus, quòd post hac nullis Electis, vel Postulatis, aut legitime Præsentatis, impendantur Confirmationes, nisi prius, tempore, & loco Confirmationis habendæ, publicatis, & cæteris, quæ infra notantur, obseruatis. Ea verò publicatio, non solum in eo loco, in quo Electus, vel Postulatus, aut Præsentatus, siue Electa, vel Postulata degit, sed etiam vbi Confirmationis actus celebrandus est affixione edictorum fiat: vt si quis fortè huiusmodi Electis, siue Postulatis, aut Præsentatis quicquam voluerit obijcere, ante Confirmationem id possit facere; hoc autem non tam opportunitas,

nitas, quàm necessitas facere iubet. Sancimus præterea, vt duo saltem homines Ecclesiastici bonorum morum, vitæq; probatæ, ad loca, in quibus ipsi confirmandi per anni saltem spatium vitam duxerunt, mittantur: qui non solum confirmandis contradicentes, siuè opposcentes (si qui fuerint) audiant: sed etiam eorum locorum nonnullos circa ea, quæ sequuntur (vbi confirmandorum examinis forma præscribitur) medio iuramento, de fide, doctrina, & moribus Confirmandi interrogent, atq; examinent, eos præsertim, qui talium noscuntur diuturnam, & intimam habuisse conuersationem. Quo facto omnibusq; authenticè descriptis, & in instrumenta redactis, manuq;, & sigillo vniuscuiusq; Amandati corroboratis, negociū totum ad Ordinarios, siuè ipsorum Commissarios perferant, vel perferri curent, si quidem illi, casu quodam impediti, hoc agere nequirent.

*De studio, ac diligentia adhibenda in huiusmodi  
Confirmationibus.*

**I**N ipso autem die Confirmationis celebrandæ. Ordina- Cap. II.  
rius, vel ipsius Commissarius, viam & processum Electionis, siue Postulationis, aut Præsentationis, studiosè inquirat, quo Canonicè reperto ad indagandam personæ promouendæ habilitatem, sufficientiam, & industriam, non segniter, sed talicum studio procedat, quale officium ad quod Electus siue Postulatus, vel Electa aut Postulata confirmari debet, exigit. Quod vt diligentè præstetur, sequentes, primò circa Prælatos admittendos & confirmandos, deindè circa Prælatas, obseruabuntur modi & formæ.

*De examine promouendi ante Confirmationem.*

**P**er diem vnum atq; alterum, iuxta Ordinarij, siue eius Commissarij dispositionem, Electi, siue Postulati, aut Præsentati, coram locorum Ordinarijs, siue ipsorū Commissarijs, in præsentia ad minus trium Virorum Ecclesiasticorum sufficientium, atq; intelligentium, in aliqua dignitate constitutorum, priuatim in loco separato, debent examinari: Primò circa habilitatem, hoc est, an aliquo detineantur impedimento Canonico, quin possint confirmari.

Secundò de fide, eruditione, conuersatione, vitæ morumq; honestate, studiosè fiat inquisitio. Ad quorū maiorem percipiendā informationem, Ordinarij, siue illorum Commissarij, instrumenta in locis promouendorū à suis Amandatis confecta, coram eisdem examinatorebus, ipsis cōfirmandis è loco examinis interim emissis, legi faciant.

Tertiò examinentur in his (si regulares fuerint) quæ concernunt ipsorum regulas: aliàs de his, quæ sua concernunt officia: Deinde in his quæ curam respiciunt animarum.

Quibus omnibus peractis, si digni & idonei iudicati fuerint Confirmandi, die sequenti, vel alia, ad commoditatem Ordinariorum, siue eorum Commissariorum confirmantur. Si verò quispiam minus aptus ad officium inuentus fuerit, infirmetur Electio siue Postulatio aut Præsentatio, & prouideatur Ecclesiæ, vel officio, de alio aptiore, atq; magis idoneo.

Approbato itaq; Confirmando, sequens adhibebitur modus procedendi.

*De modo procedendi circa Confirmationem: & quale iuramentum fidei; professio Confirmando incumbant.*

**L**oci Ordinarius, siue ipsius Commissarius, determinatis, die, loco, & hora confirmationis, per aliquem suum Officiale, omnes Prælatos, Canonicos, Consiliarios (si qui illic pro loci ratione extant) aliosq; in dignitatibus constitutos, ad eum Actum conuocabit. Quibus tempore iam præfixo congregatis, Ordinarius, siue ipsius Commissarius, per suum notarium, aut alium quendam officialem, vniuerso cœtui proclamabit, Confirmandum ibidem præsentem nomine N. legitime ac canonicè in Abbatem siue Præpositum Ecclesiæ N. Electum, seu Postulatum, aut Præsentatum, bonorum virorum testimonio, deinde præuio examine, iuxta Canonum præcepta habilem, idoneum, atq; sufficientem esse repertum: dignumq; habitum, qui tali Ecclesiæ N. præficiatur. Quamobrem cum Reuerendissimus Archiepiscopus, siue Episcopus N. & N. &c. hunc præfatum reuerendum Patrem, vel Dominum in Prælatum iam nominatæ Ecclesiæ N. velit confirmare, eos omnes, vt huic Actui intersint, iusserit congregari. Et vt omnibus præsentibus de confirmatione canonicæ Electionis, siue Postulationis, aut Præsentationis, constet, debitisq; modis hac in re procedatur, eundẽ Reuerendiss. D. Ordinariũ, eiusue Commissarium mandasse, Promouendi, Confirmandiq; electionem, siue Postulationem, aut Præsentationem, in omnium adstantium conspectu pro more perlegi: Post hæc legatur Instrumentum.

Perlecto autem huiusmodi coram omnibus Electionis, siue Postulationis, aut Præsentationis instrumento, Confirmandus ad præstandum iuramentum debitum atque præscriptum, à Notario, vel alio ad hoc negotium deputato præsentem huius Actus Promotore, ad conspectum Domini Præsidentis, Archiepiscopi scilicet, vel Episcopi, siue vtriuslibet Commissarij ducatur.

Quo cum peruenerit, à Præsidente interrogari debet hunc in modum.

Domini-



Dominus Præsidens ad confir-  
mandum.

**V**Is solitum & consuetum præstare iuramentum, atque  
fidei professionem?

Confirmandus respondere debet.

**R**euereNDissime in Christo pater D. D. &c. (si ipse est  
Ordinarius, sin autem Commissarius tantum fuerit,  
dicat) Reuerende Domine Cōmissarie dignissime, Volo.

Quo dicto Reuerendus Confirmandus, qui hac in re  
à Promotore erit instruendus, flexis genibus, & manu dex-  
tera super librum Euangeliorum extensa, sequens præsta-  
bit iuramentum, atq; fidei professionem.

Fidei professio, & iuramentum à Con-  
firmando præstandum.

**E**Go N Electus, siue Postulatus in Abbatem, siue Præ-  
positum Monasterij, vel Ecclesiæ N. Diocesis N. fir-  
ma fide credo, & profiteor omnia, & singula quæ conti-  
nentur in Symbolo fidei quo sancta Romana Ecclesia  
vtitur, videlicet; Credo in vnum Deum, Patrem omni-  
potentem, factorem cœli, & terræ, visibilium omnium, & in-  
uisibilium, Et in vnum Dominum nostrum Iesum Chri-  
stum, filium Dei vnigenitum. Et reliqua superius in fine  
Decimæ Constitutionis contenta; vbi integra ipsius pro-  
fessionis fidei forma traditur. Item, & vobis Reuerēdis-  
simo & Illustrissimo Principi, ac D. D. N. Archiepiscopo  
Salisburgensi, Apostolicæ sedis legato, vel Episcopo N.  
Domino meo clementissimo, vestriscq; successoribus, ca-  
nonicè intrantibus, veram obedientiam spondeo & pro-  
fiteor; promittens (si Regularis fuerit) regulam N. (si ve-  
ro non



ro non fuerit Regularis) statuta meæ Ecclesiæ N. in me, & meis canonicè subiectis, tum etiam antiquas, sanctas, bonas, laudabiles, & honestas consuetudines libertatibus, priuilegijs, ac iuribus Ecclesiasticis non aduersantes inuiolabiliter obseruaturum. Non ero in consilio, vel facto, contra vestram personam neq; Ecclesiam vobis commissam: Et consilia, quæ audiero, vobis, vel Ecclesiæ vestræ contraria, vobis reuelabo: Consilium etiam vestrum nulli pandam: auxilium vobis, contra qualemcumq; hominem, quidpiam tentantem aduersus vestram personam, vel Ecclesiam vobis commissam (saluo ordine meo in his, quæ ad ipsius iustam spectant defensionem) exhibebo. Res quoq; & possessiones Ecclesiæ meæ, vel Monasterij, non vendam, non infeudabo, non oppignorabo, neque vlllo quouis titulo alienabo, nisi in casibus à iure concessis: Iura Ecclesiæ mihi commendatæ pro posse defendā, & amissa recuperabo: Sic me Deus adiuuet, & hæc sancta Dei Euangelia. Deindè iusiurandum aduersus omnem simoniam, infra circa finem Constitutionis de modo præsentandi, acceptandi, seu promouendi Clericos ad quæuis beneficia Ecclesiastica, præsertim curata, positum, immediatè præstabit, mutatis solum mutandis.

*De examinati Confirmatione, & literarum Confirmationis exhibitione.*

**Q**uibus sic præstitis, dominus Præsidens, eum confirmet, iuxta consuetudinem illius Diocesis, & deindè ipsius confirmationis literas accommodas, eidem confirmato exhibendas quantum citius expediri mandet. Cap. V.

*De inquisitione, & examine monialium Electarum, siue Postulatarum in Prælatas.*

Cap. VI.

**S**I verò Monialis aliqua à suo Monasterio, in qđo est professā, canonicè, iuxta supradicta, in ipsius Prælatam fuerit electa, vel ab alieno postulata: tunc Ordinarius illius Diocæsis, in qua situm est illud Monasterium, Prælatam destitutum, antequam eidem Monasterio electam præficiat, siuè postulatam, si non personaliter, ad minus per suos Commissarios, Moniales illius Monasterij, in quo electa, siuè postulatam habitum suscepit, professionemq; fecit, & aliquandiu commorata est, medio Iuramento, manibus videlicet dextris, ad sinistram pectoris partem, vt fieri assolet, adhibitis, pro eruenda veritate, prius diligenter examinabit circa ætatem, vitam, mores, prudentiam, honestatem, conuersationem, industriam, habilitatem, sufficientiam, atque tempus professionis supradictæ monialis, ab ipsis in Prælatam electæ, siue ab alio Monasterio postulatæ: Quarum informatione percepta, si idonea, & officio par comperta fuerit, examinetur, quo constare possit an cæterarum Monialium testimonia, huius aptitudini correspondeant, nec ne. Quòd si voto, & expectationi satisfecisse, & idonea, habilis, absq; vlllo impedimento Canonico, ac sufficiens reperta fuerit, Monasterio à quo electa, siue postulatam fuit, præficiatur.

*De iuramento cum fidei professione ab ipsis monialibus promouendis præstando.*

Cap. VII.

**S**Ed antequam confirmetur, fidei professionem, & iuramentum præstabit suprascriptum, primò latine, deinde germanicè, hoc est, in linguam Germanicam versum, atq; translatum. Quo præstito confirmetur, & confirmationis literæ cum subscriptione & sigillo Ordinarij, eidem dentur.

*A quibus, & quomodo Confirmandæ informatio sumenda.*

**H**I verò qui propter Electæ siue Postulatæ informatio- Cap. VII.  
nem suscipiendam, non solum ipsam, sed & alias Mo-  
niales debent examinare, siue Episcopi fuerint, siue alij  
quicunque, iuxta ea quæ superius ex Concilio Tridentino  
dicta sunt, claustra Monasterij non ingrediantur, sed ante  
cancellorum fenestellas, singularum informationes au-  
diant, & accipiant: quibus in locis & promouendæ sem-  
per erunt confirmandæ, nisi Ordinarius necessitate ali-  
qua adductus, expediens arbitrabitur, per se vel suos Cõ-  
missarios ingredi, pro his tamen rebus peragendis dun-  
taxat, quæ ante dictas fenestellas cancellorum expediri  
non possunt.

## DE RENVNCIATIONIBVS dignitatum, & beneficiorum Eccle- siasticorum. Const. XII.

*Ne ulla renunciatio, seu resignatio sine causa cano-  
nica fiat, & quomodo fieri, & accepta-  
ri debeat.*

**R**enunciationes, Resignationes, & Dimissiones di- Cap. vnicum.  
gnitatum, & beneficiorum Ecclesiasticorum, præci-  
pue quibus cura animarum annexa est, sicut apud Patres  
semper, ita apud nos merito debent esse odiosæ, neque sine  
bona aliqua & canonica causa admitti, cum enim inter  
pastorem & Ecclesiam, quasi Matrimonium aliquod spi-  
rituale

rituale contrahatur, tolerari non debet, vt facilis fiat inter eos separatio. Quod vt eo strictius obseruetur, statuimus & ordinamus, ne Renunciationes, seu resignationes dignitatum, & beneficiorum, maximè Curatorum, aliter quàm ad manus Ordinariorum, ad quorum officium tam Institutiones, quàm destitutiones Iure pertinent, aut ad eorum Officiales, qui ad hoc ab Ordinario habeant mandatum speciale, fiant. Qui tamen etiam resignationum causas primùm diligenter examinent, si sint iustæ: quæ nisi tales sint, resignationes nō admittantur. Quoties etiam fieri contigerit Resignationes beneficiorum, quæ de iurè Patronatus Laicorum fuerint, Ordinarij non instituant, nisi quos Patroni canonice præsentauerint. Volumus etiam quòd huiusmodi resignationes fiant omnino purè, & in nullius fauorem, ne magis successiones, quam dimissiones appareant. Præstet etiam resignans, per seipsum, aut suum Procuratorem, ad hoc speciale mandatum habentem, iuramentum, iuxta formam circa finem sequentis Constitutionis descriptam, quòd in resignatione nulla illicita, vel de iure prohibita pactio interuenerit. Nolumus etiam quòd pacta & consensus priuati Pensionum super Beneficijs resignatis, absq; auctoritate sedis Apostolicæ, interueniant, quæ pacta si accesserint, nullam obtineant firmitatem. Quod si resignatio aliqua secus quàm statuimus, fiat, ipsa non valeat, & prouisio, seu præsentatio, ad eum deuoluatur, cui aliàs de iure proprio, seu communi, aut de consuetudine competit. Si verò renunciatio iuste & canonice fuerit facta, pro rata habeatur, atque admittatur, sed ei nulla dabitur possessio, neq; confirmatio, quousq; fidei non fecerit professionem, ad finem proximæ Constitutionis positam.

DE

# DE MODO PRÆSENTAN- di, acceptandi, seu promouendi Clericos, ad quæuis beneficia Ecclesiastica, præ- sertim curata. Const. XIII.

*De idoneis ad beneficia Ecclesiastica assumendis, inc-  
ptisq; ad suos Patronos remittendis: & de pœna eorum  
qui acceptando præsentatos, magis affectibus,  
quàm conscientia reguntur.*

**C**VM iuxta sacrorū Canonum traditiones, ad benefi- Cap. I.  
cia Ecclesiastica debeant præsentari, promoueri, vel  
assumi, qui digni sunt, atque idonei, & quibus vitæ hone-  
stas, atq; literarum scientia suffragantur, cuius tamen con-  
trarium sæpius fieri nō sine magno Ecclesiæ incommodo  
experimur: Ideò præsentis statuti tenore, omnibus & sin-  
gulis dignitatum, personatuū, Ecclesiarum, Canoniatuū,  
atq; quorumlibet beneficiorum Ecclesiasticorum Patro-  
nis, Collatoribus, & Electoribus, per nostram Prouinciā  
vbiuis locorum constitutis mandamus, vt ad beneficia  
qualiacumq; ad quæ ipsis & eorum cuilibet ius prou-  
dendi, vel præsentandi competit, quando vacauerint, in-  
tra tempora à sacris, præsertim Concilij Tridentini cano-  
nibus statuta, legitimo impedimento cessante, dignas, &  
idoneas personas præsentent, non attendentes affectio-  
nem sanguinis, familiaritatis, lucri vel commodi cuius-  
cumq; sed iudicium rectæ rationis, Ecclesiarum profectū,  
atq; salutem animarū, quæ talibus committuntur. Quod  
vt efficacius fiat, & doli, fraudesq; penitus in talibus ex-  
cludantur, volumus & ordinamus, quod omnes ad quæ-  
cumq; beneficia præsentati, non instituantur, nisi prius à  
E 3 nostro,

nostro, cæterorumq; Episcoporum nostræ Prouinciæ officialibus, eorumq; adiunctis, iuxta formam à Tridentino Concilio traditam, inferius descriptam, fuerint instar ordigandorum, sufficienter examinati, & idonei reperti, atq; propterea admissi. Quòd si tales non fuerint, vt beneficijs ad quæ præsentantur præesse possint, eos decernimus ad suos Patronos, & Præsentatores, cum denunciatione inhabilitatis suæ remittendos. Qui Patroni si exindè in tempore ad hoc de iure statuto, alium idoneum Ordinarijs non præsentauerint, iure præsentandi, pro illa vice priuati sint, Ordinarij q; in cuius Diocesi beneficium est concessum, de eodem secundum Deum providere liceat. Quòd si Capitula, aut singuli Canonici, in conferendis canonicatibus vacantibus se suspectos reddiderint, & magis secundum suos affectus, quam rectum iudicium, atque Ecclesiarum honorem & utilitatem attendere voluerint, Ordinarij erit in his etiam pœnali iudicio prospicere, vt omnia debito modo & canonicè fiant. Si verò ab Ordinarijs absq; alia præsentatione fuerit prouidendum, id iuxta sacri Concilij Tridentini & præsentis nostræ Synodi sanctiones præstare non negligant, quod ab alijs præstari desiderant: ne omnipotentis Dei iram & indignationem, sacrorumq; canonum pœnam incurrant.

*De quorundam Conciliorum constitutionibus obseruandis circa præsentatorum acceptationem: & sine causa euidenti, absentia alicuius ueniam nemini concedendam.*

Cap. 11.  
Ex Cont. Tri-  
dentino Sess. 7.  
c. 3. Decret. de  
Reforma.

**P**Ræterea etiam animaduertendum est, ne huiuscemodi inferiora beneficia Ecclesiastica, præsertim curam animarum habentia, personis non solum dignis, & idoneis, sed etiam quæ in loco residere, ac per se ipsos curam exercere



exercere valeant, iuxta constitutionem Alexandri tertij in Lateranensi Concilio, quæ incipit: Quia nulli &c. & aliam Gregorij decimi in generali Lugdunensi Concilio, quæ incipit. Licet Canon &c. æditam, conferantur: aliter autem facta collatio, siue prouisio, omnino irritetur: & Ordinarius collator pœnas constitutionis Concilij generalis, quæ incipit, Graue nimis &c. se nouerit incursum. Quapropter cùm Ecclesia à cura animarum non immunis digno committi debeat, talis ad hanc dignitatem persona quæratur, quæ in loco residere, & curam eius per seipsam valeat exercere, nisi fortè de licentia sui Episcopi, vel studio literarum, vel pro alijs honestis causis (dum nō vltra tempus à Concilio Tridentino præfixum) contigerit aliquem abesse. Quam nos constitutionem repetentes, volumus eandem strictè obseruari. Hoc etiam adiicimus, quòd si Officiales nostri, atq; suffraganeorum nostrorum, aut nos ipsi, pro concedenda licentia absentiae à beneficijs & Ecclesijs curatis, interpellati fuerimus, ea licentia nulli concedatur, nisi audita & approbata causa, propter quam quis credit se meritò abesse posse: quæ licentia tamen vltra vnum annum nulli concedi debet, nec finito anno in alium annum prorogari, nisi nouæ & canonicæ causæ absentiae emerferint, vel priores adhuc durantes tales sint, quibus ius commune aliàs licentiam nō denegat.

*Nullum Vicarium sine Ordinarij autoritate, uel constitutendum uel etiam dimittendum esse.*

**Q**uòd si causa fuerit perpetua, vel auctoritas maior pro absente interuenerit, ita quòd necesse fuerit Ecclesiam, & animarum regimen alteri committere, exinde volumus, & ordinamus, quòd nullus Vicarius ad aliquā Ecclesiam, seu beneficium curatum, sine consensu Episcopi assu-



pi assumatur, neq; etiam destituatur, sine consensu eiusdē, in cuius diœcesi Ecclesia vel Beneficium situm fuerit, ita vt si aliquis Pastor Vicarium suum, quem cum authoritate Episcopi assumpsit, amouere voluerit, id fiat ex causa rationabili, coram Ordinario producta, & per cognitionem Ordinarij approbata.

*Pastores non residentes de prouentibus Ecclesiarum nihil percipere debere, nisi quod ultra sufficientem Vicariorum sustentationem, & sartorum tectorum conseruationem, reliquum fuerit.*

Cap. IIII.

**C**VM autem plerumq; contingat Pastores non residentes prouentus Ecclesiarum cum pecunijs absentiarū, quas vocant, ita extenuare, vt laborantibus apud Ecclesias parum admodum relinquatur: ceteri tanquam Vicarij & Cooperatores, stipem quasi à plebe sibi commissa, & pro Sacramentorum administratione exigere, etiam ab inuitis cogantur, quod vtiq; tolerandum diutius non est: Quare nostris, ac Coëpiscoporum & suffraganeorum nostrorum Officialibus (coram quibus omnes concessiones Ecclesiarum, & beneficiorum (dummodò causæ, de quibus iam mentionem fecimus, adfuerint, fieri volumus) seriò committimus & mandamus, quod in constituendis concessionibus primò omnium id agant, vt Vicario, Cooperarijs sacerdotibus, & Capellanis, de prouentibus Ecclesiarum, vbi aliundè ipsis prouisum non sit, necessaria constituentur: Deindè prouideatur ædificijs domorum Parochialium satis, & tunc demum assignetur portio absenti Pastori de reliquo, si quod superfuerit: dummodo ex legitima causa, & cum licentia sui Episcopi, iuxta dispositionem Concilij Tridentini, absit, vel abfuerit.

*Ad*

*Ad curam animarum non nisi legitima ætatis homines,  
ac iam presbyteros, aut quàm primum futuros  
admitti debere.*

**L**icet sacrosanctum Concilium Tridentinum decreue-  
rit, neminem deinceps ad dignitates quascumq; qui-  
bus animarum cura subest, promouendum esse, nisi qui  
saltem xxv. suæ ætatis annum attigerit, & in Clericali or-  
dine versatus, doctrina, ad suum munus exequendum ne-  
cessaria, ac morum integritate commendetur, iuxta Con-  
stitutionem Alexandri tertij in Concilio Lateran. pro-  
mulgatam, quæ incipit, cum in cunctis &c. nihilominus  
ad maiorem huius rei explicationem, & nostræ conscien-  
tiæ satisfactionem, renouando Decretum præcedentis  
Synodi Salisburgen. statuimus & ordinamus, ne cuiquæ,  
cuiuscumq; sit conditionis & dignitatis, Parochialis Ec-  
clesia conferatur, nisi etiam post conditiones à sacro Con-  
cilio Tridentino superscriptas, reuera sit sacerdos, vel in-  
tra annum à die adeptæ possessionis, sacerdos efficiatur;  
præsertim cum etiam in alio loco eiusdem capituli dicat  
eadem sancta Synodus Tridentina, Neminem deinceps  
ad dignitatem, Canonicatum, aut portionem recipi debe-  
re, nisi qui eo ordine sacro sit initiatus, quem illa dignitas,  
præbenda aut portio requirit, aut in tali ætate, vt infra  
tempus à iure, & ab ipsa sancta Synodo statutum, initiari  
valeat. Quàm obrem & Nos, ihs, qui Parochialibus Eccle-  
sijs, necdum sacris initiati præsumunt, mandamus, vt infra  
spacium sex mensium ab huius Synodi publicatione, non  
solum Sacerdotalem suscipiant characterem, sed & Mis-  
sas celebrent; quod si quispiam negligeret, vel diutius quam  
decet, sine legitima causa differret, eum immediate illo  
parochiali beneficio priuatum esse, ipsumq; beneficium  
vacare declaramus.

Cap. V.

Sess. 24. c. 17.

Decr. de Reformatione.

Concil. Salisb.  
præd. de offic.  
Decani, & Ca-  
nonic. c. 4.

*Quomodo Ecclesijs uacantibus sit prouidendum, & de  
promouendorum examine ac confirmatione.*

Cap. VI.

Ex Conc. Tri-  
dent. Sess. 24.  
c. 18. Decr. de  
Reformatione.

**V**T autem Parochialium Ecclesiarum vacantium prouisio, omnium pectoribus magis infigatur, dignum duximus huic nostræ præsentis constitutioni Tridentini Concilij Decretum huius rei gratia æditum, esse inserendum, quo commodissimè docetur, quo nam modo huiusmodi Ecclesijs vacantibus immediatè sit prouidendū, & promouendi à quibus, & quomodo sint examinandi, & confirmandi: Decretum verò est quod sequitur. Excedit maximè animarum salutē, à dignis atque idoneis Parochis gubernari, id ut diligentius, ac rectius perficiatur, statuit sancta Synodus, ut, cum Parochialis Ecclesiæ vacatio, etiam si cura Ecclesiæ, vel Episcopo incumbere dicatur, & per vnum, vel plures administraretur, etiam in Ecclesijs Patrimonialibus, seu receptiuis nuncupatis, in quibus consuevit Episcopus vni vel pluribus curam animarum dare, quos omnes ad infrascriptum examen teneri mandat, per obitum, vel resignationem, etiam in Curia, seu aliter quomodocumq; contigerit, etiam si ipsa Parochialis Ecclesia reseruata, vel affecta fuerit generaliter, vel specialiter, etiam vigore indulti, seu priuilegij in fauorem sanctæ Romanæ Ecclesiæ Cardinalium, seu Abbatum, vel Capitulorum: debeat Episcopus statim habita notitia vacationis Ecclesiæ, si opus fuerit, idoneum in ea Vicarium, cum congrua, eius arbitrio, fructuum portionis assignatione, constituere, qui onera ipsius Ecclesiæ sustineat, donec ei de Rectore prouideatur. Porro Episcopus & qui ius patronatus habet, intra decem dies, vel aliud tempus, ab Episcopo præscribendum, idoneos aliquot Clericos ad regendam Ecclesiam coram deputandis examinatoribus nomines. Liberum sit tamen etiam alijs qui aliquos ad id aptos nouerint, eorum nomina deferre, ut possit po-  
sita

stea de cuiuslibet ætate, moribus, & sufficientia fieri diligens inquisitio. Et si Episcopo, aut Synodo Prouinciali, pro regionis more, videbitur magis expedire, per edictum etiam publicum vocentur, qui volent examinari. Transactio constituto tempore, omnes qui descripti fuerint, examinentur ab Episcopo, siue, eo impedito, ab eius Vicario generali, atque ab alijs examinatoribus non paucioribus, quam tribus; quorum votis, si pares, aut singulares fuerint, accedere possit Episcopus, vel Vicarius, quibus magis videbitur. Examinatores autem singulis annis in diocesana Synodo ab Episcopo, vel eius Vicario ad minus sex proponantur, qui Synodo satisfaciant, & ab ea probentur. Aduenienteq; vacatione cuiuslibet Ecclesiæ, tres ex illis eligat Episcopus, qui cum eo examen perficiant; indeq; succedente alia vacatione, aut eosdem, aut alios tres, quos maluerit, ex prædictis illis sex eligat. Sint verò hi examinatores, Magistri, seu Doctores, aut Licentiati in Theologia, aut iure Canonico, vel alij Clerici, seu Regulares, etiam ex ordine mendicantium, aut etiam sæculares qui ad id videbuntur magis idonei, iurentq; omnes ad sancta Dei Evangelia, se, quacumq; humana affectione postposita, fideliter munus executuros. Caueantq; ne quidquam prorsus occasione huius examinis, nec ante, nec post, accipiant: alioqui simoniæ vitium tam ipsi, quam alij dantes incurrant; à qua absolui nequeant, nisi dimissis beneficijs, quæ quomodocumq; etiam antea obtinebant; & ad alia in posterum inhabiles reddantur. Et de his omnibus non solum coram Deo, sed etiam in Synodo Prouinciali, si opus erit, rationem reddere teneantur; à qua, si quidem contra officium eos fecisse compertum fuerit, grauiter eius arbitrio puniri possint. Peracto deinde examine renuncientur, quotcumq; ab his idonei iudicati fuerint ætate, moribus, doctrina, prudentia, & alijs rebus ad vacantem Ecclesiam gubernandam opportunis, ex hisq;

Episcopus eum eligat, quem ceteris magis idoneum iudicauerit; atque illi, & non alteri collatio Ecclesiae ab eo fiat, ad quem spectabit eam conferre. Si verò iuris Patronatus Ecclesiastici erit, ac institutio ad Episcopum, & non alium pertineat, is, quem Patronus digniorem inter probatos ab examinadoribus iudicabit, Episcopo praesentare teneatur, ut ab eo instituatur. Cum vero institutio ab alio, quam ab Episcopo erit facienda; tunc Episcopus solus ex dignis eligat digniorem, quem Patronus ei praesentet, ad quem institutio spectat. Quod si ius Patronatus laicorum fuerit; debeat qui à Patrono praesentatus erit, ab eisdem deputatis, ut supra, examinari, & non, nisi idoneus repertus fuerit admitti. In omnibusque supradictis casibus, non cuiquam alteri, quam vni ex praedictis examinatis, & ab examinadoribus approbatis iuxta supradictam regulam, de Ecclesia provideatur, nec praedictorum examinadorum relationem, quo minus executionem habeat, vlla deuolutio, aut appellatio, etiam ad sedem Apostolicam, siue eiusdem sedis Legatos, aut Vicelegatos, aut Nuncios, seu Episcopos, aut Metropolitanos, Primates, vel Patriarchas interposita impediatur, aut suspendatur: alioquin Vicarius, quem Ecclesiae vacanti antea Episcopus arbitrio suo ad tempus deputauit, vel forsan postea deputabit, ab eius Ecclesiae custodia, & administratione, non amoueatur, donec aut eisdem aut alteri, qui probatus & electus fuerit, ut supra, sit prouisum: alias prouisiones omnes, seu institutiones, praeter supradictam formam factae, subreptitiae esse censeantur: non obstantibus huic decreto exemptionibus, indultis, priuilegijs, praeuentionibus, affectionibus, nouis prouisionibus, indultis concessis quibuscumque vniuersitatibus, etiam ad certam summam, & alijs impedimentis quibuscumque. Si tamen adeo exigui redditus dictae Parochialis fuerint, ut totius huius examinationis operam non ferant; aut nemo sit, qui se examini quærat subij-

rat subijcere; aut ob apertas factiones, seu dissidia, quæ in aliquibus locis reperiuntur, facili grauiore rixæ, ac tumultus possint excitari; poterit Ordinarius, si pro sua conscientia cum deputatorum consilio ita expedire arbitratitur, hac forma omiſſa priuatum aliud examen, cæteris tamen, vt supra seruatis adhibere. Licebit etiam Synodo Prouinciali, si qua in supradictis circa examinationis formam addenda, remittendaue esse censuerit, prouidere.

*De iuramento, quo se promouendus à labe Symoniæ  
alicuius testari debet.*

**P**ostremò ad tollendam omnem Symoniam, quæ in Cap. VII  
collatione, siue præsentatione, aut electione, vel renunciatione, seu qualicumq; promotione supradictorum beneficiorum Ecclesiasticorum solet oriri, ordinamus & sancimus, ne cuiquàm per electionem, siue postulationem, aut collationem, vel renunciationem, pro beneficio huiusmodi præsentato, seu quomodocumq; promotò, concedatur possessio, neq; confirmatio, nisi prius infrascripto iureiurando ab omni labe Symoniæ se immunem ostenderit.

*Iusiurandum à quocumq; ad quodlibet beneficium Ecclesiasticum promouendo præstandum.*

**E**GO N. Electus, vel Postulatus, siue præsentatus, vel quomodocumq; prouissus, ad beneficium N. iuro per hæc sancta Dei Euangelia, me non cupiditate, auaritia, vel ocij sectandi studio, beneficium hoc Ecclesiasticum ambiuisse, vel expetiuisse; multo minus impetrandi eius causa Patronum, Collatorem, Resignantem &c. aliquò munere, pollicitatione, spe futuri lucris, seu aliquo contractu nominato, vel innominatoq; induxisse, aut corrupisse;



neq; id vlla alia machinatione, qualem humana calliditas excogitare potest, procurasse, sed ad hoc ipsum beneficium cum primis spiritali & religionis zelo, & in domo Dei constanti fide, & veritate Catholica inseruiendi affectu promotum, & adductum esse, cui beneficio, seu functioni Ecclesiasticæ in omnibus, quæ ad eam requiruntur, pro virili, ac ritè incumbam; Sic me Deus adiuuet, & hæc sancta ipsius Euangelia.

*De fidei & obedientiæ professione eiusdem.*

Cap. VIII.

**Q**Vo Iuramento præstito, Promouendus antequàm confirmetur, vel ad beneficii ei oblato possessionem admittatur, debet coram Ordinario, vel eius Officiario, fidei professionem facere obedientiam Summo Pontifici præstare, & omnes hæreses publicè detestari, atq; anathematizare, iuxta infrascriptam verborum formam. Videlicet.

*Fidei professio sub iuramento facienda à promotò in  
Parochum, uel alium quomodocumq;  
beneficiatum.*

**E**GO N. promotus in Parochum (vel quicquid Ecclesiasticæ conditionis fuerit) Ecclesiæ N. huius Diocesis N. firma fide credo, & profiteor omnia, & singula, quæ continentur in Symbolo fidei, quo sancta Romana Ecclesia utitur, videlicet; Credo in vnum Deum, Patrem omnipotentem, factorem cœli, & terræ, visibilium omnium, & inuisibilium. Et in vnum Dominum nostrum Iesum Christum, filium Dei vnigenitum. Et reliqua superius in fine decimæ Constitutionis contenta, vbi integra ipsius professionis fidei forma traditur. Item; & vobis Reuerendissimo D. D. N. Archiepiscopo Sal. &c. (si præsens Ordinarius



dinarius fuerit, sin verò alius, eius loco surrogatus fuerit, dicat) & Reuerendissimo D. D. N. Archiepiscopo Salisburgen. &c. Apostolicę sedis legato; vel Episcopo N. Domino meo clementissimo, vestriscq, vel suis successoribus canonicę intransibus, vram obedientiã spondeo & profiteor, promittens me talem pro viribus meis velle exhibere, qualem hoc ipsum requirit beneficium, cuius bonam immobilia per inuentarium mihi consignanda, quam immobilia, absq Reuerendissimi Domini mei Ordinarij &c. consensu & licentiã, non vendam neq impignora- bo, aut quocumq titulo alienabo, siue commutabo. Sic me Deus adiuuet, & hæc sancta Dei Evangelia.

*De Confirmatione Promoti, & ne Officiales eundem iniusta exactione premant.*

**Q**Vibus peractis, confirmetur, & literę confirmationis Cap. IX. authenticę ei exhibeantur: sed à Notarijs, scriptoribus, alijsq Episcoporum Officialibus & ministris, pro omnium opera, sumptu, ac labore in huiuscemodi literis conficiendis, quibus eiusdem beneficij collatio, confirmatio, institutio, prouisio continentur, Promotusa dmodum non grauetur. Quod vt fiat, quilibet Episcopus in sua Dioecesi, pro similibus suorum Officialium, ac ministrorum laboribus, & sumptibus satisfaciendis, aliquod iustum constituet præmium, dum non excedat summam à Concilio Tridentino præscriptam. Si verò à sancta Sede, vel ab Apostolicis legatis, siue Nuncijs quispiam legitime, & absq fraude tali aliquo prouisus fuerit beneficio, post suprascriptam fidei professionem, sine alia mora ei dabitur possessio.

DE

48 Constitutio quartadecimā.  
DE PLVRALITATE BE-  
neficiorum. Const. XIII.

*Ut ex pluribus beneficijs unum retineatur : uel ceterorum  
tituli , iura & dispensationes Ordinarijs pro am-  
pliori deliberatione ædantur.*

Cap. I.

Cont. preced.  
Salisb. de Preb.  
ac Benefic. 2.

**Q**Vandoquidem sine graui Ecclesiarum detrimento  
accidere non solet, vt aliquis plura, quàm vnum  
(maximè si curata sint) occupet beneficia: Ideo Decre-  
tum superioris Synodi Salisburgen. renouando præcipi-  
mus & mandamus, vt omnes & singuli cuiuscumq; sint  
conditionis, & præminentia, Prælati Presbyteri & Cle-  
rici, qui plura obtinent, & actu, maximè incompatibilia,  
habent beneficia, vnum duntaxat ex his, quod optauerint  
retineant, alia verò in spacio sex mensium à publicatione  
horum statutorum Prouincialium computando canonico  
modo dimittant, nisi à sede Apostolica legitimam di-  
spensationem obtinuerint. Quod si putauerint se omnia  
illa de Iure communi, vel speciali retinere posse, tunc his  
omnibus, qui illius spei, vel opinionis fuerint, sub pœna  
priuationis insungimus, vt in dicto spacio sex mensium  
suis quilibet Ordinarijs, vel illorum Vicarijs aut Officia-  
libus generalibus titulos suorum beneficiorū, iura quoq;  
& dispensationes super his obtentas ædant atq; ostendāt,  
ad quorum examinationem postea super retentione, vel  
dimissione huiusmodi beneficiorū agetur, quod canonico  
& iustum fuerit, quamuis sanctæ Synodi Tridentinæ  
Decretum hac de re æditum, satis sit clarum, videlicet:

*Plura beneficia contra Canones impetrata, ac re-  
tenta, cadere in priuationem.*

Quicumq;

## Constitutio quarta decima. 49

**Q** Vicinque de cætero plura curata, aut aliàs incompatibilia beneficia Ecclesiastica, siue per viam vnionis ad vitam, seu commendæ perpetuæ, aut alio quocumque nomine & titulo, contra formam sacrorum Canonum, & præsertim constitutionis Innocentij tertij, quæ incipit: De multa &c. recipere, ac simul retinere præsumperit; beneficijs ipsis, iuxta ipsius constitutionis dispositionem, ipso iure, etiam præsentis canonis vigore, priuatus existat.

Cap. II.  
Sess. 7. c. 4. Decr.  
de Reform.

### *Quomodo subueniendum his, quibus exiguum accidit beneficium.*

**C**vm autem beneficia Ecclesiastica non sint æqualiter dotata, & nonnunquam aliqua tam exilia, quod eorū prouentus ad debitam sustentationem vnus sacerdotis non sufficiant, qui forsitan defectus nonnunquam occasione dedit, plura conquirendi beneficia; Iccirco ne boui trituranţi obturetur os, & cuilibet Clerico pro modulo suæ dignitatis & conditionis competens assignetur sustentationis portio, Nos atq; alij Ordinarij, postquam in proxima per nos instituenda visitatione, de præmissis inquisitionem diligentem fecerimus, debitis & canonicis modis, & in quantum auctoritas nostra se extendit, honestè providebimus. Ad hoc verò institutum, voluimus Decretum sacri Concilij Tridentini ea de re iuxta antiquos Canones æditum, in medium adducere, quod sic se habet.

Cap. iij.

### *Decretum de Pluralitate beneficiorum tollenda.*

**C**vm Ecclesiasticus Ordo peruertatur, quando vnus plurium officia occupat Clericorum; sanctè sacris canonibus cautum fuit, neminem oportere in duabus Ecclesijs conscribi. Verum quoniam multi improbæ cupiditatis affectu, se ipsos non Deum decipientes, ea quæ benè

Cap. II.  
Ex Conc. Tridentino Sess.  
24. c. 17. Decr.  
de Reform.

G constituta

## 50 Constitutio quintadecima

constituta sunt, varijs artibus eludere, & plura simul beneficia obtinere nō erubescunt; Sancta Synodus debitam regendis Ecclesijs disciplinam restituere cupiens, præsentis decreto, quod in quibuscumq; personis, quocumq; titulo; etiam si Cardinalatus honore fulgeant, mandat observari, statuit vt in posterum vnum tantum beneficium Ecclesiasticum singulis conferatur, quod quidem si ad vitam eius, cui confertur, honestè sustentandam non sufficiat; licet nihilominus aliud simplex sufficiens, dummodò vtrumq; personalem residentiam non requirat, eidem conferri. Hæc non modo ad cathedrales Ecclesias, sed etiam ad alia omnia beneficia, tam secularia, quam regularia quæcumq; etiam commendata, pertineant, cuiuscumq; tituli, ac qualitatis existant. Illi verò, qui in præsentis plures Parochiales Ecclesias, aut vnam cathedralem, & aliam Parochialem obtinent, cogantur omnino, quibuscumq; dispensationibus ac vnionibus ad vitam non obstantibus, vna tantum Parochiali, vel sola cathedrali retenta, alias Parochiales, infra spatium sex mensium dimittere: alioquin tam Parochiales, quam beneficia omnia, quæ obtinent, ipso iure vacare censeantur; ac tanquam vacantia liberè alijs idoneis conferantur; nec ipsi antea illa obtinentes, tuta conscientia, fructus post dictum tempus retineant. Optat autem sancta Synodus, vt resignantium necessitatibus commoda aliqua ratione, prout summo Pontifici videbitur, provideatur.

DE ASSVMENDIS AB EPI-  
scopis, siue alijs minoribus Prælati,  
Coadiutoribus. Const. XV.

Ne

*Ne Prælati Coadiutores sibi cooptent, nisi forte aliquis  
per accidens aliquod sit redditus ad functionem in-  
habilis: & hoc casu qui & quomodo  
sint cooptandi.*

**O**ptandum esset, quòd Prælati omnes erga suas Eccle-  
sias ea ducerentur affectione, qua in suos cognatos  
plerumq; rapiuntur, sed (proh dolor) multi sunt, qui magis  
quæ sua sunt, & carnis, quàm Iesu Christi promouere cu-  
rent. De quibus rectè dicit Christus, filios huius sæculi  
prudenteriores esse filiis lucis, in generatione sua. Nonnul-  
li enim sub colore pietatis & auxiliij, simulatò desiderio  
suis Ecclesijs subueniendi, sibi dari procurant successores,  
quos nominant coadiutores, non quod illorum indigeant  
opera, sed vt eis suas relinquunt Prælaturas, tanquam hæ-  
reditarias. Id quod huius sæculi homines fortè prudenter  
factum existimant, cùm Paulus Apostolus eiusmodi  
conatus prudentiam carnis vocet, qua, cùm mors ipsa sit,  
anima occidatur: quare coram Deo stultitia est talis pru-  
dentia, & abominabilis iniquitas. Huic itaq; malo volen-  
tes occurrere, ordinamus & statuimus, ne in posterum in  
hac nostra Prouincia, aliqua huiusmodi admittatur coad-  
iutoris Electio, siuè Postulatio, nisi Prælatus, qui Coad-  
iutorem petit, regularis non fuerit, & ad suo satisfaciend-  
um officio inhabilis effectus sit, vtpotè senio admodum  
confectus, vel contractus, siuè valetudinarius, & viribus  
mentis, vel corporis destitutus, aut in maximis, vtilibus,  
atq; necessarijs suæ Ecclesiæ diuturnis negocijs, præcipue  
spiritualibus occupatus, ipsius tamen causa (si Episcopus  
fuerit) à sede Apostolica (sed si alius minor extiterit) à  
suo Ordinario, rationabiliter approbata, dummodò non  
sit cum futura successione. Proinde talis Electio, seu Po-  
stulatio penes capitulum illius Prælatore, vel Dominum,

Cap. vnicum.

Luc. 16.

Rom. 8.

qui de Iure Patronatus, ordinariè, cum vacat, quemlibet idoneum habet præsentandi potestatem, manere debet libera, tandem ab eo, ad quem spectat confirmatio, approbanda, atq; confirmanda est. At si quis Prælatus regularis fuerit, & Coadiutorem postulauerit, nullus ei omnino est concedendus: sed si inhabilis & impar officio fuerit, ab eo liberetur, atq; remoueat, & alius illo aptior substituitur: ita tamen vt remoti, iuxta ipsius merita, congruens habeatur ratio.

## DE VITA, QUALITATIBVS & officio Episcoporum, atq; cæterorū Prælatorum. Const. XVI.

*Quibus dotibus præditi esse debeant Episcopi,  
cæteriq; Prælati.*

Cap. I.

**S**I vnquam Pastoribus, præsertim Episcopis, qui inter Pastores, Apostolorum vice, primatum tenent, opus fuit ea pectori infigere, quæ ipsis competunt, atq; de iure diuino conueniunt, nunc in istis calamitosis ac turbulentissimis temporibus est pernecessarium. Duo autem potissimum spectare videntur ad Episcopum, seu alium quemcumq; Prælatum, quorum alterum ad mores & doctrinam, alterum verò ad functionis sollicitudinem spectat: vtrumq; à D. Paulo Apostolo præscriptum extat. Primò siquidem Episcopum, seu Prælatum oportet esse irreprehensibilem, sobrium, prudentem, ornatum, pudicum, continentem, hospitalem, doctorem, non vinolentū, non percussorem, non superbum, non iracundum, sed modestum, non litigiosum, sed benignum, non turpis lucricupidum, sed iustum, sanctum, & amplectentem eum, qui secundum doctrinam est, fidelē sermonem, vt potens sit ex-

1. Tim. 3. & ad  
Tit. 1.



sit exhortari in doctrina sana; & eos qui contradicunt, arguere &c. Deinde vt curam animarum perui-gilem gerant, Astor. 10.  
 & non solum sibi ipsis, sed & vniuerso gregi in quo Spiritus sanctus eos posuit Episcopos, regere Ecclesiam Dei, quam acquisiuit sanguine suo, attendant. Quod si non præstiterint, summo Pastori Christo, & rationem, & pœnas daturi sunt, testante eodem Apostolo, cum subditos Hebr. 13.  
 ad obedientiam hortatus, ait, Præpositos rationem pro animabus subditorum olim reddere oportere. Cura autem, qua Pastores fungi debent, & Prælati, non est tyrannidem in subditos exercere, vel cum tumore eis imperare, ipsorum bona iniquè vsurpare; sed Dei pabulo pascere, in necessitatibus, etiam corporalibus, subuenire, captiuos redimere, tumultuosos in lenitate spiritus corrigere, ignorantes instruere, deuios atq; dispersos conquirere, & ad vñam salutis reducere, hallucinantes dirigendo à rugientis Leonis voragine tueri & defendere, à falsis, pestiferisq; doctrinis immunes conseruare, & id genus alia, quæ diligentioribus cognita esse debent. Ii enim quam maxime caueant Ezechielis Prophetæ, imo Dei vltoris, Ezech. 34.  
 comminationes, dicentis: Væ Pastoribus, qui pascunt semetipsos: Nonne greges à Pastoribus pascuntur? Lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit non consolidastis, & quod ægrotum non sanastis, quod confractum non alligastis, quod abiectum non reduxistis, & quod perierat non quaeristis: sed cum austeritate imperabatis eis, & cum potentia. Et dispersæ sunt oues meæ, eò quod non esset Pastor: & factæ sunt in deuorationem omnium bestiarum agrî, & dispersæ sunt. Errauerunt greges mei in cunctis montibus, & in vniuerso colle excelso, & super omnem faciem terræ dispersi sunt greges mei, & non erat qui requireret, non erat inquam qui requireret. Propterea Pastores audite verbum Domini,

mini: Pro eo quod facti sunt greges mei in rapinā, & oues  
 meæ in deuorationem omnium bestiarum agri (neque  
 enim quæsierūt Pastores mei gregem meum, sed pascebāt  
 Pastores semetipsos, & greges meos non pascebant) ecce  
 ego ipse super Pastores requiram gregem meum de manu  
 eorum, & cessare eos faciam vt vltra non pascant gregem,  
 nec pascant amplius Pastores semetipsos; & liberabo gre-  
 gem meum de ore eorum, & non erit vltra eis in escam.  
 Quare vnusquisque nostrum hæc ipsa quā diligentissi-  
 me animaduertet, ne coram diuina iustitia summo Pasto-  
 re Christo Iesu infidelis inueniatur minister.

*De officio Episcopi eiusq; Vicario.*

Cap. II.

**P**ORRO quoniam peruersa sunt in quæ incidimus tem-  
 pora, & homines ad omne malum procliuiores, ideo  
 necessarium est, vt ea, quæ sunt Episcopalis functionis, eo  
 diligentius exerceantur. Verum enimvero cum crebro  
 accidat, vt & Nos, vel Coepiscoporum nostrorum quis-  
 piā grauissimis occupationibus detenti, in muneris no-  
 stri continuatione, ceu per interruptionem quandam in-  
 euocabili modo præpediamur, distrahamurq; : ideo ne  
 quid inde sequatur detrimenti, quod ad Nos attinet dili-  
 genter prouidebimus, cæteris verò & in primis illis no-  
 stris Coepiscopis, quorū Diœceses paulò amplius exten-  
 duntur, mandamus, atq; adeò hortamur, vt dispositiones  
 Innocentij tertij, & quæ habentur in c. Quoniam. & in c. In-  
 ter cætera. De. off. ord. strictè atq; exactè custodiantur. Ita  
 quod vel Episcopi ea, quæ sunt Pontificalis ordinis, per  
 seipsos exequantur, aut à tempore publicationis horum  
 statutorum, infra sex menses aliquem ex Episcopis con-  
 stituant suum in Pontificalibus Vicarium, cui pro digni-  
 tate Episcopali ita prouideant largiter, ne pro impartien-  
 dis Sacramentis, alijsq; Iuribus Pontificalibus exactio-  
 nes

nes populares imponere, sit necesse, ne spiritualia venalia habere iudicentur, saluis tamen procurationibus honestis, atq; debitis, iuxta e. cum sit Romana. de Symo. & iuxta formam Concilij Tridentini.

*Episcopum qui concionari non potest, aptos Concionatores, & alios quo cætera ministeria ritè exequantur, iusto stipendio alere debere.*

**S**imili modo sancimus, & volumus, vt illi, qui donum Cap. III.  
prædicationis non habent, viros idoneos ad tam sanctum, & inprimis necessarium officium salubriter exequendum, quanto citius assumant, potentes in opere, & sermone, qui plebes sibi commissas, vice ipsorum sollicitè visitent, easq; non minus exemplo quàm verbo edificent. Et quia Episcopis in audiendis confessionibus, iniungendis poenitentijs, cæterisque ad salutem animarum pertinentibus, eos cooperari oportet, equissimum est, vt condignæ ferant præmia, & ad necessitatem victus nihil illis desit.

*Episcopos uigilantes, & circumspectos esse debere.*

**N**eq; tamen hoc quisquam eò decretum esse arbitretur, Cap. IIII.  
quod Nobis Episcopis interim vtramuis in aurem ociose dormiendum putemus: imò pro viribus quisq; studere debet, vt ouium exactam habeat notitiam & curam: sed & præcipuè Cooperatoris (per quem oues iuxta reguntur) fidem & diligentiam exploret, & in eo valde oculatus sit, vt suum quisq; munus fideliter in Ecclesia exequatur. Cum etenim omnes oues nosse supra vires nostras sit, compastores tamen, & in opere Dei Coadiutores nostros cōuenit nosse, vt sciamus, quomodo præsent, quomodo doceant, quomodo traditiones, & ritus Ecclesiæ seruent, quomodo viuant, ædificent, ne, an corrumpant gregem.

*De-*

*Decretum exhortatorium ad Episcopos, quibus præscribitur modus & forma uiuendi.*

Cap. V.

Ex Conc. Tridentino Sess. 25.  
c. primo, Decr.  
de Reform.

**E**T vt omnia suprascripta nobis sint magis cordi & curæ, dignum iudicauimus, sanctissimum sacri Concilij Tridentini admonitorium Decretum, nostri, aliorumq; Episcoporum & Prælatorum causa æditum, hic quoque annotandum esse, quod est tale, videlicet: Optandum est, vt ij, qui Episcopale ministerium suscipiunt, quæ suæ sint partes, agnoscant; ac se non ad propria commoda, non ad diuitias, aut luxum, sed ad labores, & sollicitudines, pro Dei gloria vocatos esse intelligant. Nec enim dubitandum est, & fideles reliquos ad religionem, innocentiamq; facilius inflammandos, si Præpositos suos viderint non ea, quæ mundi sunt, sed animarum salutem, ac coelestem patriam cogitantes. Hæc cum ad restituendâ Ecclesiasticam disciplinam præcipua esse sancta Synodus animaduertat, admonet Episcopos omnes, vt secum ea sæpè meditantes, factis etiam ipsis, ac vitæ actionibus, quod est veluti perpetuum quoddam prædicandi genus, se muneris suo conformes ostendant: in primis verò ita mores suos omnes componant, vt reliqui ab eis frugalitatis, modestiæ, continentiæ, ac quæ nos tantopere commendat Deo, sanctæ humilitatis exempla petere possint. Quapropter exemplo Patrum nostrorum in Concilio Carthaginensi nō solum iubet, vt Episcopi modesta supellectili, & mensa, ac frugali victu contenti sint, verum etiam in reliquo vitæ genere, ac tota eius domo caueant, ne quid appareat, quod a sancto hoc instituto sit alienum, quodq; non simplicitatem, Dei zelum, ac vanitatum contemptum præ se ferat. Omnino verò eis interdicat, ne ex redditibus Ecclesiæ, consanguineos, familiaresque suos augere opibus studeant: cum & Apostolorum Canones prohibeant, ne res Ecclesiasticas, quæ Dei sunt, consanguineis donent: sed, si pauperes

pauperes sint, ijs, vt pauperibus, distribuunt, eas autem non distrahant, nec dissipent illorum causa: immò quam maximè potest, eos sancta Synodus monet, vt omnem humanum hunc erga fratres, nepotes, propinquosq; carnis affectum, vnde multorum malorum in Ecclesia seminariū extat, penitus deponāt. Quæ verò de Episcopis dicta sunt, eadem non solum in quibuscumq; beneficia Ecclesiastica, tam secularia, quàm Regularia obtinentibus, pro gradus sui cōditione obseruari, sed & ad sanctæ Romanæ Ecclesiæ Cardinales pertinere decernit: quorū consilio apud sanctissimum Romanum Pontificem, cum vniuersalis Ecclesiæ administratio nitatur, nefas videri potest, nō ijs etiam virtutum insignibus, ac viuendi disciplina eos fulgere, quæ merito omnium in se oculos conuertant.

*Episcopos ea negotia, quibus ipsi interesse non possunt,  
grauibus & bonæ existimationis Viris de-  
mandare debere.*

**H**oc vnum postremò etiam monendum, & ab Episcopis est quàm diligentissimè animaduertendum, quod aliquandò diuersis Ecclesiasticis causis emergentibus, ipsi personaliter negotijs præesse cum non possint, ita vt alijs, in quibusdam actionibus, vices suas committere cogantur, ne autoritatem suam, iuxta præcedentis Salisburgensis Synodi, atq; omnium aliorum canonum, iuriumq; sanctiones, alij quàm Ecclesiastico homini probo, ac sufficienti rem committant, ordinamus atq; præcipimus: vnde & vltima Colonien. Synodus sancit & statuit, vt Episcopi qui functionem munerum suorum non per se, sed per ministros, aut Commissarios seu collectores, solent obire, vices suas nō committant hominibus leuibus, vitiosis nec etiam coniugatis; sed tantum Ecclesiasticis grauib., &

Cap. VI.

Ex Conc. Salisburg. præced. de ordine & qualitat. ministr. Ecclesiæ. c. 2.

c. quibus possint Archid. mu. su. cōmitt.

H probatæ

Mogunt. c. 77. probatae opinionis viris. Idem ferè & Moguntina. Turpe est enim (vt benè alias annotatum est) Clericos siuè actiones Ecclesiasticas Laicorum subire debere iudicium.

DE RESIDENTIA EPISCOPORUM, aliorumq; minorum Prælatorum & Pastorum omnium, ac beneficia Ecclesiastica quomodolibet habentium. Const. XVII.

*Ecclesiarum Rectorum residentiam omnibus modis esse necessariam; uenia autem absentiae quousq; sit concedenda.*

Cap. I.

Ioan. 10.

**Q**uanta sit ouibus necessaria proprii Pastoris presentia, nullus sanæ mentis est qui ambigat, cum veritas ipsa summus omnium Pastor Christus, duplici ratione insinuauerit, tum quia alienum oues non sequuntur, sed ab eo fugiunt, eò quòd eius vocem non cognoscunt, tum quia mercenarius, & qui non est Pastor, cuius non sunt oues propriæ, videns lupum venientem, dimittit oues, & fugit, & lupus rapit, atq; dispergit, mercenarius autem fugit, quia mercenarius est, & non pertinet ad eundem ouibus: sed verus Pastor, cuius sunt oues propriæ, à suis ouibus cognoscitur verè, & eius vocem oues audiunt: Et quum eas emiserit, ante eas vadit, & oues illi sequuntur, quia vocem eius sciunt; & quum lupus venit, se opponit, & vitam ponit pro ouibus suis. Quapropter non immerito omnes leges Ecclesiasticæ, omnia iura canonica sanxerunt & sanciunt, clamauerunt & clamant: Pastores suis ouibus à Deo commissis debere residendo præesse, vt cognita earum necessitate,



fitate, eis, cū opus esse viderint, possint prodesse, & animas suas pro ipsis ponere. Ideò & sacrosanctū optimè ait Concilium Tridentinum: Cum præcepto diuino mandatum sit omnibus, quibus animarum cura commissa est, oues suas agnoscere, pro his sacrificium offerre, verbiq; diuini prædicatione, Sacramentorum administratione, ac bonorum omnium operum exemplo pascere, pauperum aliarumq; miserabilium personarum curam paternam gerere, & in cætera munia Pastoralia incumbere; quæ omnia nequaquam ab his præstari, & impleri possunt, qui gregi suo nō inuigilant, neq; assunt, sed mercenariorum more deserunt; sacrosancta Synodus eos admonet, & hortatur, vt diuinorum præceptorum memores, factiq; forma gregis, in iudicio, & veritate pascant, & regant. Vnde & D. Gregorius: Qui regimen animarum suscipit, hunc censura Ecclesiastica susceptum gregem deserere, & remotæ vitæ otijs vacare non sinit. Quod cum à multis haud parū fuerit neglectum, lac ab eis tantum mulgendo, lanamq; detondendo, & auaris mercenarijs (vtinam nec lupis quandoq;) curam illarum committendo: hinc factum, vt plurimæ interierint, aliæ à lupis raptæ, aliæ dispersæ, aliæ præ timore, partim in cauernis, partim densissima inter arbuta absconditæ. Qua de causa sacrosanctum Oecumenicum Tridentinum Concilium à spiritu sancto edoctum, vt vniuscuiusq; Pastoris ouibus consuleret, omnibus sub reatu peccati mortalis, & diuersis temporalibus pœnis, (vilescen- te spiritali pœna & conscientia parum firma) mandauit Pastoribus, Episcopis, ac reliquis cuiuscumq; conditionis animarum curam habentibus, vt in propria Residentia maneant, hoc est, semper præsentés adsint, nec vsquam à caulis ouium Christianarum discedant, nisi hoc vrgentissimæ & ineuitabiles causæ fieri iubeant, quibus nimirum vel graue damnum auertitur, vel maxima utilitas Ecclesiæ accedere potest; ita tamen, si Episcopus fue-

Sess. 13. c. 1. Decret. de Reformatione. Et Sess. 6. Decret. de Reformatione.

To. 2. expli. 4. in 14 Reg. c. 14.

rit, vt euidens illa causa, vel summo Pontifici, vel Metropolitanò, vel ei, qui huius locum tenet antiquiorem, innotescat, & approbetur: nisi cum absentia inciderit propter aliquod munus, & Reip. officium Episcopatibus adiunctum, cuius causæ sunt notoriæ, & interdum repentinae, ne eas quidem Metropolitanò, vel eius locum tenenti significare tenebitur. Meminerint tamen discessuri, ita ouibus suis prouidendum, vt quantum fieri poterit, ex ipsorum absentia nullum damnum accipiant. Quoniam autem qui aliquantis per tantum absunt, ex veterum canonum sententia non videntur abesse, quia statim sunt reuersuri: sacrosancta Synodus Tridentina decernit, illud absentiae spatium singulis annis, siue continuum, siue interruptum, extra praedictas causas, nullo pacto debere duos, aut ad summum tres menses excedere: & haberi rationem, vt id æqua ex causa fiat, & absq; vllò gregis detrimento. Quos etiam admonet, & in Domino hortatur, ne per illius temporis spatium, Dominici Auentus, Quadragesimæ, Natiuitatis, Resurrectionis Domini, Pentecostes, item & corporis Christi diebus, quibus refici maxime, & in Domino gaudere Pastoris praesentia oues debeant, ipsi ab Ecclesia sua Cathedrali vllò pacto absint, nisi Episcopalia munia in sua Diocesi eos aliò vocent. Si verò quempiam, qui Episcopus non fuerit, sed alius inferior Prælati, vel quomodocumq; curam animarum habens, vel exercens, abesse contingeret, eius absentiae legitimam & grauem causam per Episcopum suum debere ante discessum cognosci, ac in scriptis probari. Cui tamen ultra bimestre tempus abesse minimè conceditur. Interim admonetur, vt Vicarium idoneum, ab ipso Ordinario approbandum, cum debita mercedis assignatione relinquat. Ideo vt non solum sanctissimis Conciliorum, Tridentini præcipue sanctionibus satisfiat, & poenæ, huius rei causa determinatæ, subterfugiantur, sed & Nos summo Pastori Christo

Christo vt pareamus, conscientia, officio, ac ouium nobis commissarum salutis consulamus, per præsens Decretum mandamus, atq; præcipimus omnibus & singulis, præsentibus, & futuris nostris Coëpiscopis & Suffraganeis, Abbatibus, Præpositis, Decanis, Parochis, cæterisque omnibus curam animarum gerentibus, ne sub poenis à sacro Cōcilio Tridentino assignatis, quisquam nisi iuxta ipsius Concilij concessione, à sua Ecclesia se absentare audeat.

*Canonicis, qui in suis Ecclesijs dignitates & officia gerunt, præcipitur continua residentia.*

Sunt & alij, qui in Ecclesijs tam collegiatis, quam Cathedralibus, licet Præpositi non sint, siue Decani, neq; animarum curis dotati, alij tamen titulis & officijs cum emolumentis insigniti, Scholastici scilicet, Custodes, & Cantores, qui pro suis officijs non minus quam Præpositi & Decani residere debent, cum constet (vt optime annotauit sancta Synodus Moguntina) harum dignitatum officia, Maiores nostros ideo in Ecclesijs instituisse, vt essent, qui disciplinam Ecclesiasticam, tanquam Inspectores & moderatores conseruarent. Iam verò videmus, ea ab ijs occupari, qui dignitatum titulos tantum gerunt, & emolumentis gaudent, & tamen ab Ecclesijs suis absunt, nihil minus quam vocationibus suis respondentes. Quare statuimus vt post hac omnes qui in Ecclesijs Cathedralibus vel collegiatis, non solum Præpositorum, vel Decanorum, sed etiam Scholasticorum vel Custodū, aut Cantorum dignitatibus (quatenus hæ ad nostram, aut comprouincialium nostrorum pertinent dispositionem) iam potiuntur, aut in posterum sunt potituri, præsentes suis Ecclesijs vtilem & nomine dignam operam præstent: non absentes, fructus tantum auferant: neque liceat cuiquam absenti vllam harum dignitatum gerere, sed quisq;

Cap. 11.

Synod. Mogunt.  
c. 71.

## 62 Constitutio decima septima.

tali titulo insignitus, suæ Ecclesiæ non absens, neque conductæ aliorum opera, sed residendo præsens ipse inserviat.

### *De residentia, officio, ac diligentia beneficiatorum.*

Cap. III.

**A**Lij verò sunt beneficiati, Ecclesiasticis redditibus fruentes, qui licet nullo peculiari officio in Ecclesijs præfulgeant, neq; curam animarum habeant, illis tamen Ecclesijs, vel Capellis, quarum fructus, vel fructuum partem annuatim accipiunt, quotidie in Psalmis, Hymnis & Canticis Deum laudando, vel sacra faciendo, inservire, deo-  
tisq; illorum locorum populis in spiritualibus, & temporalibus, præsertim pauperibus prodesse, & pro illorum animabus, qui suis beneficijs, vel Ecclesijs, annuos reliquerunt redditus, vel quomodocumq; alijs donis illas Ecclesias, vel beneficia dotauerunt, coram diuina bonitate preces effundere teneantur. Non enim gratis, neq; vt eis ipsi futuri beneficiati abuterentur, illa in sua tantum commoda trahentes, tot tantiq; vtriusq; sexus p̃j homines, his ipsis Ecclesias & Capellas infinitis dotarunt bonis, & prouentibus. Nos p̃as eorum mentes iri defraudatas nolentes (cum ea bona ex illorum medullis, & sudore pauperum constent) sed cultui diuino, beneficiatorumq; salutis consulere volentes, mandamus & præcipimus omnibus & singulis beneficia Ecclesiastica personalem residentiam de iure, siue consuetudine exigentia, in titulum siue in commendam obtinentibus, vt iuxta antiqua, & sacri Concilij Tridentini Decreta absq; tergiversatione in locis suorum beneficiorum resideant: Neq; volumus auctoritate eiusdem Concilij Tridentini, priuilegia, seu indulta perpetua de non residendo, aut de fructibus in absentia percipiendis, alicui suffragari.

Ex Conc. Tri-  
denti, Sess. 6.  
c. 1. Decr. de  
Reformatione.

*Indul-*

*Indulgentias rationabiles firmas manere, interim tamen curam animarum negligi non debere.*

**I**ndulgentijs verò, & dispensationibus temporalibus, ex veris, & rationabilibus causis tantum concessis, & coram Ordinario legitimè probādis in suo robore permanentibus, quibus casibus nihilominus officium sit Episcoporum, tamquam in hac parte à sede Apostolica delegatorum, providere, vt per deputationem idoneorum Vicariorum, & congruæ portionis fructuum assignationem, cura animarum nullatenus negligatur: nemini, quo ad hoc, priuilegio, seu exemptione quacumq; suffragante.

Cap. II. II. I.  
Ex Concilio  
Tridentino  
loco vt sup.

## DE EPISCOPORVM VICARIIS, siue Officialibus generalibus, atque eorum Assessoribus. Const. XVIII.

*Qui ad Officialatus, seu Vicariatus generalis dignitates, ac munera, sint adsciscendi.*

**V**aria rerum, & cōtrouersiarum negocia, quæ indies, vix vlla interposita quiete, ob hominum diuersa studia & contentiones, immenso penè cumulo sese offerunt, in causa sunt, vt tanto oneri nō sufficiant Episcopi, quantum suis Dioecesebus præstò sint, & omnibus, quod dici solet, neruis laborent, & fatigentur: idcirco iam olim apud Ecclesias cathedrales, præcipuè quæ cum amplis Dioecesebus coniunctæ sunt, consuetudo ex necessitate orta est, vt Episcopus quilibet in disponendis rebus, alijsq; occurrentibus negotijs, aliquem sibi adsciscat cooperatorem, quem vocant Officialem, siue Vicarium generalem.

Cap. I.

Scimus q̄ multis in locis hæc duo nomina Officialis, & Vicarius distinguuntur, cū his diuersa prorsus officia tribuantur: in nostra verò Metropolitana, & in nōnullis alijs Ecclesijs cathedra libus Prouinciæ nostræ confundantur inter se hæ voces, Officialis, & Vicarius: vti etiā factū est in Sacrosancta Synodo Tridentina sess. 14. cap. 16. Decreti de Reform. quia sub vnum idemq̄ue officium omnino cadūt. Propterea, siue sit vnū planè munus, siue distincta, de vtroque decreta ista certè intelligi volumus.

Sess. 14. c. 3. Decret. de Reform.

Sess. 14. cap. 12. Decr. de Reform.

Conc. Trid. diuer. in locis. De offic. Archid. c. 7.

lem. Quam laudabilem, antiquissimamq̄ consuetudinē. Nos, nostriq̄ Coëpiscopi, tanquam ineuitabilem libenter amplectimur, eamq̄ p̄sīm per nostram Prouinciā retineri mandamus: hac tamen conditione, quam sub præcepto seruari volumus, ne Nos aut Coëpiscoporum nostrorum aliquis, quempiam ad hoc officium, nisi idoneū, Virum scilicet Ecclesiasticum, honestum, bonorum morum, maturæ ætatis, atq̄ prudentem assumat. Absurdum enim foret, in ijs rebus, quæ forum Ecclesiasticum spectant, religiosum prophani, sacerdotem Laici, superiorem inferioris iudicio, & censuræ subiectum esse debere. Quapropter, nequid tale inconditum, atque præposterum in nostris accidat Ecclesijs, iubemus, vt in nostra Metropolitana, & qualibet cathedrali Ecclesia, talis Iudex, Officialis, siue Vicarius generalis præficiatur, qui sacris initiatus, in cognoscendis, discernendis, ac examinandis controuersiarum causis, ijsq̄ iudicandis, nec non & in quarumcumq̄ aliarum actionum sententijs ferendis, iuxta Canones optimè sit peritus, vt inter lepram & nō lepram sciat discernere, ne innocentes condemnet, vel reos iustificet. Nec mirum. Nam si Archidiaconi, quibus, teste experientia, Synodoq̄ Tridentina, in quibusdam determinatis duntaxat partibus vniuscuiusq̄ Diocesis, sua exercenda est officij facultas, iuxta sacros canones, præsertim Tridentinæ Synodi, Magistri in Theologia, vbi fieri poterit, seu Doctores aut Licentiatī in Iure canonico debeant esse: quantò magis id obseruandum venit in deligendis Officialibus, seu Vicarijs generalibus, quorum auctoritas, non ad vnā tantum partem suarum Diocesium restringitur, sed longè lateq̄ per Dioceses suorū Episcoporum extenditur: cuius rei gratia, & generales Vicarij, siue Officiales in omnibus p̄sīm, etiam sacris canonibus nuncupantur, & primi, siue proximi post Episcopos dignoscuntur, ita vt etiā Archidiaconi eorum communiter sub-



ter subsint authoritati, qui licet oculi dicantur Episcopi, Vicarius tamen generalis seu Officialis, veluti alter est Episcopus, eo quod eiusdem per omnia vices gerit. Quod vt sic fiat, sacrum Tridentinū Concilium statuit, & Synodus Moguntina Episcopos cauere iubet, dum ipsi officijs suis præesse non possunt, ne vices suas hominibus dubiæ famæ, aut ab ordine Ecclesiastico prorsus alienis committant; sed in suum locum quoties suis muneribus per se non præsent, viros bonos, graues, peritos, prudentes & in primis Ecclesiasticos substituant.

Conc. Triden.  
Sess. 24. cap. 16.  
Decr. de Refor.  
Syno. Mogunt.  
c. 17.

*Vicarium generalem, seu Officiale, citra Episcopi expressum mandatum, seu datam facultatem, nil agere posse.*

Ipsi verò Officiales, siuè Vicarij generales, licet ad tale assumantur officium, nihil tamen (quod etiam præcedens Synodus Salisburgen. præcipit) in ciuitati, sub siuè extra, possunt neq; debent exercere, seu quicquam peragere, nisi iuxta facultates, eis ab Archiepiscopo, vel suis Episcopis præscriptas, horumq; sigillis munitas. Vnde & Synodus Ancyra ait, Vicarijs Episcoporum non licere vel Presbyteros, vel Diaconos ordinare, id est, ad ordines promouere; sed nec Presbyteris ciuitatis, sine Episcopi præcepto, amplius aliquid imperare; nec sine authoritate literarum eius in vnaquaq; Parochia aliquid agere. Cuius rei causa est, quod cum ad Ordinariorum beneplacitum, plerumq; sint mutabiles, à iure nulla eis determinata assignatur potestas.

Cap. 11.  
Ex præd. Conc.  
Salisb. de officiali & c. functionib.

Synod. Ancyr.  
can. 13.

*De iuramento præstando à Vicario generali,  
seu Officiale.*

I

Nemini

Cap. III.

**N**emin autem generalis Officialatus, seu Vicariatus literæ cum facultatibus dentur authenticæ, nisi prius in manibus sui Episcopi, suæ fidei cum iuramento fecerit professionem, ex sacro Conc. Tridentino desumptam, videlicet:

*Fidei Professio cum iuramento ab Officialibus siue Vicarijs generalibus, atq; eorum Assessoribus præstanda.*

**E**GO N. à vobis Reuerendissimo D.D.N. Episcopo N. assumptus in generalem Vicarium, siue Officiale huius suæ Diocæsis. N. firma fide credo, & profiteor omnia, & singula quæ continentur in Symbolo fidei, quo sancta Romana Ecclesia vtitur, videlicet. Credo in vnum Deum, Patrem omnipotentem, factorem cœli & terræ, visibilibus omnium, & inuisibilibus. Et in vnum Dominum nostrum Iesum Christum, filium Dei vnigenitum. Et reliqua superius in fine decimæ Constitutionis contenta; vbi integra ipsius professionis fidei forma traditur. Item: & vobis Reuerendissimo D.D. N. veram obedientiā spondeo & profiteor; cui etiā promitto in omnibus perficiendis examinibus, processibus, inquisitionibus, sententijs, visitationibus, reliquisq; actionibus similibus mihi commissis atq; committendis, me non aliter quam sacri canones docent, atq; exigunt processurum; Sic me Deus adiuet, & hæc sancta Dei Euangelia.

*Officiales ne sint pathetici, id est, ne ab affectionibus regantur.*

Cap. IIII.

**P**ræstito itaq; huiusmodi iuramento, & ab Episcopis suarum facultatum literis authenticis acceptis, meminisse debent ipsi Officiales siue Vicarij generales, ne in  
suis

fuis actionibus respectores sint personarum neq; amatores pecuniarum, siue aliorum munerum: nec odio, aut amore se moueri sinant: sed iuxta canones, Deum semper præ oculis habentes, procedere, suaq; omnia acta dirigere debent ac tenentur.

*Officiales neminem sibi, nisi auctoritate Episcopi, subdelegant.*

**A** Nimaduertentes Interim, cum aliquo impediuntur Cap. v.  
negocio, vel ab aliqua detinentur corporis infirmitate, ita vt suo satisfacere non possint muneri, ne Officialatus, seu Vicariatus vices, alijs committant, præsertim cum in Iure cautum sit, ne Vicarius substituat Vicarium, sed suis Ordinarijs Episcopis hoc faciendū permittant, quos De off. Vicarij.  
c. 4.  
ea de re cum necesse fuerit, certiores facient, vt illi id præstare non negligant: nisi ipsis ab Episcopis in facultatibus datis, potestas substituendi concessa fuerit: quia tunc & ipsi hoc idem curare poterunt, dummodò viros habiles Ecclesiasticos, idoneos, ac sufficientes substituant.

*Sede uacante à Capitulo constituendum esse Officiale,  
seu Vicar. generalem, seu pro tempore existentem approbandum.*

**E**T quia vacante sede per mortem alicuius Episcopi, auctoritas Officialis, siue Vicarij generalis, solet expirare; sacrosancta Synodus Tridentina ne iacturam patiatur Iurisdictio Ecclesiastica statuit, Capitulum omnino tene-ri infra octo dies post mortem Episcopi Officiale, seu Vicarium constituere, vel existentem confirmare: qui saltem in Iure canonico sit Doctor, vel Licentiatus, aut aliàs quantum fieri poterit idoneus. Si secus factum fuerit, ad

Cap. VI.  
Sess. 24. c. 16.  
Decr. de Reformatione.

Metropolitanum huiusmodi deputationem declaret esse deuolutam. Quod si casus accideret in Metropolitana siue exempta quadam Ecclesia, eiusdemq; capituli Patres circa hoc negotium essent remissiores, tunc antiquiori Coëpiscopo, in Metropolitana: & propinquiore Episcopo, in exempta, Vicarium idoneum, siue Officialem constituendi potestas conceditur. Qui tamen siue antiquus, siue à Capitulo recens constitutus, confirmatusq; omnium sui ministerij actionum à die qua fuit constitutus, siue confirmatus, usq; ad inuestituram noui Episcopi requisitus rationem reddere debet.

## DE ASSESSORIBVS. Const. XIX.

*Qualis Officiali sit arrogandus Assessor.*

Cap. L

**C**Æterum cum in nonnullis nostræ Prouinciæ cathedralibus Ecclesijs moris sit, ad maiorem sacrorum Canonum obseruantiam, securioremq; Officialium siue Vicariorum generalium, in rebus peragendis intelligentiam, suo Officiali alium, vtriusq; tamen iuris peritum, tanquam consultorem assignare, virum quem Assessorem vocant, qui omnibus actionibus Officialatus assistere debet, vt suo consilio, atque peritia nihil fiat, vel statuatur, quod sacris contrarium videatur Canonibus: Hanc itaq; consuetudinem, non improbamus, sic tamen vt nullus in Assessorem sumatur, nisi doctrinæ respondeant etiam mores, grauitas, prudentia, sagacitas, & modestia: profuerit etiam, Ecclesiasticum, vel saltem cœlibem eum esse hominem. Is tamen, nisi iuramento, quod supra Officialibus iniunctum est (mutato solum verbo PROCESSVRVM in dictionem CONSVLTVRVM) prius dato, ad muneris sui functionem non admittetur.

De

*De officio Assessoris, & quid in eo agere, uel  
omittere debeat.*

**P**Ræterea monendi sunt tales Assessores, quòd tametsi Cap. II.  
Officialibus, adiuuandi & communicandi consilij  
causa sint adhibiti, non tamen hoc eò intelligi, vt & ipsi  
iudicent, sententiam ferant, vel præsideant, ne ex ista vi-  
cissitudinaria quadam commixtione, apud plebeios am-  
biguum fiat, vter sit potior, Officialisne, an verò Assessor.  
Qui error, ne cui vnquam obrepat, sancimus, quòd in  
qualibuscumq; Officialatus, siuè Vicariatus generalis, aut  
cuiuslibet fori nostri Ecclesiastici, siuè (vt vocatur) Con-  
sistorij actionibus, quibus licet quandoq; plures cum po-  
testate sententiam dicendi inter sint, pro examinandis ad  
sacros Ordines, seu ad Ecclesias præcipue curatas promo-  
uendis, alijsq; emergentibus negocijs, Ordinariorum ius-  
su & mandato expediendis, Assessores votum duntaxat  
habeant consultiuum, & non decisiuum: Idq; duas ob ra-  
tiones: Primò, quia cum vt plurimum Assessores huiusce-  
modi meri sint Laici, &, vt supra monuimus, à Laicis sa-  
cerdotes parum decenter iudicari. Secundò, quoniam  
Assessores Officialibus in supplementum quoddam sunt  
adiuncti: nam si Officialis esset iuris Canonici satis perit-  
us, Assessoris opera minimè indigeret: itaq; Assessoris  
suffragiū per se nihil præstat: sed quod ferre debet Officia-  
lis suffragium, id Assessoris consilio, & ingenio limatum,  
accommodatum, & canonicè formatum esse debet. Hinc  
dicitur Assessor, quasi assidens Iudici, in causarum cogni-  
tione suum præbens consilium. Eius igitur est officium,  
non iudicare, sed præsidii iudicanti assidere, & in causis,  
cognitionibus, postulationibus, libellis, edictis, decretis,  
atq; id genus alijs, assidendo consulere: Itaq; & in nostra  
Prouincia Assessores Officialibus siuè Vicarijs nostris  
debent assidere.

70 Constitutio vigesima.  
DE PRÆDICATIONE VER-  
bi Dei, & officio Ecclesiastæ.  
Const. XX.

*Munus prædicationis diligenter esse curandum à Præ-  
latis uel eorum surrogatis.*

Cap. I.

PERinde, vt corpus nostrum carnale nutritur pane fru-  
mentario: sic anima pascitur verbo Dei, & quanto  
anima præstantior est corpore, tantò spiritualis cibus ex-  
cellentior est corporali. Munus autem huius distribuendi  
panis, præcipuè Episcopis (nam hi Apostolorum locum  
obtinent) post deindè cæteris Prælati, nec non Parochis  
incumbit: nam hi Episcopis, in quorum partem sollicitu-  
dinis arrogati sunt, auxilio esse debent. Quamòbrein vt  
officio satisfaciamus, nostrorum Prædecessorum vestigia  
secuti, sacro etiam Concilio Tridentino idem suadente at-  
que mandante, omnes Episcopos, & alios minores Eccle-  
siarum Prælatos, atq; Parochos, in Domine hortamur, vt  
(qui id possunt, & legitime impediti non fuerint) per se  
iplos saltem in Ecclesijs residentijs, sanctum Christi Euan-  
gelium velint prædicare. Si verò contigerit Episcopos,  
& alios prædictos legitimo detineri impedimento, iuxta  
formam generalis Tridentini Concilij, viros idoneos ad  
huiusmodi prædicationis officium salubriter exequen-  
dum, omnino assumant. Si quis autem hoc adimplere con-  
tempserit, districtè subiaceat ultioni. Dies verò in quibus  
conciones huiusmodi debent haberi, sacra Synodus Tri-  
dentina ostendit inquit: Omnibus saltem Dominicis,  
& solemnibus diebus festis; tempore autem Ieiuniorum  
Quadragesimæ, & Aduentus Domini quotidiè, vel sal-  
tem tribus in hebdomada diebus; & alias, quotienscumq;  
id opportunè fieri posse ipsi iudicauerint Prælati.

Sess. 5, c. 2. Decr.  
de Reform. &  
Sess. 24, c. 4. De-  
cre, de Refor.

Loco vt sup.



*Ut Concionatores uerbi Dei non tam sint diligentes in  
sua doctrina, quàm etiam cauti, orthodoxi, & pru-  
dentes, & quorum Doctorum enarrationi-  
bus potissimum uti debeant.*

**H**I verò qui ad hoc prædicandi officium fuerint ab Or- Cap. II.  
dinarijs vt idonei assumpti, perquàm diligenter, &  
cautè circa hoc ministeriũ se habeant. Humani enim cor-  
poris ventriculus, vt cibo malè cocto, crudo, difficili, aut  
intoxicato, vel debilitatur, vel humidum radicale (prout  
Physici loquuntur) planè extinguitur; sic anima verbo  
Dei, vel malè digesto, vel iuxta crudam literam cocto, vel  
veneno hæretico adulterato, malè afficitur, & tandem pe-  
rimitur. Quo fit, vt verbi Dei predicatoribus in admini-  
stratione cibi illius nobilissimĩ prudenter admodum in-  
cedendum sit, ne vel ad sinistram, scilicet Iudæorum fer-  
mentum, vel ad dexteram, id est, hæreticorum & schisma-  
ticorum virus, & blasphemias declinent. Quod ne fiat,  
omnibus & singulis diuini verbi prædicatoribus, præci-  
pimus, iniungimus & mandamus, ne verbum Dei ex pro-  
prio metiantur ingenio, idèq; iuxta sua somnia, & coniec-  
turas temerè interpretentur, vel opiniones, aut eum sen-  
sum, quem ipsi sibi indè eliciunt, sed omnino ad intelle-  
ctum, quem sancta mater Ecclesia atq; sedes Apostolica  
doctoresq; & Patres ab eis recepti, instinctu Spiritus san-  
cti tradiderunt, & tenent, populo exponant. Quod tunc  
præcipue fiet, si antiquorum illorum Ecclesiæ Catholicæ  
doctorum sanctorum, Dionysij, Clementis, Ignatiij, Cy-  
priani, Athanasij, Cyrilli, Hilarij, Basilij, Io. Chrysosto-  
mi, vtriusq; Gregorij Nazianzeni & Nysseni, Hierony-  
mi, Ambrosij, Augustini, Gregorij magni, Thomæ A qui-  
natis & ven. Bedæ, Haimonis & id genus aliorum, ac etiã  
recentiorum, quæ non solum in scholis vniuersalibus, &  
sanis

sanis à labe hæretica legi & obseruari solent, sed & à Ro-  
mana Ecclesia scripta non reprobata legant. Veluti Dio-  
nyſij Carthusiani, Ioannis Eckij, Friderici Nauseæ, Mi-  
chaëlis Episcopi Merseburgensis, Ioannis Feri, Ioannis  
Hofmeisteri, Egidij Topiarij, Roiardi, Iodoci Clichtouei,  
Antonij à Königſtain, & his ſimilium homilias, & poſtil-  
las; ac sermones etiam Theſauri noui, ex quibus ortho-  
dœ doctrinæ congruas, & ad Ecclesiæ Dei ædificationem  
cōmodas prædicationes colligere poterint. Sed animad-  
uertere debent, vt semper etiam secundum proprietatem  
linguæ studeant prædicare. Ab alijs verò damnatis, &  
prohibitis authoribus, nisi à S. sede Apostolica quispiam  
facultatem eorum libros legendi adeptus fuerit, eos pror-  
sus abstinere volumus; quorum scripta eisdem prædica-  
toribus nostris, quemadmodum & alijs vtriusq; sexus, cu-  
iuscumq; sint conditionis personis, horum lectionem, li-  
brorumq; talium vsum, sub pœnis supra in Articulo de  
hæreticis descriptis, seriò prohibemus, atq; interdici-mus.

*Modus uitandi hæreticorum scriptorum lectionem.*

Cap. III.

**N**E sint autem concionatores nostri anxij neq; solliciti,  
dicentes, se necessariò debere libros hæreticorum le-  
gere, vt eorum fallacijs, pestiferisq; dogmatibus, in suis  
sermonibus pro fidelium instructione possint technas il-  
lorũ soluendo obuiare, atq; respondere: nec dicant quo-  
modò illorum laqueis delusum populum extricare cau-  
tioresq; reddere poterimus, nisi eorum dolos perceperim-  
us, ipsorum scripta legendo? Quia habent complures  
Catholicos scriptores, qui hoc optimè in scriptis iam præ-  
stiterunt, & indies iuxta necessitatem, superiorum autho-  
ritate innixi, præstare non desinunt, quorum annotatio-  
nibus eruditis, hæreticorum fraudes, & venena, sub melle  
exhibita, luce clarius deteguntur, oraq; obstrepentia illis  
claudun-

clauduntur; Ex quibus prædicator quilibet, fidei Catholice partes defendendi audus, non solum ea ipsa peruersa hæreticorum dogmata, sed & conueniens ad illorum singula responsum iuxta vniuscuiusque rei necessitatem elicere poterit, quibus in vnaquaque materia ab hæreticis tractata, fidelem populum, veritate aperiendo, erroneisque doctrinis respondendo, rectius atque tutius poterit instruere, quam si ipsos hæreticorum libros legeret, & illis proprio captu, & ingenio respondere vellet: quia non omnibus contingit diuinarum literarum penetrare mysteria. Et quoniam à nostræ ætatis hominibus nulla est prodita hæresis, quæ non etiam antiquitus in Ecclesia Dei grassata sit: ita Deus opt. max. hodiè non minus quam olim pia & præclara excitat ingenia, quæ non solum technas & dolos hæreticorum detegunt, sed & modum atque viam incautis tradunt, vt illorum laqueos euitent, neque vsquam impingant; illaqueatis verò, quomodo sese explicent. At ij non propterea in Hæreticos stylum exacuunt, vt ad noua quedam commenta respondeant (nihil enim dictum est, quod non dictum sit prius) sed vt repetitas hæresium doctrinas denuò sanctorum Ecclesiæ Patrum argumentis conuellant; ne si (vt bene ait D. Cyprianus) falsas eorum criminationes contemneremus refutare, videamur crimen agnoscere, vel nobis tacentibus nostræ tribuatur diffidentia, & ipsi in sua glorientur malitia. Propterea non frustra nos docuit sapiens, stulto iuxta ipsius stultitiam esse respondendum, ne sibi sapiens esse videatur. Ex horum itaque scriptis, tanquam ex penu, debet eruere argumenta Concionator, ad euertendam impiam & adulterinam hæreticorum doctrinam, idque longè tutius fecerit quam ex illorum pestilentissimis libris, ex quibus incautus lector antequam præuideat, labe aliqua aspergi, & infici potest facillimè.

D. Cypri. in  
Tractatu contra  
Demetrianum.

Proue, 23.

*De modestia & ratione inter Concionandum  
obseruanda.*

**Cap. IIII.** **P**Rædicatores insuper neq; diuino verbo prophana, incerta aut fabulosa debent ineptè miscere, neque inter prædicandum rixari, aut furiosè contendere: nec Episcopos, aliòsue Prælatos, siuè ciuiles Magistratus, cum auditorum offensione, asperius obliurgent, sed modestè potius admoneant. Nullius hominis Christiani, cuiuscumq; sexus, censuræ se palàm vociferando subiiciant, sed populum Præpositis suis, etiam dyscolis, iuxta doctrinā Apostolicam, obedire doceant, atque hortentur. Ab obscuris, nodosis, & difficilibus quæstionibus abstineant. Non laudem, non quæstum, sed animarum salutem anxie quærant. Fidem & opera, misericordiam & iustitiam Dei, coniunctim inculcent, nec alterum ab altero separent. Vitia quoq; detestentur, ad virtutes exhortentur, & alliciant: Et in summa qualem ipsi gregem Christi esse voluerint, tales ipsi priores sint, vt quod alios docuerint, ipsi primū præstent & exhibeant, idq; Christi exemplo, qui primum incœpit facere, deindè docere: Exemplum enim dedit nobis, vt quemadmodum ipse fecit, ita & nos faciamus. Præterea Tridentini Concilij, & huius nostræ Synodi Provincialis Decreta, & Constitutiones, præsertim quæ ad mores, & disciplinam Christianam pertinent, inculcare non desinant. Néue etiam quidquam obscure exponant & doceant, quo adstantium aures incertæ, suspensæ, vel offensæ relinquantur.

*Quibus locis, & quando non sit Concionandum.*

**Cap. V.** **C**Um præterea ex Concionibus, quæ in priuatis locis, puta facellis castrorum, vel quæ ab hominum conuersatione remotiores sunt, vt in campestribus, syluestribus, alijsq; c

alijsue solitarijs locis fiunt, plerumq; suspensiones nascantur, verbumq; Dei non angulis, sed publico gaudeat: Ideo prohibemus, ne in similibus locis, in quibus ante annos viginti, nulli habiti sunt sermones, nec posthac prædicetur (preterquam in diebus Dedicationum, & vnius Patroni, vbi ab antiquo consuetum fuerit his diebus sermones fieri) sub poena suspensionis à munere prædicandi ad quatuor menses, quoties Prædicatorem hæc facere contigerit.

*Neminem sine legitimo mandato Concionari  
debere.*

**E**T cùm nullus prædicare debeat, nisi mittatur; Ideo Cap. VII  
Prælati Ecclesiarum cæterisq; omnibus, quibus Prædicatoribus opus est, mandamus, ne aliquem huic muneri præficient, nisi sit à suo Ordinario examinatus ad hoc, atque admissus.

**DE THEOLOGIS, AB EPI-  
scopis, suis Ecclesijs cathedralibus, alijsq;  
collegiatis designandis atq; deputan-  
dis. Const. XXI.**

*In metropolitana, & quatuor præcipuis cathedralibus  
Ecclesijs &c. eruditum Theologum ali debere, qui cæte-  
rum Clerum sacras literas statutis horis præ-  
legendo, informet.*

**C**Um nobis Episcopis magna sacerdotum debeat esse Cap. vnicuique  
cura, iuuenum præcipue, ac eorum quibus anima-  
rum cura ex officio nõ incumbit, de quorum numero cum  
K 2 primis

De Magistris c.  
1.4. Conc. Lateran. Præced.  
Concil. Salisb.  
Concil. Trid.  
Sess. 5. c. prim.  
Decr. de Refor.

primis sunt, qui apud Metropolitica, cathedrales, ac collegiatas Ecclesias diuino inseruiunt cultui: Ne igitur tales, horis à ministerio vacantibus, ocio dediti in laqueos incidant diaboli, sed eorum opera Nobis in alijs officijs Ecclesiasticis vsui esse possit, non tantum renouatam, sed ampliatam quoq; decisionem cap. 1. & 4. De Magistris à Conc. Lateran. pridem institutam, & à superiore Synodo Salisburgen. sub Illustrissimo D. Ernesto celebrata pariter amplexatam, & à sacro Concilio Tridentino tanquam hac nostra ætate valde necessariam renouatam, atq; promotam volumus; Ideò vt Prædecessorum nostrorum pias & laudabiles imitemur sanctiones, & sacri Tridentini Concilij pareamus determinationi, nostræq; subueniamus, consulamusq; necessitati, ordinamus & statuimus, vt in nostra Metropolitana, & cathedralibus Ecclesijs Frisingen. Ratisponen. Passauien. & Brixinen. Nec non & in alijs collegiatis opulentioribus Ecclesijs habeatur Theologus, sacerdos doctus, & approbatus, licet in eadẽ facultate doctoratus insignibus non fuerit decoratus, qui ipsos sacerdotes, & alios Clericos, & egenos scholasticos (qui parentum opibus, neq; iuari, neq; sustentari in vniuersitatibus possunt) hora pomeridiana in sacris literis edoceat, & in his præsertim informet, quæ ad cuiusq; ministerium & curam animarum spectare dinoscuntur. Cui circa victum prouideatur, quemadmodum canon iste, & sacrosanctum Tridentinum Concilium disponunt. In Ecclesijs verò collegiatis, in quarum facultatibus non est, vt Theologum sustentent, curent Decani, & Capitula, vt Canonicis, & alijs sacerdotibus cõstituatur tempus quotidianum, quo aliquid in sacris literis legant, ne torpentes & somno dediti, tempus irrecuperabile male perdant. Ordinarij autem Decanis, contra reluctantes, inobedientes & inertes, vt in alijs licitis, honestis, & necessarijs, ita & hoc loco suppetias pro conseruanda obedientia ferant.

Qui



Qui si in officio suo negligētiore fuerint, per Ordinarios corripiantur: Ipsiq; ordinarij Decanorum negligentiam suppleant.

# DE CONSIDERATIONE ab Episcopis habenda in admittendis ijs, qui ad sacros ordines aspirant. Const. XXII.

*Præfatiuncula ad sequentis materiæ tractationem.*

**M**Onente Apostolo, manus citò nemini esse imponendas, sed vnumquemq; ante quam ad sacrorum ministerium admittatur esse probandum, vt dignus, non criminofus, neque inhabilis pro tanto munere obeundo adsciscatur; itidem & à sanctissimis Concilijs & Patribus, vt custodiatur, copiose sancitum atq; præceptum cū sit; multos tamen propter nostrorum temporum maliciam, ab eadem Apostoli doctrina, & Maiorum nostrorum limitibus longè discessisse (proh dolor) non sine magna animi nostri perturbatione conspeximus, in hisce nostris constitutionibus, renouando Decretum præteritæ Salisburgeñ. Synodi, super hoc nonnulla statuere atq; ordinare necessario duximus.

Cap. I.  
1. Tim. 3. & 4.

De ord. & qual.  
ministr. Eccle-  
siaz.

*De examinatione Ordinandorum, & à quibus  
ca fieri debeat.*

**L**icet hoc munus eos examinandi atq; approbandi, qui se in sortem Domini adscribi desiderant, proprium sit Episcoporum, qui iuxta antiquorū canonum, etiam Tridentinæ Synodi, traditiones, sacerdotibus, & alijs prudentibus

Cap. II.  
Ex Conc. Tri-  
dentin. Sess. 23.  
c. 7. Decreti de  
Reform.

# 78 Constitutio vigesima secunda.

tibus viris, peritis diuinæ legis, ac in Ecclesiasticis sanctio-  
nibus exercitatis, sibi ascitis, eorundem Ordinandorum  
genus, personam, ætatem, institutionem, mores, doctrinā  
& fidem, ac reliqua diligenter deberent inuestigare, nihil-  
ominus propter varias & diuersas, quæ indies ipsis oc-  
currunt occupationes, quibus admodum implicati deti-  
nentur, quod præsertim his euenit, qui amplissimas ha-  
bent Diœceses, eis indulgendo consentimus, vt qui per se-  
ipsum hoc præstare non valent, per suos Officiales, siue  
Vicarios generales, & alios sacerdotes, eos præsertim, qui  
in cathedralibus Ecclesijs illa obtinent officia, quibus ex  
antiqua consuetudine hoc munus est iniunctum: nec non  
& alios (si visum fuerit) graues tamen & pios, ac huius  
negocij peritiam habentes, atq; in maiorum ordinum ali-  
quibus saltem cōstitutos: Laicos enim, & eos, qui in mino-  
ribus tantum sunt ordinibus, ab hoc munere prorsus ex-  
cludimus. Non negamus autē quin boni viri, sacris etiam  
nō initiati, veluti Assessores, & cathedralium Ecclesiarum  
iudici moderatores, vt illi, ne sacris canonibus derogetur,  
intendāt, & hi vt vniuscuiusq; promouendi in humanio-  
ribus literis sufficientia comprobetur animaduertant, &  
experiantur, huiusmodi ordinandorum examini possint  
interesse, sed nō iudicare. Turpe est enim Clerico, quod in  
his, quæ ad Ecclesiæ ministerij attinent, illius qui vel  
Laicus, vel inferioris ministerij, quam ipse in Ecclesia est,  
subeat iudicium.

*Summos Scholasticos, & Cantores, uel eorum Vica-  
rios idoneos, examini ordinandorum in-  
teresse debere.*

Cap. III.

**H**ortamur quoq; & paternè iniungimus nostræ Me-  
tropoliticae, atque cathedralium Ecclesiarum summis  
Scholasticis, & Cantoribus, vt hac in re officijs suis facto  
respon-

respondeant, & dum futuri Ecclesię Dei ministri probantur, ipsi personaliter cum officialibus atq; in spiritualibus Vicarijs generalibus suorum Ordinariorum intersint, atque his cuiuslibet Ecclesię cathedralis minorem scholasticum, nec non & Theologum ab illius Ecclesię Episcopo assumptum, vel alium ad Episcopi beneplacitum adiungant. Quod si tales quandoq; fuerint absentes, aliqui alij sacerdotes, huius rei non ignari, maturi ab Ordinario in absentium locum subrogentur. Si autem prouentus officiorũ summi Scholastici, & Cantoris, ita tenues extiterint, quòd mercedem laboribus debitam nõ ferant: Volumus quòd Episcopi & capitula prouisionem aliquam faciant, vt tam necessaria in Ecclesijs officia pinguiora, & talia reddantur, ne omnino extinguantur.

*Electiõnem, promotionem, atque examen ordinandorum, tanquam rem maximi momenti, non segniter, sed summa fide, ac sollicitudine esse peragendam.*

**E**T quia in huiusmodi eligendis Ecclesię ministris, maxima est difficultas, neq; res ipsa per transennam contrahenda, vel agitanda, sed summa cum diligentia est tractanda: Nos illos qui huic negotio à nobis, siue ex ipsorũ officijs preficientur, seriò hortamur, admonemus, atq; sub interminatione districti Dei iudicii ipsis iniungimus, ne rem illam tam arduam persuntorie agant, sed memores etiam, quòd si secus quàm debent egerint, alieni se peccati (vt Paulus dicit) participes faciunt: memores tandem, quòd sicut boni operis sibi comparat fructum, qui rectum sectatur in eligendo sacerdotum iudiciũ: ita graui semetipsum afficit damno, qui ad suę dignitatis Collegiũ sublimat indignum, suo per omnia satisfaciant officio, nullius potestatem pertimescant, non corrumpantur cupiditate

## 80 Constitutio vigesima secunda.

tate præmij, nihil moliantur odio, neq; amor fauorue eorum obnubilet iudicium, sed eam mercedem expectent, quam ipsis dabit iustus Iudex in illa die, qua mali pœnis, boni verò præmij afficientur.

*Parentes admonentur, ut filios sacris ministerijs dedicandos à prima iuuenta in bonis literis atq; moribus educant.*

Cap. V.

**V**T autem Ordinandi, idoneos coram Examinatoribus se facile possint exhibere, suis parentibus erit curæ, vt si quos filios ad hoc tantum Ecclesiæ ministerium constituerint mancipare, illos à primis statim cunabulis Ecclesiasticæ disciplinæ submittant, hos enim maiores nostri demum idoneos sacris administrationibus censuere, quorum omnis ætas à puerilibus exordijs vsq; ad prouectiones annos per disciplinæ Ecclesiasticæ stipendia cucurrisset. Neque enim poterit de eius professione dubitari, cui pro laboribus multis, pro moribus castis, pro actibus strenuis, celsioris loci præmium debetur.

*De modo inquirendi, & examinandi Ordinandos.*

Cap. VI.

**F**ORMA verò iuxta quam ad Ordines aspirantes in ordinario examine probari debeant, peculiari libello nostra opera & sollicitudine, breui in publicum iuxta ritum sanctæ Romanæ Ecclesiæ emitteretur: Interim autem ordinamus, vt sacris initianti, in his primò & principaliter diligenter probentur articulis: Nempè de persona, affectu, fide, scientia, & doctrina, etate, libertate, continentia, bigamia, moribus, & natalium corporumq; defectibus &c. De persona, An huius, vel alterius sit Diocesis oriundus: & si alienigena, an à suo Episcopo literas habeat dimissoriales, quas si non præsentauerit, prorsus eijciatur.

## Constitutio vigesima secunda. 81

ciatur. De affectu verò: An voluntariè, & proprio motu, vel parentum aut aliorum persuasione petat ad ordines promoueri. De fide: An semper crediderit, & credat, quæ sancta mater Ecclesia docet, vel si de ipsis quandoq; dubitauerit, & quid de vnoquoq; sentiat, vel credat, An etiam sit Neophytus. De scientia atq; doctrina: quia labia sacerdotis custodiunt scientiam. De ætate, quia nulli est sacerdos conferendus, nisi conuenienti tempore, à sacro Concilio Tridentino determinato, fuerit præditus. De moribus verò, quia si oculus corporis initiandi fuerit nequam, totum corpus erit tenebrosus: & ne dum alios docere voluerit, ipse reprobis inueniatur. De libertate autem: An domino alicui, vel mulieri iure matrimoniali, sit astrictus. De continentia, An continens perpetuò perseuerare voluerit. De Bigamia, An uxorem vnquam duxerit: & si habuerit an vnā duntaxat, & virginem. De natalium autē vel corporis defectu, quia si ex illegitimo thoro fuerit procreatus, vel aliquo membro mancus, secundum sacras Canonum sanctiones, neque in numerum ministrorum altaris Dei potest assumi. Deindē & circa reliqua progrediatur, quæ in Concilio quarto Toletano. C. 18. enumerantur, quæ & in Decretis habentur canonicis. C. Qui in aliquo. d. 1. ita tamen quod circa ætatem iura nouissima Concilij videlicet Tridentini obseruentur: in quo est definitum, vt nullus in posterum ad Subdiaconatus ordinem ante vigesimum secundum, ad Diaconatus ante vigesimum tertium, ad Presbyteratus ante vigesimum quintum ætatis suæ annum promoueatur. Quapropter vt Examinatores vnumquemq; probandum citius & in conscientia securius expediant, statuimus etiam & ordinamus, iuxta sacri Concilij Tridentini instructionē, vt ordinandorum quislibet, legitimæ ætatis à parentibus & præceptoribus, suæ educationis, institutionis, eruditionis, honestatis &c. nec minus à Parochis, vel Prælato ali-

Sess. 13. cap. 12.  
Decr. de Refor.

Sess. 23. cap. 5.  
Decr. de Refor.  
Idem ferè præced. Conc. Salsb. tit. vt sup. c. 4. 5. & 6.

L quo,

## 82 Constitutio vigesima secunda.

quo, si casu apud quempiam in proximo trisennio, ante illud tempus commoratus fuerit, vitæq; suæ consuetudinem egerit, literas secum afferant testimoniales. A qua testimoniorum exhibitione, præcedentis Synodi Salisburgen. sequentes decretum, nullum planè siuè regularem, siuè Clericum secularem qualiscumq; sit conditionis & dignitatis excipimus, quia volumus apud omnes æqualitatem obseruari, ita tamen, vt regulares suæ conuersationis ac vitæ testimonium à suis exhibeant Prælati.

*Ne quispiam Ordinandus, cuiuscumq; sit gradus & conditionis ab examine sit immunis, nisi gradu aliquo theologico decoratus fuerit, qui etiam licet nō sit ipse examinandus, alios tamen examinare debebit, ut de ipsius eruditione periculum fiat.*

Cap. VII.  
De ordine &  
qual. minist.  
Ecclesiæ, c. 8.

Simili modo, iuxta eiusdem Salisburgen. Synodi constitutionem ordinamus & statuimus, vt ordinandi indifferenter omnes cuiuscumq; sint gradus, dignitatis & præminentia, tam Clerici seculares, quàm regulares, in ordinario examine iuxta suprascripta omnia interrogentur, atq; probentur, nisi quispiam doctoratu, vel licentia, siuè Baccalaureatu in Theologia fuerit insignitus, tales enim circa doctrinæ sufficientiam, absq; examine (nisi circa ea quæ doctrinæ tentamen non attingūt) erunt admittendi. Et vt de ipsis eruditione periculum etiā fiat, alios, vnum vel alterum, ordinandos ipse examinabit.

*Quis ordinandos Episcopo presentare debeat.*

Cap. VIII.

**Q**Via etiam abusum non exiguum in actu conferendorum ordinum irrepsisse reperimus: quòd cum ordinandi, pro suscipiendis ordinibus, per Archidiaconum aliquem



aliquem Episcopo debeant præsentari, non per ipsum, nec per aliquem alium in dignitate constitutum, sed per Laicum, vel nullius reputationis simplicem Clericum præsententur; quod in vilipendium vertitur ipsius Sacramenti ordinis. Quapropter ad maiorem tanti Sacramenti collationis maiestatem ostendendam, talem ab usum tollentes, volumus atque præcipimus, ut deinceps Ordinandorum præsentatio, qualibet vice per Archidiaconum, vel ad minus, eo impedito, per aliquem alium sacerdotem alicuius dignitatis hominem, Archidiaconi vice & nomine constituatur, qui etiam usque ad finem officij Episcopalis maneat, & diligenter attendat, quomodo ordinandi se in recipiendis ordinibus honestè & deuotè gerant, & postquam aliquis ordinem suscepit, ad librum Canticorum accedat, alijsque sit in cantando Officio auxilio. Pœnas autem his, qui indignos ad ordines admiserunt statuimus, quas Concilium Ilerdense, commemorat.

*Quis ordines conferre debeat, & de Dimissorialibus concedendis nec ne.*

**E**piscopi autem per semetipsos, si possunt, ordines conferant: sin minus, per suos ordinarios suffraganeos, si qui habent. Quod si vterque etiam in vna Diœcesi fuerit ægritudine impeditus, subditos suos non aliter quam iam probatos, & examinatos, ad alium Episcopum nominatum ordinandos dimittant. Si verò quispiam ad sacros ordines aspirans, in longinquas partes studiorum, vel alterius rei gratia profecturus, literas petat dimissoriales, vt temporibus suis ab alio Catholico Episcopo sacris ordinibus valeat initiari: statuimus & ordinamus, vt nullus nostrum aut Officialium nostrorum generalium, vel in spiritualibus Vicariorum, cuiuspiam suæ Diœcesis ad ordines aspiranti supradictas dimissoriales literas, ad quos-

Cap. I X.  
Conc. Triden.  
Sess. 23. c. 3. De-  
cret. de Refor.

## 84 Constitutio vigesima secunda.

Ex Conc. Tri-  
denti, Sess. 7.  
c. 11. Et Sess. 13.  
c. 9. Decret. de  
Reformatione.

cumque Episcopus ulterius generaliter concedat, quem-  
admodum hactenus male usurpatum est, sed ad vnum, vel  
duos nominatim determinatos. Quæ etiam concedi non  
debent, nisi is qui illas obtinere desiderat, iustas & rele-  
uantes suæ petitionis assignauerit causas, in literis expri-  
mendas, & ab examinadoribus, in fide, moribus, & literis,  
ritè & sufficienter, pro illius ætate, ipse supplicans fuerit  
probatus, & ab omni canonico impedimento immunis  
reperitus. Nonnulli enim eruditionis & vitæ non satis  
probata, aut alioqui censuris Ecclesiasticis obnoxij, con-  
scientiam eorum quibus noti sunt subterfugientes, ad re-  
motiores Dioceses quærunt se conferre, vtab ignotis Epi-  
scopis ordines, qua possunt fraude, valeant extorquere.

*Ea quæ ad ordinandorum promotionem spectant, gratis  
conferri debere: at si alicubi consuetudo aliud obtine-  
ret, Notarijs taxatur modus exactiõis.*

Cap. X.  
Sess. 21. c. 1. De-  
cret. de Rescriptis.

**V**Ltimò, quoniam ab Ecclesiastico ordine omnis avariti-  
æ suspicio abesse debet, renouantes constitutionem  
prioris nostri Concilij Salisburgen. mandamus cum De-  
creto sacri Concilij Tridentini, ne pro examine ordinan-  
dorum, siue pro collatione quorumcumq; ordinũ, etiam  
Clericalis Tonsuræ, ne pro literis dimissorijs, aut testimo-  
nialibus (quas Formatas vocant) nec pro Sigillo, nec alia  
quacumq; de causa, etiam spontè oblatum, Episcopi, siue  
eorum Officiales, vel Vicarij, aut Examinatores, vel alij  
Ordinum collatores, aut eorum ministri, quouis prætex-  
tu quicquam accipiant. Notarij verò, siue alij scribæ vel  
ministri, in ijs tantum locis, in quibus non viget laudabi-  
lis consuetudo gratis dandi, pro singulis literis dimisso-  
rijs, aut testimonialibus, hoc est, formatis, sextam tantum  
vnius talerij partem, & non maiorem, (ne summa à Con-  
cilio Tri-

cilio Tridentino præscripta excedatur) accipere possint, dummodò eis nullum salarium pro officio exercendo sit constitutum: nec Episcopo ex notarij commodis aliquod emolumentum, ex eisdem Ordinum collationibus, directè, vel indirectè prouenire possit: tunc enim gratis operam suam eos prestare omnino teneri decernit: contrarias taxas, ac statuta, & consuetudines, etiam immemorabiles, quorumcumq; locorum, quæ potius abusus, & corruptellæ, simoniacæ prauitati fauentes, nuncupari possunt, penitus cassando, & interdicendo: & qui secus fecerint tam dantes, quàm accipientes, vltra diuinam vltionem, poenas à iure indictas ipso facto incurrant.

## DE PRÆPOSITIS, ET DE- canorum, atq; Scholasticorum, cathedra- lium, & aliarum collegiatarum Eccle- siarum officijs. Const. XXIII.

*Præpositi, qui, & quare sic dicantur, & de eorundem officio.*

**Q**uamquam omnes qui in aliquo officio alijs præponuntur, Præpositi ritè dicantur, vsus tamen in omnibus per Germaniam Ecclesijs, non solum cathedralibus, sed etiam alijs collegiatis obtinuit, eos nuncupari Præpositos, qui omnibus canonicis, etiam (quod ad dignitatis gradum attinet) Decanis præsunt: Quibus propterea cõuenit, non vt de Ecclesiæ redditibus luxurièntur (quem abusum quoque Colonien. Diocesis formulareprehendit) vel vbilibet dissolutam vitam agant, neque vt (sicuti alij dicunt, & aliqui faciunt) titulo vnâ cum redditibus tantum gaudeant & fruantur, & quouis in loco vel angu-

Cap. I.

Ti. de Præpositis.

## 86 Constitutio vigesimatertia.

C. 71.

lo tempus immodica libertate, absq̃ vllō Ecclesiæ fructu, consumentes, Præpositurarum prouentus ad vitæ humanæ delicias, & fastum impendant, vel aliâs ad insatiabilis auaritiæ barathrum corradant: sed vt, non solum in Præpositurarum locis, iuxta ea quæ superius in Constitutione de Residentia ex Concilio Moguntino dicta sunt, resideant: verum etiam Ecclesias, quarum emolumento viuunt, & viris canonicis præsent, certis quibusdam personis, proprio sumptu constitutis, custodiant, tueantur, atq̃ defendant; & breuiter, in omni vita sua, cum erga Clerum, tum etiam seculares homines, tales se gerant, & exhibeant, vt in ædificationem Ecclesiæ Dei, exemplum, norma, & speculum sanctitatis, & innocentiae vbique agnoscantur. Hanc enim ob causam, & non propter luxum, seu auaritiâ, talis dignitas est instituta, quod & veterum sacratissimi Canones testantur, Christiana modestia iubet, & ratio ipsa docet. Cùm etenim hoc in secularibus quoq̃ officijs vsuueniat, vt is qui delegatam iurisdictionem cum emolumento suscipit, eam omni conatu in iustitiæ tramite contra calumniantium iniquitates conseruare, at tueriq̃ studeat: quantò magis id fieri debet in officio spirituali, & tam sublimi gradu collocato, vt is qui illic præest, tanquam in specula positus, ea quæ Ecclesiæ nocitura ceu à longinquo prospicit, declinare, Ecclesiamque suam, vnâ cum ijs qui ei subsunt, in optimo statu pro virili conseruare debeat. Nec ab re. Nam qui ceteros eiusdem Collegij dignitate, honore, & reddituum facultate antecellit, æquum est eundem quoq̃ labore, sollicitudine, & largitate præire, iuxta id quod dicitur: qui sentit emolumentum, is debet etiam sentire onus. Quam ob causam optimo iure vocantur Præpositi, vt loco, præeminentiae autoritate & virtutū exēplo ceteris præponantur, & cum vsus postulat, intra & extra Ecclesiâ primi semper adsint, eiusq̃ iura studiosè tueantur. Sed vtinam nostrorum aliqui

I. vnic. f. pro secundo, in f. C. de caduc. tol. l. 10.

qui non etiam tangerentur Coloniensis postremæ Synodi querela (quod tamen dolendum est) quæ lamentatur, Præpositos quosdam ad quos præstito iuramento pertineat iura & statuta Ecclesiarum tueri atque defendere, nihil agere minus, sed percipere tantum amplios fructus; cæterum Ecclesias quarum causa illos percipiunt, relinquere indefensas, immemores iurisiurandi, & eius, quod beneficium datur propter officium. Quare Nos, nostrique Coëpiscopi, ut nostro satisficiamus muneri, & huic malo provideamus, omnes huiusmodi Præpositos ex intimo pectoris cohortamur, eisque iniungimus, ut suis satisfaciendo conscientijs, in proprijs posthac resideant Præposituris, & suis, iuxta laudabiles & approbatas locorum & Ecclesiarum consuetudines, satisfaciant obligationibus, nisi ex mandato nostro à suis Episcopis, tanquam sacrorum Canonum contemptores, acerrimè puniri velint. Et si aliqui essent Præpositi (quos tamen paucos huiusmodi in nostra Prouincia esse credimus) qui ex suis Præposituris tam exiles colligerent prouentus, qui ad vitam eorum honestè sustentandam sufficere non possent: supplicent particulariter sedì Apostolicæ, ut aliqua præbenda canonicalis, in eadem suæ Præposituræ Ecclesia existens, vniatur perpetuo ipsi Præposituræ vna cum titulo ipsius canonicatus: sic enim confidimus fore ut sanctissimus D.N. singularum Præpositurarum necessitatibus provideat, adeo ut ex annuis tam Præposituræ quàm vnius canonicatus redditibus, cum distributione quotidiana, quæ vocatur Præsentia, secundum dignitatis exigentiam honorificè residendo viuere possint.

### *De officio Decanorum.*

**D**ecanorum verò officium licet ubiq; non sit idem, eo quod iuxta varia Ecclesiarum statuta, quæ singulis sunt

sunt peculiaria, variatur: vsus nihilominus vbiq; ferè obtinet, Decani officium esse, peruigili studio curare, vt Clerici, horumq; in primis sacerdotes, munus suū Ecclesiasticum diligenter obeant atq; deuote, nec perfunctoriè velut in transcurso, vt dicitur, exequantur. Item vt tam Canonorum, quàm Vicariorum mali mores & excessus, maturè, digneque corrigantur. Ideò volumus & ordinamus, vt Decani suo huius officio, præcipuè & diligenter intendant; animaduertantq; ne in Ecclesijs, diuinorum officiorum præsertim tempore, à Clericis præcipuè, tumultus, rixæ, dissensiones excitentur, cachinni siuè dissoluti risus audiantur, neq; colloquia habeantur, nec leuitates aliquæ perpetrentur: sed omni cum deuotione & pietate ac tremore procurent sacra peragi, & reliqua diuina officia celebrari, iuxta ea quæ à sacris canonibus sunt tradita, & à superiore Synodo Salisburgen. Quum enim psallendi gratia ibidem conueniatur, muta, vel clausa labia nemo tenere debet, sed omnes pariter, senes cum iunioribus, præsertim qui cæteros honore & dignitate præcedunt cum inferioribus, in Psalmis, Hymnis, & Canticis Deo alacriter concinentes, nomen Domini laudent, ipsiq; de tantis ab eo receptis beneficijs gratias agant. Quapropter nemo qui ad horas decantandas tenetur, tum, cum publicè aut preces horariæ, vel sacra cantando peraguntur, quemlibet librum, siuè literas, aut scripturas alias legat, vel priuatim officium dicat: nam hisce moribus debitum officiū intermittitur, animi offenduntur, cæteri psallentes quodammodò inturbantur, & à psallendicōsonantia (quæ in choro maximo studio debet obseruari) retrahuntur. Porro Decani munus requirit, vt suos Canonicos, ac cæteros Clericos ad piorum rituum obseruationem prouocet, desuetos reducat, ad agendamque vitam Clericis dignam perpetuò cohortetur, ac impellat, & à negocijs statui spirituali haud conuenientibus, mundanisq; curis ac solici-

Ex præced. Cōcil. Salisb. De offic. Deca. & Can. c. primo. Ex Concil. penulti. Colon. c. 1. de Metro. pol.

Ex Concil. penulti. Colon. c. 2. de Metro. pol.



solicitudinibus dehortetur, ne magis mundo, quam Christo militare videantur: commensationes, ebrietatem, prostibula, & id genus pestilentissimos fomites, graui comminatione illis interdicit, in officium redigat, adeoque compellat, delinquentes emendet, increpet, castiget, inobedientes verò, iuxta ipsorum demerita corrigan, ac puniat. Quod, vt rectius fiat, nihilq; horum, quæ nunc recensendo monuimus, intermittatur, seu negligatur, mandamus & præcipimus seriò vt Decani apud suas Ecclesias personaliter (iuxta ea quæ superius ex Concilio Moguntino sunt dicta) resideant, & officio suo per seipsos strenuè perfungantur, sub pœna priuationis fructuum Decanaliū, pro rata temporis, quo absq; causa rationabili non resederint, nisi fortè necessitatis causa, ab Ordinarijs suis prius approbanda, eos abesse contigerit. Quo casu, capitulari alicui, qui suscepti officij rationem reddere queat, quemq; inferiores reuereantur, vices suas committant; nisi talem absentis Vicarium peculiaria collegiorum statuta designent. Insuper etiā ordinamus, vt Decanus quilibet non solum in suo resideat Decanatu, sed etiam vt (siue eo propter aliquam rationabilem causam impedito alius loco ipsius) à principio vsque in finem diuinis semper intersit officijs. Videmus enim Decanis absentibus, vel officio suo segniter perfurgentibus, leuissimorū quorūq; Canonicoꝝ & Vicarioꝝ, atq; alioꝝ Clericorū, etiā studioꝝ in choris canentium, insolentiā aduersus meliores ferè præualere, pietatem, & zelum bonorum haberi ludibrio, officia negligi diuina, neque ab omnibus persolui, tantum præcipitari, vitæ & morum honestatem periclitari, disciplinam prorsus nullam esse, breuiter, licere prauis quibusq; quicquid libeat facere. Et ne sub prætextu, & colore aliarum rerum peragendarum, hoc nostrum pium ac sanctum defraudetur institutum, ordinamus quod nullus Decanus in alijs qualibuscunq; oc-

Ex Concil. vlt.  
Colon. c. Quod  
non liceat De-  
canis,

Ex Conc. Co-  
lon. loco vlt.

M cupetur

cupetur officijs, sed hoc solo quilibet contentus esse debet, vt ei, quemadmodum in conscientia tenetur, pro sua virili satisfacere possit. At si in aliqua Ecclesia prouisio Decanatus applicata, pro Decani sustentatione, iuxta ipsius personæ & dignitatis gradum, haud fuerit sufficiens, omnino debet à capitulo augmentari, vt nullus causam habeat, sub prætextu egestatis, seu tenuitatis, suæ Ecclesiæ curam deferendo, se alijs actionibus implicare, vel immiscere. Quamobrem non illaudabilem tum nostræ, tum aliarum quarundam Ecclesiarum consuetudinem arbitramur, qua Decanis suis duplicata quotannis conceditur præbenda, vt relictis omnibus alijs officijs, atq; occupationibus, quorum gratia aliqua inde adipisci possunt emolumenta, se penitus, ad honorem & gloriam Dei, Ecclesiarumq; suarum vtilitatem, ac propriarum conscientiarum satisfactionem, suorum officiorum mancipent seruituti.

*De summorum Custodum officio, ac diligentia.*

Cap. III.

**S**ummorum verò in cunctis cathedralibus ac collegiatis Ecclesijs Custodum, qui etiam Thesaurarii, seu sacristæ appellantur, officium est, non solum suarum Ecclesiarum, sed & rerum in eis, & in sacrarijs contentarum curam habere, vt omnia, præsertim venerabilis Sacramenti corporis Christi tabernacula, Sanctorum reliquorum altaria, sacerdotalia indumenta, ac id genus alia ecclesiastica ornamenta, & reliqua bona, sint tuta, & bene clausa, ac munita, prouidere; & cum opus est, per personas idoneas illa reparare, renouare, munda & nitida facere, præcipue calices, corporalia, altarium mappas, siue pallia, vel linteamina, albas, & cætera. Præterea sanctissimo Eucharistiæ sacramento de lampadibus, siue cæreis, & in alijs rebus necessarijs Ecclesiæ prouidere: Et vt chorus, cum tota Ecclesia ab inquinamentis sedulo repurgetur, Canonicorumque, ac

que, ac aliorum sacerdotum, atque Clericorum omnium sedes mudentur, idē suis Aedituis mandare, cetera q̄ eis iniungere debent, quæ ipsi tenentur, iuxta illorum munus, præstare. Deinde vt horis debitis, signis congrua pulsatione premisis, laudes diuinæ celebrentur, negligentes non sint. Animaduertere insuper debent, vt in accendendo, seu extinguendo lampades & laternas, Aeditui sint peragiles; ne aut supra modum lucendo oleum depereat, aut minus lucendo obscurior Ecclesia remaneat: sed vt omnia discretè ac moderatè administrantur.

*De summorum Cantorum officio.*

**S**ummorum autem Cantorum, prouincia est, vt diuinum officium in choro per singulas horas, non cursim, ac festinanter, sed sensim, ac pedetentim, non truncatè, sed integrè, distinctè & cū inspiratione decenti, præsertim in medio cuiuslibet versiculi psalmorum, debitam faciendo inter solemne ac feriale officium differentiam, deuotè, reuerenterq̄ ab omnibus persoluatur, præsertim à Vicarijs, Regentibus Cantoribus, & Lectoribus, qui sæpe vociferatoribus magis, quàm concinentibus similes, incompositè clamitant. Cū enim omnia, quæ ad Dei gloriam, & fidelium vtilitatem spectant, ritè & ordine, iuxta Apostolica, & antiqua maiorum, & Apostolicorum virorum instituta peragi debeant; inter quæ psalmorum & hymnorum decantatio haud minimam partem obtinet: quis non videt etiam hic ordinem, & gratiam quandam requirere? Sacræ siquidem literæ eum execrantur, qui diuinum negotium negligenter agit: non minus itaq̄ execrabiles videntur, qui diuinorum officiorum cantica, psalmos, hymnos, antiphonas, & id genus alia indecorè & absurdè peragunt: ferri etenim non debent, qui, cū Angelorum, & cœlestium spirituum in psalmis & hymnis Deo decantan-

Cap. IIIL  
Ex Conc. Basili.  
Ex Concil. per-  
nult. Colon.  
c. 5. de Metro-  
pol.

dis, in Ecclesia Dei speciem quandam repræsentent, inconcinnos clamores ædendo, agresti, & incondita vociferatione, & ad feritatem quandam barbaricam composito sono rigidas voces extorquentes, audientium non raro animos, quos mulcere debuerant, exasperando magis, ac obstrependo conturbent. Si qui ergo in choro, vel dissoluantium vocum confuso strepitu verba discerpere, lacerrare, & obruere, vel clamoris strepitu incusso quodam audientium horrore, aures, & animos percellere, atque turbare fuerint deprehensi, eos Cantor summus corrigere, atque asperiores voces mediocritate quadam leniri, quantum eius fieri potest, curet; neque id admodum difficile fuerit, quandoquidem multi eiusmodi stentoreas voces de industria, & penè natura repugnante, sibi comparare soleant, perinde ac si laudabile sit clamor sum quævis sua voce, citra ullam loci, & cantionis rationem, posse vincere; quod si essent, qui emendationem, vel temeritate, vel naturæ vitio respuerent, ij ex authorentur, eorumque in locum aptiores assumantur.

*De summorum Scholasticorum officio, quod est, de cura  
adhibenda circa ludos literarios, & eorum  
moderatores.*

Cap. V.

**S**ummorum demum Scholasticorum munus est, suis scholis de Catholicis, pijs, doctis, ac diligentibus ludimoderatoribus providere, scholas sapè, & scholares præsertim præbendarios visitare, & quæ illis prælegantur lectiones, ac quomodo in studijs, & in moribus proficiant intelligere, atque diligenter animadvertere, ne aliqui inter eos sint hæresis labe infecti, vel libros habeant hæreticos, aut quomodocumque prohibitos, siue studioso iuveni non convenientes; quod si quispiam talis (quod Deus auertat) inter ipsos repertus fuerit, illico ab alijs debet separari, ne

ri, ne tota massa corrumpatur, iuxta sua demerita puniendus. Sint quoque solliciti, ut ipsi studiosi, præcipue præbendarii, sub disciplina & correctione suorum maneant Præceptorum, neque per ciuitatem vlla deferant arma, neque noctu sint vagantes, aut tumultuosi, sed domi manentes, quieti omni cum modestia perseuerent, suis prælectionibus, earumque repetitionibus assiduam nauent operam.

*De animaduersione in negligentes Officiarios  
supradictos.*

**H**Orum autem omnium, si quispiam supradictorum Cap. VI.  
Officialiū, quicquam ad suum spectans officium animaduerrere neglexerit (exceptis Præposito, & Decano, qui admonendi sunt ab Ordinario) ab Archidiacono, cui secundum iura supradicta, minora officia subsunt, vel à suo increpetur Decano, etiam (si opus est) in capitulo: Et si ipse Decanus negligentiam talium parum curauerit, vel alias proprio suo officio segniter fungetur, ab Episcopo loci emendetur. Quod si non profecerit, & de sua negligentia, ipse Decanus, vel aliorum quispiam Officialiū, se non emendauerit, omnino deponatur: quandoquidem sacra etiam scriptura maledictioni subijciat eum, qui opus Dei negligenter operatur, illius igitur loco alius quispiā substituatur, qui saniori mente, conscientiaque ductus, prædictis omnibus, pro Dei honore, & Ecclesiæ commodo rectius inuigilet.

*Quæ qualitates requirantur circa cuiuscumque  
Officium.*

**N**Vllus autem ad quamlibet supradictarum dignitatum, vel aliarum similium, præsertim in Ecclesiis cathedralibus, promoueatur, nisi talis perspectus fuerit, qui

# 94 Constitutio vigesimaquarta.

Sess. 24. cap. 12.  
Declar. de Refor.

suo muneri satisfacere valeat. Et antequam admittatur, ei possessio non detur, nisi prius secundum sacri Concilij Tridentini sanctionem, non solum coram Episcopo, siue eius Officiali, sed etiam in capitulo, orthodoxæ suæ fidei publicam fecerit professionem, & in Romanæ Ecclesiæ obedientia se permansurum sponderit, ac iurauerit, iuxta formam superius, in Articulo de Tridentini aliorumq; Conciliorum constitutionibus, descriptam: exceptis Prepositis à suis Ordinarijs confirmatis, qui cum alijs minoribus Prælatiis facere habent cum iuramento fidei professionem, superius peculiariter eis præscriptam.

Const. 11. c. 4.

## DE CANONICIS. Const. XXIII.

*Præfatiuncula ad sequentia.*

Cap. I.

**Q**Voniam experti sumus apud Metropolitancam, & cathedrales, aliasq; collegiatas nostræ Prouinciæ Ecclesias, non paucos exortos esse abusus, & à nonnullis canonicis parum ea curari, quæ ipsorum exigat officium, necessarium duximus, infrascriptis constitutionibus & decretis, eis subuenire.

*Minoremnes, sed tamen puberes nobiles Germanos, ex speciali gratia ad titulum Canonicatum admitti posse, dummodo alio canonico impedimento non fuerint treriti.*

Cap. II.

**L**icet sacrum Concilium Tridentinum statuerit, neminem ad dignitates, vel personatus, quibus etiam nulla animarum subest cura, nisi XXII. compleuerit annum, admitti: nihilominus si dispensatio sedis Apostolicæ accesserit,



# Constitutio vigesimaquarta. 95

cesserit, quæ in singulis casibus & personis petenda erit, ad titulum Canonicatû Ecclesiarum cathedralium Domicelli, alioquin in ceteris idonei & maiores XIII. annis, possint assumi: qui tamen vel in seruitijs Ecclesiasticis Metropolitanæ aliarumue cathedralium Ecclesiarum, vel in sacris literis apud aliquod vniuersale Catholicû gymnasium vsq; ad annum XXII. instruuntur, & quibus, si de suo non poterunt se sustentare, capitula dictarum Ecclesiarum cathedralium teneantur interim pro eorum necessitate prouidere, prout infra cap. VI. & VII. cautum est. Hac tamen id fiat moderatione, vt ij ad annalem canonicatus præbendam non admittantur, antequam capitulares extiterint: quod eorum nemini conceditur, nisi in subdiaconatus ordine saltem sit constitutus: qui neq; ante XXII. annum vlli confertur. Quinimò ordinamus, & seriò præcipimus, ne in numerum capitulariû, præsertim Metropolitanæ, & cathedralium Ecclesiarum, quisquam Domicellus assumatur, neq; admittatur, licet Subdiaconus, tempore congruo fuerit ordinatus, nisi secundum sui capituli conscientiam idoneus & dignus fuerit iudicatus. Præuis enim moribus deditos, & ignauos, a capitulari dignitate & emolumento tantisper volumus detineri, donec emendatione vitæ, ac profectu virtutum, hunc mereri videantur locum; & si incorrigibilis quispiam erit, seu minus idoneum se exhibere perseuerauerit, ad dimissionem canonicatus, debitis modis, iuris scilicet remedijs, tanquam inhabilis & insufficiens prorsus cogatur: sed si se emendauerit & profecerit, admitti poterit, atque debet.

Concil. Trid.  
Sess. 22. cap. 4.  
Decr. de Refor.

*Sine iuramento ac professione fidei Catholicæ, neminem ad Canonicatus possessionem admitti debere.*

Nemini

96 Constitutio vigesimaquarta.

Cap. III.  
Sess. 14. cap. 12.  
Decret. de Re-  
form.

Const. 10. ca. 5.

**N**eminus autem de qualiscumque Ecclesie cathedralis  
canonicatu prouiso, suffragetur possessio, nisi se-  
cundum determinationem Concilij Tridentini, non tan-  
tum coram Episcopo, seu eò impedito, coram generali  
eius Officiali, siue Vicario, sed etiam in capitulo, ortho-  
doxæ suæ fidei publicam fecerit professionem, & in Roma-  
næ Ecclesie obedientia se permanfurum sponderit, ac  
iurauerit, iuxta formam superius in Constitutione, de  
examine electorum, siue postulorum in Metropolita-  
num, siue in Episcopos &c. descriptam, à Pio III. Pont.  
Max. traditam.

*Minorenes Canonicos, etiam Præsentiarum distribu-  
tione, non tamen annali præbenda, gau-  
dere posse.*

Cap. IIIII.

**A**ssumpti verò in numerum Canonicorum Iuuenes  
huiusmodi, licet ob ætatis defectum, ad præbendam  
annalem non admittantur, volumus tamen, tum in gra-  
tiam commodioris ipsorum sustentationis, tum vt diui-  
nis feruentiores intersint, vt quotidiana & integra distri-  
butione, quæ vulgo Præsentia nuncupatur, dummodò in  
choro præsentis fuerint, gaudeant.

*Iuniores æquæ ac maiores natu Canonicos clericali  
uestitu incedere debere.*

Cap. V.

**O**rdinamus in super & statuimus, vt iuuenes Canonici  
Domicelli, siue Domicellares nuncupati, licet in sacris  
ordinibus non fuerint constituti, non solum in Ecclesia,  
sed etiam extra, tam in domibus, quàm per ciuitates, in  
quibus eorum sunt canonicatus, ad instar aliorum Cano-  
nicorum sacris initiatorum, indumenta clericalia defer-  
re debeant, cui decreto si quis, suæ conditionis inmemor,

contra-

contrafecerit, pro prima vice, à Decano loci obiurgetur, si secundò deliquerit, acerrimè ab Ordinario puniatur.

*De cura, & institutione Domicellorum.*

**Q**uoniam porrò iuventus istis calamitosis præsertim Cap. VI  
 temporibus, ad mundanas illecebras valdè est pro-  
 na, haud exigua iunioribus canonicis adhibenda est cura,  
 vt non tantum in literis, verum etiam in moribus, ac disci-  
 plinis Ecclesiasticis non segniter erudiantur, vt adultio-  
 res effecti, eorum opera Ecclesiæ vtilitatem, bonorum ve-  
 rò morum exempla populo fructum asserre possint. Bo-  
 num etenim est viro, vt Ecclesiastes inquit, portare iugum Eccle. 4, 11, & 12;  
 Domini à iuuentute sua: nam adolescens ad quam vitæ  
 rationem assuefactus est in iuuentute, ab ea cum senuerit,  
 vix recedet. Ad cuius corroboracionem ait Ecclesiasticus, Proverb. 12,  
Eccle. 6,  
 Fili à iuuentute tua excipe doctrinam, & vsq; ad canos in-  
 uenies sapientiam. Quam ob causam ordinamus & statu-  
 mus, vt quotiescumq; aliquis talis Domicellus, siue Do-  
 micellaris iuuenis in numerum canonicorum alicuius Ec-  
 clesiæ cathedralis assumitur, & ibidè per tempus aliquod  
 perseuerare voluerit, præsertim primo anno, qui est velut  
 probationis, eum à capitulo summo Scholastico vel ali-  
 cui canonico seniori commendandum esse, qui illius ple-  
 nam habeat curam, & super omnia de præceptore Catho-  
 lico ei provideatur. Et si à loco canonicatus, studiorum  
 vel alterius negocij gratia discesserit, vel absuerit, suorum  
 erit parentum, si superstites sint, pro virili laborare, vt co-  
 ram Deo & Mundo, sibi ipsis meritum, & filio laudem, ad  
 Dei gloriam, Ecclesiæq; suæ vtilitatem comparent.

*De sustentatione Domicellorum in liberalibus  
 studijs, & fidei iustione.*

N

Ne

98 Constitutio vigesimaquarta.

Cap. VII.

**N**E verò eorundem canonicorum iuniorum commodo aliqua obftet difficultas, volumus vt in aliqua Academia, seu Vniuersitate Catholica operam dent studijs, & in primis Theologiæ, vbi in humanioribus literis prius nonnihil fuerint progressi. At ne fortè parentes, illi præcipuè, quibus ob liberorum multitudinem vsus domesticus est contractior, vel aliàs facultates sunt tenuiores, grauentur: statuimus, vt Capitula, huiuscemodi Domicellis, ad ea, quæ iam diximus amplectenda studia, per tempus iuxta eorum statuta præscriptum, subsidium mediocre, (quantum scilicet pro modulo personæ, & quæ de ea spes est, sufficit) suppeditent. Hac tamen conditione, vt ipsi Domicelli antequam à suis capitulis quicquam tale accipiant subsidij, fideiussores aut aliàs sufficientem cautionem exhibeant, qui capitulis spondeant omnem summam pecuniarum, quæ hoc modo, vt dictum est, in studiosos Domicellos impensa fuerit, planè restitutam iri, si fortè progressu temporis contingeret eundem Domicellum suscepti clericatus poenituisse. Non est enim æquum, neque iustum, vt quod exponendum est pro educandis Clericis, ad Ecclesiarum, & fidei Catholicæ vtilitatem, malitiosè vsurpetur à Laicis, cum dedecore, & detrimento Ecclesiæ Catholicæ: cum interim eisdem planè sumptibus & eodè tempore, alij syncerioris mentis educari atque instrui poterint, qui sibi laudi, Ecclesiæ vtilitati, & Catholicæ fidei gloriæ futuri erant.

*Quòd bona pars Canoniciuum cōferatur, iuxta decreta Concilij Tridentini, Doctoribus &c.*

Cap. VIII.

Concilij Tridentini, Sess. 24.

**Q**Uibus verò in cathedralibus Ecclesijs capitulares Canonici, & si non omnes, & in omnibus, maiori tamen ex parte, præditi esse debeant qualitatibus, ex sacrosancto Triden-

## Constitutio vigesimaquarta. 99

Tridentino Concilio, Sess. 24. c. 12. Decret. de Reform. factis est clarum; quod præcisè obseruari mandamus.

c. 11. Decret. de Refor. f. Hor-  
tatur etiam S.  
Synodus.

*Canonicos legitimo accedente tempore, aptitudine & habilitate, presbyterio initiari debere.*

**S**equi cupientes antiquam huius nostræ Prouinciæ laudabilem & sanctam consuetudinem, nec non & renouantes Decretum vltimæ præcedentis Synodi Prouincialis Salisburgen. simul atq; sacrosancti Concilij Tridentini Decreto parere volentes, decernimus atq; statuimus sub pœna priuationis canonicatum, quòd canonici tam cathedralium Ecclesiarum, quàm aliarum collegiatarum, quam primum ad iustam peruenerint ætatem, iuxta Decretum Concilij Tridentini & laudabilem consuetudinẽ Prouinciæ & cathedralium Ecclesiarum (nisi canonica impedimenta vel vrgentes ac rationabiles causæ pro arbitrio & iudicio Ordinarij obstant) sacro Presbyterij ordini initiarentur, mox Primitias, vt vocant, id est, primam Missam celebrent, idque vltra interuallum sex mensium minime differant.

Cap. IX.  
Conc. præced.  
Salisb. de offic.  
Decret. & Canõ.  
Conc. Trident.  
Sess. 24. cap. 12.  
Decret. de Re-  
form.

*Quamdiu Canonicis, occurrente negotio, à Canonicatibus abesse liceat.*

**L**icet sacrosancta Synodus Tridentina statuerit etiam, ne obtinentibus in Ecclesijs cathedralibus, aut collegiatis canonicatus, præbendas, aut portiones, liceat vix re cuiuslibet statuti, aut consuetudinis, vltra tres menses, ab eisdem Ecclesijs, quolibet anno abesse: saluis nihilominus earum Ecclesiarum constitutionibus, quæ longius feruisti tempus requirunt: nihilominus considerantes nos hoc ipsum Decretum cum annexa executione, regionum nostrarum Ecclesijs obseruari difficilimum fore,

Cap. X.  
Sess. 24. cap. 12.  
Decret. de Refor.

## 100 Constitutio vigesimaquarta.

& varijs de causis multà indè expectanda esse incommoda, his præsertim, qui longo itinerum spatio, patriam, vel parentes à suis canonicatibus habent distantes, à quibus varias & aliquando urgentissimas ob causas auocantur, ibique exigente necessitate longius commorandum fuerit; res ipsa postulare videtur, hoc ipsum Decretum ita in hac nostra Prouincia esse moderandum (cum consensu tamen & approbatione sanctæ sedis Apostolicæ, sine cuius assensione nihil præsumimus) vt ei præter omnem difficultatem, canonicus quilibet valeat acquiescere, atque obedire. Nostra autem circa hoc moderatio est, quod Canonicis cathedralium Ecclesiarum, rationabilem & licentiã dignam aliquò proficiscendi, ibidemq; aliquandiu, iuxta eorum urgentes necessitates, commorandi habentibus causam, à suis Episcopis & à Capitulis approbandam, si locus ad quem proficiscentur distabit vltra tres dietas, vt eis à suis Ordinarijs vltra tres menses, à Tridentino Concilio permisos, etiam quartus, at semel tantum in anno, concedatur: Quibus completis, si ad suorum canonicatum residentias reuersi non fuerint, vel denuo propter easdem, vel alias similes rationabiles causas, obtenta etiã à suis Ordinarijs licentiã discesserint, tantum de præbendis annalibus, secundum proportionẽ, ab eis dematur, quantum illud requirit tempus, quo absentes fuerunt. At quum enim non est, vt is, qui suis vel amicorum incumbit negocijs & vtilitatibus, tantum de altari accipiat, quantum ille, qui continuè, & assidue suæ inseruiuit Ecclesiæ. Satis nempe est, vt talibus, ex gratia quatuor & quinque mensium remittantur seruitia.

*Quomodo in residentia, & inter horartas decantationes  
se gerere debeant Canonici.*

Residen-



**R**esidentia verò satisfecisse is intelligitur, vt reuera est, qui non solum in loco sui Canonatus, vel beneficii residet, sed etiam ea omnia præstat, quæ illa exigunt beneficia, propter quæ ipsis tanta accedunt emolumenta. Nam multum aberrant, qui existimant sese non diuini operis in Ecclesia exercendi, sed quietis & inertia tantum causa canonatus esse adeptos: perinde atq; satis sit, paucis quibusdam Clericis admodum ignaris, tenui precio conductis, curam diuini officij committi, quod deinde eiusmodi mercenarij, non seruatim temporum interstitijs, synopando transcurrunt, interim ipsis canonicis vita torpentibus. Quamobrem nos paternè admonemus omnes nostræ Prouinciæ, cathedralium præcipuè Ecclesiarum canonicos, vt non tantum sanctis Oecumenici Tridentini Concilij, atque aliorum omnium præcedentium Decretis pareant, quæ ad hoc exequendum atq; præstandum, eos compelli mandant, sed & suis conscientijs consulant, atq; prospiciant, quod diuina per se, & nō per substitutos obire debeant officia. Igitur in choro eis voce canora psallendum esse meminerint: nec vero mutos spectatores, tantquam in scena quadam, se exhibeant: à confabulationibus, literarum, vel quorumcumq; librorum lectione illi penitus abstineant, nec Horarum quidem preces tunc legendo absolueri liceat, quod etiam superius dictum est; sed vno omnes ore, tam maiores, quam infimi, psalmos, hymnorumq; canticis, horis statutis, quas canonicas vocamus, Deum reuerenter, deuotè, distinctisq; verbis colaudet. Eam enim ob causam ibidem conuenitur, & à Canonicis quidem horæ Canonica, non horæ Vicaria, nuncupantur. Dein nomen reuerenter distinctè deuotèq; laudent. Illi tamen non intelliguntur, qui senio, vel voce minus idonea, vel alia legitima, de causa psallere non possunt.

Cap. XL

Sess. 24. cap. 12.  
Decr. de Refor.Ex Cōc. Trid.  
loco vt sup.

N 3

De

*De ministerio Canonikorū circa Pontificalia.*

Cap. XII.

**H**Oc etiam non est prætereundum, quòd cum à Reuerendis canonicis, vel Nobis, vel in Ecclesijs cathedra- libus, suis Episcopis, est ministrandum, huiusq̃ malus ob- tinuit vsus, vt duo ex ijs, qui infimum in capitulo locum habent, ad Episcoporum ministeria vocentur, & sæpè contingat eos solos per totius anni festa hisce ministerijs occupatos esse, cæteris perpetuò vacantibus, & feriantibus: in quo bina committuntur vitia, nam seniores longa intermissione desueti, modum obliuiscuntur ministran- di, iuniores verò per non vsum addiscere nequeunt. Cui abusui volentes prouidere, vt labor omaibus communis fiat canonicis, tum ne duo duntaxat totum pondus dies, & æstus subeant, & alij ociosi remaneant, tum ne senio- res ea quæ in iuuentute didicerunt, tandem dediscant, sed iuniores omnes addiscant, quæ præstare tenentur: or- dinamus & statuimus, quod quotiescumque Nos, vel no- stri Coëpiscopi, pro solemnitate celebraturi, aut alia Pon- tificalia exercitaturi sumus, vt mutatis vicibus alterna- tim ex tota Canonikorū serie deligantur, qui ad festiua ministeria parati sint, habita tamen ratione seniorum, ita, vt seniores in maioribus, iuniores verò in minoribus in- teruant festiuitatibus, quod munus discernendi erit sum- mi Cantoris. Ii verò, qui ad hoc ministerium delegati fue- rint, Episcopo celebranti, vel aliàs Pontificalia exercenti assistant, atq̃ decenter comministrent.

*De Vestitu, cultu, & moribus Canonikorū  
in communi.*

Cap. XIII.  
Ex Conc. Tri-  
dent. Sess. 24.  
c. 11. Decret. de  
Reform.

**V**Estitu proindè decenti, & honestò, tam extra, quàm in Ecclesia, assidue vtantur: veste choralī quoq̃ munda obtegantur in Ecclesijs. Ab illicitis venationibus aucu-  
pjs,

# Constitutio vigesimaquarta. 103

pijs, choreis, tabernis, lusibusq; abstineant; & licitis etiam Ex Cont. Tri-  
 rarò indulgeant, ne magis huius seculi, quam Iesu Christi dent, loco vix.  
 sacerdotes esse videantur, & in summa, tali morum integritate polleant, vt sacerdotis vocabulo digni sint, & suarum Ecclesiarum senatores merito dici possint.

## De Præsentiarum distributione, & quibus cæ dentur.

**Q**Voniam à sacris Canonibus, sanctissimisq; patribus, Cap. XIIII.  
 in Ecclesijs tam collegiatis, quam cathedralibus, non  
 solum annales Præbendæ, sed etiam distributiones quo-  
 tidianæ (quæ vulgo dicuntur Præsentia) sunt institutæ, vt  
 diuinus cultus à Canonicis magis frequentetur, atq; dili-  
 gentius peragatur: Nos hanc sanctissimam laudantes in-  
 stitutionem, eamq; conseruare volentes, Decretum præ-  
 cedentis Salisburgen. Synodi renouamus, ipsumque ob-  
 seruari mandamus, in quo sancitum fuit, decissionem C. 1.  
 de Cler. non resid. lib. 6. obseruandum esse: videlicet, vt De offic. Deca,  
 & cano. c. 1.  
 hæ ipsæ distributiones quotidianæ solum præsentibus, De Clericis nō  
 resid. c. 1. lib. 6.  
 qui intersunt diuinis, dentur, consuetudine non obstante.  
 Et qui aliter de distributionibus ipsis quicquam acceperit  
 (exceptis illis, quos infirmitas, seu iusta, rationabili,  
 & corporalis necessitas, aut euident Ecclesæ utilitas  
 excusaret) rerum sic acceptarum dominium non acqui-  
 rat, nec faciat eas suas, imò ad omnium restitutionem, quæ  
 contra huiusmodi nostram constitutionem acceperit, te-  
 neatur. Et idem de distributionibus, quæ dantur pro de-  
 functorum anniuersarijs, illa constitutio decernit obser-  
 uandum. At si quis de quotidianæ distributionis priua-  
 tione non curans, diuina negligeret, aut rarò visiteret, is  
 ipse iuxta Concilij tertij Aurelianen. decreta puniatur. c. 8. 14.  
 Cui constitutioni non solum simplices Canonicos, sed &  
 Præpositos, Decanos, atque alios Officiales subiacere in-  
 telligimus.

telligimus. Est præterea animaduertendum, quoniam ista pecuniarum numeratio, & distributio, speciem habet, ac si inter fœneratores, numularios, mensariosque, nummorum versura fieret, atque propterea apud imperitum vulgus offensus exoriantur: quapropter necessarium arbitramur, earum Præsentiarum distributiones, in alio extra chorum loco, à populi conspectu separato, commodius fieri posse, atque debere.

*Numeratio Præsentiarum quare sit instituta, & de eiusdem continuatione, auctione, & distributione.*

Cap. XV.

**C**UM autem supradictæ distributiones quotidianæ ex de causa sint institutæ ut non tantum diebus festiuis, siue in maioribus duntaxat solemnitatibus, sed quotidie cultus Dei maiori diligentia celebretur à Canonicis, quapropter & nomen inde acceperunt, quia hæ non festivæ, sed quotidianæ vocantur distributiones: statuimus itaque, ut non solum in solemnitatibus, & alijs festis diebus, sed etiam omnibus diebus ferialibus, pro singulis horis, & summa Missa, quotidiana & honesta detur distributio, habita tamen dierum festorum à ferialibus consideratione: ita ut plus in diebus festis, & magis in solemnitatibus, quam in alijs distribuatur diebus. Et quia in nonnullis forsitan Ecclesijs tam cathedralibus quam collegiatis, pro diebus ferialibus nullæ habeantur distributiones, in festiuis verò quandoque tam tenues, ut non solum in ferialibus, sed etiam in ipsis diebus festis multoties propterea cultus diuinus ab ijs, in quibus amor Dei refrigit, negligatur: rursus ordinamus, ut in omnibus Ecclesijs, tam cathedralibus, quam collegiatis, pro huiusmodi quotidianis distributionibus, peculiare redditus non habentibus, à proprijs capitulis, huic piæ institutioni, pro quotidianis scilicet di-

## Constitutio vigesimaquarta. 105

et distributionibus faciendis tantum ex suis annalibus præbendis applicetur, quantum iuxta superius descripta cum consensu suorum Episcoporum iudicabitur fore sufficiens, & condignum. Quo verò modo & ratione isthæ augmentatio sit perficienda, id S. Concil. Tridentini Decretum haud negligendum edocet, cuius verba hæc sunt: Cum beneficia ad diuinum cultum, atq; Ecclesiastica munia obeunda, sint constituta: ne qua in parte minuatur diuinus cultus, sed ei debitum omnibus in rebus obsequium præstetur: statuit sancta Synodus in Ecclesijs, tam cathedralibus, quàm collegiatis, in quibus nullæ sunt distributiones quotidianæ, vel ita tenues, vt verisimiliter negligentur, tertiam partem fructuum, & quorumcumque prouentuum, & obuentuum, tam dignitatum, quàm Canonicatum, personatum, portionum, & officiorum separari debere, & in distributiones quotidianas conuerti, quæ inter dignitates obtinentes, & ceteros diuinis interestes, proportionabiliter, iuxta diuisionem ab Episcopo, etiam tamquam Apostolicæ sedis delegato, in ipsa prima fructuum deductione facienda, diuidantur: Saluis tamen consuetudinibus earum Ecclesiarum, in quibus non residentes, seu non seruientes, nihil, vel minus tertia parte percipiunt; nõ obstantibus exemptionibus, ac alijs consuetudinibus, etiam immemorabilibus & appellationibus quibuscumq;: crescentes non seruientium contumacia, liceat contra eos procedere, iuxta iuris, ac sacrorum Canonum dispositionem.

Ex Cõc. Trid.  
Sess. 21, c. 3. De-  
cret. de Refor.

*Exhortatio ad Canonicos ut pro conseruanda & augenda Prasentiarum pecunia libenter quidpiam contribuant, quod ipsum si solliciti fuerint, ad eos redundabit.*

O

Neq;

Cap. XVI.

**N**Ec hoc cuiuspiā Capitulo, siue Canonico minus æquū, aut durum esse videatur, cum neq; Capitulis, nec Canonicis quicquam suorum reddituum dematur, neq; abstrahatur, sed partim tantum ipsorum reddituum ex vno veluti marsupio, in aliud eisdem Canonicis, si suo satisfacerint ministerio, pariter exhibendum, transferatur, vt hoc modo diuino cultui sint intentiores. Quapropter nostri Canonici, cultus diuini cupidi, magis debent lætari; quod eorum laborum peculiaris habeatur ratio. Nec credimus Canonicoꝝ quempiam eam ob rem tristatum fore, nisi illius hominum generis sit, qui non quæ I E S V Christi, & Ecclesiæ, sed quæ sua sunt, tantum querunt: quibus nos neq; conuiuere, nec eorum iniustæ cupiditati ar ridere, sed prorsus aduersari, & repugnare animati sumus, ne corā Diuina maiestate, cum animæ detrimēto pro ipsis ratio nobis sit reddenda. Si enim scriptura dictante, nemo de altari viuere possit, nisi qui seruiat altari, consequens est, indignissimè agere eos, qui alimenta expetunt ab Ecclesijs, quibus debitum officium nullo modo exhibent; stipendium autem, non nisi militanti debetur. Ideo Apostolus victu, adeoq; ipsa vita, indignos iudicat homines ociosos, qui panem non labore suo partum, cum grauamine aliorum edunt: sed quantò grauiori putandum est eos diuinæ subiacere vltioni, qui census Ecclesiæ, sanctorum Martyrum patrimonia, & piæ plebis donaria, ad diuini ministerij sustentationem collata, ociose absument, atque abliguriunt, pro ijs non curantes debita Ecclesijs rependere obsequia. Propterea audiant huiusmodi (si qui sunt recalcitrantes Canonici, & resistentes diuinæ iussioni) quid super hoc idem Apostolus dicat, Quod si quis non obedit verbo nostro, per Epistolam hunc notate; & ne commisceamini cum illo vt confundatur; & nolite quasi inimicum existimare, sed corripite vt fratrem.

1. Corinth. 9.

1. Thess. 3.

Quod



*Quod nullus ad præsentiarum Perceptionem admitti debeat, nisi à principio diuinorum usq; in finem in choro præsens perseverauerit.*

**P**Orro ne quispiam vana persuasione ductus, somniet, nos friuolas hic, & momentaneas condere sanctiones, aut ex leuitate, ad quamuis legem adduci nebulam atque imposturam posse, maliciosè cogitet, diuinis paululum tantum se præsentando, acceptaq; Præsentiarum stipe, se mox subducatur, putans se huic nostræ constitutioni, suoq; officio satisfecisse, eum, quicumq; fuerit, ex traditione superioris Synodi Salisburgen. item Colonien. si penultima & Moguntina, nec non & alijs Synodis astipulantibus, commonendum esse duximus, ne suæ supinitati, vel deceptioni ignorantiam prætexere possit. Cupientes igitur ex rebus diuinis, etiam temporaneum capere emolumentum, necessariū fuerit eos cultui diuino integrè, hoc est, à principio ad finem usq; interesse: ita quòd si quis ab ultimo Kyrie eleison, exindè toti Missæ, & à primo psalmo, vsque in finem, matutinis, ac reliquis horis minimè interpellatum (nisi forsitan necessitate auocante, petitaq; & obtenta à Præsidente chori licentiâ) non interfuerit, pro illa hora absentes censeantur (saluis Ecclesiarum cõsuetudinibus, si quæ fortè circa hoc arctiores existant) & consequenter in totum illius horæ, aut officij Præsentia, hoc est emolumento carebunt. Neq; verò hoc in casu quenq; diuerticulo seu effugio iuari villo volumus: vtpotè, si arbitretur se & sacris, & lucris pariter fecisse satis, si circa idem ipsum, quo Præsentiarum nummi distribuuntur, momentum, in choro affuerit, tanquam sacræ cuiusdam ignauitiæ, non deuotionis mercedem accepturus, etiam si ante Præsentiarum perceptionem durante diuino officio, intra Ecclesiæ continentia sit, extra chorum tamen stans, deambulans, colloquens,

Cap. XVII.

Ex Cont. præced. Salisb. De offic. Decan. & Ca. c. primo. Et Colon. penult. c. 10. de Metro. pol. Et Mogunt. c. 71.

7. 6. 7

7. 1.

quens, confabulans, vel seria, vel ludicra tractans (vt in nonnullis nostræ Prouinciæ cathedralibus Ecclesijs sæpenuerò sit) tantò magis pro absente censendus erit, quantò minus Christus omnium summus & maximus sacerdos, Dei Ecclesia dignos iudicauit, qui in templo Hierosolymitano columbas vendebant, & rem nummariam exercebant. Quamobrem tales rerum diuinarum illuso- res, non solum Presentiarum nummis carere, verum etiam merita subijci animaduersioni iubemus: ne pietas & impietas, grauitas, & leuitas, pari passu ambulare, & æquali præmio procedere videantur.

*Rem sacram à Canonicis non tàm propter lucrum,  
quàm pietatem esse sectandam.*

Cap. XVIII.

**T**Ametsi verò spes præclara nos foueat, Canonicos nostros conscientia, vel saltem iræ diuinæ stimulis tandem excitatos officio suo functuros esse gnauiter: hos tamen omnes & singulos iuxta hortamur atque adeò rogamus, & per viscera Domini nostri Iesu Christi obsecramus, vt non magis lucrì, quam deuotionis gratia, rem sacram curent, sed potius eam Christiano affectu & sponte, & ex animo frequentent: vt cum Propheta verè possint dicere: Voluntariè sacrificabo tibi, & confitebor nomini tuo, quoniam bonum est. Pietas enim, teste Apostolo, ad omnia utilis est, quæ & in hoc, & in futuro sæculo, suas à Deo habet promissiones: nam hi, qui eam colunt, vltra remunerationem spiritualem, consequentur etiam temporalem sustentationem, scriptura asserente: Non alligabis os boui trituranti. Et dignus est operarius mercede sua. Et, qui in sacrario operantur, quæ de sacrario sunt, edunt: & rursus; qui altari deseruiunt, de altari participant. Sed interim meminerint se viuere, non vt edant, sed ~~edere vt Christo viuant~~, saluatoris verba semper recolentes, di-

Psalm. 53.

1. Timoth. 5. &  
1. Corinth. 9.

# Constitutio vigesimaquarta 109

tes, dicentis: Primùm quærite regnum Dei, & hæc omnia Matth. 6.  
adijcientur vobis.

## Canonicorum excitatio ad pietatem, & cultum diuinum.

**N**Equè verò graue fuerit Canonicis, quod eos hoc nostro mandato officij sui admonemus: nempe, vt sacro integro semper intersint, & horas Canonicas vno animo, & voce cantando in choro absoluant. Quandoquidem non solum res ipsa hoc ab eis efflagitare videatur, verùm etiam diligentia suæ præmium temporale, haud aliundè, quàm ex canonicatus sui præbenda, hoc est, bonis Ecclesiasticis percipiant, & idem ipsum S. Tridentini, & aliorum Conciliorum sanctiones præcipiant: tum quoque Cap. XIX.  
Psalm. 97.  
Psalm. 95.  
Prophetarum voce moueri debent, qui nusquam non inelamant. Iubilate Deo omnis terra: Cantate & exultate & psallite. Cantate Domino canticum nouum: cantate Domino omnis terra. Cantate Domino & benedicite nomini eius: annunciate de die in diem salutare eius: Istam aut propheticam cohortationem, ad Ecclesiasticos homines in primis spectare, dubium non est: huc namq; perinde vt ad cōmunes ad Deum pro se ipsis, & vniuerso populo supplicationes, constituuntur, Ecclesiasticis quæ bonis inuiantur. Quantò itaq; magis quis in dignitate positus est, tantò minus dedignari debet hoc ipsum præstare, sacra scriptura attestante his verbis: Quantò maior es, humiliare in omnibus, & coram Deo inuenies gratiam: quoniam magna potentia Dei solius, & ab humilibus honoratur. Propterea etiam Dauid cum esset & Rex, & Propheta, nō est dedignatus saltando coram Domino, Arcam testamenti Domini in iúbilo, & clangore buccinæ comitari: quem cum Michol vxoris suæ exciperet aiebat: Ante Dominum qui elegit me potius, quàm patrem suum, & quàm omnem Ecclesiastici 3.  
2, Reg. 6. &  
1, Paralip. 15.  
O 3 domum

domum eius, & præcepit mihi. vt essem Dux super populum Domini in Israël, & iudam, & vilior fiam plusquam factus sum: & ero humilis in oculis meis &c. Et si tantus, Rex & Propheta propter figuram duntaxat non dedignabatur illa omnia in honorem Dei facere, quanto magis à nostris Canonicis in templo, imò & in præsentia præfigurati Saluatoris nostri Iesu Christi, laudes & gratiarum actiones, ob tanta nobis præstita beneficia, aliâq; mirabilia, extra omnem dedignationem debent decantari? Recordentur verborum Christi vbi ait: Omnis qui confitebitur me coram hominibus, confitebor & ego eum coram patre meo, qui in cœlis est: qui autem negauerit me coram hominibus, negabo & ego eum coram patre meo, qui in cœlis est. Et alibi: Nam qui me erubuerit, & meos sermones, hunc filius hominis erubescet, quum venerit in maiestate sua, & Patris, & sanctorum Angelorum. Non indignemini igitur Reuerendi Canonici, sed potius cum gratiarum actione suscipite, & amplectimini hæc nostra pia monita, pensum vestrum psalmis & hymnis, loco, & tempore, iuxta prædicta, absoluite, senes & iuuenes laudes dicere Domino non deficite, neque erubescite, ne & Redemptor noster vos erubescat in illa die, quando cœli mouendi sunt, & terra. Nam & situs istarum vestrarum Ecclesiarum cathedralium, & aliarum collegiatarum, ad hoc vos incitare, videtur, qui quandam nascentis Ecclesie ministrorum repræsentat vetustatem (quorum erat cor vnum, & anima vna, quotidie perdurantium vnanimiter in templo, & frangentium circa domos panem, in orationibusque perseverantium, Deum collaudantium, & gratiam ad omnem plebem habentium) eò quòd omnium Canonicorum habitacula, sacras ædes, quibus proxima esse solent, cingant, vt procul à promiscua multitudine separati, diuinis pariter laudibus iugiter insisteretis, indicat: iuxta illud Propheta. Ecce nunc benedicite Domino omnes

Matth. 10.

Luc. 9.

Act. 1.

Psalm. 133.

omnes serui Domini, qui statim in domo Domini, in atrijs domus Dei nostri. Viam interim Canonicis ad negotia pro Ecclesiæ, Episcopi, & Capituli necessitate obeunda minimè præcludimus: ijs enim quousq; sunt occupati, neque diutius, non solum à choro, sed etiam (cùm opus fuerit) à residentiæ loco abesse licebit. Verùm Decanos, aut illos quibus ea cura pro tempore incumbit, monitos esse volumus, ne extra magnam necessitatem, tempore diuinorum suos onerent Canonicos, neq; etiam eo tempore capitula celebrent, ne ob illa, Diuinum officiũ vel suspendatur, vel præcipitetur, vel deniq; ab ipsis negligatur Canonicis: sed illa, aut maturius, aut serius haberi curabunt: vt non tantum simplices Canonici, sed etiam ipsi Prælati diuinis officijs commodius interesse queant: debet enim Dei cultus omnibus alijs anteponi.

*Canonicis plures titulos Canonicatum in gratiam nobilitatis Germanicæ ob certas rationes concedi.*

**C**Um sancta Synodus Tridentina ad Dei laudem, & Ecclesiæ fructum, præcedentium Oecumenicorũ Conciliorum, Chalcedonensis præcipuè, sanctiones secuta, decreuerit, neminem in duabus Ecclesijs conscribi oportere: quia qui vni est intentus, alteri inseruire non potest, & alterius locum occupat, qui ei ministrare posset, præsertim quoniam & Nos eiusdem sacri Tridentini Concilij authoritate innixi, alioq; Decreto moti, ordinauerimus, statuerimusq; vnumquemq; Canonicum, non diu posse, neq; debere à residentia sui Canonicatus abesse: illud impedimentum, quod reddituum tenuitas affert, effugere eo minus potuimus, quo magis his calamitosi temporibus nostræ Ecclesiæ plurium Canonici præsidio egent, neq; ijs suppressione præbendarum, imminutioneque ca-

Cap. XX.

Sess. 24. c. 17.

Decr. de Refor.

Chalced. c. 70.

Et 11. q. 2. c. si-

quis.

Sess. 24. cap. 12.

Decret. de Re-

form.

canoni-

## 112 Constitutio vigesimaquarta.

Sess. 14. c. 13.  
Decr. de Reformat.

Cum sanctiss.  
D. N. de hac Cō-  
stitutione, quæ  
ad pluralitatē  
canonicatum  
pertinet, fuisset  
consultus, S. C.  
S. rei nouitate  
commota, re-  
spondit, se ne-  
que concedere,  
neq; phibere,  
sed illis qui eā  
condiderunt  
melius cōside-  
randam re-  
linquere,

nonicatum satis bene consuli iudicamus: quamobrem  
ancipiti consilio diu deliberantes communi tandem con-  
sensu in eam sententiam descendimus, vt in omnibus Ec-  
clesijs cathedralibus, moderna canonicorum quantitas  
ad minorem & determinatū reducatur numerum. Veluti  
40. ad 25. vel 20. & 30. ad 20. vel 16. & 24. ad 16. vel 12. &  
sic de singulis, de cōmuni consensu Ordinarij & Capituli:  
ita tamen, vt tot supersint, quot diuino cultui celebrando,  
ac dignitati Ecclesiæ commodè sufficiant: qui propterea,  
iuxta ea quæ superius sunt dicta, continuè debeant reside-  
re, & annalibus præbendis soli gaudere: cæteris, ab isto  
determinato numero amotis, cū à residētia, tum ab emo-  
lumentis annuis, liberis remanentibus, vocem tantum a-  
ctiuam & passiuam retinentibus, dummodò à cœtu Ca-  
pituli in numerum ipsorum fuerint acceptati: qui etiam à  
residētia restrictum numerum excedere non debent: ita  
quòd omnibus, his videlſcet, & alijs residentibus compu-  
tatis, prior quantitas nō tranſeatur. Et ne huiusmodi Ca-  
nonici à Capituli emolumentis annalibus amoti, rema-  
neant absq; condigna sui sustentatione, eis facultas con-  
cēditur, vt in alia cathedrali Ecclesia, ipsorum quilibet  
possit cum emolumentis annalibus in Canonicum pro-  
moueri, vel iam promotus perseuerare: ita tamen, vt ibi-  
dem iuxta sanctiones suprascriptas residendo, eis frui me-  
reatur: quemadmodum & versa vice, alijs Canonici iam  
de præbenda vnus Ecclesiæ prouisis, vt in alia, vel pluri-  
ribus alijs cathedralibus Ecclesijs, similem vel similes ca-  
nonicatus titulares, solo voto in Electionibus gaudentes,  
facultatem concessam intelligimus: hac etiam ratione, vt  
quotiescūque titularis alicuius Ecclesiæ Canonico ibi-  
dem residendi locus, per alterius obitum, vel renunciatio-  
nem fuerit oblatus, eam acceptare possit, dummodò, si  
alium similem, alio in loco antea habuerit, illum prius Ca-  
pitulo illius loci, vel alteri idoneo renunciauerit, vel titu-  
lum so-



## Constitutio vigesimaquarta. 113

lum solùm, absq̃ annali fructu, sibi retinuerit. Quæ res, titulũ alicuius canonicatus, absq̃ obligatione residentię, & vtilitate integrę annalis præbendę, tantum habendi, nemini videatur noua; quandoquidẽ talis mos iam antea in nonnullis nostrę nationis Germanicę Ecclesijs fuerit vsitatus: in quibus huiusmodi Canonici titulares per vacantiam aliquorum canonicorum residentium, in illorum locum secundum ordinem suscipiuntur. Quod cum etiam in nostra Prouincia (modo tamen infra scripto) executioni demandatum fuerit, vnusquisque, nisi rationis expers fuerit, luce clarius perspiciet, non solùm canonicatibus nostris tenuioribus: sed etiam cathedralibus longẽ melius, quàm antea prospectum fore Ecclesijs, vt de vnoquoque sigillatim sine difficultate possumus, ac volumus docere. Nam illis, quibus ampliori prouentu opus est, vt se pro dignitate sustentent, ea ratione subuenietur, quod plures ex continua vnus Ecclesię, quàm plurium vt antea, residentia consequentur redditus annales: quia duarum Ecclesiarum prouentus, qui antea multis, & sæpẽ eisdem diuidebantur canonicis, nunc vnus tantum Ecclesię prioris canonicorum multitudinis duntaxat medietati, & alterius alij reseruantur annales redditus diuidendi: ita quod vnusquisque tantum nunc, & vtilius de vnus canonicatus residentia obtinere poterit, quantum antea de duabus residentijs accipiebat, quia tantum est, & melius, quidpiam in vno loco habere integrum, quàm in duobus locis, valde præsertim distãtib, diuisum, eo quod eundo, & redeundo, & singulis annis in duobus locis rem domesticam instruendo, siue mutando (vti à nostris fit canonicis) non parum consumitur pecuniarum, quibus profecto expensis parceretur, si in vna perseuerauerint residentia, & vnus cuiusq̃ ipsorum magis tuta erit conscientia, quia suo satisficient munerĩ. Quod etiam neq̃ hic nouum esse quisquam censebit, cum eadem lex, & consuetudo, tum

## 114 Constitutio vigesimaquarta.

do, tum in alijs quibusdam Germaniæ, tum etiam in nostris partim Ecclesijs obseruetur; neminem scilicet in vno anno posse pro vtraque consequenda præbenda, in duabus Ecclesijs residere. Id quoque sic fieri consultius erit: quia licet cathedrales Ecclesiæ magnum habeant canonicorum numerum annales præbendas accipientium; pauci tamen & quandoque (præcipue in solennitatibus) vix quarta pars eorum, in ipsius Ecclesiæ ministerio, cum magna populi admiratione, vtinam etiam non offensione, deprehenduntur, eoque cum in vna resideant, ab alia abesse cogantur: sub cuius mutationis loci prætextu, magna quoque temporis pars priuatis negotijs, ne dicam solatijs, ac recreationibus teritur. Consulitur præterea nostris cathedralibus Ecclesijs, de pluribus personis ad regendum idoneis: eo quod canonicis permittatur, vt in diuersis assignantur Ecclesijs. Postremo, licet in duabus nostri Canonici conscribantur Ecclesijs: in vna tamen duntaxat vnusquisque residere tenebitur: cuius prouentibus etiam solis iuxta sacre Synodi Tridentinæ intensionem, illum sustentari decreuimus, solo alterius titulo, absque ipsius Ecclesiæ detrimento, sed potius beneficio, ei remanente, eo quod talium canonicorum ratione, & fauore, à multis insidijs, & inconuenientibus, quemadmodum supra dictum est, ipsæ præseruantur cathedrales Ecclesiæ. Quæ tamen omnia & singula iudicio & censura S. S. Apostolicæ submittimus, sine cuius autoritate nihil decernimus.

*Pinguiores Canonicatus in suo statu, & numero,  
relinquendos esse.*

Cap. XXI.

IN his verò cathedralibus Ecclesijs, quæ vel vberes habent redditus, vel sufficienter iuxta S. Concilij Tridentini permissionem, simplicibus beneficijs ditari possunt, ita vt antiquus Canonicorum suorum numerus, iuxta illorum

## Constitutio vigesimaquarta. 115

lorum gradum & conditionem, absq̃ alterius cathedralis adminiculo, posset sustentari, eos debere minui non intelligimus; sed volumus vt eorundem Canonicoꝝ quantitas in pristino perseueret statu, & vt in eisdem Ecclesijs omnes resideant: hac tamen conditione, vt eorum quilibet, quemadmodum & alij, in alia Ecclesia titulum retinere, vel obtinere valeat. Et si quis in huiuscemodi Ecclesijs residere renuerit, alteri Canonicaꝝ renunciare necesse erit. In alijs verò cathedralibus Ecclesijs, fiet vt iam dictum est.

*Quomodo Episcopi, Præpositi, ac Decani Ecclesiarum;  
de residendo in uno loco, inter Canonicos disponere, ac  
componere debeant, si forte inter aliquos sub-  
oriretur disceptatio.*

**E**T quia hæc nostra Constitutio circa selectionem Canonicoꝝ residendorū, ab alijs titularibus, & econ- Cap. XXII.  
uerso, in vnaquaque cathedrali Ecclesia faciendam, aliquam fortassis in principio difficultatem pati posset, ex eo quòd aliqui forsitan in vna libentius, quàm in alia cupiant residere, Episcopi & ipsarum Ecclesiarum cathedralium Præpositi atq̃ Decani, postquam ab ipsis, cum suis Capitulis, de numero residentium, certa ac determinata fuerit conclusio facta, omni charitate procurabunt, vt omnia absq̃ tumultu, & secundum ordinem prudenter fiant: cuilibet canonico de residentia canonica, iuxta vnus cuiusq̃ beneplacitum, in quantum possibile fuerit, prospiciendo: ita tamen, vt cui in vna residendum est, in alia (iuxta ea quæ superius sunt dicta) titulo tantū gaudeat. Et si alicubi inter aliquos oriretur disceptatio, qui contra præfixum illius Ecclesie residendorum numerum, ibidem optarent, vel instarent locum habere residentia:

P 2 tunc

## 116 Constitutio vigesimaquarta.

tunc si aliter illorum dissensio sedari non potuerit, ordinamus, ut Domicelli, id est, nondum Capitulares existentes, qui adhuc pro annali præbenda residere non possunt, iuxta necessitatem à iunioribus incipiendo, vel omnes, si opus fuerit, titulum canonicatus duntaxat retineant, alijs iam Capitularibus residentiam relinquentes; si verò aliquo in loco omnes iam fuerint Capitulares, vel tot non fuerint Domicelli, quibus à titulo residentiae amotis, reliquis alijs omnibus etiam residendi secundum decisionem illius Ecclesie, non adesset locus, & inter ipsorum nonnullos adhuc de illius loci residentia perseveraret controversia; tunc statuimus, ut seniores, hoc est, qui illius Ecclesie priores fuerunt canonici, usque ad numerum determinatum, residentiae loco debeant gaudere; reliqui verò titulum duntaxat retinere, & in alio loco residentiam facere. Sed si contingeret, quod aliquis ex iunioribus iam Capitularibus nullibi residentiae locum posset adipisci, talis alicubi ultra præfixum illius loci numerum, dummodo antea ibidem is ipse Capitularis extiterit, resideat, hac tamen conditione, quod quam primum aliquis locus residendorum, per obitum alicuius, in illa vacauerit Ecclesia, nullus illius loco, sed titularis duntaxat substituitur, ut determinatus residendorum numerus non excedatur.

### *De sufficiendis Canonics in locum defunctorum.*

Cap. XLIII.

**Q**uando verò quispiam residentiae Canonici, ex hac migraverit vita, ex titularibus senior, vel alius per ordinem sequens, si prior renuerit, est in locum defuncti assumendus, deinde in loco titularis ad residentiam assumpti, alius erit creandus. Sed si titularium nullus, loco defuncti, in illa residere vellet Ecclesia, tunc alius quicumque assumatur, ab illis dandus, quibus de iure convenit collatio.

*Episco-*

## Constitutio vigesimaquarta. 117

*Episcopos, ex gratia Apostolicae sedis, canonicatus in alijs Ecclesijs obtinentes, non nisi inuitabili de causa, ad fructuum perceptionem, aut residentiam, admitti debere.*

**Q**Uamquam superius ex sacris literis, & Oecumenicis Concilijs satis commonstrauimus, omnia iura tam diuina quam humana clamare, Nosq; ibidem propterea ordinauimus, omnes Pastores, praesertim Episcopos, qui Apostolorum vices gerunt, in proprijs Dioecesibus residendo, suis debere ouibus praesse: nihilominus quia quandoq; euenit ex gratia sedis Apostolicae, confirmatis Episcopis priores suos canonicatus relinquere, vel alios ipsis conferri: ad maiorem huius rei obseruantiam, ordinamus, & statuimus, ne huiusmodi Episcopi confirmati, ad residentiam suorum canonicatum admittantur, nisi ab Episcopatu quispiam expulsus fuerit: vel pro eo tempore duntaxat quo illis à Concilio Tridentino permissum est abesse à suo Episcopatu: sed titulis duntaxat, cum vtraque voce frui debeant. Piaculum enim est, & omnem contra conscientiam, quòd propter cupiditatem Episcopus propriam relinquat Dioecesim, & sibi à Spiritu sancto commendatis non praesit ouibus. Cap. x x i i i.

*De moderatione, & restrictione statutorum Capitularium, & poena a quitatem transgredientium.*

**I**N reliquis verò, Nos, nostriq; Coepiscopi, ac ceteri Praelati, hac in Synodo congregati, omnia tam Metropoliticae quam Ecclesiarum cathedralium, ac collegiatarum totius Prouinciæ nostrae Capitula in Domino Iesu requirimus, admonemus, ipsiq; iniungimus, vt sua reuideant, ac contemplantur statuta, & vbi laxiora, & licentiosa esse co-

gnouerint, contrahant, suorum memores officiorum ac ministeriorum vocationem suam considerent, eoque modo & forma moderentur statuta, vt Canonorum splendor, cultusque diuinus, cui ipsi Canonici diligenter, cum exhibitione ministeriorum, absque tergiversatione debent interesse, reuiuiscant, populusque Christianus eorundem exemplo ædificetur. Si qui verò sui status immemores, diuini cultus atque suorum officiorum negligentes, ociosi, rixosi, siue litigiosi, aut percussores, susurratores, delatores, scortatores, lusores, aut alijs criminibus irretiti fuerint, mansuetè primò erunt admonendi, iuxta doctrinam Christi. Quam fraternam admonitionem si quis nihil fecerit, & in suo luto perseuerauerit, corripatur, & si opus fuerit, etiam in Capitulo coram reliquis canonicis corrigatur, dicente Apostolo: peccantes, publicè videlicet, coram omnibus esse corrigendos, vt & ceteri timorem habeant. Tum si resipiscere non admodum curauerit, fructus participare prohibeatur, à sacrisque arceatur, donec ad meliorem vitæ frugem reuertatur: sic tamen, vt regula seruetur Apostolica: Corripite inquietos, consolamini pusillanimes, patientes estote ad omnes: ita quòd neque ira, neque odium, neque rancor vllas sibi vendicet partes. Quod vt omninò fiat, Capituli, vel saltem Officialium, præsertim Decanorum, erit munus & officium: ne, vbi post huius nostræ Prouincialis Synodi commonitionem & iussionem negligentiores in his reperti fuerint, necesse sit eorum negligentiam, cum suo dedecore, iuxta iuris communis dispositionem, per superiores suppleri. Quod ipsum quoque fiet, si Officiales ipsi, præcipue Decani, quibus aliorum cura principaliter est commissà, eisdem criminibus fuerint irretiti.

DE



Constitutio vigesimaquinta. 119  
DE ARCHIDIACONIS,  
Archipresbyteris, & ruralibus De-  
canis. Const. XXV.

*De Archidiaconatus, Archipresbyteratus, & De-  
canatus ruralis dignitatibus.*

**Q**Uamquam Archidiaconatus, & Archipresbyteratus, inter cathedralium Ecclesiarum, & alter ipsorū, etiam collegiatarum officia connumeretur in Dei Ecclesia, vti in Iure habetur canonico: nihilominus quoniam per nostras Dioceses, ob ipsarum amplitudinem, multi, iuxta regionum exigentiam, sint instituti, quorum præcipue est habenda consideratio, peculiarem de ipsis, ab alijs Officialibus superius descriptis, distinctam habere volumus rationem: eò maxime, quia in nostris cathedralibus Ecclesijs, Archipresbyterorū tituli non sunt vsitati, quorum officio fere funguntur, qui nominantur Præpositi, atque magna ex parte Decani; & Archidiaconorum officiū subeunt, quo ad iurisdictionem exercendam, ordinariorum Vicarij generales, qui vocantur etiam Officiales, ab ipsis Episcopis propterea instituti. Quod de alijs per Dioceses distributis, præsertim Archidiaconis, non est asseuerandum: cum ipsi suorum Ordinariorum, tanquam subofficiales exercent iurisdictionem, iuxta formam tamen ac regulam eis præfixam: Ideò de ipsis merito particularis habenda est ratio. Circa quod, hoc vnum prius est animaduertendum: iurisdictionem scilicet Plebanorum, non ad titulum provinciæ nostræ Archipresbyterorum propriè spectare, sed eos illam tantum exercere debere, quibus à suis committitur Ordinarijs, quemadmodum & alijs, eandem facultatem obtinentibus, qui propterea & Decani vocantur rurales, quorum officia licet ab Archipresby-

Cap. I.  
Decretal. li. 23.  
ti. 23. & 24.

## 120 Constitutio vigesimaquinta.

De off. Archid. c. 7. 8. De visit. cle. qui in P. rochijs est. c. 6. §. 1. 2.

presbyteris nomine videantur discrepare, re vera tamen sunt idem: cuius etiam testimonium reddit Ius Canonicum, & formula visitationis Diocesis Colonienſis: quam obrem, non tantum de Archipresbyteris, sed & de hisce ruralibus Decanis sermo debet fieri: præsertim cum per nostram Prouinciã, horum nominũ reperiantur quàm plurimi.

### *De diuersa potestate Archidiaconorum, Archipresbyterorum, & Decanorum ruralium.*

Cap. II.

De offi. Archipresb. c. primo. De Archipresbyt. c. 4.

CVM huiuscemodi Archidiaconi per nostram Prouinciã constituti, æqualis ubiq; non sint potestatis, neq; authoritatis: & alij ipsis minoris dignitatis, eisdem, Archidiaconis secundum Iura subiecti, siue sint Archipresbyteri, seu rurales Decani inter se, quo ad facultatem eis concessam exercendã multum sint differentes: nihil enim in ipsa exercenda iurisdictione, contra suorum ordinariorum Decretum ordinare, neq; agere possunt: Ideo vt quilibet eo certior sit, quæ nam suæ functionis sint negocia, hac præſenti nostra sancimus Constitutione, vt quando quispiam à Nobis, aut Prouinciæ nostræ Coëpiscopis, in Archidiaconũ, aut ruralem Decanum assumitur, seu alicui Archipresbytero, vel alteri aliqua exercendĩ potestas committitur, huic specialis constituatur & assignetur commissio, atq; mandatum, sigillo nostro, aut illius Episcopi à quo assumitur munitum ac corroboratum: in quo peculiariter causæ exponantur, in quibus, & quousq; assumptus cognoscere, tractare, corrigere, ordinare, atq; determinare habeat, vna cum sufficienti, bona & clara instructione, vt quomodo in talibus, secundum sanctiones Canonicas, se gerere debeat. Quæ nullus talium, sub indignatione sui Ordinarij, & pœna condigna, audeat prætereire. In reliquis verò, quæ præter iurisdictionem exercendam, ad

## Constitutio vigesimaquinta. 121

dam, ad vnamquamq; spectant dignitatem supradictam, præsertim ad Archidiaconatum, & Archipresbyteratum, se iuribus vnusquisq; talis accommodabit canonicis, quæ habentur lib. primo, Decretal. Tit. 23. & 24.

*Quales personæ requirantur ad supradicta officia, quæ etiam constitui non debent, nisi prius fidei fecerint professionem.*

**A**D supradictas autem dignitates, & officia, ad Archidiaconatus præsertim, assumi non debent, nisi viri sacerdotio insigniti, ætate maturi, graues, vita honesti, prudentes, & commendabiles, atq; eruditione, & experientia probati. Decet enim, vt cum ipsi Nostram, & Episcoporum personas referunt, ipsi tales se exhibeant, quales Episcopos esse oportet. Ex familia enim & ministris relucet quales sint domini. Vnde & Tridentinum Concilium, Sess. 14. cap. 12. Decr. de Refor. Decretum de Archidiaconis statuens ait: Archidiaconi, qui oculi dicuntur Episcopi, sint in omnibus Ecclesijs, vbi fieri poterit, Magistri in Theologia, seu Doctores, aut Licentiat in Iure Canonico: qui etiam in supradictis dignitatibus, & officijs, vel alijs similibus confirmari non debent, nisi prius in manibus suorum Ordinariorum, vel eis impeditis, coram generalibus eorum Vicarijs, seu Officialibus, orthodoxæ suæ fides publicam fecerint professionem, & in Romanæ Ecclesiæ, & suorum Episcoporum obedientia se permansuros sponponderint ac iurauerint.

*De iustitia, & æquitate ab Archidiaconis, & cæteris huiusmodi Officialibus exercenda.*

**I**psi verò Archidiaconi, Archipresbyteri, & rurales Decani, & huius generis alij, tale à suis Episcopis consecuti cum authoritate officium, & dignitatem, tales se red-  
Cap. IIII.  
Q dant,

Ex ultimo Cō-  
cilio Colon. c.  
quibus possint  
Archid.

Ca. 77.

dant, vt conceptæ de ipsis expectationi, & suo munerī, ac suorum Episcoporum satisfaciant voluntati, non lucrum neq; munera respicientes, sed quod iustum est & rectum iudicantes, nemini ad malum, vel turpitudinem habenas laxantes, neque illorum prauis actibus conniuentes: verum eos, iuxta demerita, acriter punientes, & vnique, quod æquitas exigit tribuentes. Et si contigerit eos quandoq; ita impediri, quod functionem munerum suorum, non per se, sed per ministros, aut Commissarios, seu collectores necessariò debeant obire, vices suas hominibus nō committant leuibus, vltiosis, aut etiam coniugatis: sed tantū Ecclesiasticis, grauibus, & probatæ opinionis viris (quod etiā Episcoporum est, vt suo loco diximus) Vnde hæc Synodi Moguntinæ verba extant: Caueant autem Episcopi, & Archidiaconi, dum ipsi officijs suis præesse non possunt, ne vices suas hominibus dubiæ famæ, aut ab ordine Ecclesiastico prorsus alienis, committant: sed in suum locum, quoties suis muneribus per se non præsent, viros bonos, graues, peritos, prudentes, & in primis Ecclesiasticos substituunt: nec vnquam crimina subditorū, per se, aut suos substitutos, multa pecuniaria punire præsumant: sed alijs debitis, & à iure constitutis pœnis coercant.

*Archidiaconi nati &c. non præsumant exercere Offici-  
um, antequàm Ordinario se præsentarint, & ab ip-  
so approbati fuerint, & fidei professionem  
præstiterint.*

Cap. V.

V Num autem circa hoc non est prætereundum, quòd cum in diuersis nostræ Prouinciæ locis, non pauci in aliqua dignitate constituti, quorum alij sunt Prepositi, alij Archipresbyteri, alij Parochi, & id genus alij, vtinam verò non concubinarij, indocti, auari, turpis lucris cupidi, & infames

infames viri, qui supradictā Archidiaconorum, & Decanorum ruralium, non ex speciali vocatione, sed quasi ex suorum Antecessorum hereditaria successione, sibi omnimodam tribuunt potestatem: ita vt sibi persuadeant, se eo officio, & iurisdictione, ob quamcumq; causam non posse destitui: quo fit, vt nonnunquam, si non in pluribus, in suis administrationibus cum animarum iactura & perditione, Ordinariorum dedecore, atq; gratamine, populorum scandalo, & causarum partiumq; periculo versentur: Cui incommodo, omniumq; piorum virorum iustæ querelæ mederi cupientes, ordinamus, & statuimus, ne quisquam in posterum, cuiuscumque dignitatis, vel beneficii, aliquod supradictorum officiorum, Archidiaconatus videlicet, vel ruralis Decanatus, aut huius generis alterius, suæ (etiam ex priuilegio aliquo sibi à nostris Prædecessoribus concessio) annexū habens dignitati, sub poena amissionis dignitatis, vel beneficii, & insuper alia à suo Ordinario imponenda, huiusmodi officio fungi, neq; in minimo illud exercere audeat, nisi prius suo se præsentauerit Ordinario, & ab ipso, secundum sacrorum Conciliorum, præsertim Tridentini sanctiones, & superscriptas nostras leges, fuerit sufficienter approbatus, atq; admissus: Deinde & orthodoxæ suæ fidei, quemadmodum & alij, in manibus sui Episcopi, publicā fecerit professionem. Nostra equidem sententia non est, cuiquam loco, vel dignitati in minimo suorum priuilegiorum, à nostris Antecessoribus ipsis concessorum, derogare: nam huiusmodi loca, siue dignitates, suis priuilegijs priuare, vel destituere non intelligimur, dum hoc studemus, vt ad regimen illorum locorum, siue dignitatum, tales fuerint viri assumpti, qui ad supradictā Archidiaconatus, vel Decanatus ruralis, aut alterius similis officij munera exercenda, iuxta sacros Canones, & has nostras Cōstitutiones, idonei fuerint & sufficientes. Cuius sanæ mentis proculdubio fuerūt & nostri

Prædecesores, talium priuilegiorum largitores. Non parum enim est, quod talia loca, siue dignitates, annexa habere possunt hæc officia, ad nos pertinentia, si ad illa habiles assumpti fuerint homines. Idcirco si hoc ipso destitui nolunt priuilegio, procurent tales assumere, qui etiam annexorum Officiorum muneribus valeant respondere; aliàs nullum prorsus admittendum esse decernimus. Qua in re neq̃ alicui sit iniuria, cum huiusmodi munera, mera sint Episcoporum officia, quibus suis prouidere ac consulere debent ouibus, sibi à Spiritu sancto commissis.

## DE PAROCHIS, AT- que eorum cooperatoribus. Const. XXVI.

*Eandem propè sollicitudinem requiri in Parocho,  
qua in Episcopo.*

Cap. I.

**Q**Voniam superius in Constitutione de modo præsentandi, acceptandi, seu promouendi Clericos ad quæuis beneficia Ecclesiastica, præsertim curata, satis diffusè ostensum sit, quales debeant esse, & quomodo experiendi, qui ad Parochiales Ecclesias sunt assumendi; idcirco in præsentì articulo, de ipsorum duntaxat munere noster erit sermo. Cum Parochi in paratam sollicitudinis Episcoporum in his, quæ ad curam animarum pertinent, sint vocati, eis pariter conuenitea considerare, quæ supra, non solum de ipsis Parochis, sed etiam de Episcopis ad curam animarum spectantia, sunt dicta. Ideò Parochus diligenter consideret officium Episcopi circa curam animarum, vt & ipse pro sua virili illud expleat in sua Ecclesia. Quod aptè fiet, si quemadmodum nostrum est mandatum atque decretum, sequentia acuratè considerabit, atq̃ exequetur.

De



*De tribus uirtutibus, quibus Parochi præditi esse debeant,  
& quarum prima est, oues suas cognoscere: atq; etiam  
de libris ab ipsis in promptu habendis, in quibus  
oues suas sigillatim describant.*

**C**UM Saluator noster summus Pastor Christus, tres Pa- Cap. II.  
Ioan. 10.  
storis, cui sunt oues propriæ, describeret proprietates,  
hanc primo posuit loco, ut suas nominatim vocare sciat  
oues: quod haud facere posset, nisi illas singulariter om-  
nes cognosceret. Nos omnibus & singulis nostre Prouin-  
ciæ Parochis, quibus oues propriæ, illorū sunt Parochia-  
ni, mandamus atq; præcipimus, ut quisq; libros in procin-  
ctu habeat tres: Primum quidē, in quo omnes totius Paro-  
chiæ utriusque sexus homines, nominibus proprijs & co-  
gnominibus, senes & iuuenes, magnos & paruos, vnā cū  
cuiuslibet ætate, ac cōditione inscribat. In secundo anno-  
tabit eos, qui vel ex hac mortali ad eternā, vel ex sua Paro-  
chia in aliā commigrauerunt & commigrabunt. In tertio  
Parochianorum suorum natos infantes utriusq; sexus, &  
separatim alienigenas, in suam Parochiam habitatum ve-  
nientes, consignabit. Circa quæ magna ab ipsis Parochis  
adhibenda est diligentia, ut omnium, tam veteranorum,  
quàm aduentitiorum suorum subditorum, siue incolarum  
mores & studia non oscitanter inquirant, animaduertant,  
atq; cognoscant, præsertim quo ad fidem Orthodoxam,  
& Sacramentorum perceptionem. Deindē quas mulieres  
secum habeant, coniugatas nē, an concubinas, vel suspec-  
tæ pudicitia. Si coniugatas, an consanguinitatis, vel affi-  
nitatis vinculo uiris sint coniunctæ sciscitentur. Diligen-  
ter quoq; ac studiosē omnes suarum Parochiarum paupe-  
res, præsertim puellas nobiles, uiduas, orphanas, pupil-  
los, ægrotos, senio confectos, aliasq; personas, utraq; mi-  
sericordia, spirituali & temporali indigentes, obseruent,

# 126 Constitutio vigesima sexta.

Proverb. 17.

Ioan. 19.

1. Corinth. 9.

In 2. to. exp. l. 5.  
in 1. Reg. c. 14.

Deut. 1.

atq; intelligant. Meminerint enim vt ouium suarum exa-  
ctam, & piam habeant noticiam, admonente his verbis  
Salomone: Diligenter agnosce vultum pecoris tui, tuosq;  
greges considera. Et hoc, vt eos nominatim possint voca-  
re. Quid est enim oues suas nominatim vocare, nisi suo-  
rum subditorum singulos determinatè ac sufficienter no-  
uisse; Veritate ipsa dicente: Ego cognosco oues meas, &  
cognoscunt me mea. Quod nil aliud est, quàm omnium  
mores contemplari, quid singulis expediat, perpendere,  
in omnes esse mansuetum, & humanum, non imperiosum,  
rigidum, seuerum, vel austerum, sed omnibus in Christo  
se conformet, iuxta illud Apostoli: factus sum infirmis  
infirmus vt infirmos lucrificarem: omnibus omnia fa-  
ctus sum, vt omnes facerem saluos: vnicuique secundum  
propriam capacitatem, ac indigentiam prouidendo, in  
aduersitatibus subueniendo, vel consolando, ad meliora  
adhortando, à malis dehortando, & ad æternam fœlicita-  
tem inuitando. Quemadmodum enim medicus, corporũ  
dispositiones, complexiones, atque morborum diuersita-  
tes considerat, quatenus vnicuiq; medicamentum suæ di-  
spõsitioni ac morbo conueniens apponat, ne quod vni  
prodesset, alteri obsit; sic Parochus, & quilibet huiusmodi  
Pastor, cum sit animarum medicus, singulorum inclina-  
tiones, studia, & affectus attendere debet, vt vnumquem-  
que per media aptiora à malo possit retrahere, & ad virtute-  
tes prouehere, quod factu quidem est nonnihil difficile,  
sed utilissimum tamen: propterea non ineptè D. ait Gre-  
gorius: Qui ad curam animarum eligitur, duræ & asperæ  
vitæ debere esse iudicatur: quia magna profectò perfe-  
ctio, exercitatio, functio, discretio exigitur in bono Pa-  
rocho, ac quocumq; alio Prælato. Idcirco non sine causa di-  
cebat Moyses: Date ex vobis sapientes, & gnaros, quorũ  
conuersatio sit probata in Tribubus vestris, & ponam  
eos vobis Principes.

*De secunda Parochi proprietate, quæ est suis ouibus  
notis optime prospicere, illarum salutem  
consulendo.*

**E**T quia non satis est Parocho, suos subditos, sufficienter eos cognoscendo, nominatim vocare, sed illis etiã, prout necessitatem expostulare iudicauerit, pro utroque homine, necessaria, in quantum suæ permittunt vires, sup-  
peditare: supremus enim Pastor Christus Iesus, Pastoris veri describendo proprietatem ostendit, inquit: & educit eas: quid est autem Pastorem oues suas proprias educere, nisi ipsarum necessitatibus, optime antea cognitis, pro viribus succurrere? Is nempe Pastor suos educit subditos, qui de via ad patriam, de carne ad spiritum, de mundanis desideriis ad diuinorum contemplationem, de stabulo famis ad panem intellectus & vitæ, quæ spiritualis alimonie pascua sunt, de tenebris ignorantie ad lumen scientie, de luto spurcitie ad lauacrum, quo anima expurgatur, viam commonstrat, atque adeo manu ducit: hoc autem tum fieri sciant Parochi, cum in omnibus suis concionibus, quæ frequentes esse debent, singulis præsertim dominicis diebus & festiuis, & extra conciones, uti opus fuerit, instruent, docebunt, admonebunt, exhortabuntur, & si res postulauerit, increpabunt: Ideo & sancta Synodus Tridentina omnibus mandat Parochis, ut inter Missarum solemnias, aut diuinorum celebrationem, sacra eloquia, & salutis monita, vernacula lingua, singulis diebus Festis, vel solemnibus explanent, eademque in omnium cordibus, postpositis inutilibus questionibus, inserere, atque eos in lege Domini erudire studeant. Debent quoque Parochi (ut & præcedens Salisburgen. statuit Synodus) paruulos, quæ pulchra Ecclesie portio est, & apta disciplinæ pietatis, non negligere, sed quemadmodum & alios rudes  
suarum

Cap. III.

Ioan. 10.

Ecclesiast. 18.

Sess. 14. c. 7. Decret. de Refor.

De ord. Eccle. qual. &amp; offic. c. ultimo.

Sess. 24. cap. 4.  
Decr. de Reform.

suarum Parochiarum, certis temporibus instruere & catechizare. Quando autem hoc fieri debeat, Concilium Tridentinum peculiari Decreto indicat his verbis: Saltem Dominicis, & alijs festiuis diebus, pueros in singulis Parochijs, fidei rudimenta, & obedientiam erga Deum, & parentes, diligenter ab ijs, ad quos spectabit, doceri curabunt Episcopi. Quod si aliqui negligenter prastiterint, à suis coërceantur Episcopi, & si opus fuerit, etiam per censuras Ecclesiasticas, præcipiente hoc eodem Concilio Tridentino. Suos præterea subditos in primis ad panis Sacramentalis, id est Sacramentorum perceptionem educere debent: sine quibus homo spiritualis, nec viuere, nec saluari poterit. Ad quæ ut cum maiori omnes accedant reuerentia, animiq; deuotione, debent Parochi, in his, quæ ad ipsorum spectant ministerium, quemadmodum & Episcopi, cum hæc per se ipsos erunt populo administranda, illorum vim, & vsum, pro suscipientium captu, in vulgari nostra lingua Germanica explicare, iuxta ea quæ in Catechismo Romano, sanè vtilissimo & his temporibus maximè necessario (qui etiamnum in linguam Germanicam translatus, ab omnibus, vel exiguo ære comparari potest) cui sancta Synodus Tridentina formam præscripsit, continentur, omnibus etiam obseruatis, quæ in libello Agendorum nostræ Ecclesiæ Salisburgensis iam composito, & breui in lucem venturo, annotantur. Proinde quàm vigilantissimè obseruent, & annotent eos Parochi, qui fortè sanioris doctrinæ (quæ nusquam nisi in Ecclesia Catholica est) pascua nauseaturi sint, vel qui ab hæretica labe vindicati, in errores relapsi, & instar canis, ad vomitum reuersi fuerint, vel deniq; qui se ex ouili Catholico penitus subducere student, & magis delectantur cum lupis, euangelicæ pellis apparentia obtectis, ylulare, quàm cum ouibus Christi in fidei concordia, & synceritate conuersari, quorum (proh dolor) istis temporibus, non paruus est numerus,

Ex Conc. Trident. Sess. 24.  
ca. 7. Decret. de Reform.

Sess. 24. cap. 7.  
Decr. de Reformat.

numerus, de quibus rectè prædixit Apostolus: In nouis-  
 simis diebus instabunt tempora periculosa: & erunt ho-  
 mines seipsoſ amantes, cupidi, elati, superbi, blasphemī,  
 parentibus non obediētes: ingrati, scelesti, sine affectio-  
 ne, sine pace, criminatores, incontinentes, inimici, sine  
 benignitate, proditores, proterui, tumidi, & voluptatum  
 amatores magis quàm Dei, habentes speciem quidē pie-  
 tatis, veritatem autem eius abnegantes. Et hos deſta. Ex  
 his enim sunt, qui penetrant domos, & captiuas ducunt  
 muliericulas, oneratas peccatis, quæ ducuntur varijs deſi-  
 derijs, ſemper diſcentes, & nunquam ad ſcientiam verita-  
 tis peruenientes. Quemadmodum Iannes & Mambres re-  
 ſtiterunt Moyſi, ita & hi reſiſtunt veritati, homines corru-  
 pti mente, reprobi circa fidem: ſed vltra non proficiunt.  
 Inſipientia enim eorum manifeſta erit omnibus, ſicut &  
 illorum fuit. Si quis igitur hoc modo, & ſub ſpecie veri ſe-  
 ductus à viâ veritatis Catholicæ, vt ouicula errans deſle-  
 ctere deprehenſus fuerit, cum Parochus non ſolùm ad  
 ouile, ſed etiam ad paſcuâ quantũ poterit omni cum amo-  
 re, & charitate, reducat, memor doctrinæ ſummi Paſtoris  
 Chriſti dicentis: Quis ex vobis homo, qui habet centum  
 oues: & ſi perdiderit vnâ ex illis, nõne dimittit nona-  
 ginta nouem in deſerto: & vadit ad illam, quæ perierat,  
 donec inueniat eam: Et cùm inuenerit eam, imponit in  
 humeros ſuos gaudens, & veniens domũ, conuocat ami-  
 cos, & vicinos, dicens illis: Congratulamini mihi, quia in-  
 ueni ouem meam, quæ perierat. Dico vobis quòd ita gau-  
 dium erit in cœlo ſuper vno peccatore poenitentia agentē,  
 quàm ſupra nonaginta nouem iuſtis, qui non indigent  
 poenitentia. At ſi huiusmodi ouem perditã Paſtor de ore  
 leonis, & beſtiarum agri, id eſt à falſa, & peruerſa doctrina  
 hæreticorum, qui inſtrumenta ſunt diaboli, etiam omni  
 adhibita cura, & ſolicitudine, ad ſanctam Catholicam Ec-  
 cleſiam retrahere haud potuerit, Episcopum tanquam  
 R vniuer-

1. Timoth. 3.

Luc. 15.

vniversalem illius Diœcesis Pastorem, nulla interposita mora, eius rei certiore faciat. Satis enim fuerit Parocho, hoc tantum effecisse; Nam qui fecit, quod potuit, legem adimpleuit.

*Quod Parochi non tantum quo ad spiritualia, sed etiam temporalia suis subditis pro viribus opitulari, & illis in omnibus, quantum eius fieri potest, succurrere debent.*

Cap. IIII.

Ex decre. Urb. primi, & Simplicij, eius decre. rect. can. 12 q. 2. c. de redditib. Idē habetur ex Conc. Constantin. 4. c. 15. Et Carthag. 4. c. 151 quod habetur d. 81. c. Ad reatum.

**P**arochorum præterea munus est, non solum ad spiritualia suprascripta, sed etiam ad temporalia suos subditos educere pascua, hoc est, eis quomodocumque indigentibus, pro virili opitulari, aliosq; ad idem faciendum hortari. Quod autem circa hoc Parochis dicimus, & alijs quibuscumq; beneficiatis, maxime Pastoribus, dixisse intelligimus. Non enim ea bona, quibus gaudent, à tot, tantisq; prijs viriussq; sexus personis (quarum animæ viuunt in cœlis) eis sunt credita ad luxum, neq; ad augendas proprias, aut cognatorum diuitias: sed partim ad ipsorum vitam honeste, vt fidelem Dei ministrum, & pietatis Christianæ magistrum decet, traducendam; partim verò ad Ecclesiam, pro conseruando cultu diuino, eiusq; ornatu, & splendore spectabit; quod reliquum est, pro subleuanda viduarum, orphanorum, pupillorum, atque aliorum pauperum, & peregrinorum inopia, distribuent atque largientur: Quinimò non tantum de superfluis, sed etiam de alijs bonis, quibus secundum ipsorum dignitatem pastores indigent, genium suum non nihil, defraudantes, hoc est, eo frugalius victitantes, pauperibus, & egenis in magna necessitate constitutis, subuenire tenentur; exemplo D. Martini Turonens. Ecclesiæ olim Episcopi, qui cum non quidem Episcopus, sed adhuc in castris hominum militans,



tans, nihil præter arma, & vestem haberet, & nudum pauperem vidisset, mediam chlamydem nudo argenti præbuit. Quod si adhuc secularis fecit, quanto magis Parochis, & Pastoribus itidē conueniet: præsertim cum & hoc illis sacrę insungant literę, dicentes; Qui habet duas tunicas, det non habenti; & qui habet escas, similiter faciat. Et D. Hieronymus aliena eū rapere dicit, qui vltra necessaria sibi retineat. Neq; enim minus est criminis habenti tollere, quā cum possis, & abundans sis, indigentibus denegare. Esurentium panis est (inquit D. Ambrosius) quem tu detines, nudorum indumentum est, quod tu recludis, tantorum te ergo scias inuadere bona, quantis præstare possis, quod velis. Nam si cuilibet Pastori, necessitatis casu, etiam anima (teste Christo) pro ouibus suis ponenda est, quanto magis atque promptius hæc fluxa, & temporalia bona, iuxta illud, pelle pro pelle, & cuncta quæ habet homo, dabit pro anima sua, in egenos sibi commissos exponere non dubitabit. At si quorum parochiales proutentus tam fuerint tenues, quod vltra necessarium victum nihil sibi pios in vsus reliquum facere possent, his implorandum erit Episcoporum suorum subsidium, quibus incumbet eiusmodi egestati pro pietate sua, quantum eius fieri potest, subuenire.

Luc. 3.

D. Hiero. d. 42.  
c. 1.D. Amb. d. 47.  
c. sicut ij.

Ioan. 10.

Iob. 2.

*De tertia Parochi proprietate, quæ continet uigilantiā, sollicitudinem, & charitatem, quæ etiam animam suam pro ouibus suis, si necessitas exposulauerit, exponere debet.*

**Q**uod si fidelis Pastor his omnibus, præscripto modo, Cap. V. perfunctus fuerit, meminerit etiam quā maxime sibi enitendum esse, ut subditos ab omnibus nociuis, atque inimicis tueatur, ab eo præcipue, qui tanquam leo rugiens

1. Pet. 5.

R 2 circuit

circuit quærens quem deuoret. Quid enim prodesset ouibus, eas nominatim vocari, & ad optima quæque pascua educti, nisi etiã à bestiarum dentibus, & ungulis vindicarentur? Ideò ne id negligentia à nostris committatur Parochis, omnium pastor Christus, loco superiori, tertiam assignando Pastoris proprietatem, eos instruit dicens: Et cum proprias oues emiseric, id est, prædicto modo ad pascua eduxerit, atque de tenebris ignorantia, & omnis immundicia, ac peccati, in veritatis lucem, ac virtutis splendorem transtulerit, ante eas vadit, non vt Dominus, non vt Princeps, sed vt optimus ac fortis minister, propugnaculum, ac velut robustus armiger, suum præcedens gregem, maximos habentem atq; timentem inimicos, vbiq; ac diuersis artibus, vitæ ipsius insidiantes, vt hinc inde respiciendo, omniaque perlustrando, non solum tutam ab inimicorum insidijs reddat viam, sed etiã si quid periculi, aut insidiarum apertum fuerit, vel insidiatores repeterit, se illis opponere, & vitam pro charis ouibus exhibere præsto sit. Sic præcessit Christus, sic Apostoli, sic etiã omnis Parochus, seu pastor, suos præcedere debet subditos. Non enim seruus maior est domino suo. Quod & Saluator ipse, noster optimus Pastor, post trium veri pastoris proprietatum descriptionē, nominatim videlicet oues suas vocandi, & illas ad pascua educendi, illasque præcedendi, ostendit, paulò post subiungens: Bonus pastor animam suam dat pro ouibus suis.

*Prosequitur instructionem circa officium Parochi.*

Cap. VI.

**C**æterum cum Pastor quilibet sit velut signū, ad quod omnium subditorum oculi diriguntur, idcirco Parochi suos etiã præire debent Parochianos, in via Dei eos exemplariter præcedendo, & in virtuosa conuersatione ambulando: quia nihil magis ædificat subditos, vel ad omnem

omnem ipsorum tantum confert profectum virtutum, vt bona & irreprehensibilis eorundem vita: frequens namque occurfus & quotidianus aspectus, in habitū vertitur, atque in cordibus subditorum veram in virtutibus constantiam operatur. Quod optimè præstabunt, si id quod verbo docuerint, opere prius ipsi compleuerint, exemplo Astor. 1. Christi, qui cœpit primò facere, deinde docere, non ignorans exempla & opera magis mouere quàm verba. Et qui secus faciunt, ante oues profectò non eunt: sed in deuias ire sinunt: quod fit, si aliud subditis suadeant, ipsi verò aliud agant, de quibus rectè dicit Apostolus. Qui alios Rom. 1. docent, seiplos non docent: qui prædicant nō surandum, surantur: qui dicunt non mœchandū, mœchantur: qui abominantur idola, sacrilegium faciunt qui in lege gloriantur, per præuaricationem legis Deum inhonorant. Quod nil aliud efficit, quàm opere omnia ea subuertere ac destruere, quæ verbo conantur suis subditis persuadere. Idcirco Apostolus Paulus suum perdilectum discipulum Timotheum, ne in hoc munere impingeret, admonet dicens: Esto exemplum fidelium in verbo, in conuersatione, in charitate, vt profectus tuus manifestus sit omnibus: 1. Timoth. 4. Hæc enim faciens, te ipsum saluum facies, & eos qui te audiunt. Et ad Titum: In omnibus te ipsum præbe exemplū Tit. 1. bonorum operum, in doctrina, in integritate, in grauitate: verbum sanum, irreprehensibile, vt is qui ex aduerso est, vereatur, nihil habens malum dicere de nobis. Sed ad quid tantum temporis consumimus ad hoc persuadendum, cum vniuersalis omnium pastor Christus dicat: Sic luceat lux vestra coram hominibus, vt videant opera vestra bona, & glorificent Patrem vestrum, qui in cœlis est. Vnde Alcuinus ad huius, & supradictorum omnium corroboracionem hanc pulcherrimam tradidit sententiam: Pascere oues, est credentes in Christo, ne à fide deficiant, In 11, c. Ioan. confortare, terrena subsidia, si necesse est, subditis prouidere, &

dere, & exemplā virtutum, cum verbo prædicationis, impēdere, aduersarijs obistere, errantes subditos corrigere.

*Quas præterea uirtutes sequi debeat Pastor, &  
quæ uitia uitare.*

Cap. VII.

**O**Portet præterea vnumquemque Pastorem, in virtute & sapientia stabilem esse, ne affectionibus indulgeat, ne personarum acceptor sit, ne alterum præ altero pungat, vel odiosè taxet, ne priuato amore, vel odio corrumpatur, sed Deum semper præ oculis habeat, iugiter formidet, ne per suam imperfectionem aut iniustitiam, aliquem ex suis offendat commissis. Pastor quippè est Iudex, & caput, siue principium gregis sui. Talis autem, secundum philosophum, animata quasi esse debet iustitia, lexque iua, nusquam ab æquitatis deuians tramite. Quod si vnusquisque præstiterit Parochus, verus suorum Parochialium pastor erit, & summo pastori Christo gratissimus, & subditi eum, & non alienum sequentur. De quibus omnibus plura vndique ex sacris literis, & Patrum monumentis adduci possent, si tantam prolixitatem sanctiones (quæ breues, & dilucidæ esse debent) paterentur, & ea lecturientibus non essent passim obuia. Quamobrem omnes, & singulos Prouinciæ nostræ Pastores in Domino hortamur, vt non tantum ea quæ supra dicta sunt, sed & quæ conscientia ipsis dignè suppeditabit, in effectum ducant, eos etiamnum ex S. Concilij Tridentini Decreto commonentes, atque adeo præcipientes omnibus, quibus animarum cura commissæ est, vt oues suas cognoscant, pro his sacrificiū offerant, verbiq; diuini prædicatione, Sacramentorum administratione, ac bonorum omnium operum exemplo pascant, pauperum, aliarumque miserabilium personarum curam paternam gerant; & cæteris munijs pastoralibus incumbant.

Sess. 13. cap. 1.  
Decret. de Re-  
form.

De

*De collaboratoribus Pastorum, eorumque mutuo officio, atque illorum sustentatione.*

**C**Æterum cum omnes ferè parochiales nostræ Prouinciæ Ecclesiæ, tam sint amplæ, quòd Parochi soli suis ouibus haud valeant satisfacere, idcirco eis in partem sollicitudinis ipsorum alij adiuncti sunt sacerdotes: non vt illi integrum suscipiant laborem, & ociosos reddant Parochos, quemadmodum multi huius temporis Parochi, non solùm contra Canones, sed etiam contra sacras scripturas, & proprias conscientias (quod dolendum est) faciunt, dignitate tantùm, & fructibus gaudentes: sed vt Parochus vnà cum sacerdotibus, suis collaboratoribus, curam animarum coniunctis viribus, & animis exerceant: alioquin eorum vtrinque nomina fallerent, & hæc res aliud in fronte, aliud in recessu (quod parum laudatæ fidei esset) haberet. In hos autem potius conueniret, quod D. Gregorius inquit: scilicet: Nonnulli cum curam animarum suscipiunt, putant, se sic aliorum sollicitudinem gerere, vt sibi ipsis valeant per sollicitudinem vacare, & tamen quietem, quam in prælatione quærunt, nunquam inueniunt: fitque vt dum impetrare à Domino gratiam tantæ puritatis nequeunt, quasi iram incurriscent Domini, pertimescant: quia eum, quem se putabāt in prælatione habituros amorem quietis intimæ, amplecti non possunt. Ipsi verò Cooperatores in officio suo ita se exhibere tenentur, vt ipsa actio cooperatorum titulo correspondeat. Non minus enim, quo ad curam animarum exercendam, & plebes eis commissas diuino pabulo pascendas, requiruntur, quam ipsi Parochi. Ne autem pro habita fide, diligentia, & labore suo, quo digni sunt, defraudentur præmio, Parochi omnino animaduertant, vt secundum dignitatem, ac eorundem laborem, commodè & honorifice possint sustentari, ne feruore laboris deficiant, vel indignentur. Nā & Apostolus

Cap. VIII.

To. 1. Exp. li. 5.  
in 1. Reg. 14.

## 136 Constitutio vigesima septima.

1. Timoth. 5.

Stolus Paulus iubet tales duplici honore esse afficiendos. At si horum quispiam desidiosus, iners, malis moribus præditus, & incorrigibilis fuerit deprehensus, talem illico amoueri mandamus, ita tamen, vt ob eiusmodi culpam apud Ordinariũ accusetur, atq; conuincatur. Quem modum etiam obseruari volumus in suscipiendis ipsis Cooperatoribus: ita vt nullus suscipiatur, nisi ab Ordinario, vel eius generali Officiali, vel Vicario, sufficiens fuerit approbatus. Et hæc omnia iuxta ea, quæ superius in Constitutione de modo presentandi, acceptandi, seu promouendi Clericos ad quauis beneficia Ecclesiastica, præsertim curata, c. 3. & 4. de Parochorum Vicarijs, & ipsis Cooperatoribus sunt tradita atq; descripta.

## DE DISCIPLINA, VITA, honestate, & moribus Clericorum. Const. XXVII.

*Clericos, cum sint Christi milites, soli Deo militare debere.*

Cap. I.

Leuit. 11.

Rom. 2.

3. Corinth. 6.

**Q**Vando quidem communis hominum vita super terram, militia est, quæ aliàs in coelestem atq; sæcularem diuiditur, Clerici autem, qui Deo non solum in Baptismi, sed etiam in Ordinis Sacramento nomina dederunt, coelestem sibi meritò vendicant militiam, quæ diuinis deputata laudibus, ad similitudinem æterni sacerdotis Domini nostri IESU Christi, dicente scriptura: Estote sancti, quia & ego sanctus sum, vnde quaq; sanctitatem sapere, atq; spirare debet; vita, gestu, conuersatione, moribus, & habitu, à sæculari secernetur militia; tum ne nomen Dei propter ipsos inter gentes blasphemetur, & ipsorum ministeriũ vituperetur; sacrorum Canonum, Tridentinæ præsertim



## Constitutio vigesima septima. 137

præsertim Concilij dogmata, & nostrorum Antecessorum  
vestigia sequi volentes, hæc quæ sequuntur præcedentis  
Synodi Salisburgens. sanctiones renouando, ædidi-  
mus Decreta, ab omnibus tam ab Episcopis, Præpositis, Abba-  
tibus, quàm ab alijs Clericis, Canonicis, Parochis, & quibuscumq;  
sacerdotibus, atq; in sacris ordinibus, etiam mi-  
noribus constitutis, nec non & vtriusque sexus religiosis,  
sub pœna condigna, omnino obseruanda.

### *Clericos inculpate uiuere debere.*

**C**Um enim sacerdotij maiestas, atque dignitas, passim  
Cap. II.  
apud plebem, nō aliam ob causam, quàm propter mul-  
torum Ecclesiasticorum hominum leuem, scurrilem, in-  
concinnam, & penè abominabilem vitam, obsorduerit,  
viluerit, & propemodum conciderit; operæ precium, imò  
necessarium fuerit, nos tandem è somno expergisci, & re-  
lictis peccatorum tenebris, ad lucis opera recurrere, ante-  
quam malorum ruina, & præsertim furor Dei (qui etiam  
hac nostra infelici ætate, per multa Regna & Nationes,  
cum lachrymabili Ecclesiarum detrimento, & strage, per-  
uagatus est, neq; dum cessare videtur) nos obruat, & op-  
primat. Ne autem status Ecclesiasticus planè contemptus,  
atq; perditum ear, ex D. Pauli verbis nos omnes commo-  
nes faciendi seriò sumus, qui ait: Nemini demus vllam  
offensionem, vt non vituperetur ministerium nostrum;  
sed in omnibus exhibeamus nosmetipsos, sicut Dei mini-  
stros, in multa patientia, in tribulationibus, in necessitati-  
bus, in angustijs, in plagis, in carceribus, in seditionibus,  
in laboribus, in vigilijs, in ieiunijs, in castitate, in scientia,  
in lōgaminitate, in suauitate, in Spiritu sancto, in charita-  
te non ficta, in verbo veritatis, in virtute Dei, per arma ius-  
titia, à dextris & à sinistris &c. Et alibi: Siue ergo mandu-  
catis, siue bibitis, vel aliud quid facitis; omnia in gloriam  
S Dei

1. Corinth. 6.

1. Corinth. 10.

# 138 Constitutio vigesima septima.

Sess. 22. cap. 1.  
Decr. de Reformatione.

Dei facite. Sine offensione estote iudæis & gentibus, & Ecclesiæ Dei: sicut & ego per omnia omnibus placeo, non quærens quod mihi vtile est, sed quod multis, vt salui fiant &c. Quod si Clerici nostri re ipsa præstiterint id, quod Apostoli verbis admonentur, non solum ora detrahentium obturabunt, verum etiam eos ad sui imitationem inducent: quia nihil est (vt bene animaduertit Synodus Tridentina) quod alios magis ad pietatem, & Dei cultum assidue instruat, quam eorum vita & exemplum, qui se diuino ministerio dedicarunt. Cum enim à rebus sæculi in altiore sublati locum conspiciantur; in eos, tanquam in speculum reliqui oculos conijciunt, ex hisque sumunt quod imitentur. Quapropter sic decet omnino Clericos in sortem Domini vocatos, vitam, moresque suos omnes componere, vt habitu, gestu, incessu, sermone, aliisque omnibus rebus, nil nisi graue, moderatum, ac religione plenum, præ se ferant, leuia etiam delicta (quæ in ipsis maxima forent) effugiant; vt eorum vita cunctis afferat venerationem.

*Decenti uestitu domi & foris uti debere  
Clericos.*

Cap. III.

**Q**UONIAM verò vniuscuiusque Principis exercitus, vt ab alieno discernatur, peculiaria ac distincta usurpat indumenta, & signa: idcirco non incongruum iudicauimus esse, ab ipsorum Clericorum habitu, seu amictu, initium capere, vt cœlestis militiæ stipendiarij, ab huius sæculi militibus, breuiter, Clerici à Laicis, dinoscantur. Iam pridem enim ex diuersorum hominum relatione, non sine perturbatione animi, accepimus, nostrorum Clericorum permultos, & communiter quidem, domi suæ ita nudos versari, vt membra eorum nihil nisi camisia, thorax, & caligæ obtegant, & illæ non satis quidem, sed tam dissolutæ, vt vix caligæ coxendicem cooperiant, sicque spurcè inambulant.

bulantes non pudere aduentantes ad se quoscumq; excipere, quorū vita tam barbara, & ab ingenuo pudore adeo aliena est, vt domestica tunica (quam nostro vulgari, *cim Leibrock* vocant) se cooperire minimè curent: alios vero, tametsi huiusmodi veste interiori non careant, ita tamen eas habere curtas, & concisas, vt simbría vix vltra Zonam se extendat; nonnullos per ciuitatum, oppidorū, vel aliorum locorum, vbi degunt, vicos, & plateas, pileo tectos, & breui diploide, seu pallio amictos, cerdonum more incedere: non paucos per liyemem fastigiata gestare capita, ex omni parte pellicea, vel pellibus suffulta, quasi gentem Scythicam, seu Sarmaticam imitaturi, ita vt magis sub Bachi alicuius, vel Martis, quam Christi signis militare videantur. Tales itaque abusus, habitusq; absurdos, indecentes, ac portentosos, partim emendare, partim e medio penitus tollere cupientes, mandamus omnibus & singulis Ecclesiasticis personis, cuiuscumque conditionis, & dignitatis, sub poena ab Ordinarijs imponenda, vt tam domi, quam foris, tam in Ecclesia quam extra, nō alio quam Clericali vtantur habitu, vnicuiq; congruenti, ac decenti, simplici, & honesto, non limbis ad vestium extremitates, neq; lacijs, nō caligis, vel manicis scissura hiantibus, atq; diffluentibus; ab ornatu delicatiore, vtpotè monilibus, torquibus, seu catenis, corollis, & similibus illecebris penitus abstineant. Si enim Apostolorum principes, in mulieribus modestiam desiderarunt habitus, quem iubent esse verecundum, non in tortis crinibus, aut auro, aut margaritis, vel veste pretiosa, sed quod decet mulieres, promittentes pietatem per bona opera; quam turpis putanda est in Clericis tanto gradu sublimioribus, deformissima illa nostrae tempestatis habituum variatio, & auri vana coruscatio;

1. Timoth. 2.  
1. Pet. 3.

*De forma uestimenti Clericalis.*

Cap. IIII.

**F**ORMA verò honestioris, & accōmodatioris indumenti, hæcerit, quòd & domi suæ, & alienæ, vel vbi cumque locorum fuerint, vbi res postulat exteriorem vestem deponere, domestica tunica (de qua etiam paulò superius) quæ vel minimum ad mediam suram, seu spithamam infra genua promissa sit, protegantur, ita tamen, vt ea tunica, pectus, & ventrem vsq; ad genua, fibulis aduncis, vel nodulis connexa, seu fascia quadam circum latera constricta, cooperiat: ne antè patente veste ipsum pectus, venter, & inguina promineant, & obscœnum quodammodo conspectum de se præbeant. Eam porrò tunicam intrinsicam Clericorum in publico incedentium circumdabit toga talaris. Caput verò teget mitra quadrangularis, quam communiter biretum vocant. Quod si hyemalis, vel aliàs austerior tempestas capitis calidius postularec tegumentum, poterunt sibi applicare capstia hemispherica, vel pellicibus, vel alia materia, quæ magis placebit, suffulta, cui deinceps nihilominus mitram quadrigonam imponent. Peregrinantibus contractiore, & ad iter commodiore vti licebit habitu, simplicitate tamen quadam conspicuo, in quo spiritalis conditionis honestas atq; decorū eluceat.

*De armis Clericorum.*Cap. V.  
2. Corinth. 10.

**L**icet autem Clerici qui militiæ Christi sunt ascripti, in carne ambulent, secundum carnem tamen militare nō debent. Nam arma militiæ nostræ non carnalia sunt, sed potentia Deo ad destructionem munitio num, consilia destruentes, & omnem altitudinem extollentem se aduersus scientiam Dei, & in captiuitatem redigentes omnem intellectum, in obsequium Christi, & in promptu habentes vlcisci omnem inobedientiam quum impleta fuerit vestra obedientia. Hinc etiā D. Ambrosius ait, milites Christi, non

De Ambrosio, in  
orat. contra

sti, non pila ferrea, non gladios, non arma querere, sed do-  
 lorem, fletum, orationes, & lachrymas, arma Clericorum, Auxentii lib.  
5. Epist.  
 & vera munimenta sacerdotis esse. Quare sacri Canones,  
 ne Clerici armis vterentur, sed nec portarent quidem pro-  
 hibuerunt. Decet enim Clericos, vt professionis suæ vo-  
 cabulum, religiosi moribus, & religioso habitu præbeant,  
 imitantes Moysen, qui licet esset Dux Hebraici populi à  
 Deo constitutus, non tamen ad bella vadit, non pugnat  
 contra inimicos, sed orat, & donec orat, vincit populus  
 eius. Oret ergo sacerdos Ecclesiæ indefinenter, vt vincat  
 populus antiquum serpentē, qui dicitur Diabolus. Qua-  
 propter statulimus, vt Clerici Prouinciæ nostræ ab omni  
 genere armorum, vtpotē gladijs, pugionibus, pilis, fusti-  
 bus, bombardis &c. (nisi hostilitatis periculum aliud sua-  
 deat, vel peregrinandum sit) penitus abstineant: qui se-  
 cus fecerit, Canonum graues poenas subeunto. Et si quis  
 percussor repertus fuerit, tantò magis & grauius punie-  
 tur, & secundum enormitatem delicti, multa augmenta-  
 bitur: Nam si cui arma ferre non licet, quantò minus in  
 homines vi armata grassari eidem licebit.

*Clericos à malorum hominum consuetudine, publicis  
 spectaculis, Choreis, Conuiujs suspectis &c.  
 abstinere debere.*

**O**Mnes præterea, in primis illi, qui in maioribus ordi- Cap. VI.  
 nibus constituti sunt, erga homines, tam domi, quam  
 foris, honestè se gerant, & (vt dici solet exemplariter)  
 bono viro nihil turpe faciendum, etiam si ex omni parte  
 lateat, etiamsi omnes homines, Deumque ipsum cælare  
 possimus: nihil tamen in nobis avarè, nihil iniuste, ni-  
 hil libidinosè, nihil incontinentè esse faciendum, nihil  
 quod poenitere possit, sed splendide, constanter, graui-  
 ter, honestè omnia. Quoniam diuersis obseruationibus

## 142 Constitutio vigesima septima.

D. August.

(ait Augustinus lib. de doctrina Christiana) nulla disciplina melior graui, & prudenti Christiano, nisi, ut eo modo agat, quo agere viderit Ecclesiam, ad quam forte deuenit, ad discendum quod opus est. Conuersatio, seu consuetudo eorum sit cum bonis, & ex bonis eligant optimos, quibuscumque viciitent, ut & ipsi meliores subinde reddantur: nam, ut est in Prouerbijs, qui cum sapientibus graditur, sapiens erit, amicus stultorum similis efficietur.

Prouerb. 13.

Senec. ad Lucil. ep. 5.

Idem epist. 33.

Chorearum, ludorum, spectaculorumque vanitates procul fugiant: cum etiam Senecæ iudicio nihil damnosius bonis moribus, quam in spectaculis desiderare, quod tunc facilius vitia surrepant: sed si quid in aliquibus ex sordida conuersatione, seruale est, id honestorum conuictus excutiet. Choreas autem hic peculiariter Clericis nostris prohibendas esse necessario duximus, quoniam ad aures nostras peruerit, eos non solum nuptiarum, ad quas nonnunquam inuitantur, choreis, ac tripudijs se immiscere, verum etiam ad alias quascumque se vtrò conferre, & illic mutato habitu, vel etiam nec mutato quidem, inter promiscuam plebem, quouis scurra vilius saltare, discurrere, ac turpissimos de se motus, & gesticulationes præbere: hinc fieri, ut non raro inter eos, & mœchanicam cohortem turbæ ac similtates exoriantur: quasi verò nulla alia suorum morum prauitate sese vulgo exosos, & infestos reddiderint, nisi etiam isthac leuitate homines Laicos exasperent, inuidia se onerent, & publica offendicula ædant. Cum itaque Canon salubriter præcipiat, ministros altaris, vel quoslibet alios Clericos à spectaculis, quæ in nuptijs, aut scenis exhibentur se continere debere, eò magis nos cupimus, & serio mandamus, ut à saltationibus illis penitus sint alieni: & si ad nuptias inuitati fuerint, possint quidem accedere, memores tamen sint Ecclesiastici decoris, & non nisi Clericali honestate dignos gestus præ se ferant: secus facientes Ecclesiasticis poënis subiecti sunt.

c, non oportet de Confid. 5.

Conui-



## Constitutio vigesima septima. 143

Conuiuia etiam publica, præsertim hæreticorum, & schismaticorum, omnino vitent, ea enim tum propter alias, tum hanc quoque causam prohibentur: cum sacerdotalis sensus tenuis esse debeat, ne pinguis venter crassam mentem generet: festa namque mundanorum (vt B. Thomas refert) sunt in epulis, & delitijs corporum, sed festa spiritualium versantur in delectatione spiritus. Porro meminerint Clerici, vt à sceminarum cœtu & consuetudine, quantum eius fieri potest, se contineant, neque velint cum stolido illo malle cum mulieribus esse, quàm cum Philosophis: ne audiant etiam id, quod quidam ad fatui illius verba responderat: nempe, & sues in cœno libentius, quàm in pura aqua versari. Demum iuxta Patrum antiquas traditiones, neque comam vltra medium ceruicis, neque barbas, instar militum, vel Laicorū, nutrant, & in omnibus præterea gestibus, incessu, & statu, se sacris Patrum sanctionibus accommodent, vt nemini sint offendiculo, sed exemplo, illud dictum Saluatoris recolentes: sic luceat lux vestra coram hominibus, vt videant opera vestra bona, & glorificent Patrem vestrum, qui in cœlis est. Et qui scandalizauerit vnum de pusillis istis, qui in me credunt, expedit ei, vt suspendatur mola asinaria in collo eius, & demergatur in profundum maris.

B. Tho. supra  
Ioan. 7. lect. 1.  
in 6.

Matth. 5.

Matth. 18.

### *Ne secularibus negocijs se immisceant.*

Cumque secundum Apostolum, nemo militans Deo, se se negocijs secularibus implicare debeat, qua de re multa prouidentia olim vetitum est, ne Clerici, vel monachi, mercaturam, & quamlibet, cuiuscumque generis negociationem, ac id genus alia, quibus turpis lucri causa mouentur, exerceant: Quocirca omnibus, & singulis nostræ Prouinciæ sacerdotibus, alijsque Clericis, ac monachis, ne monopolia, propolia, mercaturas, vilius scilicet tempore mensis,

Cap VII.  
2. Timoth. 2.

messis, vel vindemiarum emendo, ac post deinceps carius vendendo frumenta, vina, annonam, iumenta, equos, seu alias quascumque res animatas, vel inanimatas, quas in honesto lucro, quouis modo vel tempore comparare, & turpiori distrahere, tam incommodo, quam scandalo aliorum hominum student, nec non & id genus omnes alias negotiationes prohibemus, atque interdiciamus, sub poena priuationis omnium beneficiorum (si quæ habebunt) & suspensionis Clericalis functionis, & si beneficia eis non fuerint, sub poena alia positua & condigna, ab Ordinariis imponenda.

*Ne exerceant monopolia, & negotiationes.*

Cap VIII.  
l. vn. C. de monopol. & conuent. negotiar. illicit.

De poenit. c. qualitas. d. vij.

l. item si precio §. quemadmodum ff. locat. l. in causa ij. §. idem ff. de minorib. c. Canonum & c. qui cumq; 14. q. 4.

**C**Um enim lege Imperiali, etiam inter Laicos, Monopolia, priuatione bonorum, & perpetui exilij poena sint damnata, quis ea feret inter Ecclesiasticas personas? Neque verò cetera quoque mercandi, & lucrandi avara studia ipsi sunt concedenda, praesertim cum difficile sit, Leone Papa teste, inter ementis, vendentisque commercium non interuenire peccatum, & leges civiles asserant, inter contrahentes quodammodo naturale esse, ut sese inuicem decipiant: Indignissimum foret eiusmodi tenebrarum retibus se implicare viros Deo consecratos. Bene igitur Canonum statutis firmatum est, ut quicumque in Clero esse voluerit, emendi vilius, & vendendi carius studio non utatur, quod turpe hoc secum afferat lucrum; turpe autem lucrum lectatur, quicumque messis, vel vindemiarum tempore annonam, vinum, vel quolibet tempore quidvis aliud, non ex necessitate, sed propter cupiditatem vilius coemit, quod deinceps insatiabili avaritia ductus longè carius vendat. Quæ res Deo non potest non displicere, quandoquidem Christus vendentes, & ementes de templo exturbans, significare voluit, talem mercatorem abominabi-

# Constitutio vigesima septima. 145

ominabilem esse Deo. Qua de causa motus D. Chrysof. non veritus est dicere, nullum Christianum esse debere mercatorem, aut si voluerit esse, de Ecclesia, hoc est cœtu Christianorū, proijciendum; dicente Propheta: Quia nō cognoui negotiationes, introibo in potentias Domini; Mercatorē etenim non vacare mendacio, & periurio, eorumq; substantiam stabilē esse non posse, neq; ad bonum proficere, eō quod de malo congregetur; perindē enim, vt si triticum, aut aliud huiusmodi cernas in cribro, dum huc & illuc iactatur, omnia grana paulatim deorsum cadere, ac tandem in cribro nihil nisi inanīa remanere: sic de substantia negociatorum nihil nisi inanīa remanere, nisi solū peccatū. Proindē Baldus, Iuris tam ciuilis, quā Canonici interpres clarissimus, de salute Mercatorum propemodum desperare videtur, cum alicubi dubitabundus exclamat: O quo vadit igitur anima Mercatoris? Si quis itaq; rem idē comparans, vt amplius quidpiam sibi lucrifaciat, ex eo Mercatorum numero sit, qui de Ecclesia Dei eiicitur; meritō omnes cuiuscumq; status Clerici a tali quæstu abhorreere debent, ne Diaboli reticulis intricentur, nec tam sæua cupiditate sacerdotiū, cui Diuino instituto inaugurati sunt, contaminent; id quod sanctē monet vir ipse sanctiss. Leo Roman. Pont. virum nempē Catholicum, & precipuē sacerdotem Domini, sicut nullo errore implicari: ita quoq; nulla cupiditate violari debere, iuxta id quod scriptum est: post concupiscentias tuas ne eas. Mens enim diuitiarum auida, nec abstinere nouit a vitis, nec gaudere concessis, nec pietati adhibere consensum.

Super Matth.  
Homel. 38.

Psal. 70.

Bald. in c. cum  
causa, extra de-  
testib. in fi. 1 a-  
son refert hoc  
dictū Baldi in  
l. si quis in con-  
scribendo. in 4.  
not. Zaf. in f.  
æquē, numero  
19. Inst. de A-  
ctionib.

Leo papa, 1.  
epist. 15.

Ecclesi. 18.

*Nemini Ecclesiasticorum, nisi qui mixtum & merum ha-  
bent imperium, licere exercere rem metallicam.*

**P**Rælati autem, temporales Principatus dignitati Ec-  
clesiasticæ annexos habentibus, non ad illorum lux-  
T crum,

Cap. 1x.

## 146 Constitutio vigesima septima.

crum, sed ob ipsorum sustentationem Principatum, eorundemq; conseruationem Iurium, ac bonum publicum, & vtilitatem incolarum, permittimus atq; concedimus, vt metallorum salisque fodinas habere, fouere, eisq; (cum opus fuerit) necessaria suppeditare, & exinde temporibus suis emolumenta colligere valeant, ita tamen vt non ipsi, sed per alios eis præsint, neq; illis tantum inhient, vt propterea ab eis negligantur diuina, quæ illis omni modo sunt anteponenda. Alijs verò minoribus, cuiuscumq; sint conditionis, vel dignitatis, hoc ipsum, & huius generis quæcumq; alia prorsus denegamus, cum ipsi, non ob publicum, seu fiscale bonum, quibus nec ærarium, nec fiscus est; sed propter turpis lucri cupiditatem, huiuscemodi amplectuntur prohibitas, Clericisq; homine indignas negotiationes. His tamen qui aliqua inopia laborauerint, ab Ordinarijs suis de sufficienti sustentatione prospiciatur. Si quis autem huic nostræ Constitutioni aduersum agere deprehensus fuerit, is nouerit pœnis, atq; censuris Ecclesiasticis ita in se animaduersum iri, vt intelligat ea enormitate nos haud mediocriter læsos esse, & data graui pœna alijs omnibus exemplo sit futurus.

*Ne Clerici exercent cauponariam.*

Cap. X.

**A**liud quippiam ferè simile nostro succurrit animo omnes admonendi Clericos, præsertim Parochos, siue rurales, siue vrbanos, quod omittendum nullo modo existimauius. Licet enim sanctæ literæ, Christus ipse, Apostoli, & Prophetæ, ac sacri Canones doceant, Clericos, præsertim Pastores, Parochos, & alios, esse debere hospitales: non tamen caupones, vt tabernam exercent, vel cœnopolium in domibus suis, præcipuè Parochialibus instituunt, vna mensuratim diucdendo, rusticos, seu alios quosuis homines bibulos ad diurnas, nocturnasue pœtationes,

# Constitutio vigesima septima. 147

tiones, vel commestationes precibus, vel precio suscipiāt: Cū accidere soleat, vt non rarò compotores illi mero æstuant, in omnem libidinem despūent, & clamorosa vociferatione iubilantes, obscœnas, petulantes, & nonnunquam apertè impias, sub alicuius Psalmi prætextu, cantilenas stentoreis vocibus cantando, aures omnium non solum oppleant, verū etiā inquietiores ad contemptū religionis extimulent: Vel vt sues gruniendo, & ructando homines afficiant fœda molestia: Vel vini furij exagitati, omnis generis rixas, conflictus, & sæpè clades committant: Adeo, vt locus ille hara, porcorum stabulum, omnis spurcitia, & fœditatis lerna, atri deniquè cacodæmonis latibulum potius, quàm domus religiosa, & Christianorum sacerdotum receptaculum videri possit. Cum itaque hinc reuera permulta offendicula, & mala existant: tum etiā sacris Canonibus, ne vllus Clericus tabernam, aut ergasteriū habeat, rectè cautum sit: Si enim huic generi hominum edendi, vel bibendi causa (nisi id peregrinationis necessitate fiat) tabernas ingredi nephas sit: quis eorum citra summum dedecus, & existimationis detrimentum, vino redolentem cauponem, ne dicamus impurum lenonem, agere possit: Quamobrem serio mandamus, atque iubemus, si qui nostrorum Parochorum, vel aliorum sacerdotum, tali quæstu tabernario irretiti sunt, ab eo abstinere illico incipiant, nec eorum quisquam porro eiusmodi audere, in mentem inducat. Huius autem Constitutionis nostræ non minus quàm præcedentis, Ecclesiasticis pœnis, & censuris roboratæ, Parochos nostros, cæterosq; Clericos memores esse iubemus.

c. nulli Clerico. cum c. sequ. dist. 44.

*Quibus vinum ex annuis redditibus venit, id non per se, sed  
seculares personas uenundari licere.*

T 2

Non

Cap. XI.

**N**on prohibemus tamen quin omnes illi, vtriusque sexus Ecclesiastici, qui non minimam suorum prouentuum partem in vino colligunt, & ex veteri consuetudine, hactenus obseruata, ius publicè vinum vendendi habent, morem antiquum, quo ad vini venditionem, obseruare valeant: hac tamen conditione, ne per se ipsos, sed per seculares aliquos, hoc vendendi munus expleant, & ne in proprijs domibus, in quibus ipsi Parochi, siue alij venditores Ecclesiastici habitant, quemquā potare permittant.

*Clericos ab omni studio auaritiæ alienos esse  
debere.*

Cap. XII.

**A**t quoniam nullus Clericorum pietatis gratia, sed sola cupiditatis, & auaritiæ causa, ad supradictas mouetur negotiationes, eos omnes, in quantum possumus, in Domino hortamur, atq; rogamus, & obsecramus, vt ab omni labe cupiditatis, & auaritiæ prorsus velint abstinere, & cauere, illasq; vt pestem vitare & fugere: quia nihil detestabilius in Clerico, præsertim sacerdote, quàm auaritia quæ omnium est causa malorum: ex eo enim tempore quo abominabile hoc vitium in Ecclesia Dei pullulauit, atque succreuit, quemadmodū ad Rusticum Narbonensem Diuus ait Hieronymus, periit lex de Sacerdote, & visio de Propheta. Et hoc ideo quod nemo Deo possit seruire & mammonæ: aut enim vnum odio habebit, & alterum diliget: aut vnum sustinebit, & alterum contemnet. Vbi est enim thesaurus tuus, ibi & cor tuum. Recordentur verborum Apostoli dicentis: Nihil enim intulimus in hunc mundum: haud dubiū quod nec auferre quid possumus. Habentes autem alimenta, & quibus tegamur, his contenti simus. Nam qui volunt diuites fieri, incidunt in temptationem, & in laqueum diaboli, & desideria multa inutilia, & nociua, quæ mergunt homines in interitum, & perditionem.

D. Hieron.

1. Timoth. 6.



## Constitutio vigesima septima. 149

ditionem. Radix enim omnium malorum est cupiditas: quam quidam appetentes, errauerunt à fide, & inseruerunt se doloribus multis. Tu autem, ô homo Dei, hæc surge, sectare verò iustitiam, pietatem, fidem, charitatem, patientiam, & mansuetudinem.

*Clericos temulentiam, & crapulam, seu uenena fugere debere.*

**C**Æterum si Deus eos, qui tempore veteris legis se diuinæ consecrarunt militiæ, sacerdotes præcipue, atque leuitas, vino & omni quod inebriare poterat, eo præsertim tempore, quo tabernaculum testimonij, seu atrium interius ingressuri erant, abstinere iusserit, atq; sub pœna mortis præceperit; quando nobis, nostrisque Clericis vinum erit bibendum, qui Deo consecrati quotidie fermè diuina, non in figura, sicuti illi, sed realiter, & in veritate tractamus? Si igitur bibentes vinum sacerdotes, durum videtur expectare iudicium; de his qui inebriantur quid fiet? illis præsertim, qui sic ebrii tempore diuinorum ingrediuntur Ecclesiam, propriam ibidem, cum aliorum offensione, in conspectu Saluatoris nostri IESU CHRISTI & sanctorum Angelorum, ostentantes insaniam, à vino generatam. Quamobrem tam detestabile vitium, crapulæ scilicet, temulentia, ebrietatis, ac computationis, quantum in nobis est, auertere à Clero nostræ Prouinciæ desiderantes, vt nostræ conscientia satisficiamus, & Concilio Tridentino pareamus, subditorumq; saluti consulamus, serio mandamus, cum sacerdotem, diaconum, vel subdiaconum, vel cuiuscumq; ordinis, qui se inebriauerit, aut quem ebrium posthac publicè fuisse, vel ad æquales haustus potando certasse constiterit, per Ordinarios suos Iudices, p qualitate delicti, ita puniri, vt cæteri illius exemplo, ab hoc crimine auocentur. Quod si aliquis præ-

Cap. XIII.  
Num. 6.  
Leuit. 10. &  
Ezech. 44.

Sess. 22. c. 1. Decret. de Refor.

T 3 missorum

# 150 Constitutio vigesima septima.

missorum à crapula & ebrietate, post alteram punitionē non abstinerit, nec monitus à suo superiore destiterit, hunc volumus vsq; ad condignam satisfactionem, quam cuiuslibet Episcopi nostræ Prouinciæ arbitrio committimus, ab officio & beneficio suspendi.

*Vt, nisi peregrinationis necessitate compulsi, tabernas & œnopolia non ingrediantur.*

Cap. XIII.

**V**T autem causa amputetur, quæ sæpius presbyteros, & ceteris Clericis occasionem dedit, vt crapulæ dediti, etiam nimio vino perfunderentur, præsertim verò in popinis, atq; tabernis publicis, vbi non rarò sine omni pudore, etiam in conspectu Laicorum, epotandis calicibus student, alter alterum ad bibendi certamen prouocando, quare non tantum alios perniciosè offendunt, sed etiam ebrios, contentiosos, clamoros, sicuti rudentes asini, gesticulatores, obscœnos, tam lingua quam pedibus titubantes, ita, vt ille dicit, neq; pes, neq; mens officium faciat, se omnium risui & contemptui exponant: & quis omnia, quibus se vitijs bibuli illi contaminant, recensere possit? cum ebrietas omnium vitiorum lerna sit, & D. Augustino teste, in vtroque sexu cuncta mala appetat, & nefanda committat, & vt Apostolus ait, regna cœlestia appetentibus denegat. Ideò non tam sacrorum Canonum, quàm etiam Antecessorum nostrorum Archiepiscoporum Salisburgen. statuta & ordinationes sequentes, mandamus, vt Presbyteri, Diaconi, & Subdiaconi, Monachi, vel quicumq; Ecclesiastici, edendi, vel bibendi causa, & omnino sine causa euidenterrationabili & honesta, tabernas publicas, aut loca vicina tabernis seruientia, vel aliàs publicas, nisi peregrinationis necessitate compulsi, non ingrediantur: quod si fecerint, iuxta arbitrium Ordinariorum, secundum grauitatem delicti, grauius, vel leuius puniantur;

D. August.  
1. Corinth, 6.

## Constitutio vigesima septima. 151

tur; ita tamen, quòd Ordinarij, in puniendis ebrijs, non sint nimium remissi. Quòd si quis deprehensus consuetudinem hanc malam nō deserat, per sententiam sui Episcopi priuetur beneficio, si quod habet, si autem non habeat, carcere puniatur: neq; ad exercitium ministerij sui, ac vini potionem admittatur, donec spem & fidem dederit, se in posterum abstinere velle.

*Quibus conuiuijs interesse liceat Clericis, & quomodo illic se componere debeant.*

**N**ON vetamus tamen, quin sacerdotes, ac reliqui Clerici, amicitia, charitatis, confabulationis, beniuolentia gratia, possint se mutuo, & etiam seculares amicos bonae famae viros, quandoque non in hospicijs publicis, sed in proprijs, aut amicorum domibus, ad refectionem inuitare. siue ab ipsis inuitari, & inter se, absque Dei & proximi offensione. laeti esse: dummodo ebrietatem omnium vitiorum fomitem, & nutricem deuitent, & prae oculis Deum semper habeant: inter conuiuandum modestiam, & mediocritatem adhibentes, omnem luxum fugiant; ne de patrimonio crucifixi, se inimicos faciant crucis Christi, sicuti faciunt illi quorum Deus venter est, qui terrena tantum sapiunt, & non diuina: illudq; D. Gregorij prae oculis semper habeant, qui ait: Conuiuia communia quae ex intentione impendendae charitatis fiunt, non esse vituperanda, sed laudanda: veruntamen sciendum esse: quia tunc ex charitate veraciter prodeunt, cum in eis nulla absentium vita mordetur: nullus ex irrisione reprehenditur: nec in eis inanes secularium negotiorum fabulae, sed verba sacrae lectionis audiuntur: cum non plus quam necesse sit, seruitur corpori, sed sola eius infirmitas reficitur, vt ad vsus exercendae virtutis habeatur: haec itaque si vos in vestris conuiuijs agitis, abstinentium ( fateor ) magistri estis.

Philip. 3.  
Epistola 37. li.  
2. ad Natalem  
d. 44. c. Conui-  
uia.

Ex Conc. Ma-  
riceñ. siue iuxta  
aliā literam  
Nanetēū, quod  
& recitatur, d.  
44. c. quando.  
Luc, 14.

estis. Ad conuiuium itaq; congregati presbyteri, quisquis  
eorum, vel loco, vel eruditione, vel ætate dignior est, is  
preces ad benedicendum mensæ incipiat, ceteri respon-  
deant, quo facto, quisque vt sibi commodum videtur ac-  
cumbat, ita tamen, vt digniori suus honos referuetur, ne si  
quis temerè, vel incogitantius agat, illud Christi audire  
cogatur, surge amice, & da locum huic. Inter comedendū  
adsit, qui ex sacris quid legat, ita vt pariter cum corpore,  
etiā anima alimentum capiat. Sumpto cibo, Hymnus  
dicatur, exemplo Christi. In summa, quod ad locum con-  
uiuij attinet, ea ratione vtantur Clerici, ne ex infami an-  
gulo, infamem contrahant maculam, & sacram personam  
vituperio exponant.

*Alea prohibetur Clericis.*

Cap. XVI.  
Exod. 32.  
Vt in rit. ff. de  
aleæ lusu, & a-  
leatorib. l. ult.  
C. de religiof.  
& sumptib. fun.  
& aleatorib. Et  
Auth. de Sanct.  
Episcopis &  
Cler. §. Inter-  
dicimus.  
Sess. 22. cap. 1.  
Decr. de Refor.

**V**inum ac commestationes plerumque sequitur ludus,  
dicente scriptura: sedit populus manducare & bibere,  
& surrexerunt ludere. Cū igitur ludus, seu alea, etiam de  
iure ciuili Laicis prohibita sit, ad eò, vt non solū lufores,  
verū etiam inspectores puniantur, & pecunia hoc mo-  
do perdita, iure possit repeti: quanto minus huic & alijs  
similibus ludis se immiscere licebit Clericis? quibus Im-  
perator Iustinianus idem ipsum peculiariter interdici-  
endum censet. Quare Nos. S. Tridentini Concilij Canones,  
atq; statuta Prouincialia & Synodalia sequentes, volu-  
mus, ne Clerici in maioribus Ordinibus constituti, ad a-  
leas, taxillos, vel chartas, neq; etiam in priuato lucri gra-  
tia in pecunias ludant: quinimò vel ludos voluptuosos,  
occasione quorum sub quadam ciuilitatis imagine, ad  
procacitatis materiam deuenitur, penitus improbamus.  
Cui nostro statuto si quispiam contrafecerit, iuxta Cano-  
nes puniatur. Et si quis sæpius, vel in hospitio publico,  
aut alias palām itidem perpetrauerit, duplici pœna ple-  
ctatur.

*De*

**V**Ltimò, quia ex superfluis commestationibus, atque Cap. XVII.  
Ephes. 5.  
ebrietatibus communiter carnis ardor commouetur, dicente scriptura: Nolite inebriari vino, in quo est luxuria, ideò non indignum iudicauimus, post illorum narrationem & huius immediatè habeamus rationem; præsertim cum non paruo hæc res egeat remedio; eo quòd permulti in hac nostra Prouincia circa hoc delinquant Clerici. Licet enim quàm plurima super eorundem Clericorum, atque Monachorum ac Monialium continentia, diuersa sanctorum Patrum, atq; Antecessorum nostrorum salubria emanauerint statuta, atque Decreta; quæ tamen, ob corruptissimam hominum naturam, & ad quæq; vitia procliuuitatem, rarò satis ad effectum sunt traducta, ita vt in eodem detestandæ libidinis Clerus vsque adeò inordinuerit fœtore, donec callum contraxerit, & in perversam sit deductus consuetudinem. Nos qui quasi vndecimam circa horam in Domini Sabaoth missi sumus vineam, vt de illa extirpemus nociua, nostro cupientes satisfacere muneri, decreuimus hanc vineæ partem, nobis commissam, in quantum cunctorum largitor nobis vires suppeditauerit, ab omnibus expurgare immunditijs: Quod vt præstemus, hac sancta Synodo approbante, necessarium duximus aliquid, non autem nouum, sed à veteribus nobis traditum, repetere atq; renouare. Quare Clericos omnes, sacris præsertim initiatos, primò hortamur, rogamus, & per viscera Saluatoris nostri IESV CHRISTI obsecramus, ne impudicitijs amplius indulgeant, neq; concubinis adhæreant, sed vniuersi continenter & castè viuere studeant, quatenus in conspectu omnipotentis Dei, puro corde tantum sacrificium offerre, sanctissimū Sacramentum administrare, & dignè sacrificanti inseruire valeant, cuius causa ab omni etiam iubentur Matrimonio abstinere.

1. Corinth. 7.

Auth. sed neq;  
curialem, c. de  
Episcopis &  
Cler. & Const.  
Græca in præ-  
termiff. post. l.  
reperita, c. eod.  
tit.

nere. Si enim Paulus Apostolus etiam Laicos coniugatos admonet, ut aliquanto tempore ab usu coniugali abstineant, quo commodius vacent orationi: quanto magis sacerdotes, quotidie ad altare Dei astantes, veluti pudicitiae & castitatis custodes, à coniugio, & carnis operibus vacare debent? Vnde & Iustinianus Rom. Imp. Clericis matrimonia non convenire dixit, non solum ob carnis libidinem, sed & ne liberi, ac nepotes ipsis facerent negotium, & in sacris peragendis irritarent. Convenit enim (inquit idem) huiusmodi eligi, & ordinari sacerdotes; quibus nec liberi sint, nec nepotes: etenim fieri vix potest, ut vacans huius quotidianæ vitæ curis, quas liberi creant parentibus maximas, omne studium, omnemq; cogitationem circa diuinam liturgiam, & res Ecclesiasticas consumat; tum etiam indecens esse, Clericum in propriam sobolem, & cognatos impendere facultates, quas pater homines summa in Deum spe ad sanctissimas Ecclesias adferunt ut in pauperes, & egentes, aliosque pios usus consumantur; & sacerdotem affectionibus carnalium liberorum, cum ipse fidelium spiritualis pater sit minimè impediri esse oportere. Quid quæso hoc aliud est, quàm quod Apostolus ait eum qui sine vxore est, sollicitum esse de ijs, quæ Domini sunt: qui verò vxorem habet, sollicitum esse de ijs, quæ sunt mundi, quomodo placeat vxori, & talem propterea diuisum esse. Quamobrè Clericos nostros à fœminarum consuetudine, & commercio segregatos esse, tum Ecclesiæ nascentis antiquissima consuetudo, tum alia quoque grauiss. nos mouent exempla. Quod si verò preces nostræ & admonitiones, in aliquibus duræ certitatis, locum non habituræ sint, præcedentis Synodi Salisburgens. vestigia sequentes eis omnibus & singulis cuiuscumq; sint præminentie dignitatis, ac conditionis, etiam monachis, iidem obseruari mandantes sub pœnis à Concilijs, præsertim Tridentino sancitis; quas vnâ cum pœnis

De Continent.  
Cler. & c. cub.  
c. primo.

Concil. Trid.  
Sess. 15, c. 14.

Iuris



Iuris contra inobedientes exequi ordinamus atq; præcipimus. Et si forsan in non beneficiatis executio, quæ de fructuum suspensione, aut beneficiorum priuatione aliquid statuit, fieri non possit, volumus tamen illorum poenas esse suspensionem ab executione ordinis, & priuationem emolumentorum, quæ sui ministerij ratione alicui dantur, ac inhabilitatem ad beneficia & dignitates futuras. Et si quis prorsus incorrigibilis reperitur, perpetuæ depositionis poena plectetur. Ad quas tamen poenas gradatim per superiores procedi debet, instar graduû in Decretis supradictorum Conciliorum obseruatorum.

*Quo Clerici non solum à publicis tabernis, sed & Concupinarum fædo conuictu abstineant, ea quæ sequuntur seruare illis præcipitur.*

**E**T quia per nostram Prouinciã nonnulli, quinimò Cap. XVIII  
infiniti sunt Clerici, Ecclesiarum rectores, & alij sacerdotes simplices, quorum aliqui sub colore cibum quotidianum sumendi, publica etiam cum plebeijs hominibus, & horis extraordinarijs, sæpe, & vtiã non quotidie, ad componendum ingrediuntur hospitia, in quibus post longas potationes, communiter in profana incidunt colloquia, & sæpè ad verbera, ac quandoq; ad arma, & vulnera deueniunt: Alij verò tabernas cuitare putantes, in proprijs ædibus cibum capiunt, & sub prætextu rei familiaris, mulieres, & plerumque suspectas, conducunt, quas honestatis, & cuiusdam coloris gratia, coquas nominant, easq; perindè, vt vxores proprias fouent, aliquando etiam, vt accepimus, cum illis clàm, adhibitis quoq; clandestinis testibus, Matrimonium prætextum, & quod ipso iure nullum, sed sacrilegium est, contrahunt, fatuas illas mulierculas vanissimã quadam honestatis ymbra ludificantes,

## 156 Constitutio vigesima septima.

atque in fraudem tam diuini quam humani iuris promittunt, matrimonium eorum hoc modo contractum, indissolubile fore, liberosq; ab ipsis procreandos legitimè natos iri: quin patiuntur infani illi homines scortilla sua, à se, tanquam à maritis, publicè denominari, quo quid absurdius, quid etiam nefarius dici potest? Huic itaq; impudentiæ occurrere volentes, ea quæ sequuntur sancienda duximus: & obseruari, sub pœnis non solum superius de concubinarijs, & tabernis visitantibus atq; alijs à supradictis Concilijs statutis, sed & grauioribus, mandamus atque præcipimus.

*Sacerdotes ampliolem alentes familiam, quibus  
œconomis uti debeant.*

Cap. XIX.

**C**ONSTITUIMUS autem, vt sacerdotes omnes, ij præsertim, qui amplam habent familiam, pecora & prædia, vt plerunq; habent rurales Parochi, qui in proprijs ædibus sibi & suis domesticis, debent providere de cibis aliquam adsumant mulierem consanguineam, veluti matrem, sororem, amitam, vel neptem: dummodò adultiores sint, & nulla infamia, vel aliâ sinistra suspitione laborent: Qualem si quispiam sacerdos habere non potuerit, ei concedimus, vt aliquam aliam bonæ famæ, nuptam, & honestam, cum viro marito suo conducatur mulierem, ad minus quadragintaquinque annorum, vt vterq; ipsa quidem in his quæ sunt mulieris, & maritus in alijs inseruiat officijs. Vix enim huiusmodi reperietur sacerdos, qui iuxta foeminæ coquinariam operam, non etiam indiguerit seruitio virili. Quamobrem haud mediocriter ijs consultum arbitramur, si rei suæ domesticæ, vel per cognatas, vel alias suspitione carentes personas, quæ castitatis, seu continentiae sacerdotalis testes esse possint, consulant: quod si præstiterint, Deum non offendent, & mundum non scandalizabunt,

## Constitutio vigesima septima. 157

bunt, propriæque conscientiae satisfaciunt, ac suae necessitati consulunt.

### *De conuictu priuatorum Sacerdotum.*

**A**lijs verò Sacerdotibus simplicibus, quibus familia Cap. xx.  
non est, neque etiam, si habere cuperent, illam ex defectu reddituum sustentare valent, mandamus vt supra: quòd si in oppidis, aut villis degerint, ibidem Parochialibus Ecclesijs seruietes, quemadmodum sunt Cooperatores, vel aliàs simplicia beneficia habentes, vt tales omnes apud Parochos eorum locorum sumant cibum; nisi quispiam in domo habitaret paterna, aut consanguineorum absque scandalo: tunc vt ibidem apud suos perseveret, concedimus. In ciuitatibus autem, vbi frequens sacerdotum, eorum maxime qui nuncupantur Vicarij, solet esse numerus, quibus difficile caderet, propter ipsorum multitudinem, apud Parochos cibum capere, statuimus, vt in qualibet ciuitate (cuius rei curam habebunt Ordinarij) vna, vel duæ, aut plures, iuxta necessitatem ipsorum sacerdotum simplicium, conducantur domus, in quibus pariter conuictitent, atque habitent. Quod vt commodè fiat, hic obseruabitur modus: Vnicuique enim tali domui conductæ, siue ad hoc opus pium determinatæ, aliquis optimæ opinionis vir, prudens, & coniugatus, cuius vxor non sit infamis, aut suspecta, præficietur: qui in eadem domo, vnà cum vxore & familia seperatim habitet, & Clericis eandem domum incolentibus, in vna mensa, vel pluribus, vt ipsorum numerus postulauerit, de cibo prouideat. Similiter cum aliquis decubuerit, vt ei de omnibus prospiciat necessitatibus. Ipsi verò domus procuratori vel œconomo, hebdomadatim, pro vno quoque illorum, ex eius redditibus tantum dabitur, quantum ab Ordinarijs locorum fuerit constitutum. Præterea ordinamus quoque, ne in tali-

# 158 Constitutio vigesima septima.

bus conductitijs domibus, inter ipsos sacerdotes, vel alios Clericos ibidem commorantes, excitentur tumultus, vt in qualibet tali domo, vnus ex ipsis, qui Ordinario aptior visus fuerit, constituatur, cui parere reliqui teneantur.

## *Comminatio in prauaricatores.*

Cap. XXI

**I**N his autem omnibus & superioribus huius Constitutionis capitulis, si qui transgressi fuerint, omnino iuxta nostras sanctiones, absq; remissione puniantur. Et si Officiales, Capitula, Præpositi, Abbates, Archidiaconi, Decani (etiam rurales) in puniendis, siue annotandis & Ordinarijs denunciandis transgressoribus, ac conseruandis statutis nostris, desides, suisq; immemores esse voluerint officij, Nos, nostriq; Coëpiscopi, non tantum erga transgressores ad pœnas debitas procedemus, sed & negligentiam surrogatorum nostrorum supplentes, in ipsos, iuxta demerita negligentiae animaduertemus strictius; ita quod sic contra negligentes Officiales nostros procedetur, quæ admodum circa alios est constitutum. Et si ipsi transgressores fuerint deprehensi, in duplo ab Ordinarijs suis plecti debent, vt subditi exemplum sumant.

## *De coniugio Clericis uitando &c.*

Cap. XXII

**P**OSTREMò cum nonnulli in sacris constituti, omni timore Dei prorsus postposito, contra propriam conscientiam, omnemq; æquitatem, ac omnia iura, Ecclesiæq; Catholicæ consuetudinem, cum maximo fidelium scandalo, se mulieribus publicè & solemniter iure matrimoniali (proh dolor) copulant, atque coniungunt; quorum impietati succurrere volentes, cum sacris Canonibus declaramus, huiuscemodi in sacris constitutorum copulas, non nuptias, neq; matrimonia esse, sed contubernia, ab omni Christiana pietate aliena, filiosq; ex tali detestando connubio

Ex c. 4. de Clericis coniug.

## Constitutio vigesima octaua. 159

connubio procreatos, non legitimos, sed ab omni hæreditate paterna alienos; mandantes omnibus & singulis in sacris constitutis, sub pœna priuationis omnium beneficiorum illicò incurrenda, & alia ab Ordinarijs, illis tantquam hæreseos labe infectis imponenda, ne quisquam tantam temeritatem & flagitium audeat committere; & si quis sui status immemor hæcenus præuaricatus fuerit, infra spatium quindecim dierum, ab huius constitutionis publicatione, relicta vxore scortatoria, pœnitentiã agat, & à suo Ordinario, præmissa abiuratione, tantæ enormitatis absolutionem accipiat. Si quis enim (inquit sacrosancta Synodus Tridentina) dixerit, Clericos in sacris Ordinibus constitutos; vel Regulares, castitatem solemniter professos, posse matrimonium contrahere, contractumq; validum esse, non obstante lege Ecclesiastica, vel voto, & oppositum nil aliud esse, quàm damnare matrimonium, posseque omnes contrahere matrimonium, qui non sentiunt se castitatis, etiam si eam vouerint, habere donum, anathema sit; cum Deus id rectè petentibus non deneget, nec patiatur nos supra id, qd possumus, tentari.

Ex c. cum mul-  
ta. q. vlt. cau. 15.  
& ex glo. ibidè,

Sess. 24. can. 9.

## DE OBLIGATIONE ET modo Canonicas dicendi horas. Const. XXVIII.

*Clericos ad horarum Canonicarum preces astringi.*

**Q**Voniam, vt supra dictum est, militiæ nostræ clericalis arma, non carnalia sed spiritalia sunt, inter quæ cum orationes primum teneant locum, D. Augustino dicente, gloriosissimã Christiani pugnam esse orationem, qua pro nostris & Christiani populi peccatis apud Deum incessanter instare debemus, diuina attestante maiestate;

Cap. 1.

In serm. 2. fer. 6  
post 3. Domi-  
nicã quadrage.

Leuit. 5.

Ios. 3.

c. Eleutherius.  
cum c. seq. dist.  
91.  
Psalm. 118.

Cōst. Græca in  
prætermisissis,  
post. l. repetita  
c. de Episcopis  
& Cleri.

iestate: si peccauerit anima, agat poenitentiam pro peccato, orabitque pro ea sacerdos; & alibi, Inter vestibulum & altare plorabunt sacerdotes ministri Domini, & dicent, Parce domine, parce populo tuo, & ne des hereditatem tuam in opprobrium, vt dominantur eis nationes: Quare dicunt in populis; Vbi est Deus eorum? Omnes Ecclesiasticæ militiæ consecratos admonuisse pariter volumus, se precibus supplicationibusque quotidianis Deo persoluendis addictos esse debere, illis præcipue, quæ ab Ecclesia sunt antiquitus institutæ & nuper à sanctissimo D. N. Pio V. renouatæ: & quibus præcisè sunt obligati hi, qui sacris initiati, aut beneficijs dotati, vel religiosi professi sunt: Ita enim sacri præcipiunt Canones, hoc Psalter David ipse innuit, septies in die (inquiens) laudem tibi dixi, Et iterum, media nocte surgebam ad confitendum tibi. Idem & religiosissimi legum latores suis suaserunt sanctionibus, dicentes: vt omnes Clerici, cuiuscumque Ecclesiæ sint, per se ipsi & nocturnas & matutinas, & vespertinas preces psallant: neque in absumendis tantum Ecclesiæ facultatibus Clerici videantur, titulum quidem Clericorum sustinentes, sed officium, quod in cultu domini Dei versatur, negligentes. Item Clericos ea re maxime constitui, vt suis precibus beneuolentiam Dei clementissimi Rebus pub. acquirant. Quam ob causam, nostros quoque Clericos admonitos esse volumus, vt obligationis huius immemores esse nolint, nisi in conspectu summi Dei, ingrati, vacui, & infideles ministri comparare velint. Cum enim ipsius ministri, atque pro totius Ecclesiæ necessitatibus intercessores simus, si id ipsum agere neglexerimus, Deum optimum max. debita laude, & gratiarum actione, & Ecclesiam intercessionis fructu defraudasse, ac nos ipsos inutiles seruos reddidisse reperiemur: vt qui id, quod ex ministerio facere debuimus, non præstitimus. Vnde quia ex multis fide dignis edocti sumus testimonijs,



stimonijis, non paucos beneficiatorum, & aliorum Clericorum sacris initiatorum, etiam sacerdotum, easdem horas Canonicas quotidie celebrare non admodum curare, quinimò & nonnullos diuina Missarum solemnità, nec vnus horæ quidem precibus absolutis, & sæpius non inceptis, peragere non erubescunt, quod non tam scandalosum, quàm impium planè est: quæ irreligiosa crimina, cœui piacula è medio tollere cupientes, sacrorum Canonum Decretis innixi, prioris Salisburgen. Synodi sanctiones renouantes, hæc quæ sequuntur statuimus.

*Clericum poena amissionis fructuum teneri ad recitationem horarum Canoniarum &c.*

**I**N primis, vt quilibet habens beneficium cum cura, vel sine cura, si vltra sex menses, ab obtento beneficio, diuinum officium dicere distulerit, legitimo cessante impedimento, beneficiorum suorum fructus, suos non faciat, pro rata omissæ recitationis horarum, sed eos tanquam iniuste perceptos, in fabricas huiusmodi beneficiorum, vel pauperum eleemosynas erogare teneatur. Si verò vltra dictum tempus in simili negligentia contumaciter quis permanserit, legitima monitione præcedente, ipso priuetur beneficio: cum propter officium detur beneficium: officium autem omittere quis intelligatur, quo ad hoc vt suspendi, & fructibus priuari possit, si in octo diebus illud bis saltem non perorauerit; quo ad beneficiij verò priuationem, intelligatur is preces intermisisse, qui eas in quindecim diebus, bis saltem non celebrauerit: Quæ poena in plura habentibus beneficia, toties quoties aliquis contrafecisse conuincatur, est repetenda; quorum omnium (quod grauius est) Deo insuper eos rationem reddere oportebit.

Cap. II.  
Ex Concil. Lateranen. sub  
Leonex. Sess. 9.  
c. 9. Et præced.  
Salisbur. ti. De  
horis Canonialis c. 1.

# 162 Constitutio vigesima octaua.

*Clericos in sacris constitutos non sacerdotes, intermittentes orationem horarum, suspendi à promotione sequentium ordinum.*

Cap. III.

**Q**Uod verò non beneficiatus, sacris tamen initiatus, eas ipsas horas prætermiserit Canonicas, præter peccatum mortale, quod totiens quotiens eas omiserit, committit, grauiter etiam à suo est plectendus Ordinario. Is enim si Subdiaconus fuerit, ad Diaconatum non promoveatur, sed vsque ad proximum tempus celebrandorum Ordinum suspendatur; qui neque tunc erit admittendus, nisi sufficientes & fide dignas secum attulerit testimoniales literas, quòd à die suspensionis ipsas horas Canonicas diligenter perorauerit, negligentiamque præteritam studiose emendauerit. Idem per omnia & circa diaconos hoc ipsum negligentes volumus obseruari, vt ab ordine Presbyterij, donec negligentiam, & omissa emendauerint, atque diligentiam à se adhibitam patefecerint, suspendantur.

*De pœna Sacerdotis simplicis negligentis horas  
Canonicas.*

Cap. IIII.

**S**I autem contigerit Sacerdotem aliquem tam vecordem esse, quòd sui ministerij pensum absoluerè præterierit, hunc volumus primò admonitione priuata per suum corrigi Superiorem, ad quam si se non emendauerit, publicè perpetuè suspensionis pœna populo denuncietur. Quam contemnens, si ab ipsa publicatione intra mensis spatium ad cor non redierit, neque obedientiæ, & correctioni se submiserit exindè per nostras aut Cœpiscoporum nostrorum Officiales, vel nos ipsos processu instituto, contra talem ad perpetuam suspensionem ministerij sacerdotalis sententialiter & summarie procedatur.

*Ante*

## Constitutio vigesima octaua. 163

*Ante Missæ celebrationem, matutinarum preces prius  
absoluendas esse, & quæ poena negligentes  
mancat.*

**S**I quis demum sacerdos diuinum Missæ mysterium tra-  
ctare præsumserit, nisi prius matutinas preces ad mi-  
nimum perorauerit, vltra grauem Dei, quam incurrit in-  
dignationem, sui etiam beneficij fructibus, si beneficiatus  
fuerit, ad tres menses carebit: si autem beneficiatus non  
fuerit, ipso facto à Missarum celebratione quatuor mensi-  
bus suspensus erit, omniq; emolumento, quod inde fuisse  
consecutus, priuabitur. Cap. V.

*Ut Episcoporum Officiarij in huiusmodi animadu-  
erant negligentes.*

**V**T autem hæc nostra tam necessaria constitutio, suum  
eò melius consequi possit effectum, non tantum no-  
stri, ac Coëpiscoporum nostrorum Officiales siue Vicarij  
generales, Archidiaconi, & Decani rurales, diligenter de-  
bent attendere: verum etiam Monasteriorum, & aliarum  
Ecclesiarum, Metropolitica, atq; cathedralium, & colle-  
giatarum Prælati, Decani, & Capituli iniungimus, &  
mandamus, vt & ipsi huic negotio vigilanter intendant,  
neq; eos, qui contra hanc fecerint constitutionem, inter  
se tolerare audeant. sed hi ad quos de iure, vel consuetudi-  
ne istud officij spectabit, poenis præmissis contra delin-  
quentes animaduertant, Cæteri verò proximioribus suis  
superioribus denuncient, aliàs in celatores, tanquam par-  
ticipes criminis, ad debitas poenas procedetur. Omnes  
autem poenas pro qualitate delicti, vel minuere, vel mu-  
tare, cum videbitur, pro arbitrato suo Ordinarius poterit.

Cap. VII.

Ecclef. 47.

Esa. 29. &  
Matth. 15. &  
Marc. 7.

1. Corinth. 14.

**I**llud autem quàm diligentissimè mente tenere nostri debent Clerici, si suo satisfacere in Ecclesia voluerint muneri, vt non tantùm vocis modulatione, sed & cordis deuotione, iuxta illud sapientis, De omni corde suo laudabit Dominum, ipsas horas Canonicas curent absolueri, ne illorum numero ascribantur, de quibus ait Dominus, Populus hic labijs me honorat, cor autem eorum longè est à me: quibus oratio huiusmodi parum prodesse poterit: quia si cor non orat, secundùm vetus illud prouerbum, in vanum ferè lingua laborat: Propterea benè ait Apostolus Paulus: Nam si orem lingua, tantùm scilicet, absque mentali & cordis meditatione, spiritus meus, hoc est, voluntas quidem mea, quæ labia ad orandum mouet & impellit, orat, mens autem mea sine fructu est. Quid ergo est: (inquit idem) Orabo spiritu, orabo & mente: Psallam spiritu, psallam & mente: Hoc est, non solum vocali locutione, mota à voluntate, sed & mentis eleuatione orabo. Nam quum psallere idem sit quod canere, orationem sonat vocalem, quæ à mentis meditatione separata omnino non debet esse, si quis spiritu & mente vnà cum vocis modulatione cupit orare, vt oratio grata fiat coram diuinæ maiestate.

**DE CLERICIS PEREGRINIS, & alijs, absq; suorum Ordinariorū dimissorialibus literis, ab alienis Episcopis ordinatis. Const. XXIX.**

*Neminem*

*Neminem extraneam nõ solim Prouinciã, sed etiam Diocesis (nisi deuotionis gratia, & uisis formatis fide dignis) ad exercenda sacerdotalia esse admittendum, nisi à suo Ordinario &c.*

**Q**uantum malum plerisq; Ecclesijs nostris hisce temporibus accesserit, ex inordinata, ac nimium licentiosa acceptatione presbyterorum, maxime peregrinorũ, & incognitorum, nemo est qui nesciat. Quod si antiquissimos Canones, atq; sanctorum Patrum traditiones reuoluerimus, statim inueniemus, quanto labore semper desiderauerint, ne hic Episcopus alterius Clericum, eo inconsulto colligeret; vel peregrinis, ignotis & vagantibus Clericis, inter notos daretur locus: honestati enim contrariũ est, & à Patrum institutionibus alienum, sine consensu Episcoporum, Clericos aliarum diocesium indifferenter in Ecclesijs admittere. Volentes igitur mala futura (vt tememur) præcauere, ac maiorum vestigia imitari, sacrorumq; Conciliorum, maxime Tridentini Decreta amplecti, præsentis edicto, de consilio nostrorum Coepiscoporum concluso, prioris Synodi Salisburgen. Constitutionem, hac de re factam, renouando, omnibus & singulis tam Prelatis, Capitulis, presbyteris, curatis, & non curatis, quam Laicis, ius patronatus ad vnum, vel plura beneficia habentibus, ceterisque omnibus per nostram Prouinciã vbilibet cõstitutis districte prohibemus, ne aliquem alienę Prouincię presbyterum, neq; etiam eum qui licet Prouincialis fuerit, de vna tamen in alteram diocesis, etiam eiusdem Prouincię peregrinatur, in Vicarium, Prouisorum, Cooperatorem, aut Capellanum, in Ecclesia, vel beneficio suo, nec non in castra, villas, seu domos pro exercendo officio sacerdotali assumant, non ad diuina, nisi deuotionis causa, & uisis formatis in forma fide digna, admittant,

Cap. I.

Seff. 23. cap. 16.  
Decret. de Reform.

Conc. præced.  
Salisb. de Cler.  
pereg. c. 1.

mittant, nisi sufficienter, & in scriptis doceat, & coram Officialibus, Archidiacono, aut Decano nostro aliquo rurali, sub cuius ditione morabitur, de susceptione omnium ordinum, tam minorum quam maiorum fidem faciat, offeratque literas testimoniales, ab Episcopo suo, aut illo, ex cuius diocesi proximè recessit, continentes quidē, quod in fide Catholica, & vnitāte sanctæ Roman. Ecclesiæ permanferit, & in ea adhuc daret: Item à quo victus, siue sustentationis honestæ prouisionem, seu titulum habeat: nec non & vltimam causam, quare in hanc Prouinciā nostram se receperit. Quod si Officiales, Archidiaconi, vel Decani rurales, nostræ, aut aliorum Cœpiscoporum nostrarum diocesium, & hi qui ratione talium admissio- num à nobis Ordinarijs commissionem, vel mandatum habebunt, Clericum aliquem, & maxime sacerdotem, sic; vt præmissum est, peregrinū, vel extraneum, aliter, quam iam diffinitum est, ad exequendum officium & ministerium suum admisserint, priuentur statim officijs, & facultate, quam ab Episcopis suis habuerint, & nihilominus pro arbitrio Episcopi puniantur; Clerici verò & sacerdotes, qui sic furtiue Prouinciā nostrā, aut alienā diocēsim irrepperint, ab eadem Prouinciā nostrā, vt potē illis aliena diocēsi perpetuò excludantur.

*Ab alienis Episcopis, absque suorum Ordinartorum dimissio-  
rijs, quomodocumque ordinatos, ad sacerdotium non ad-  
mitti: nisi Ordinarijs suis, uel eorum Vicarijs  
generalibus sese præsentarint &c.*

Cap. II.

**Q**Vonia m euenire soleat, vt nonnulli temerarij, erudi-  
tionis, morum, & vitæ non satis probatæ, aut alioquin  
Ecclesiasticis obnoxij censuris, conscientiam & examina  
eorum, quibus noti sunt, subterfugientes, aut ad alios pro  
dimisso-



dimissorialibus literis impetrandis accedant, ut absque pre-  
iudicio examine vbiuis locorum possint ordinari; aut (quod  
peius est) ad remotiores se conferant dioceses, ut ab igno-  
tis Episcopis ordines quo possunt dolo & fraude extor-  
queant, ut ita ordinati domum redeuntes, in nostra Pro-  
uincia ministrare valeant. Quorum fraudem, & temerariam  
audaciam reprimere volentes, mandamus omnibus Abba-  
tibus, Prepositis, Archidiaconis, Decanis, maxime rurali-  
bus, Parochis, Parochorumque Cooperatoribus, siue Vica-  
rijs, reliquisue sacerdotibus, ac sacristis, & auditis, atque  
omnium vtriusque sexus Monasteriorum Praefectis, siue  
ministris, nec non & omnibus Laicis cuiuscumque sint di-  
gnitatis, praereminentiae, & conditionis, capellas in suis  
domibus, arcibus, siue palacijs habentibus, ne (si fue-  
rint Ecclesiastici) sub poena amissionis omnium dignita-  
tum, graduum, & beneficiorum (sed si Laici) sub poena ex-  
communicationis latae sententiae eo ipso incurrendae, ali-  
quem talium alicubi locorum diuina celebrare, neque Sa-  
cramenta ministrare permittant, aut eis concedant: nisi  
prius suo Ordinario Episcopo, vel illius Officiali, siue  
Vicario generali se praesentauerit, & ab eo quod admitti  
debeat testimonium patentibus literis obtinuerit.

*De examine eorum qui aliunde ferunt dimissoriales, &  
qua poena fraudulenti sint afficiendi.*

**I**psi autem Episcopi, siue eorum Officiales, aut Vicarij Cap. III.  
generales, cum talium aliqui se eis praesentauerint, in pri-  
mis vbi, & a quibus, ac quomodo sint ordinati, diligenter  
inquirent. Et si quispiam literarum dimissorialium ab ali-  
quo Legato, siue Nuncio Apostolico obtentarum vigore,  
alibi fuerit sacris initiatus, is tunc interrogetur, quam ob  
causam non suam, pro ipsis ordinibus suscipiendis, vel sal-  
tem literis dimissorialibus impetrandis, quemadmodum  
omnes

omnes iubent Cánones, accesserit Ordinarium. Qui si aliquam legitimam, iustam, & rationabilem, ac sufficientem, testibus idoneis comprobata adduxerit causam, illico admittetur, atq; ei admissionis literæ gratis dabuntur: Si verò nullam ob causam, sed propter improbos mores, vitæque inhonestatem, vel eruditionis insufficientiam, aut aliquod Canonicum impedimentum repertus fuerit (quod per Examen debet fieri) sui Episcopi conspectum subterfugisse, & mendacijs, ac fallacijs à Legato, siue Nuncio Apostolico, literas dimissorias obtinuisse: septem diebus carceribus, subtracto vino plectetur, & à sacrorum ministerijs, eò usq; quò omne canonicum euacuauerit impedimentum in ipso repertum, arceatur. At si quispiam inuentus fuerit, à nullo literis dimissorijs impetratis, dolo, vel fraude, siue aliter quomocumq; ab extraneo ordinatus fuerit Episcopo, per integrum mensis spatium carceri mancipabitur, tribus diebus in hebdomada panis & aquæ ieiunio affligendus: deinde non solum usque ad canonicorum impedimentorum, quorum causa sui Episcopi censuram subterfugerat, euacuationem, verum etiam ad maiorem ipsius delinquentis poenam diutius, & quandiu, iuxta Tridentini Concilij decisionem, proprio Ordinario videbitur expedire, sit suspensus.

Seff. 23. c. 8. Decret. de Refor.

*Vbi, & quomodo puniti tempore suspensionis degere debeant.*

Cap IIII.

**N**E verò huiuscemodi suspensi interim eant vagabundi, neq; in suorum corporum necessitatibus quicquam patiantur detrimenti, tum vt in moribus & literis, disciplinaq; Ecclesiastica melius erudiantur, in aliquibus illarum Dicecesium reponi debent monasterijs, à quibus non tantum victum, sed & amicum capiant, & ipsi vicissim, ne illis frustra graues efficiantur, illorum locorum conuentua-

uentualibus, in horis Canonicis, atq; alijs diuinis officijs decantandis, siue celebrandis, sacrorū Ordinum functionibus, quibus sunt suspensi exceptis, esse tenebūtur auxilio.

# DE VITA REGVLARI

vtriusque sexus religiosorum, Canonico-  
rum regularium, & monachorum, etiam mendicantium.

Const. XXX.

*Præfatiuncula, siue exhortatio ad sequentium  
obseruantiam.*

**C**VM monasteria ea de causa sint instituta, vt diuini cultus sint velut officinæ, Christi Ecclesiæ splendor, pietatis, innocentia, prudentia, & virtutis specimen, hominum eruditorum fontes, atq; pauperum hospitia, summo perè, quinimò necessariò (vt inquit & Synodus Tridentina) curandum est, ne quæ hactenus in pia eorū perseuerarunt institutione, desolentur, sed omnino foucantur, & vbi ipsorum vetus & regularis disciplina est collapsa, omni modo instauretur. Quod vt fiat, omnes Abbates, Præpositos, Priores, Decanos, Abbatissas, Priorissas, ceterosq; quorumcumque monasteriorum Præsides, in Domino seriò hortamur: & si exhortatio nostra in aliquibus fructum parere non poterit, cum sacro Tridentino Concilio ipsis omnibus præcipimus sub pœna priuationis omnium graduum, & alia positiua à suis Ordinarijs imponenda: vt suos subditos, & seipsos, ad Regulam, quam professi sunt, præscriptam, vitā instituant, & componant, atq; in primis, quæ ad suæ professionis perfectionem,

Cap. 1.

Sess. 25, c. 1. De  
reg. & Mon.

Loco vt sup.

Y nem,

nem, vt obedientiæ, paupertatis, & castitatis, & si quæ alia sunt alicuius regulæ, & ordinis peculiaria vota, & præcepta, ad eorum respectiue essentiam, nec non ad communem vitam, victum, & vestitum conseruanda pertinentia, fideliter obseruent. Et ne in quoquam prætereatur, Ordinarij, & superiores alij, omnem adhibebunt diligentiam, præsertim in ipsorum Monasteriorum visitationibus, quas opportunè instituire non prætermittent. Vt autem omnium Monasteriorum vtriusque sexus, Ordinarijs subiectorum, Præfecti, nostram apertius intelligant mentem, nonnulla quæ nobis, nostrisque Coëpiscopis restauratione, atq; emendatione necessario videntur digna, ipsis præscripsimus, omnino executioni mandanda: quæ non tam ex sacro Tridentino Concilio, quàm ex priori Salisburgensi Synodo sunt desumpta, ita quod nihil noui obtruditur, sed antiqua erunt renouata, & iuxta huius calamitosi temporis necessitatem accommodata.

*Visui ordinis regulam teneant, ac rite obseruent.*

Cap. II.

IN primis volumus & mandamus, vt vniuscuiusque vtriusque sexus Monasterij Præses, regulam quam cum alijs suis conuentualibus, siue Canonicis regularibus, aut monialibus, professus est, tanquam caput inter membra strictè teneat, & seruet, vt à suis subditis facilius seruari faciat; quia tunc verè cum Christo, cuius vices gerit in Monasterio, poterit dicere: Quicumque vult post me venire, hoc est, sub mea disciplina esse, abneget semetipsum, & tollat crucem suam, & sequatur me. Et qui non accipit crucem suam, & sequitur me: non est me dignus. Quod si secus agerent, tales Præsides, meritò inter eos connumerandi forent, de quibus Christus ait, Dicunt & non faciunt: Alligant enim onera grauiora, & importabilia, & imponunt in humeros hominum, sibi subditorum, digito autem suo nolunt ea mouere.

Matth. 16.

Marc. 8.

Luc. 9.

Matth. 23.

Matth. 23.

mouere. Nam subditi, (vtriusque superius diffusè satis dictū est) In Constitutio-  
 exemplo magis trahuntur, quàm verbo: quapropter eis ne de Parochia,  
 omnibus Monasteriorum Præfatis, vt sibi commissos, atq; eorū Coo-  
 perat, c. 6,  
 non solum verbis, sed etiam exemplis, ac bonis operibus,  
 ad suorum institutorum obseruationem velint inducere;  
 quod fiet si ipsi vtriusque sexus Prælati, quemadmodum in  
 mensa, ita etiam in choro, atque cæteris omnibus actioni-  
 bus (nisi grauiiores occupationes obstent) primi fuerint; ac  
 non ita, vt apud nonnullos Prælatos more peruersissimo  
 receptum est, vt posthabitis ordinum Regulis, & Consti-  
 tutionibus, vt meri Domini, & quasi fruges tantum con-  
 sumere nati, ad primos recubitus, & supremas cathedras  
 primi cursitent, & non solum à subditis, verum etiam ple-  
 risque alijs superbo titulo, vt potè clementissimi, vel (quod  
 penè in vulgariori vocabulo est) gratiosi Domini, vel  
 Dominae (si Prælatæ sint) salutari gestiant, contra illud  
 Saluatoris dicentis: Vos autem nolite vocari Rabbi: Vnus. *Matth. 23.*  
 est enim Magister vester, omnes autem vos fratres estis.  
 Qui maior est vestrum, erit minister vester. Summa enim  
 Monachi (teste Isidoro) virtus est humilitas, summum vi-  
 tium eius, superbia est. Si qui igitur ab hac monastica  
 modestia, humilitate, sollicitudine, ac pietate alieni esse depre-  
 hensi fuerint, tales ab Ordinarijs Episcopis, vel alijs suis  
 superioribus omnino à suis amoucantur Prælaturis, &  
 iuxta demerita, acerrimè, vt alijs sint exemplo, puniantur.  
 Nam qui se exaltauerit (dicit Dominus) humiliabitur, &  
 qui se humiliauerit, exaltabitur. *Matth. 23.*

De sum. bon.  
lib. 1.

*Qui, & quomodo sint acceptandi, & non cogendi ad  
 quenq; ordinem, & quòd ante ætatem legitimam nemo  
 ad professionem suscipiatur.*

**D**Einde curabunt monasteria sua, iuxta cuiusque necessi- *Cap. 114*  
 tatem, p̃ijs, honestis, religiosis, ac notis fratribus, vel

Y 2

sorori-

xx. q. iij. c. p<sup>re</sup>-  
fens,

Psalm. 33.

Sess. 15. cap. 15.  
De regular. &  
Mon.

Ex Conc. Tri-  
dentino Sess. &  
vi. ut sup. c. 16.

fororibus, non aduentitijs, & ignotis sustentare. Et si pro-  
fessos, quantum satis est, non habeant, dent operam, vt bo-  
næ spei iuuenes ad habitum recipiant, ita tamen, ne aliquē  
cogant: nemo enim inuitus monasticis disciplinis subijci  
debet: quod si quidem aliquis non eligit, nec optat, id cer-  
tē non diligit, quod autem non diligit, facile contemnit,  
nullum ergo bonum, nisi voluntarium, quapropter Da-  
uid voluntariē se Deo sacrificaturum pronunciat: neque  
porro ante ætatem legitimā ad professionem quemquam  
accipiant. In quacūque enim religione, tam virorum,  
quā mulierum (inquit sacra Synodus Tridentina) pro-  
fessio nō fiat ante decimum sextum annum expletum, nec  
qui in minore tempore quam per annum post susceptum  
habitū in probatione steterit, ad professionē admittatur.  
Professio autē antea facta, sit nulla; nullamq; inducat ob-  
ligationem ad alicuius Regulæ, vel religionis, vel ordinis  
observationē, aut ad alios quoscūq; effectus. Finito au-  
tem tempore probationis alicuius, illius superior, eundē  
Nouitium, vel Nouitiam, si iudicauerit habilem ad profi-  
tendum, admittat; sin minus, ē Monasterio dimittat.

### *De assumendis, & confirmandis monialibus.*

Cap. 1111.

Sess. & vi. ut su.  
c. 17. Concor-  
dat. c. puella.  
20. q. 3.

**L**ibertati verò professionis virginum Deo dicanda rē  
prospiciens sancta Synodus Tridentina, statuit atque  
decernit, vt si puella, quæ habitum regularem suscipere  
voluerit, maior duodecim annis sit, non antē cum susci-  
piat, nec postea ipsa, vel alia professionem emittat. quā  
explorauerit Episcopus, vel eo absente, vel impedito, eius  
Vicarius, aut aliquis eorum sumptibus ab eis deputatus,  
virginis voluntatem diligenter, an coacta, an seducta sit,  
an sciat, quid agat, & si voluntas eius pia, ac libera cognita  
fuerit, habueritq; condiciones requisitas, iuxta monaste-  
rii illius & ordinis regulam, nec non monasterium fuerit  
idoneum,



idoneum, liberè ei profiteri liceat: cuius professionis tempus ne Episcopus ignoret, teneatur Præfecta monasterij, eum ante mensē certiorē facere: quod si Præfecta certiorē Episcopum non fecerit, quamdiu Episcopo videbitur ab Officio suspensa sit.

*Nullam debere cogi, uel inuitam adduci ad ingressum  
Monasterij, uel habitum suscipiendum.*

Cap. V.  
Sess. & ti, vt sit,  
c. 13.

**A**nathemati pariter sancta Synodus Tridentina subijcit omnes & singulas personas, cuiuscumque qualitatē, vel conditionis fuerint, tam Clericos, quā Laicos seu seculares, vel regulares, atq; etiam qualibet dignitate fungentes, si quomodocumque coegerint aliquam virginem, vel viduam, aut aliam quamcumque mulierem inuitam, præterquam in casibus in iure expressis, ad ingrediendum monasterium, vel ad suscipiendum habitum cuiuscumq; religionis, vel ad emittendum professionem; quicq; consilium, auxilium, vel fauorem dederint; quicq; scientes eam nō spontē ingredi monasteriū, aut habitum suscipere, aut professionem emittere, quoquo modo eidem acriui, vel præsentiam, vel consensum, vel auctoritatem interposuerint. Simili quoque anathemati subijcit eos, qui sanctam virginum, vel aliarum mulierum voluntatem vel accipiendi, vel voti emittendi, quoquo modo sine iusta causa impederint. Ea q; omnia, & singula, quæ ante professionem, vel in ipsa professione fieri oportet, seruentur non solum in monasterijs subiectis Episcopo, sed etiam in alijs quibuscumq;. Ab his tamen excipiuntur mulieres, quæ Poenitentes, aut conuertitæ appellantur; in quibus Constitutiones earum seruentur.

*De his, qui facta professione, ex ordine discere cupiunt.*

Y 3

Qui-

Cap. VI.  
Sess. & ti. vt su.  
c. 19.

**Q**Uicumque autem regularis prætendat, se per vim & metum ingressum esse religionem, aut etiam dicat anteatatem debitam professum fuisse, aut quid simile, velitque habitum dimittere, quacumque de causa, aut etiam cum habitu discedere sine licentia superiorum, non audiatur, nisi intra quinquennium tantum à die professionis, & tunc non aliter nisi causas, quas prætenderit, deduxerit coram superiore suo, & Ordinario. Quòd si antea habitum spontè dimiserit; nullatenus ad allegandū quamcumque causam admittatur, sed ad monasterium redire cogatur, & tanquam apostata puniatur; interim verò nullo priuilegio suæ religionis iuuetur.

*De cura erudiendi & informandi Monachos, &  
Monachas iuniores.*

Cap. VII.

**S**Tatuimus etiam & ordinamus, vt in virorum monasterijs præter vitæ regularis, ac caeremoniarum ordinis instructorem, qui eiusdem professionis, & maturus, prudens, ac exemplaris esse debet, alius quoque vir pius, ac doctus habeatur, si ille ad hoc præstandum insufficiens, seu impotens fuerit iudicatus, qui nouitios, & alios iuuenes, in humanioribus instruat literis, deinde in liberalibus artibus: quia (teste sancto Hieronymo) monachus qui liberalibus in adolescentia est eruditus studijs, iugū Christi collo suo imposuit. Et si qui inter eos bonæ fuerint indolis, aliusque expectationis, ad Vniuersitates bene Christianas aliquot annis Theologiæ operam daturi mittantur: ita tamen quòd illuc non alio in loco, vti etiam Tridentinum determinat Concilium, quàm in monasterijs, & in habitu religionis, quam professi sunt, sub cura, & oculis honestorum præceptorum degant. At si quispiam eorum stupidior fuerit, quàm quod literarum doctrinam assequi possit, is in monasterio circa sacerdotij necessaria ad minus,

Ad Rusticum.

Sess. 23. c. 4. De  
regul. & Mon.

ad minus, vt fieri poterit, instituat: quòd si nec ad ea percipienda fuerit aptus, tunc à sacrorum ordinum limine, tanquam inutile pondus terræ, arceatur. Moniales verò vnam ex senioribus professis, Deum timentem, & in regulis ac Constitutionibus sui ordinis benè educatam, prudentem, patientem, & charitati studentem, eligant, quæ nouitias, aliasq; iuuenulas, in his quæ ad ipsarum spectant professionem, instruat, & in lege Domini quotidie meditari doceat. Reliquæ verò moniales circa quodcūq; Monasterium, habeant prædicatorem, qui ad minus omni die Dominica, earum Ecclesijs concionetur.

*Vt religiosi utriusq; sexus circa diuina tam diurna quàm nocturna officia, aliq; munia Monastica diligentes sint.*

**E**Os quoque vtriusque sexus (non discernentes hic nec masculum, nec foeminam, eo quòd vnum omnia in Christo consistant) religiosos admonere volumus, vt diuina officia tam diurna quàm nocturna non solùm iuxta ea quæ superius omnibus Ecclesiasticis sunt præscripta, sed etiam maiori cum diligentia, ac intimo spiritus seruore, quotidie absoluant. Religiosi enim præ alijs debent inuigilare diuinis officijs. præcipiente hoc D. Gregorio: & inter leges quoque ciuiles benè sancitum est, vt Monachi circa diuina ministeria non sint desides, sed alijs omnibus derelictis, Dei omnipotentis ministerijs inhæreant, nocturnas matutinas & vespertinas preces psallant. Quamobrem vniuersalis Ecclesia ordines monasticos ob id maxime approbavit, vt secularibus negocijs prorsus abdicatis, diuinis laudibus, sacrisq; lectionibus ac spiritualibus contemplationibus, nonnullisq; exercitijs eis conuenientibus, penitus sint intenti atq; occupati. Vnde D. Hieronymus monasticæ vitæ hominis officium describens, ait,

Cap. VIII.

f. ordinatione  
post med. auth.  
de Monach.

c. quia tua 11,  
q. 1. l. generali-  
ter. f. eos tamē,  
& l. 4. 1. præter-  
missor. C. de E-  
piscopis & Cle-  
ric.

Ad Rusticum  
Monachum de  
viuendi forma

Mon-

Monachus (quod idem intelligendum est & de monacha) de manu & oculis suis librum nunquam debet deponere, sed psalterium ad verbum discere, sine intermissione orare, sensu vigilare, vanis cogitationibus aditum præcludere, corpore pariter & animo in Deum tendere, iram patientia vincere, & scripturarum scientiam amare, si carnis vitia voluerit vitare, ac nullis mentis perturbationibus (quæ si insederint, ad maximum inducunt delictum) locum dare: aliquid operis semper facere, ne à diabolo inueniatur otiosus, sed semper occupatus. Et si nulla sint, quæ manibus operari liceat, libros tamen sacros describere ipsiis maximè conueniret, vt & manus cibū operetur, & anima lectione saturetur. Nam & Ægyptiorum monasteria hunc morem seruasse leguntur, vt nullū absq; operis labore susciperent, non tam propter victus necessitatem, quàm propter animæ salutem: ne perniciosis cogitationibus vagarentur, (in desiderijs est enim omnis ociosus) neue instar fornicantis Hierusalem, omni transeunti suos diuaricarent pedes. Dum essem iuuenis (inquit idem Hieronymus) & solitudinis me deserta vallarent, incentiua vitiorum, ardoremq; naturæ ferre nō poteram, quem cum crebris ieiunijs frangerem, mens tamen cogitationibus æstuabat: ad quam edomandam, cuidam fratri, qui ex Hebræis crediderat, me in disciplinam dedi, vt post Quintiliani acumina, Ciceronis fluuios, grauitatemque Frontonis, & lenitatē Plinij, alphabetum discerem, & stridentia, anhelantiaq; verba meditarer. Quid ibi laboris insumpserim, quid sustinuerim difficultatis, quoties desperauerim, quotiesq; cessauerim, & contentione descenditurus inceperim, testis est conscientia, tam mea, qui passus sum quam eorum qui mecum duxerunt vitam: Et gratias ago Domino, quod de amaro semine literarum, dulces fructus carpo.

Loco vt sup.

*Monasticis*

*Monasticis personis non concedi licentiam  
cuagandi.*

**Q**Voniam itaq; solitaria vita, & in ea contemplatio res  
planè sacra est, & quæ suapte natura animas ad Deū  
adducat, consequens est, vt patientiā, & modestiam, quam  
leges, & publica disciplina, & ipsorum Monachorum no-  
men exposcit, studiosè vnusquisque Monachus perpetuò  
obseruare procuret. Quod vt rectius ipsis procedat, iube-  
mus, vt magni Chalcedoneñ. Cōcilij Decretum frequenti  
studio ob oculos ponant, quo cautū est Monachos oportere  
quieti operam dare, ieiunia & orationes obseruare,  
nullas sæculares actiones tractare, in locis in quibus se se-  
mel Deo vouerunt permanere, nunquam sua monasteria  
relinquere, nisi fortè propter vrgentes necessitates à suis  
iubeantur Episcopis, vel ab his (quod nos iuxta noua iu-  
ra addimus) qui Episcoporum loco, ipsorum supremam  
habent curam, ne nomen Domini blasphemetur. Quare  
libertas illa peregrinandi, seu exeundi, prætextu paren-  
tes, siue alios amicos inuisendi, vel quidpiam aliud fa-  
ciendi, omnino est moderanda, aut penitus tollenda; nisi  
à suis Superioribus talium causa sufficiens & omnino ne-  
cessaria fuerit iudicata: Et tunc in scriptis est danda. Vnde  
& Concilium Tridentinum: Nec liceat regularibus à  
suis conuentibus recedere, etiam prætextu ad Superiores  
suos accedendi, nisi ab eisdem missi, aut vocati fuerint. Qui  
verò sine prædicto mandato, in scriptis obtento, repertus  
fuerit; ab Ordinarijs locorum tamquam desertor sui in-  
stituti puniatur. At si nulla rationabilis assignata fuerit  
causa, prorsus denegetur. Qua ratione enim parentum,  
vel consanguineorum curam allegabunt, quibus cognatio  
in terra nulla est, vt potè, qui cœlestem vitam affe-  
rent.

Cap. IX.

Auth. de Mo-  
nach. & ascet.  
col. x. in prin. l.  
decernimus. in  
fi. C. de Episco-  
pis & Cleric.

c. 4.

§. esto aut. auth.  
de monach. &  
asceti, collat. x.Sess. 15. c. 4. De  
regul. & Mon.  
Hoc idem ferè  
habetur & de  
off. iud. ord. c. 7§. porro in fi.  
auth. de mo-  
nach. & ascet.

*De tribus regularis uitæ fundamentis, quorum primum est obedientia, quam si quisptam uiolauerit, cum iuxta illius regulam, absq̃ uenia puniri debere.*

Cap. X.

Marc. 8.

Hebræ. 13.

Philip. 2.

1. Reg. c. 15.

f. cum verd. in  
fi. auth. de Mo-  
nach. & affect.  
collat. x.

**S**Vnt præterea & regularis uitæ fundamenta, eisdem religiosis omnibus apprimè inculcanda, quæ communiter sunt tria, obedientia, paupertas, & castitas: quia si hæc, quæ totius monasticæ disciplinæ bases sunt & sustentamenta, exactè non fuerint conseruata, totum corruere ædificium necesse est. Et cum horum primum obedientia teneat locum, asserente Domino; Si quis uult me sequi, deneget semetipsum, suis superioribus obediendo, dicente Apostolo: Obedite præpositis uestris, & subiaccete eis: ipsi enim peruigilant, quasi rationem pro animabus uestris reddituri, & sequatur me: Qui pariter obediens factus est usq̃ ad mortem: idcirco hanc ipsam obedientiam primo ipsis commendare decreuimus: ad illorum memoriam Samuelis auream reducentes sententiã, qui ait: Melior est obediẽtia quàm uictima, & auscultare magis quàm offerre adipem arietum, quoniam quasi peccatum ariolandi est repugnare, & quasi scelus idololatriæ, nolle acquiescere. Quamobrem ita sibi uiuendum meminerint, ita peragere omnia studeant, quò vndiq̃ reprehensione careant. Si qui verò tanti voti fuerint immemores, proterui facti & recalcitrantes, suis Prælati obediẽre non curantes, iuxta demerita, secundum eorum sanctiones, absq̃ uenia puniantur. Quod si quicquam prodesse non poterit, suis Ordinarijs indicetur, vt ab ipsis coërceantur.

*Ne Prælatus monasterij cuiquam Monacho licentiam de textra Monasterium ex quacumq̃ causa cõmorandi, sine sui Episcopi Ordinarij expresso consensu.*

Sunt



**S**unt autem religiosorum multi, qui obedientiam, quæ est cor professionis, & primum ac principale fundamentum vite regularis, subterfugere volentes, diuersimodè illam relinquunt: quorum nonnulli, quibus vix aliqua conscientia scintilla remanet, ne datam fidem, & professionem penitus fallere videantur, miras technas, fucos, & colores adhibet, vt sub specie maioris deuotionis, & publicæ utilitatis, Prælatos suos artificiosè persuadendo, omnibus suis viribus adhibitis, diuersisq; rationibus coloratis assignatis, procurant veniam, à proprijs monasterijs discedendi, facultatemq; in aliud monasterium se transferendi, vel alicui Parocho, aut alteri Pastori, seu Ecclesiæ inseruiendi impetrent, sed eam potissimum ob causam, vt ab obedientiæ iugo se subtrahant. Idcirco, præsertim cum satis compertum habeamus, monasteriorum Prælatos; absq; legitima & rationabili causa, sed solùm tùm vt subditorum summis precibus morem gerant, tùm quia admodum gratos huiusmodi religiosos nō habeant, eorum noxijs petitionibus conniuere, & facultatem à monasterijs suis discedendi, alijsq; inseruiendi, vel ad tempus, vel (quod peius ac nefandissimum est) ad dies illorum vitæ concedendo, quo fit, vt tales plerumq; religionis habitum deponant, & mundanis illecebris delibuti, indices euadant corruptiores: quod exactè perpendens, D. Augustinus, Dist. 47. c. quælibet, omnis bonæ religionis exemplar, & speculum, cum ex animo proferret, se fateri coram Domino Deo nostro (quem testem sibi super animā suam inuocat) quod iam inde, quo Deo seruire cœperit, difficile expertus sit meliores, quàm qui in Monasterio profecerunt, sed rursus neq; deteriores quàm qui in Monasterio defecerunt. Quæ de causa etiam leges ciuiles ante mille annos cauisse liquet, I. qui in monaster. & l. generaliter, s. eos tamen C. de Episcopis & Cleric, ne Monachis potestas esset è monasterijs exeundi, dicente Imperatore. Qui apud sacrosanctas Ecclesias, vel Monasteria permanent, non diuagantes, neque circa diuina

ministeria desides, sed alijs omnibus derelictis, Dei omnipotentis ministerijs adhereant. Nos itaq; delinquendi occasiones, quantū possumus, amputare volentes, & vtriusque partis, Prælatorum scilicet, & subditorum saluti, atq; monasteriorum (quæ ea de re coruunt) necessitati consulere cupientes, de voluntate & iudicio nostrorum Coëpiscoporum, atque cæterorum Prælatorum, hac in Synodo nostra Prouinciæ congregatorum, omnibus & singulis Abbatibus, Præpositis, Decanis, Prioribus, cæterisq; monasteriorū Prælati, & Præsilibus, per Prouinciæ Saltzburgeñ. vbilibet constitutis, Ordinariorum tamen iurisdictioni duntaxat subiectis, in virtute sanctæ obedientie, atq; inflictione dignarum poenarum, quas nostro, & cuiilibet Coëpiscoporum nostrorum arbitrio in sua Diocessi reseruantes, mandamus, ne alicui fratri, aut conuentuali, siuè Canonico, siuè monasterij professo, in posterum ex quibuscumque causis, licentiam se transferendi extra locum, & monasterium professionis suæ, ad alium locum seu Monasterium, non tamen alterius ordinis, concedat, sine sui Episcopi & Ordinarij expressa voluntate & consensu. Speramus etenim fore, quod per hoc medium Prælati monasteriorum sint à suis fratribus conuentualibus & canonicis maiorem habituri subiectionem & obedientiam; Sicut etiam circa Prælatos monasteriorum ne personæ in alia loca transferantur statuimus, ita volumus etiam in monasterijs monialium per omnia obseruari, vt nulla persona ibi regulam professa, sine voluntate & consensu sui Episcopi, ad cuiuscumq; instantiam, vel ex quacumq; causa, in alium locum regularem, non tamen alterius ordinis transferatur.

*Ut religiosi, qui etiam cum bona Superiorum uenia aliquandiu extra monasterium fuere, illuc se recipiant, & qui sui Ordinis habitum temere deposuerunt, acerrime puniantur. Si qui uerò aliquam prætenderint legitimā extrā adhuc commorandi causam, Ordinarijs suis legendam atq; approbandam exhibeant.*

**S**I qui uerò sunt religiosi, qui in in præsentiarum quomodocumque extra monasteria commorandā à suis licentiam habent monasteriorum Prælati (quorum non paruum credimus per nostram Prouinciā esse numerū) eos per præsentem nostram Constitutionem certos facimus, nos huiusmodi omnium & singulorum qualemcumque abrogasse, & reuocasse licentiam, ipsis sub pœna carceris, & alia à suis Ordinarijs Episcopis, iuxta demeritiā imponenda, ut infra vnus mensis spatium, ab harū publicatione, ad sua monasteria, restitutis primò Collatoribus beneficijs, si quæ illis sunt commendata, sine mora redeant, ibiq; sub Prælatorum suorum obedientia uiuant, & perseuerent. Et hi puniri debent acerrimè, qui sui Ordinis habitum deposuerunt temere, memores uulgatissimi apud nos Germanos prouerbij: Aut proterumā, aut insigniter ignauam pecudem esse debere, quæ uelleris sui gerendi fastidium occipit. Si uerò quispiam rationabilem & urgentem emanendī prætenderit causam, is eandem, cum literis sui Prælati testimonialibus, discutiendam suo præsentabit Ordinario. Cap. XII.

*Quando, & quandiu liceat Monachis propter administrationem Parochialem abesse à Monasterijs.*

**N**on prohibemus tamen quin cuiuscumq; monasterij Prælatus in casu necessitatis possit per tempus aliquod Cap. XIII.

quod cuiumq; Parocho, vel qualicumq; Ecclesiæ ex suis claustralibus vnum, vel plures concedere, nam hoc charitas exoptulat, ita tamen vt tempus illud mensem vnum, aut tres ad summum, non excedat: Et si necessitas id longius exigeret, facultas ab Ordinario Episcopo impetretur, qui etiam vltra annum nemini eam concedere debet, nisi maxima secularium sacerdotum esset penuria. Illos tamen excipimus, qui ob suam doctrinam, & maiorem nostrarum Dioecesium vtilitatem, ab Ordinarijs in theologos, siue in diuersarum Ecclesiarum assumuntur Prædicatores, quibus, ob maius & publicum bonum, facultas & licentia conceditur, ad iussum & beneplacitum suorum Ordinariorum, extra sua monasteria commorandi: ita tamen vt tales se in omnibus exhibeant, quales eorum requirit & postulat professio, ne nomen Domini propter ipsos blasphemetur: reliquis autem omnibus prorsus denegetur.

*Monachos Ecclesijs monasterio unitis, siue commendatis, ministrare posse, dummodò regulariter ibidem uiuant.*

## Cap. XIII.

**I**Nter hæc autem, Parochiales non intelliguntur Ecclesiæ, quæ monasterijs sunt annexæ, siue vnitæ, penes quas domunculæ habentur claustrales, in quibus, sicut & in monasterijs, quorum sunt membra, à pluribus conuentualibus, ibidem habitantibus, viuunt regulariter: quibus Parochialibus Ecclesijs liberè possunt Præfecti monasteriorum, quibus sunt incorporatæ, quoscumq; ex suis subditis idoneos, prius tamen ab Ordinario examinatos, & approbatos præficere: dummodò tales deputati, cum suis confratribus, in eadem cohabitent mansione, omniaque cum eis habeant cōmunia. Alijs verò Ecclesijs Parochialibus, siue aliter beneficiatis, in quarum domibus nulla hætenus

hactenus fuit vſitata vitæ regularis obſervantia, licet earum collationes diuerſis ſpectent Monasteriorem Prælatiſ; attamen nolumus quemquam ſuorum monasteriorum, ſiue aliorum religioſum præfici poſſe: niſi quemadmodum dictum eſt ſuperius de alijs Eccleſijs, in caſu neceſſitatis, & tunc etiam obſervatis omnibus ibidē notatis.

*Monachum ad Parochiæ curam ob ſecularium ſacerdotum defectum admiſſum, habere debere conſortem, tanq̃ vitæ inſpectorem ac teſtem, niſi fratrum penuria aliud facere cogeret.*

**O**Rdinamus inſuper & ſtatuimus, quotieſcumq; neceſſitas expoſtulauerit alicui Parochiali Eccleſiæ de aliquo religioſo prouidendum eſſe, prouideatur quidem, ſed de licentia ſui ſuperioris, & ad tempus, & hac quoq; conditione, vt nullus (niſi fratrum penuria aliud facere cogeret) abſq; ſocio ſui ordinis eidem Eccleſiæ præficiatur: vt alter alterius vitæ teſtis bonus, ac æmulator, nec non & vterq; inſimul communis profeſſionis Zelator eſſe, atque ea quæ ſux ſunt religionis obſervare poſſit. Hi verò qui Eccleſijs Parochialibus in caſu neceſſitatis, præficiendi ſunt religioſi, procurent Prælati, & maxime Ordinarii, vt omnino idonei, maturi, docti, honeſti ſint, & exemplares, & quouſq; in hoc perfeuerauerint ſtatu, quantum poſſibilitas permittit, boni & diligentes vitæ regularis obſervatores. Cum enim religioſi erga Deum & Eccleſiam ſe magis aſtrinxerint, quàm ceteri præſtiterint Clerici, ideo ſi errauerint, magis nocent, ſi deliquerint, magis offendunt, & ſcandalizant: Si extra regulam ceſſerint, magis damnabuntur: quorum omnium Prælati, ſi debitam curam nō habuerint, exactam Altifſimo reddent rationem.

Cap. XV.

Monachos

*Monachos extra Monasterium in Parochijs, uel alibi degentes, habitu regulari & aperto semper uti debere, nisi aliqua rationabilis causa aliter postulauerit, ab Ordinario approbanda &c.*

Cap. XVI.

Ex Conc. Tridentino Sess. 25. c. 15. de regularib. & monial.

1. Corinth. 9.

**A**Dmonere quoque volumus omnes tales religiosos ad Ecclesiarum curam, siue ad quidpiam aliud Ecclesiæ Catholicæ uilile exercendum, per tempus aliquod ab Ordinarijs suis Episcopis, de suorum Prælatorum consensu vocatos, ne eo tempore, quemadmodum neque aliàs unquam illis licet, religionis suæ, quam professi sunt, habitum deponant, nisi sacrorum Canonum pœnas uelint incurrere. Et si qui deposuerunt, immediatè recipiant sub alijs pœnis, præter illas, quæ à sanctis Canonibus sunt decretæ, à suis Ordinarijs imponendis. Quem habitum neque in abscondito, sed palàm ferre debent, (neminem enim eius debet puduisse, cuius honorem, & emolumentum habet) ita quòd neque ipsi talem usurpabunt auctoritatem, neque à suis superioribus, cuiquam eorum regularium dabitur licentia occultè ferendi habitum suæ religionis: nisi in longinquis & periculosis itineribus ex obedientia obeundis, uel si oportuerit eos in curijs Principum, ob magni momenti negocia aliquamdiu cōmorari, tūc haud incommode, sed penè necessaria dispensatione id concedetur, isthac tamen conditione, & moderatione, ut super habitum Ordinis, qui integer debet esse, vestem clericalem possit deferre. Et hoc non in gratiam ipsorum religiosorum, sed ad maiorem fructum pusillorum. Nam & Apostolus Paulus cum infirmis facius est infirmus, ut infirmos lucrificaret. Hinc sanctiss. Christi martyr Sebastianus propterea sub chlamide terreni imperij, Christi militiam gerebat absconditam, ut Christianorum animos in tormentis deficientes, fortiter, & sanctè in fide confirmaret, & ita martyrium constanter subirent.

*Monachos*



*Monachos ex strictiori se non posse conferre ad laxiorem ordinem, nisi à sancta Sede obtenta facultate.*

**A** Lij verò sunt vtriusque sexus religiosi, qui vt suorum Cap. XVII.  
 Prælatorum subterfugiant obedientiam, & maiorem  
 adipiscantur libertatem, Religione sua cum habitu, pro-  
 pria audacia & temeritate, relicta, contra omnes sacro-  
 rum Canonum sanctiones, laxiorem ingrediuntur Ordin-  
 em, quibus volentes obuiare, atque eorum conscientia  
 consulere, præsertim vt & sacro Tridentino Concilio Conc. Trid.  
 pareamus; mandamus sub pœna condigna cuicumq; vtri-  
 usque sexus religioso, ne etiam cuiuscumq; facultatis vi-  
 gore, absq; sanctæ sedis Apostolicæ cōcessione, ad laxio-  
 rem transferatur religionem: Cui Decreto si quis teme-  
 rarius contrafecerit, statuimus, vt habitu transmutato, ad  
 suum professionis ordinem captiuus reducat, & secun-  
 dùm Canones puniatur, & in carceribus vsq; ad sui Ordī-  
 narij beneplacitum detineatur, nec liberandus, nisi opti-  
 mam suæ emendationis dederit expectationem.

*De religiosis, siue in habitu, seu absq; desertoribus, ad  
 curam animarum non admittendis.*

**A** Lij autem sunt, qui postposito prorsus ferè Dei timo- Cap. XVIII.  
 re, absq; sanctæ sedis Apostolicæ, vel suorum Ordī-  
 narium autoritate, & suorum Prælatorum licentiâ, ex-  
 tra obedientie iugum, & ordinis sui obseruantiam, partim  
 in habitu, partim habitu cum Religione reiecto, degentes,  
 magna ex parte mulieribus, matrimoniali fure, se copu-  
 lantes, regimini se intromittunt Ecclesiarum, Sacramenta  
 cōficiūt, & populo administrant, quod auditu est horrendū,  
 cū sint excommunicati, & Sacramentorum omnium  
 administratione destituti. Confessiones audiunt, cum ab-  
 soluendi potestatem non habeant, multis modis populū  
 decipiē-

decipientes, & seipfos censuris grauioribus illaqueantes: Nonnunquam etiam falsa dogmata disseminantes, quos cum animaduertimus esse Diaboli quædam instrumenta, quibus Ecclesiastica disciplina subuertatur, & pietatis prætenta specie, tam sibi, quam populo perniciem adferre: omnibus & singulis cuiuscumque sint gradus, dignitatis, præminentie, & conditionis, in nostra Prouincia commorantibus, mandamus & præcipimus, sub anathematis vinculo, ne quispiam tales, non solum Ecclesiæ regimini, aut Sacramentorum administrationi, siue sacramentorum Missarum celebrationi admoueat, vel retineat: sed neque suscipiat, foueat, aut eis quicquam subsidij conferat, vel auxilium quomodo cumque præstet: nisi in his quæ charitatis necessitas postulauerit. Alia ex parte, omnes quantum possumus rogamus atque obsecramus, ut potius huiusmodi apostatas, ad poenitentiam, & ad reditum in sua monasteria adhortari velint. Quod ut fiat, Ordinarij locorum omnem mouebunt lapidem.

*Apostatas à nullo, præsertim in dignitate constituto, tolerari, nullo minus foueri debere.*

Cap. XIX.

Sicut enim plerumque monasteriorum Prælati in culpa sunt, quod utriusque sexus religiosi, monachi, ac regulares Canonici, à suis apostatauerint ordinibus: ita non possumus, præsertim Ordinarios, aliosque Pastores, & Parochos omnino excusare, quin eorum etiam culpa elapsi non redierint. Nisi enim ipsi in nostris Diocesibus & Ecclesijs fuissent tolerati, atque etiam à multis ipsorum, in suam damnationem, ad diuina exerecenda admissi, haud quaquam à suis tam diu abfuissent monasterijs. Cum autem apostate in sua nequaquam sint apostasia ferendi, quandoquidem (ut sapiens dicit) Homo apostata, vir inutilis, graditur ore peruerso, annuit oculis, terit pede, digito loquitur,

Proverb. 6.

quitur, prauo corde machinatur malum, & omni tempore iurgia seminat, huic extemplo veniet perditio sua, & subito conteretur, nec habebit ultra medicinam: Et cum apostasia plerumque cum hæresi coniuncta sit, ideò sacratiss.  
I. eos qui c. de Apostatis,  
 Impp. Valentinianus, & Martianus eiusmodi malefactorios homines, non solum omnibus pœnis, quæ legibus aduersus hæreticos constitutæ sunt, teneri, verum etiã extra Romani Imperij solum repelli voluerunt. Quis igitur non intelligit etiam sine iactura populi Christiani, hoc genus hominum tolerari non posse.

*Ut apostatæ sub pœna excommunicationis latæ sententiæ &c. ad sua monasteria in spatio duorum mensium proximorum, & presentium publicatione, redeant.*

**Q**uamuis autem contra Apostatas, suisq; ordinis deferrores, tanquam contra excommunicatos, nec non ob celebrationem sacrorum mysteriorum, & ministracionem Sacramentorum, in excommunicatione, sicut contra irregulares hætenus obstinatos, & contumaces, secundum vtriusq; Iuris sanctiones, ad pœnas Canonicas procedere possemus: nihilominus cupientes magis in spiritu lenitatis, quàm vindictæ, cum illis incedere; ideò eos omnes, & singulos, cuiuscumq; ordinis vtriusq; sexus professos, monachos videlicet, & Canonicos regulares, nec non & moniales, qui absq; speciali sedis Apostolicæ, & eo quidem  
Cap. XX.  
c. 1. & c. 2 nobis extra de Apostat. & l. eos.  
Qui. c. eod. tit.  
 sufficenti indulto, ac concessione, aut suorum Prælatorum canonica licentia, & consensu (quorum legalitatem iudicare & examinare nobis, & Coëpiscopis nostris reservamus) in Prouincia nostra extra sua monasteria ministrant, habitant, & viuunt, auctoritate nostra Metropolitana, & ordinaria, requirimus, & ipsis, atque eorum cuilibet sub  
 Aa 2 pœna

pœna excommunicationis latæ sententiæ, & quam in his scriptis ferimus, mandamus, vt in spatio duorum mensium proximorum post præsentium publicationem, sese ad sua monasteria recipiant, suis Prælatiis, sicut tenentur, obediunt: à ministerij tamen Ecclesiastici, quod ratione ordinis, quem habent, ipsis incumbit, exercitio, donec absoluti, atq; cum ipsis legitime dispensatum fuerit, abstineant, ac superioris sui pœnam debitam canonicam & regularem sustineant, & quilibet eorum suscipiat. Ne tamen isti iam elapsi forsitan pœnæ formidine, & quod timuerint pœnam duriores futuram, quàm regula tradat, & Canones imponant, simul ac futuris casibus providendo, renouamus statutum quoddam antiquum ea in re multum commodum, in hæc verba quæ sequuntur:

*Pœnitentes quando mereantur ueniam, & quomodo sint suscipiendi.*

Cap. XXI.

**E**T si contra monachos, & regulares Canonicos, & moniales, de suis claustris, propter aliquos enormes excessus, aut animi leuitate, temere fugientes, in seculo seculariter per aliquot temporum spatia conuersantes, & tandem pœnitentiæ ducti, ad claustra, de quibus profugere præsumperant, humiliter redire volentes, certæ & variæ pœnæ, iuxta qualitatem & quantitatem excedentium, à sanctis Patribus sint statutæ: Quidam tamen Abbates, & Abbatissæ, ac cæteri magistratus, pœnis, sacris Canonibus, siue in sui ordinis regula, contra huiusmodi profugas personas expressis, non existentes contenti, gratiores & quasi importabiles pœnas ipsis in sui reuersione imponere non verentur, vel (quod deterius est) easdem personas, quantumcumq; humiliter postulantes aditum ad sua claustra, de quibus taliter exiuerunt, admittere vnanimiter contradicunt. Cum igitur iuxta sacrorum Canonum diuersas

diuerſas auctoritates, pœnæ non ampliandæ, ſed potius ſint reſtringendæ, & longè ſecurius ſit, de miſericordiâ quàm crudelitâte reddere rationem; cùm etiâ dominus per os prophetæ pollicitus ſit, dicens, Peccator in quacumq; hora conuerſus fuerit, & ingemuerit, omnium iniquitatum ſuarum amplius minime recordabor: Noſque aduertentes quòd ubi paterfamiliâs largus diſpenſator exiſtit, non decet familiam eſſe tenacem, ideo vt peccandi venia, & occaſio peius aliquid faciendi perſonis talibus præcludatur, prouida deliberatione huius ſacri Concilij decreuiſimus ſtatuendum, & ſub pœna ſuſpenſionis vniuerſis Abbatibus, Abbatiffis, & cæteris monaſticis magiſtratibus, cuiuſcumque ordinis, vel conditionis exiſtant, aut quocumq; nomine appellentur, iniungimus firmiter, & diſtrictè, vt ſuis fratribus, & ſororibus, in apoſtaſiæ labem, ex quacumq; cauſa prolapiſis, deſiderantibus ac petentibus cum humilitate & deuotione regreſſum, ſinum miſericordiæ, quem ſancta mater Eccleſia nulli pœnitenti claudere conſueuit, more pij patrisfamiliâs, qui filium primò prodigum & poſt modum pœnitentem, paternè recepit, liberaliter ſtudeant aperire: ita quòd huiusmodi perſonas redire ad ſua clauſtra volentes, quantumcumq; eorum exceſſus graues fuerint, vel enormes, iuxta cuiuſlibet ordinis diſciplinam, ſue regulam, & conſuetudinem obſeruata, ſine qualibet contradicſione recipiant, & admittant, ita tamen quòd propter exceſſus, nec victus, nec veſtitus ſubtrahatur eiſdem, ſed aliâs, ſicut prædiximus, regulariter puniantur, alioquin prædictam ſuſpenſionis ſententiam, per Ordinarios locorum, ſeu Officiales eorū, in omnes cōtradictores, procedente tempore, iuxta quod eorum proteruia meruerit, præcipimus promulgari.

*De his qui ob diffidentiam ad ſua Monasteria  
redire pertineſcunt.*

terpretatione.  
l. reſpiciendum  
l. hodie. ff. de  
pœn. & l. factū  
cuiq; §. 6. ff. de  
reg. iur.

Ezech. 18.  
c. alligant. 26.  
q. 7. & d. 50. c.  
ponderet in ſi.  
& c. ij. extra de  
Sortileg.

Tex. in l. vlt. §.  
æquum c. de  
ſum. trin. &  
ſid. cath.  
Luc. 15.

Cap. XXII.

**C**Au autem, quo aliqui, nec prædicto statuto contenti, aut suis Prælati ex aliquibus causis fortè diffident, hisce omnibus & singulis iniungimus, quòd quilibet in præfato duorum mensium spatio sese suo Episcopo & Ordinario præsentet, causas suæ apostasiæ, ac diffidentiae erga suum Prælatum, fideliter, & verè exponat, qui exinde cognitis causis, atq; à Præfato, si opus fuerit, informatione sumpta, quod iustum fuerit inter ipsos iudicabit.

*De pœna & processu perseverantium in apostasia.*

Cap. XXIII.

**S**I verò aliqui tam duræ cervicis, & obstinati perseveraverint, quòd neq; suis se præsentare voluerint Episcopis, nec ad sua redire monasteria, vel si se præsentaverint, decretis ipsorum atq; mandatis contumaciter obedire renuunt, tales omnes & singulos excommunicationis sententia innodatos, à nostra Prouincia perpetuò decernimus excludi, ita quòd ad Prælatorum instantiam, etiam singuli Episcopi nostræ Prouinciæ, ipsis literas ad Archiepiscopos, vel Episcopos aliarum Prouinciarum, vbicumque Apostatæ illi detinentur, impertiantur, vt eorum delicta & censura, quibus fuerint innodati, cunctis manifestentur & innotescant.

*Ne quis Apostatas occultet, uel domo excipiat.*

Cap. XXIII.

**C**Æterum vt talem detestandæ apostasiæ pestem ex nostra penitus propellamus Prouincia, mandamus & præcipimus omnibus & singulis Abbatibus, Præpositis, Decanis, Prioribus, Abbatissis, Priorissis, Capitulis, omnibusq; sacerdotibus, curatis, & non curatis, atq; quarumlibet Ecclesiarum, siue Capellarum Præfectis, seu illarum curam habentibus, nec non & Patronis Laicis, Comitibus, Baronibus, Equitibus, Nobilibus, alijsq; quibuscumque per Prouinciam nostram vbilibet constitutis: Ecclesiasticis



fiasticis quidem personis, sub pœna excommunicationis, Laicis verò sub amissione iurium patronatus, & aliorum Ecclesiasticorum iurium, pro vna vice, atq; pœna & inhibitione ingressus Ecclesiæ ad duos menses: ne tales apostatas penes se vltra octo dies, post lapsum duorum mensium premissorum, scienter detineant, nec alios, quocumque tempore infuturum, vel ad status, Capellanas, aut qualemcumque functionem Ecclesiasticam recipiant. Patroni Laici tales in suos Capellanos non conducant, non Ecclesias, Capellas, beneficia, vel altaria providenda committant: Sed à talibus, nisi ab Ordinarijs, & Episcopis, atque Prælatiis suis habeant literas admissionis, siue testimoniales, quomodolibet intertenendis omnino abstineant, alioqui contra transgressores, Nos, cæteri que Episcopi nostræ Prouinciæ, aut Officiales nostri, ad dictas pœnas iustitia mediante, procedemus.

*De Castitate, quæ est alterum monasticorum fundamentum, ad quam utriusq; sexus religiosi apprimè exhortantur amplexandam atq; conseruandam.*

**S**ubstantialis monasticæ professionis hoc vnum pariter est, Castitatis conseruatio, quæ D. Augustino teste, per edomitas vitiorum furias, munda & honesta totius corporis habitudo, & vt alio loco dicit, Virtus est, quæ sub iugo rationis impetum libidinis refrenat. Cùm enim vt Iustinianus in suis authenticis dicit, Deus præcipuè suorum sacerdotum puritatem quærat, & in sacris ordinationibus nihil perindè diligendum, quàm castè viuentes, & ipsam castitatem eligentes, primum principium, & fundamentum manifestum, secundum diuinas regulas, & residuæ virtutis constitutam: meritò Apostolus Paulus discipulum suum ad castitatem hortatur; id quod omnes Clerici, in primis

Cap. x x v.

§. si quis autē.  
Auth. Quom.  
oport. Episc. &  
§. hæc autem.  
auth. eod. tit.  
& c. causam, in  
glos. ult. in  
prin. extra de  
probat.

1. Timoth. 5.

in primis verò Monachi, ad se spectare sciant: qui etiam plurimis exemplis, & scripturis præterea à nobis commonefaciendi essent: sed cum superius in Constitutione de disciplina, vita, honestate, & moribus Clericorum, satisq; in communis cum alijs Clericis, ipsis vtriusque sexus religiosi, quæ ad hoc castitatis munus spectant, sint præscripta: idcirco hic immorari diutius nolumus, ne id ipsum cum tædio repetatur: Omnes tamē Canonicos regulares, monachos; & moniales, admonere volumus, vt huius ipsorum voti; quod est secunda basis cuiusq; professionis, meminisse velint, & illa quæ supra circa hoc constituta & tradita sunt, oblivioni mandare nolint. Nam si secularis Clericus propter sacros characteres, quibus est initiatus, hæc ille servare tenetur: quantò magis religiosus, qui non solum in sacris est constitutus, sed & voluntaria promissione solemniter, publice, in conspectu Ecclesiæ, suam omnem Deo consecravit ac spopondit mentis, corporisq; munditiam, & castitatem, ea ipsa præstare astringitur: Quod si non præstiterit, multò magis profectò Deum offendit & mundū, quàm Clericus secularis, ex consequenti acerbius plectendus. Qua pœna non multò minus & reliqui transgressores vtriusque sexus religiosi professi sunt afficiendi, licet in sacris non sint constituti: quia professio maiorem ferè vim habet obligationis, quàm sacer ordo, eò quòd illa expresse, hic verò implicite tantum Deo promittit castitatem. Quicquid enim Deo libera mente promittitur, siue exhibetur, nullo pacto est reuocandum, neq; defraudandum, melius enim foret omnino non vovisse, quàm votum non præstitisse. Si quis virorum (inquit Dominus) votum voverit Domino, aut iuramento se constrinxerit, non faciet irritum verbū suum: sed omnē quod promisit, implebit. Item vidua & repudiata, quicquid voverit, reddet. Et alibi: Cùm votum voveris Domino Deo tuo, non tardabis reddere, quia requirer illud

Dominus

C. quod Deo.  
33. q. 5. & 17. q.  
1. c. Ananias. &  
c. sunt quedam  
& c.  
11. q. 1. c. sci-  
mus, in fi.  
Num. 3.  
Deut. 25.

Dominus Deus tuus. Et si moratus fueris, reputabitur tibi in peccatum. Si nolueris polliceri, absque peccato eris. Ruina est enim homini (ait Sapiens) deuorare sanctos, & post vota retractare. Considerent ergo vtriusq; sexus religiosi, in quo statu sint, & quid Deo promiserint, nec non & Christi sententiæ meminerint dicentis: Nemo mittens manum suam ad aratrum, & respiciens retrò, aptus est regno Dei: quia si retrò respicientes, regno Dei non sunt apti, multò minus erunt digni, qui ex toto retrò conuertuntur, Satanam sequentes, de quibus etiam ait Apostolus: Quædam conuersæ sunt retrò post Satanam.

Prouerb. 10.

Luc. 9.

1. Timoth. 5.

*Vi fœminæ abstineant à monasterijs uiro-  
rum.*

**V**T autem tollatur in hoc castitatis voto, peccandi occasio, quæ apud effœminatos quosdam hæcenus non infrequens fuit, mandamus ne in monasterijs religiosorum uiro-  
rum, sub qualicumque prætextu, seu colore, mulier retineatur: sed in omnibus suis officijs, viri habeantur, neq; cuiquam mulieri, claustrum concedatur ingressus, sub pœna superius in Clericos concubinarios descripta, insinuando etiam excommunicationem à sum. Pont. Pio V. esse institutam contra mulieres claustra uiro-  
rum ingre-  
dientes.

Cap. XXVI.

*Quomodo circa fœminarũ ministeria se gerere debeant,  
qui Parochiales administrant Ecclesias.*

**Q**Vando verò necessitate postulante, aliqui religiosi, iussu Episcopi sui, Ecclesijs Parochialibus, vel alijs officijs extra monasteria præficiuntur, & opere multèbri, propter rem domesticam, vti in Parochialibus, præsertim ruralibus est Ecclesijs, carere haud possunt, tunc modum reliquis Clericis sacerdotibus, maxime Parochis, præscriptum, omnino sub eadem pœna obseruabunt.

Cap. XXVII.

ministeria desides, sed alijs omnibus derelictis, Dei omnipotentis ministerijs adhercant. Nos itaq; delinquendi occasiones, quantū possumus, amputare volentes, & vtriusque partis, Prælatorum scilicet, & subditorum saluti, atq; monasteriorum (quæ ea de re coruunt) necessitati consulere cupientes, de voluntate & iudicio nostrorum Coëpiscoporum, atque cæterorum Prælatorum, hac in Synodo nostra Prouinciali congregatorum, omnibus & singulis Abbatibus, Præpositis, Decanis, Prioribus, cæterisq; monasteriorū Prælati, & Præsilibus, per Prouinciam Saltzburgeñ. vbilibet constitutis, Ordinariorum tamen iurisdictioni duntaxat subiectis, in virtute sanctæ obedientiæ, atq; inflictione dignarum pœnarum, quas nostro, & cuiuslibet Coëpiscoporum nostrorum arbitrio in sua Diocesi referuantes, mandamus, ne alicui fratri, aut conuentuali, siuè Canonico, siuè monasterij professo, in posterum ex quibuscumque causis, licentiam se transferendi extra locum, & monasterium professionis suæ, ad alium locum seu Monasterium, non tamen alterius ordinis, concedat, sine sui Episcopi & Ordinarij expressa voluntate & consensu. Speramus etenim fore, quod per hoc medium Prælati monasteriorum sint à suis fratribus conuentualibus & canonicis maiorem habituri subiectionem & obedientiam; Sicut etiam circa Prælatos monasteriorum ne personæ in alia loca transferantur statuimus, ita volumus etiam in monasterijs monialium per omnia obseruari, vt nulla persona ibi regulam professa, sine voluntate & consensu sui Episcopi, ad cuiuscumq; instantiam, vel ex quacumq; causa, in alium locum regularem, non tamen alterius ordinis transferatur.

*Ut religiosi, qui etiam cum bona Superiorum uenia aliquandiu extra monasterium fuere, illuc se recipient, & qui sui Ordinis habitum temerè deposuerunt, acerrimè puniantur. Si qui uerò aliquam prætenderint legitimā extrā adhuc commorandi causam, Ordinarijs suis legendam atq; approbandam exhibeant.*

**S**I qui verò sunt religiosi, qui in in præsentiarum quomodocumque extra monasteria commorandi à suis licentiam habent monasteriorum Prælati (quorum non paruum credimus per nostram Prouinciā esse numerū) eos per præsentem nostram Constitutionem certos facimus, nos huiusmodi omnium & singulorum qualemcumque abrogasse, & reuocasse licentiam, ipsis sub pœna carceris, & alia à suis Ordinarijs Episcopis, iuxta demeritiā imponenda, ut infra vnus mensis spatium, ab harū publicatione, ad sua monasteria, restitutis primò Collatoribus beneficijs, si quæ illis sunt cōmmodata, sine mora redeant, ibiq; sub Prælatorum suorum obedientia uiuant, & perseuerent. Et hi puniri debent acerrimè, qui sui Ordinis habitum deposuerunt temerè, memores vulgatissimi apud nos Germanos proverbij: Aut proterumā, aut insigniter ignauam pecudem esse debere, quæ velleris sui gerendi fastidium occipit. Si verò quispiam rationabilem & urgentem emanendi prætenderit causam, is eandem, cum literis sui Prælati testimonialibus, discutiendam suo præsentabit Ordinario. Cap. XII.

*Quando, & quandiu liceat Monachis propter administrationem Parochialem abesse à Monasterijs.*

**N**on prohibemus tamen quin cuiuscumq; monasterij Prælatus in casu necessitatis possit per tempus aliquod Cap. XIII.

quod cuiumq; Parocho, vel qualicumq; Ecclesiæ ex suis claustralibus vnum, vel plures concedere, nam hoc charitas expostulat, ita tamen vt tempus illud mensem vnum, aut tres ad summum non excedat: Et si necessitas id longius exigeret, facultas ab Ordinario Episcopo impetretur, qui etiam vltra annum nemini eam concedere debet, nisi maxima secularium sacerdotum esset penuria. Illos tamen excipimus, qui ob suam doctrinam, & maiorem nostrarum Diocesium vtilitatem, ab Ordinarijs in theologos, siue in diuersarum Ecclesiarum assumuntur Prædicatores, quibus, ob maius & publicum bonum, facultas & licentia conceditur, ad iussum & beneplacitum suorum Ordinariorum, extra sua monasteria commorandi: ita tamen vt tales se in omnibus exhibeant, quales eorum requirit & postulat professio, ne nomen Domini propter ipsos blasphemetur: reliquis autem omnibus prorsus denegetur.

*Monachos Ecclesijs monasterio unitis, siue commendatis, ministrare posse, dummodò regulariter ibidem uiuant.*

Cap. XIII.

**I**Nter hæc autem, Parochiales non intelliguntur Ecclesiæ, quæ monasterijs sunt annexæ, siue vnitæ, penes quas domunculæ habentur claustrales, in quibus, sicut & in monasterijs, quorum sunt membra, à pluribus conuentualibus, ibidem habitantibus, viuunt regulariter: quibus Parochialibus Ecclesijs liberè possunt Præfecti monasteriorum, quibus sunt incorporatæ, quoscumq; ex suis subditis idoneos, prius tamen ab Ordinario examinatos, & approbatos præficere: dummodò tales deputati, cum suis confratribus, in eadem cohabitent mansione, omniaque cum eis habeant cōmunia. Alijs verò Ecclesijs Parochialibus, siue aliter beneficiatis, in quarum domibus nulla hæcenus



hactenus fuit vſitata vitæ regularis obſervantia, licet earum collationes diuerſis ſpectent Monasteriorem Prælatiſ: attamen nolumus quemquam ſuorum monasteriorum, ſiue aliorum religioſum præfici poſſe: niſi quemadmodum dictum eſt ſuperius de alijs Eccleſijs, in caſu neceſſitatis, & tunc etiam obſervatis omnibus ibidē notatis.

*Monachum ad Parochiæ curam ob ſeculærium ſacerdotum defectum admiſſum, habere debere conſortem, tanq̃ vitæ inſpectorem ac teſtem, niſi fratrum penuria aliud facere cogeret.*

**O**rdinamus inſuper & ſtatuimus, quotieſcumq̃ neceſſitas expoſtulauerit alicui Parochiali Eccleſiæ de aliquo religioſo prouidendum eſſe, prouideatur quidem, ſed de licentia ſui ſuperioris, & ad tempus, & hac quoq̃ conditione, vt nullus (niſi fratrum penuria aliud facere cogeret) abſq̃ ſocio ſui ordinis eidem Eccleſiæ præficiatur: vt alter alterius vitæ teſtis bonus, ac æmulator, nec non & vterq̃ inſimul communis profeſſionis Zelator eſſe, atque ea quæ ſuæ ſunt religionis obſervare poſſit. Hi verò qui Eccleſijs Parochialibus in caſu neceſſitatis, præficiendi ſunt religioſi, procurent Prælati, & maxime Ordinarij, vt omnino idonei, maturi, docti, honeſti ſint, & exemplares, & quouſq̃ in hoc perſeuerauerint ſtatu, quantum poſſibilitas permittit, boni & diligentes vitæ regularis obſervatores. Cum enim religioſi erga Deum & Eccleſiam ſe magis aſtrinxerint, quàm cateri præſtiterint Clerici, ideo ſi errauerint, magis nocent, ſi deliquerint, magis offendunt, & ſcandalizant: Si extra regulam ceſſerint, magis damnabuntur: quorum omnium Prælati, ſi debitam curam nō habuerint, exactam Altifſimo reddent rationem.

Cap. XV.

*Monachos*

*Monachos extra Monasterium in Parochijs, uel alibi  
degentes, habitu regulari & aperto semper uti debere,  
nisi aliqua rationabilis causa aliter postulaue-  
rit, ab Ordinario approbanda &c.*

Cap. XVI.

Ex Conc. Tri-  
dentino Sess.  
25. c. 15. de re-  
gularib. & mo-  
nial.

**A**Dmonere quoque volumus omnes tales religiosos ad  
Ecclesiarum curam, siue ad quidpiam aliud Ecclesiæ  
Catholicæ vtile exercendum, per tempus aliquod ab Or-  
dinarijs suis Episcopis, de suorum Prælatorum consensu  
vocatos, ne eo tempore, quemadmodum neque aliàs vn-  
quam illis licet, religionis suæ, quam professi sunt, habi-  
tum deponant, nisi sacrorum Canonum pœnas velint in-  
currere. Et si qui deposuerunt, immediatè recipiant sub  
alijs pœnis, præter illas, quæ à sanctis Canonibus sunt de-  
cretæ, à suis Ordinarijs imponendis. Quem habitum neque  
in abscondito, sed palàm ferre debent, (neminem enim  
eius debet puduisse, cuius honorem, & emolumentum  
habet) ita quòd neque ipsi talem vsurpabunt auctoritatem,  
neque à suis superioribus, cuiquam eorum regularium da-  
bitur licentià occultè ferendi habitum suæ religionis: ni-  
si in longinquis & periculosis itineribus ex obedientia  
obeundis, vel si oportuerit eos in curijs Principum, ob  
magni momenti negocia aliquandiu cōmorari, tūc haud  
incommodè, sed penè necessaria dispensatione id conce-  
detur, isthac tamen conditione, & moderatione, vt super  
habitum Ordinis, qui integer debet esse, vestem clerica-  
lem possit deferre. Et hoc non in gratiam ipsorum religio-  
sorum, sed ad maiorem fructum pusillorum. Nam & Apo-  
stolus Paulus cum infirmis factus est infirmus, vt infir-  
mos lucrificeret. Hinc sanctiss. Christi martyr Sebastia-  
nus propterea sub chlamide terreni imperij, Christi mili-  
tiam gerebat absconditam, vt Christianorum animos in  
tormentis deficientes, fortiter, & sanctè in fide confirma-  
ret, & ita martyrium constanter subirent.

*Monachos*

1. Corinth. 9.

*Monachos ex strictiori se non posse conferre ad laxiorem ordinem, nisi à sancta Sede obtenta facultate.*

**A** Lij verò sunt vtriusque sexus religiosi, qui vt suorum Cap. XVII.  
 Prælatorum subterfugiant obedientiam, & maiorem  
 adipiscantur libertatem, Religione sua cum habitu, pro-  
 pria audacia & temeritate, relicta, contra omnes sacro-  
 rum Canonum sanctiones, laxiorem ingrediuntur Ordī-  
 nem, quibus volentes obuiare, atque eorum conscientie  
 consulere, præsertim vt & sacro Tridentino Concilio Conc. Trid.  
 pareamus; mandamus sub pœna condigna cuiuscumq; vtri-  
 usque sexus religioso, ne etiam cuiuscumq; facultatis vi-  
 gore, absq; sanctæ sedis Apostolicæ cōcessione, ad laxio-  
 rem transferatur religionem: Cui Decreto si quis teme-  
 rarius contraxerit, statuimus, vt habitu transmutato, ad  
 suum professionis ordinem captius reducat, & secun-  
 dum Canones puniatur, & in carceribus vsq; ad sui Ordī-  
 narij beneplacitum detineatur, nec liberandus, nisi opti-  
 mam suæ emendationis dederit expectationem.

*De religiosis, siue in habitu, seu absq; desertoribus, ad  
 curam animarum non admittendis.*

**A** Lij autem sunt, qui postposito prorsus ferè Dei timo- Cap. XVIII.  
 re, absq; sanctæ sedis Apostolicæ, vel suorum Ordī-  
 narium authoritate, & suorum Prælatorum licentiâ, ex-  
 tra obedientie iugum, & ordinis sui obseruantiam, partim  
 in habitu, partim habitu cum Religione reiecto, degentes,  
 magna ex parte mulieribus, matrimoniali iure, se copu-  
 lantes, regimini se intromittunt Ecclesiarum, Sacramenta  
 cōficiunt, & populo administrant, quod auditu est horren-  
 dū, cum sint excommunicati, & Sacramentorum omnium  
 administratione destituti. Confessiones audiunt, cum ab-  
 soluendi potestatem non habeant, multis modis populū  
 Aa decipien-

Ex ultimo Cō-  
 cilio Colon. c.  
 De monachis  
 qui extra obe-  
 dientiam,

decipientes, & seipsos censuris grauioribus illaqueantes; Nonnunquam etiam falsa dogmata disseminantes, quos cum animaduuerterimus esse Diaboli quædam instrumenta, quibus Ecclesiastica disciplina subuertatur, & pietatis prætenta specie, tam sibi, quam populo perniciem adferre: omnibus & singulis cuiuscumque sint gradus, dignitatis, præminentie, & conditionis, in nostra Prouincia cominorantibus, mandamus & præcipimus, sub anathematis vinculo, ne quispiam tales, non solum Ecclesiarum regimini, aut Sacramentorum administrationi, siue sacrarum Missarum celebrationi admoueat, vel retineat: sed neque suscipiat, foueat, aut eis quicquam subsidij conferat, vel auxilium quomodocumque præstet: nisi in his quæ charitatis necessitas postulauerit. Alia ex parte, omnes quantum possumus rogamus atque obsecramus, vt potius huiusmodi apostatas, ad pœnitentiam, & ad reditum in sua monasteria adhortari velint. Quod vt fiat, Ordinarij locorum omnem mouebunt lapidem.

*Apostatas à nullo, præsertim in dignitate constituto, tolerari, nullo minus foueri debere.*

Cap. XIX.

Sicut enim plerumque monasteriorum Prælati in culpa sunt, quod viriusque sexus religiosi, monachi, ac regulares Canonici, à suis apostatauerint ordinibus: ita non possumus, præsertim Ordinarios, aliosque Pastores, & Parochos omnino excusare, quin eorum etiam culpa elapsi non redierint. Nisi enim ipsi in nostris Diocesibus & Ecclesijs fuissent tolerati, atque etiam à multis ipsorum, in suam damnationem, ad diuina exercenda admissi, haud quaquam à suis tam diu abfuissent monasterijs. Cum autem apostate in sua nequaquam sint apostasia ferendi, quandoquidem (vt sapiens dicit) Homo apostata, vir inutilis, graditur ore peruerso, annuit oculis, terit pede, digito loquitur,

Proverb. 6.

quitur, prauo corde machinatur malum, & omni tempore iurgia seminat, huic extemplo veniet perditio sua, & subito conteretur, nec habebit ultra medicinam: Et cum apostasia plerumque cum hæresi coniuncta sit, ideò sacratiss. I. eos qui e. de Apostatis, Impp. Valentinianus, & Martianus eiusmodi malefieriatos homines, non solum omnibus pœnis, quæ legibus aduersus hæreticos constitutæ sunt, teneri, verum etiã extra Romani Imperij solum repelli voluerunt. Quis igitur non intelligit etiam sine iactura populi Christiani, hoc genus hominum tolerari non posse.

*Ut apostatæ sub pœna excommunicationis latæ sententiæ &c. ad sua monasteria in spatio duorum mensium proximorum, à presentium publicatione, redeant.*

**Q**uamuis autem contra Apostatas, suiq; ordinis desertores, tanquam contra excommunicatos, nec non ob celebrationem sacrorum mysteriorum, & ministrationem Sacramentorum, in excommunicatione, sicut contra irregulares hætenus obstinatos, & contumaces, secundum vtriusq; Iuris sanctiones, ad pœnas Canonicas procedere possemus: nihilominus cupientes magis in spiritu lenitatis, quàm vindictæ, cum illis incedere; ideò eos omnes, & singulos, cuiuscumq; ordinis vtriusq; sexus professos, monachos videlicet, & Canonicos regulares, nec non & moniales, qui absq; speciali sedis Apostolicæ, & eo quidem Cap. XX, c. 1. & c. 2 nobis extra de Apostat. & l. eos. sufficienti indulto, ac concessione, aut suorum Prælatorum canonica licentiâ, & consensu (quorum legalitatem iudicare & examinare nobis, & Coëpiscopis nostris reservamus) in Prouinciâ nostra extra sua monasteria ministrant, habitant, & viuunt, auctoritate nostra Metropolitana, & ordinaria, requirimus, & ipsis, atque eorum cuilibet sub Qui. c. eod. tit. Aa 2 pœna

pœna excommunicationis latæ sententiæ, & quam in his scriptis ferimus, mandamus, vt in spatio duorum mensium proximorum post præsentium publicationem, sese ad sua monasteria recipiant, suis Prælatiis, sicut tenentur, obediunt: à ministerij tamen Ecclesiastici, quod ratione ordinis, quem habent, ipsis incumbit, exercitio, donec absoluti, atq; cum ipsis legitime dispensatum fuerit, abstineant, ac superioris sui pœnam debitam canonicam & regularem sustineant, & quilibet eorum suscipiat. Ne tamen isti iam elapsi forsitan pœnæ formidine, & quod timuerint pœnam duriores futuram, quàm regula tradat, & Canones imponant, simul ac futuris casibus prouidendo, renouamus statutum quoddam antiquum ea in re multum commodum, in hæc verba quæ sequuntur:

*Pœnitentes quando mereantur ueniam, & quomodo sint suscipiendi.*

Cap. XXI.

**E**T si contra monachos, & regulares Canonicos, & moniales, de suis claustris, propter aliquos enormes excessus, aut animi leuitate, temere fugientes, in seculo seculariter per aliquot temporum spatia conuersantes, & tandem pœnitentia ducti, ad claustra, de quibus profugere præsumperant, humiliter redire volentes, certæ & variæ pœnæ, iuxta qualitatem & quantitatem excedentium, à sanctis Patribus sint statutæ: Quidam tamen Abbates, & Abbatissæ, ac cæteri magistratus, pœnis, sacris Canonibus, siue in sui ordinis regula, contra huiusmodi profugas personas expressis, non existentes contenti, grauiiores & quasi importabiles pœnas ipsis in sui reuersione imponere non verentur, vel (quod deterius est) easdem personas, quantumcumq; humiliter postulantes aditum ad sua claustra, de quibus taliter exiuerunt, admittere vnanimiter contradicunt. Cum igitur iuxta sacrorum Canonum diuersas

e. pœnæ de pœnitentia, dist. 1. l. in



diuerſas auctoritates, pœnæ non ampliandæ, ſed potius ſint reſtringendæ, & longè ſecurius ſit, de miſericordiâ quàm crudelitate reddere rationem; cùm etiam dominus per os prophetæ pollicitus ſit, dicens, Peccator in quacumq; hora conuerſus fuerit, & ingemuerit, omnium iniquitatum ſuarum ampliùs minime recordabor: Noſque aduertentes quòd ubi paterfamilias largus diſpenſator exiſtit, non decet familiam eſſe tenacem, ideò vt peccandi venia, & occaſio peius aliquid faciendi perſonis talibus præcludatur, prouida deliberatione huius ſacri Concilij decreuiſus ſtatuendum, & ſub pœna ſuſpenſionis vniuerſis Abbatibus, Abbatiffis, & cæteris monaſticis magiſtris, cuiuſcumque ordinis, vel conditionis exiſtant, aut quocumq; nomine appellentur, iniungimus firmiter, & diſtrictè, vt ſuis fratribus, & ſororibus, in apoſtaſiæ labem, ex quacumq; cauſa prolapsis, deſiderantibus ac petentibus cum humilitate & deuotione reſreſſum, ſinum miſericordiæ, quem ſancta mater Eccleſia nulli pœnitenti claudere conſueuit, more pij patrisfamilias, qui filium primò prodigum & poſt modum pœnitentem, paternè recepit, liberaliter ſtudeant aperire: ita quòd huiusmodi perſonas redire ad ſua clauſtra volentes, quantumcumq; eorum exceſſus graues fuerint, vel enormes, iuxta cuiuslibet ordinis diſciplinam, ſue regulam, & conſuetudinem obſeruatam, ſine qualibet contradicitione recipiant, & admittant, ita tamen quòd propter exceſſus, nec victus, nec veſtitus ſubtrahatur eiſdem, ſed aliàs, ſicut prædiximus, regulariter puniantur, alioquin prædictam ſuſpenſionis ſententiam, per Ordinarios locorum, ſeu Officiales eorū, in omnes cōtradictores, procedente tempore, iuxta quod eorum proteruita meruerit, præcipimus promulgari.

*De his qui ob diſſidentiam ad ſua Monaſteria  
redire pertimeſcunt.*

terpretatione.  
l. reſpiciendum  
l. hodie. ff. de  
pœn. & l. factū  
cuiq; §. ſi. ff. de  
reg. iur.

Ezech. 18.  
c. alligant. 26.  
q. 7. & d. 50. c.  
ponderet in ſi.  
& c. ij. extra de  
Sortileg.

Tex. in l. vi. §.  
æquum c. de  
ſum. trin. &  
ſid. cath.  
Luc. 15.

Cap. XXII.

**C**A su autem, quo aliqui, nec prædicto statuto contenti, aut suis Prælati ex aliquibus causis fortè diffident, hisce omnibus & singulis iniungimus, quòd quilibet in præfato duorum mensium spatio sese suo Episcopo & Ordinario præsentet, causas suæ apostasiæ, ac diffidentiae erga suum Prælatum, fideliter, & verè exponat, qui exinde cognitis causis, atq; à Prælato, si opus fuerit, informatione sumpta, quod iustum fuerit inter ipsos iudicabit.

*De pœna & processu perseverantium in apostasia.*

Cap. XXIII.

**S**I verò aliqui tam duræ cervicis, & obstinati perseveraverint, quòd neq; suis se præsentare voluerint Episcopis, nec ad sua redire monasteria, vel si se præsentaverint, decretis ipsorum atq; mandatis contumaciter obedire renuunt, tales omnes & singulos excommunicationis sententia innodatos, à nostra Prouincia perpetuò decernimus excludi, ita quòd ad Prælatorum instantiam, etiam singuli Episcopi nostræ Prouinciæ, ipsis literas ad Archiepiscopos, vel Episcopos aliarum Prouinciarum, vbicumque Apostata illi detinentur, impertiantur, vt eorum delicta & censura, quibus fuerint innodati, cunctis manifestentur & innotescant.

*Ne quis Apostatas occultet, uel domo excipiat.*

Cap. XXIIII.

**C**Æterum vt talem detestandæ apostasiæ pestem ex nostra penitus propellamus Prouincia, mandamus & præcipimus omnibus & singulis Abbatibus, Præpositis, Decanis, Prioribus, Abbatissis, Priorissis, Capitulis, omnibusq; sacerdotibus, curatis, & non curatis, atq; quarumlibet Ecclesiarum, siue Capellarum Præfectis, seu illarum curam habentibus, nec non & Patronis Laicis, Comitibus, Baronibus, Equitibus, Nobilibus, alijsq; quibuscumque per Prouinciam nostram vbilibet constitutis: Ecclesiasticis

fiasticis quidem personis, sub pœna excommunicationis, Laicis verò sub amissione iurium patronatus, & aliorum Ecclesiasticorum iurium, pro vna vice, atq; pœna & inhibitione ingressus Ecclesiæ ad duos menses: ne tales apostatas penes se vltra octo dies, post lapsum duorum mensium præmissorum, scienter detineant, nec alios, quocumque tempore infuturum, vel ad status, Capellanas, aut qualemcumque functionem Ecclesiasticam recipiant. Patroni Laici tales in suos Capellanos non conducant, non Ecclesias, Capellas, beneficia, vel altaria providenda committant: Sed à talibus, nisi ab Ordinarijs, & Episcopis, atque Prælatis suis habeant literas admissionis, siue testimoniales, quomodolibet intertenendis omnino abstineant, alioqui contra transgressores, Nos, cæteri que Episcopi nostræ Prouinciæ, aut Officiales nostri, ad dictas pœnas iustitia mediante, procedemus.

*De Castitate, quæ est alterum monasticorum fundamentum, ad quam utriusq; sexus religiosi apprimè exhortantur amplexandam atq; conseruandam.*

**S**ubstantialis monasticæ professionis hoc vnum pariter est, Castitatis conseruatio, quæ D. Augustino teste, per edomitas vitiorum furias, munda & honesta totius corporis habitudo, & vt alio loco dicit, Virtus est, quæ sub iugorationis impetum libidinis refrenat. Cum enim vt Iustinianus in suis authenticis dicit, Deus præcipue suorum sacerdotum puritatem quærat, & in sacris ordinationibus nihil perinde diligendum, quàm castè viuentes, & ipsam castitatem eligentes, primum principium, & fundamentum manifestum, secundum diuinas regulas, & residuæ virtutis constitutam: meritò Apostolus Paulus discipulum suum ad castitatem hortatur; id quod omnes Clerici, in primis

Cap. XXV.

§. si quis autē.  
Auth. Quom.  
oport. Episc. &  
§. hæc autem.  
auth. eod. tit.  
& c. causam, in  
glos. ult. in  
prin. extra de  
probat.

1. Timoth. 5,

in primis verò Monachi, ad se spectare sciant: qui etiam plurimis exemplis, & scripturis præterea à nobis commonefaciendi essent: sed cum superius in Constitutione de disciplina, vita, honestate, & moribus Clericorum, satisq; in communi cum alijs Clericis, ipsis vtriusque sexus religiosi, quæ ad hoc castitatis munus spectant, sint præscripta: idcirco hic immorari diutius nolumus, ne id ipsum cum tædio repetatur: Omnes tamē Canonicos regulares, monachos, & moniales, admonere volumus, vt huius ipsorum voti, quod est secunda basis cuiusq; professionis, meminisse velint, & illa quæ supra circa hoc constituta & tradita sunt, obliuioni mandare nolint. Nam si secularis Clericus propter sacros characteres, quibus est initiatus, hæc ille seruare tenetur: quantò magis religiosus, qui non solum in sacris est constitutus, sed & voluntaria promissione solemniter, publicè, in conspectu Ecclesiæ, suam omnem Deo consecrauit ac spondit mentis, corporisq; munditiā, & castitatem, ea ipsa præstare astringitur: Quod si non præstiterit, multò magis profectò Deum offendit & mundū, quàm Clericus secularis, ex consequenti acerbius plectendus. Quia poena non multò minus & reliqui transgressores vtriusque sexus religiosi professi sunt afficiendi, licet in sacris non sint constituti: quia professio maiorem ferè vim habet obligationis, quàm sacer ordo, eò quòd illa expressè, hic verò implicite tantum Deo promittit castitatem. Quicquid enim Deo libera mente promittitur, siue exhibetur, nullo pacto est reuocandum, neq; defraudandum, melius enim foret omnino non vovisse, quàm votum non præstitisse. Si quis virorum (inquit Dominus) votum voverit Domino, aut iuramento se constrinxerit, non faciet irritum verbū suum: sed omne quod promissit, implebit. Item vidua & repudiata, quicquid voverit, reddet. Et alibi: Cùm votum voveris Domino Deo tuo, non tardabis reddere, quia requirit illud Dominus

C. quod Deo.  
31. q. 5. & 17. q.  
1. c. Ananias. &  
s. sunt quedam  
&c.

1. q. 1. c. sci-  
mus, in 6.  
Num. 3.  
Deut. 25.

Dominus Deus tuus. Et si moratus fueris, reputabitur tibi in peccatum. Si nolueris polliceri, absque peccato eris. Ruina est enim homini (ait Sapiens) deuotare sanctos, & Prouerb. 10. post vota retractare. Considerent ergo vtriusq; sexus religiosi, in quo statu sint, & quid Deo promiserint, nec non & Christi sententiæ meminerint dicentis: Nemo mittens Luc. 9. manum suam ad aratrum, & respiciens retrò, aptus est regno Dei: quia si retrò respicientes, regno Dei non sunt apti, multò minus erunt digni, qui ex toto retrò conuertuntur, Satanam sequentes, de quibus etiam ait Aposto- 1. Timoth. 5. lus: Quædam conuersæ sunt retrò post Satanam.

*Vi fœminæ abstineant à monasterijs uirorum.*

**V**T autem tollatur in hoc castitatis voto, peccandi occasio, quæ apud effœminatos quosdam hæcenus non infrequens fuit, mandamus ne in monasterijs religiosorum uirorum, sub qualicumque prætextu, seu colore, mulier retineatur: sed in omnibus suis officijs, uiri habeantur, neq; cuiquam mulieri, claustrum concedatur ingressus, sub pœna superius in Clericos concubinarios descripta, insinuando etiam excommunicationem à sum. Pont. Pio V. esse institutam contra mulieres claustra uirorum ingredientes. Cap. XXVI.

*Quomodo circa fœminarũ ministeria se gerere debeant, qui Parochiales administrant Ecclesias.*

**Q**Vando verò necessitate postulante, aliqui religiosi, Cap. XXVII. iussu Episcopi sui, Ecclesijs Parochialibus, vel alijs officijs extra monasteria præficiuntur, & opere multebri, propter rem domesticam, uti in Parochialibus, præsertim ruralibus est Ecclesijs, carere haud possunt, tunc modum reliquis Clericis sacerdotibus, maxime Parochis, præscriptum, omnino sub eadem pœna obseruabunt.

*De pœna religiosorum prauaricantium legem castitatis.*

Cap. XXVIII.

**P**ostremò vt eorundem religiosorum animos ab huius voti violatione auertamus, tùm etiam monasteriorum bonis consulamus, statuimus, ne quispiam, qualiscumque sit, qui concubinā tenuisse, vel fouisse, aut filios procreasse deprehensus fuerit, præter pœnam competentem, ad nullam sui, vel alterius monasterij, siue qualiscumque Ecclesiæ Prælaturam, absque peculiari sedis Apostolicæ dispensatione, possit, neq; per electionem, siue postulationem, vel præsentationem assumi: Ita enim non solum diuinæ offensionis, & scandalis obstabitur, sed etiam monasteriorum bona conseruabuntur: quæ per eiusmodi scandalosus & male moratos Prælatos, tùm in sustentandis eorum concubinis, tùm nutriendis atq; ditandis liberis, solent perire.

*De voto paupertatis, quod est tertium uitæ regularis fundamentum, & quomodo utriusque sexus religiosi illud obseruare debent.*

Cap. XXIX.

**S**equitur tertium regularis vitæ fundamentum, quod est paupertatis votum, quo vtriusq; sexus religiosi, sine expresso suorum superiorum consensu, quicquam proprii habere, siue retinere, non licet: Et cum non sine magno animi nostri dolore acceperimus, quòd in nostra Prouincia, & si in professione tam monachorum & Canonicoꝝ regularium, quàm monialium, paupertas voueatur: voto tamen rarò admodum satisfiat, quod nullo modo est tolerandum: Quamobrem huic fundamento, ne totum desuper constructum religiosorum ædificium corruat, opportunum adhibere volentes fulcrum, sacri Tridentini Concilij authoritate innixi, præcedentis Salisburgen.



burgenſ. Synodi Decretum, hac de re æditum, renouantes, De monast. & vi. reg. c. 3.  
 omnibus & ſingulis monaſteriorum, etiam canonicorum  
 regularium, ſub noſtra aut Epiſcoporum noſtrorum iu-  
 riſdictione conſtitutorum, Abbatibus, Præpoſitis, Deca-  
 nis, Prioribus, Abbatibus, & Prioribus, cæterisq; tam vi-  
 rorum, quàm mulierum ſuperioribus monaſteriorum, ſub  
 pœna ſuſpenſionis ab adminiſtratione officiorum ſuo-  
 rum diſtrictè mandamus, vt in ſpatio vnus menſis poſſe  
 publicationem harum noſtrarum Conſtitutionum, apud  
 vnuiuscuſque monaſterij monachos, Canonicos, & mo-  
 niales diligenter de peculio, vel proprietate vnuiuscuſ-  
 que faciant inquiſitionem, & quicquid occultatum apud  
 quemlibet inuenerint, ad ſe recipiant, atq; iuxta regula te-  
 norem, de his diſponant, delinquẽtes paternè corripiant,  
 ac in futurũ, ne tales tranſgreſſiones amplius fiant, debito  
 modo prouideant. Quod ſi Prælati in his exequendis fue-  
 rint remiſſi, nos, ac cæteri Ordinarij eorum negligentiam  
 pro debito noſtri Paſtoralis officij ſupplebimus. Vnde & Sess. 15. c. 2. de regularibus & monial.  
 Concilium Tridentinum; Nemini regularium, tam viro-  
 rum, quàm mulierum, liceat bona immobilia, vel mobilia,  
 cuiuſcumq; qualitatũ fuerint, etiam quouis modo ab eis  
 acquiſita, tamquam propria, aut etiam nomine conuen-  
 tus poſſidere, vel tenere, ſed ſtatim ea ſuperiori tradan-  
 tur, conuentuiq; incorporentur. Nec deinceps liceat ſu-  
 perioribus bona ſtabilia alicui Regulari concedere, etiam  
 ad vſumfruſtum, vel vſum, adminiſtrationem, aut com-  
 mendam. Adminiſtratio autem bonorum monaſterio-  
 rum, ſeu conuentuum, ad ſolos Officiales eorundem tem-  
 porancos, & ad nutum ſuperiorum amouibiles, pertineat.  
 Mobilium verò vſum ita ſuperiores permittant, vt eorum  
 ſupellex ſtatui paupertatis, quam profeſſi ſunt, conue-  
 niat; nihilq; ſuperflui in ea ſit, nihil etiam, quod ſit neceſ-  
 ſarium, eis denegetur. Quòd ſi quis præterea quidquam  
 tenere deprehẽſus, aut conuiſtus fuerit; is biennio actiua

& passiva voce priuatus sit; atq; etiam iuxta suæ Regulæ & ordinis Constitutiones puniatur.

*De diligentia superiorum circa monasticarum sanctionū  
obseruantiam, & tam conseruationem quàm instau-  
rationem Bibliothecarum.*

Cap. XXX.

**I**N reliquis verò, quæ præter hæc tria vota, aliæq; supra-  
dicta, ad vniuscuiusque monasterij regulæ & Constitu-  
tionum spectant obseruantiam, superiores ipsi, vt omnia  
recto incedant tramite, officiosè animaduertent. Qui præ-  
terea summa cum diligentia suis quoq; prospicere debent  
Bibliothecis, ne libri illic pulueribus, seu carie pereant,  
neq; hinc inde distrahantur, aut diuendantur, siue vetè-  
res sint, vel noui authores, quos omnino tales, quales  
sunt, conseruari, purgari, ornari, & euolui volumus, atque  
præcipimus. Et in quibus, quatuor sanctorum Doctorum  
Ecclesiæ, Ambrosij, Hieronymi, Augustini, Gregorij ope-  
ra non habentur, ea quàm primùm mandamus compara-  
ri, & in eisdem Bibliothecis reponi, in quibus, tempore  
visitationis, si defectus fuerit repertus, ab Ordinarijs Præ-  
latis puniantur.

*De fouendis & conseruandis Monasteriorum scholis,  
& ab ijs, quæ scholis carerent, instituendis.*

Cap. XXXI.

**P**ostremò antiquam & laudatam consuetudinem, quæ  
apud pleraq; viguit monasteria, qua pauperes Schola-  
res in scholis penes se constitutis educati, ipsisq; vitæ ne-  
cessaria administrata sunt, omnino approbantes, atque  
multum commendantes, cum experientia docuerit, ex hoc  
tam pio opere, non solum monasterijs, verum & alijs Ec-  
clesijs multum accreuisse vtilitatis, omnibus & singulis  
monasteriorum Prælatis, in virtute sanctæ obedientiæ,  
com-

committimus atq; mandamus, ne dictam sanctam consuetudinem interire, neq; in desuetudinem venire patiantur, sed potius pletati magis magisq; studentes, scholas à suis prædecessoribus iam institutas restaurare, pinguioraque ipsis pauperibus studiosis emolumenta erogare sint inclinati. Quæcumque verò monasteria literarum scholis hæcenus caruissent, eorum Prælati omnibus modis curent tales institui, ne tam vtile, ac minimè intermittendū opus illic per socordiam Prælatorum retardetur, aut penitus excludatur: ne etiam Dei omnipotentis indignationem, atq; hominum exacerbationem incurrant.

DE MONASTERIIS AB  
Ordinariorū obedientia olim exemptis,  
& sanctæ sedi Apostolicæ immediate sub  
iectis, nunc verò Ordinarijs iisdem  
restitutis. Const. XXXI.

*Nimiam licentiam multis nocuisse Monasterijs.*

**N**on mentitur profectò vetus illud prouerbiū, quo dicitur, importunam, & malè consideratam libertatem, nō rarò noxiam, sæpius perniciosam esse. Cum enim antiquitus Monasteria ob suorum incolarum sanctimoniam, fideiq; zelum, authoritate summorū Pontificum, à suis Ordinarijs fuissent submota, & sanctæ Sedi immediate supposita, factum est, vt cū procul se à summo Pontifici procul quoq; ab eiusdem censura se esse arbitrantur, & interim quoq; ab Episcoporū (quos minimè verebantur) visitationibus essent immunes, sua libertate vsq; ad cōditionem perditè sunt abusi, vt bonorum morum cōsuetudine sensim deficiente, tandem regula & amissis vitæ religiosæ

Cap. I.

# 198 Constitutio trigesimaprima.

propemodum conciderit, & in contemptu abierit. Quamobrem S. S. Synodus Tridentina à Spiritu paraclete salubriter edocta, idē ipsum, quod superiori prouerbio comparauimus, in aliquot nostrorum temporum Monasteria sentiens quadrare, id quod sequitur promulgauit Decretum.

*De instituendis congregationibus Monasteriorum exemptorum seu ipsis subijciendis Ordinarijs.*

Cap. II.  
Ex Conc. Tri-  
den. Sess. 25. de  
regularib. &  
monial. c. 8.

**M**onasteria omnia, quę generalibus Capitulis, aut Episcopis non subsunt, nec suos habent ordinarios Regulares visitatores, sed sub immediata Sedis Apostolicę protectione, ac directione regi consueuerunt, teneantur infra annum à fine pręsentis Concilij, & deinde quolibet triennio sese in congregationes redigere, iuxta formam Constitutionis Innocentię III. in Concilio generali, quę incipit, In singulis; ibiq; certas Regulares personas deputare, quę de modo, & ordine, de prędictis congregationibus erigendis, ac statutis in eis exequendis, deliberent & statuant. Quod si in his negligentes fuerint; liceat Metropolitano, in cuius Prouincia prędicta monasteria sunt, tamquam Sedis Apostolicę delegato, eos pro prędictis causis conuocare. Quod si infra limites vnius Prouincię non sit sufficiens talium monasteriorum numerus ad erigendam congregationem, possint duarum, vel trium Prouinciarum monasteria vnā facere congregationē. Ipsis autem congregationibus constitutis, illarum generalia Capitula, & ab alijs electi Præsides, vel Visitatores eandem habeant auctoritatem in suę congregationis monasteria, ac Regulares in eis commorantes, quam alij Præsides, ac Visitatores in ceteris habent Ordinibus; teneanturq; suę congregationis monasteria frequenter visitare; & illorum reformationi incumbere; & ea obseruare, quę  
sa in-

## Constitutio trigesimasecunda. 199

in sacris Canonibus, & in hoc sacro Concilio sunt decreta. Quòd si etiam Metropolitano instante, prædicta exequi non curauerint; Episcopis, in quorum Dioccesibus loca prædicta sita sunt, tamquam Sedis Apostolicæ delegatis subdantur.

*Concluditur auctoritate sacrosancti Concilij Tridentini  
ut monasteria exempta, Sediq; Apostolicæ immédia-  
te subiecta, rursus subijciantur suis Or-  
dinarijs &c.*

**N**Os verò & nostri Coëpiscopi, atque cæteri Prælati, in hac nostra Synodo congregati, considerantes, in ista Cap. III.  
Prouincia admodum pauca huiusmodi exempta esse monasteria, multoq; pauciora in vno ordine convenientia, & (quod peius est) paucissima ipsdem Monasterijs subiecta, ita quòd nobis impossibile videatur, ex his omnibus, etiam si vnus eiusdemq; essent ordinis, vnam posse institui Prouinciã; neq; ea alijs Prouincijs, tum propter itinerum distantiam, tum ob alias non paucas rationes, esse vnienda, præsertim si illa optantur retineri sub obedientiæ disciplina; consultius esse decreuimus, supplicare sanctissimo D. N. quòd singulis Ordinarijs id petentibus concedat per speciale priuilegium, vt omnia & singula huiusmodi per nostram Prouinciã cuiuscumque sint ordinis constituta monasteria, quæ hætenus auctoritate Apostolica ab Ordinarijs suis fuerunt exempta, & sanctæ Sedi immèdiatè supposita, in posterum eis Ordinarijs, tanquam Sedis Apostolicæ delegatis subdantur.

DE FRATRIBVS MENDI-  
cantibus. Const. XXXII.

V

*Ut monachi mendicantes Episcopis suis sint in licitis & honestis subditi, & priuilegijs suis moderatè utantur, & de eorum audiendis confessionibus, ac uita.*

Cap. vaicum.

**C**um ordines mendicantium à Sede Apostolica recepti, non in præiudicium, vel subtractionē Iuris Episcopalis, aut ipsorum parochorum, sed magis in subsidium illis, atq; in partem sollicitudinis sint instituti, approbati, atque specialibus priuilegijs & prerogatiuis à quibusdam Pontificibus donati, decet utiq; ut ea ipsa sua priuilegia in hoc subsidium, propter quod ordines ipsi à principio instituti sunt, & non in contrarium dirigant. Quare nos eisdem fratres, quorumcumq; sint ordinum mendicantium, & per nostram Prouinciā ubilibet constitutos hortamur, ut se per omnia, & in omnibus hisce nostris Constitutionibus Prouincialibus conforment; nec suis priuilegijs in libertatem carnis, aut diuisionem vnitatis Ecclesiasticæ abutantur, sed ita se nobis ac suis Ordinarijs submittant, ne ex eorum separatione Christi fideles scandalizati, ad debita iuris remedia nos cōtra se conuolare, atq; res ad vnitatem reducere compellant; specialiter autē statuimus & volumus, quatenus ipsi fratres mendicantium moderationem suorum priuilegiorum, per felicis recordationis Leonis Papæ X. Decretum, in Lateranensi Concilio Sess. XI. publicatum, & sanctiones ab Oecumenico Tridentino Concilio, præsertim in Constitutione De regularibus & monialibus, Sess. 25. æditas, factam, omnino, cum moderatione tamen etiam noui priuilegij ipsi à moderno Pio V. Pont. Max. donati, obseruent, neq; ultra limites ibidem constitutos, se extendant, sub pœnis in eisdem Decretis comprehensis, & expressis, & alijs ab Ordinarijs, uti iura concedunt, infligendis. Confessores quoq; à superio-



## Constitutio trigesimatertia. 201

à superioribus mendicantium Ordinarijs (vt tenentur) præsentati, confitentes sibi fideliter conscribant, ac regesta, Parochis ad quorum Ecclesias pertinent, post festa Paschalia transmittant, in reliquis verò, quæ ipsorum religiosam concernunt obseruantiam, procurabunt se tales omnibus exhibere, quales eorum regulæ & Constitutiones, iuxta supradictas nostras sanctiones, expetunt atque requirunt, ne propter ipsos, & alij conuiciantur religiosi, sed gratias agant Deo omnipotenti; aliàs ad eorum excessus tollendos, si eis à suis superioribus tempore congruo non fuerit prouisum, & remouenda omnia scandala, ordinamus sacri Concilij Tridentini, aliorumq; Canonum autoritate innixi, vt ab Ordinarijs locorum Episcopis corrigantur; quod non in ipsorum confusionem, sed ad fidelium sicut ædificationem. Nam ait Synodus Tridentina, Sess. 24. c. 14. de regularib. & monial. Regularis non subditus Episcopo, qui intra claustra monasterij degit, & extra ea ita notorie deliquerit, vt populo scandalo sit; Episcopo instante, à suo superiore intra tempus ab Episcopo præfigendum, seuerè puniatur, ac de punitione Episcopum certiores faciat; sin minus, à suo superiore officio priuetur, & vt delinquens, ab Episcopo puniri possit.

## DE MONIALIBVS. Const. XXXIII.

### *Præfatiuncula.*

**Q**Vamuis nonnulla, quæ etiam regularis vitæ viris Cap. 1. communia sunt, monialibus supra præscripserimus sanctiones & decreta, nihilominus cum mulieres, sexus sint fragilioris, ita vt facilius quàm viri seducantur, Apostolo Paulo dicente; Adam non est seductus; mulier au- 1. Timoth. 2.

*De mendic. c. 1.* tem seducta in prauaricatione fuit: necessarium iudicauimus, prioris Synodi Salisburgen. de Monialibus publicatam constitutionem renouare, vt non solum eidem, sed & sacri Tridentini Concilij Decreto, simili ratione concinnato pareamus, nostro muneri satisficientes, & monialium saluti, honestati, & existimationi consulamus, hæc pauca peculiariter subscribi statuta iussimus.

*De monasterijs clausis, & restringenda uita monialium.*

*Cap. II.*

**I**N primis decernimus & mandamus, vt ipsæ moniales suis arctè contineantur claustris, nullum euagandi locum quærentes. Quod vt fiat, monasteria, quæ ab antiquo fuerunt clausa, minimè aperiri, & quæ à paucis annis, ex libertate inconcessa, fuerunt aperta, Episcoporum auctoritate recludi iubemus: Ita quod non solum indecens illa consuetudo, quinimò intollerabilis abusus receptandi virorum promiscuè atq; foeminarum, seu vtriusq; sexus in specie cætum profanum, conuiuandi, confabulandi, garriendi, discurrendiue gratia, auferatur: quæ res tanto absurdior, & à moniali deuotione alieniore est, quanto amplius hominum vulgus experitur, illic magis nugarum, & scurrilitatis officium sæpenuerò, quàm pietatis, & religiosæ disciplinæ domicilium esse, adeò, vt rerum nouarum famam, & quid passim agatur, citius ibi, quàm apud lippos & tonsores rescire quis possit.

*Quibus liceat ingredi Monasteria clausa.*

*Cap. III.*

**I**Nhibemus quoq; ne viri Laici, seu Ecclesiastici, exceptis superioribus, vel confessoribus; Et hi quidem non nisi postulante necessitate, & semper vnà cum graui & prudenti comite; Virginum Monasteria ingrediantur. Illi quoq;

quoque quorum opera indigent moniales, ut sunt medici, aut mechanici (superiore tamen Virginum, seu Confessorum comitati) accessum sibi interdictum esse non arbitrantur. Abbatissas proinde, & Priorissas, & omnes alias quibus necessaria incumbunt officia, quorum causa cum colonis, alijsque monasteriorum subditis plerumque negotium est, nolumus (dummodo extra loca regularia, & absque leuitate fiat, & suspicione) in suis impediri officijs. Et ut hæc ipsa monialium pectoribus magis insigantur, tum ut apertius intelligatur quid hac de re statuerit sacra Synodus Tridentina, sequens ab ea æditum Decretum, hic recensendi dignum duximus. Et est tale.

*Moniales non solum Viros intra monasteria non admittere sed etiam ipsas euagari minime debere: & de Monasterijs extra ciuitates positis.*

**B**onifacij octauæ Constitutionem, quæ incipit; Periculoso. renouans sancta Synodus, vniuersis Episcopis, sub obtestatione diuini iudicij, & interminatione maledictionis æternæ, præcipit, ut in omnibus monasterijs sibi subiectis, ordinaria, in alijs verò Sedis Apostolicæ auctoritate, clausuram sanctimonialium, vbi violata fuerit, diligenter restitui, & vbi inuiolata est, conseruari maxime procurent; inobedientes, atque contradictores, per censuras Ecclesiasticas, aliasque pœnas, quacumque appellatione postposita, compescentes, inuocato etiam ad hoc, si opus fuerit, auxilio brachij secularis. Quod auxilium ut præbeatur, omnes Christianos Principes hortatur sancta Synodus, & sub excommunicationis pœna, ipso facto incurrenda, omnibus magistratibus secularibus iniungit. Neminem autem sanctimonialium liceat post professionem exire à monasterio, etiam ad breue tempus, quocumque præ-

Cap. IIII.  
Concil. Trid.  
Sess. 22, c. 5. de  
regularib. &  
monial.

textu, nisi ex aliqua legitima causa ab Episcopo approbāda: indultis quibuscumq; & priuilegijs non obstantibus. Ingredi autem intra septa monasterij nemini liceat, cuiuscumque generis, aut conditionis, sexus, vel ætatis fuerit, sine Episcopi, vel superioris licentia, in scriptis obtenta, sub excommunicationis pœna, ipso facto incurrenda. Dare autem tantum Episcopus, vel Superior licentiam debet in casibus necessarijs; neque alius vlllo modo possit, etiam vigore cuiuscumq; facultatis, vel indulti hactenus concessi, vel in posterum concedendi. Et quia monasteria sanctimonialium extra mœnia vrbis, vel oppidi cōstituta, malorum hominum prædæ, & alijs facinoribus, sine vlla sæpe custodia, sunt exposita; curent Episcopi, & alij Superiores, si ita videbitur expedire, vt sanctimoniales ex eis ad noua, vel antiqua monasteria intra vrbes, vel oppida frequentia reducantur, inuocato etiā auxilio, si opus fuerit, brachij sæcularis: Impedientes verò, vel non obediētes, per censuras Ecclesiasticas parere compellant.

*De confessione, & communione Monialium.*

Cap. V.  
Sess 25. c. 10. de  
regularib. &  
monial.

**A**dmonemus insuper omnes Episcopos, & ceteros Superiores monasteriorum monialium curam habētes, vt iuxta sacri Tridentini Concilij Decretum attendant diligenter, vt in Constitutionibus earum admoneantur sanctimoniales, vt saltem semel singulis mensibus confessionem peccatorum faciant; & sacrosanciam Eucharistiā fuscipiant; vt eo se saluari præsidio muniant, ad omnes oppugnationes Dæmonis fortiter superandas.

*Earundem monialium Monasteria, quæ S. sedis Apostolica hactenus immediate fuerunt subiecta &c. ab Episcopis Ordinarijs in posterum esse gubernanda.*

Postremò

**P**ostremò declaramus ex decreto Oecumenici Tridentini Concilij omnia sanctimonialium monasteria, sanctæ Sedis Apostolicę immediate subiecta, etiam sub nomine Capitulorum sancti Petri, vel sancti Ioannis, vel aliàs quomodocumque nuncupentur, ab Episcopis, tanquam dictæ Sedis delegatis, in posterum esse gubernanda, non obstantibus quibuscumq̃.

Cap. VI.  
Sess. & ti. vt supra c. 9.

DE ECCLESIIS, SIVE SAC-  
cellis, vel altaribus, annuis redditibus do-  
tatis, & secundum fundatorum institu-  
tionem non prouisis, neq; officia-  
tis. Const. XXXIII.

*De prouisione beneficiorum uacantium.*

**A**nimo perturbato intelleximus, non pauca per Pro-  
uinciam nostram esse Tempia, Sacella & Altaria, Cap. I.  
conuenientibus annalibus, pro diuinis celebrandis, do-  
nata prouentibus, iuxta piorum fundatorum mentes, nul-  
lis officijs curari, ita quòd non solum iniuste ac inique bo-  
na subtrahantur Ecclesiastica, & illorum sancta, vtilissi-  
maque Ecclesiæ defraudetur institutio, sed etiam domus  
Dei cultu spolientur diuino, & eorū participatione cum  
scandalo priuentur Christi fideles: Quibus providere cu-  
pientes, omnibus qualiuncumque beneficiorum curato-  
rum, & non curatorum, Ecclesiarum, seu Capellarum, aut  
altarum collatoribus, mandamus sub pœna priuationis  
ipsius collationis, siue præsentationis, vt intra trium men-  
sium spatium, ab huius nostræ Constitutionis publicatio-  
ne, suis Ordinarijs confirmatoribus, pro illis suis benefi-  
cijs (si quæ hactenus vacarunt non prouisa) idoneos &

## 206 Constitutio trigesimaquarta.

habiles sacerdotes præsentent, & fructus eorundem vacationis tempore interceptos, atq; usurpatos, intra anni terminum, in ipsorum beneficiorum utilitatem exponant, vel in pauperes erogent. Quod ut sine fraude fiat, locorum Archidiaconi certiores reddentur.

*Episcopi ut præsentatos, non nisi idoneos, confirment,  
& de modo approbandi eosdem.*

Cap. 11.  
Ex cap. 1. 3. De  
Suppl. neglig.  
Prælat.

De suppl. neglig.  
Prælat. c. 4.  
De offic. iud.  
Ord. c. 4.

Ex Concilio  
Lateranen. Et  
de concess.  
Præb. c. 2.

**M**Andamus præterea sub indignatione omnipotentis Dei, omnibus Ordinarijs Episcopis, & alijs quibuscumq; ad quos quorumcumque præsentatorum spectat confirmatio, ut quotienscumq; tempore opportuno, à iure determinato, lus patronatus habentes neminem idoneum præsentauerint confirmandum, ipsi illicò alicui habili & idoneo conferant, eumq; confirment: ita tamen quòd ex hoc nullum patronis præiudicium in posterum generetur. Et si aliquem post tempus præscriptum, licet idoneum præsentauerint patroni, eum admittere non tenentur Episcopi, nisi ex gratia singulari, vel aliquod rationabile se opposuerit impedimentum, à iure permissum & ab Ordinarijs approbatum: quia tunc etiam aliquem præsentandi longius conceditur tempus: sed ne Ecclesiæ patiantur, ab Ordinarijs Oeconomi eis interim sunt præficiendi, qui debeant fructus percipere, & eos in Ecclesiarum utilitatem expendere, aut futuris personis fideliter reservare: Si autem Episcopi, ubi ad eos spectat conferre, distulerint: per eorum Capitula ordinetur. Quod si ad Capitula pertinuerit, & infra præscriptum terminum hoc non fecerint: Episcopi secundum Deum hoc cum religiosorum virorum consilio exquantur: vel si omnes fortè neglexerint, Metropolitanus de ipsis secundum Deum absq; illorum contradictione disponat.

*De*



*De tempore præsentandi.*

**T**Empus autem congruum ad præsentandum, Laico conceditur quadrimestre, Ecclesiæ verò, etiam Monasterio, semestres, licet à laico ius acquisierit Patronatus. Et si eo tempore, quo vacant, collatores eis sufficienter de sacerdotibus approbatis nō prospexerint, volumus similiter eos iure præsentandi, pro illa vice duntaxat priuari, & redditus (si quos interim acceperunt) in illarum Ecclesiarum, siue altarium vtilitatem, aut pauperum subuentionem exponi.

Cap. I II.  
Ex 6. ti. de Iure Patronatus c. 1.  
Et ex Concilio Lateran. quod & recitatur de concess. Præb. c. 2.

*De pœna præsentantium indignos.*

**P**atroni autem indignos scienter præsentantes, præter mortale peccatum, quod perpetrant, abutentes potestate sibi à sancta Sede concessa, non sunt audiendi: qui si fuerint Clerici, ea vice priuantur iure præsentandi: non autē si sunt Laici, vt elicitur ex c. 4. de Off. Ord. cuius sententiæ sunt eodem in loco, & Innoc. Hostien: & nonnulli alij.

Cap. I III.  
De suppl. negl. Præl. c. 2.

*Quibus præsentare liceat.*

**A**Nimaduertere quoq; debent Patroni, neminem posse seipsum in sacris constitutum præsentare, sed bene quemcumque alium idoneum, & si Laici fuerint, etiam filium proprium. At si duo fuerint, tunc vnus eorum ab altero, & si plures, à maiori parte, tanquam à collegio (vt inquit Panormitan.) vel à pluribus, respectu aliorum inter se discrepantium, potest præsentari. Et si duo fuerint patroni, quorum alter hunc, alter verò alium præsentaret idoneum, qui ab Episcopi conscientia melior fuerit iudicatus, is admittetur, secundum Ioan. And. in c. cum autem. & Pan. in c. cum autem. eo. tit.

Cap. V.  
Ex Pan. c. consuluir. De Iure Patron.  
Ex glo. in d. c. consuluir. Pan. in c. Quoniam. tit. eod.  
Ex sum. Armil. De Iure Patron. §. 10.

*De*

*'De officio beneficiatorum.*

Cap. VI.

**B**eneficiatis verò Clericis iniungimus sub pœna priuationis omnium suorum beneficiorum, ne in suis officiandis Ecclesijs, sacellis, vel altaribus, quicquam eorum prætermittant, quæ à fundatoribus sunt instituta.

*Ut Officiales circa uacantes Ecclesias perquirendas, sint uigilantes.*

Cap. VII.

**V**T autem hæc omnia superscripta ad effectum deducantur, curam habebunt nostri, nostrorumq; Coëpiscoporum Officiales generales, & Archidiaconi: qui cum quidpiam haud obseruatum esse intellexerint, suos Ordinarios Episcopos certiores facere non tardabunt. Et ne Officiales, Archidiaconosque nostros quicquam talium latere possit, omnibus & singulis tam Laicis quam Clericis, in nostra Prouincia commorantibus, in virtute sanctæ obedientiæ, & sub nostra, nostrorumq; Coëpiscoporum indignatione, mandamus & præcipimus, ut si qui Ecclesiam aliquam, vel Capellam, aut Altare sciunt, iuxta illorum foundationem, non esse de idoneis sacerdotibus prouisa, vel non officiata, velint, nulla interposita mora, suorum Ordinariorum Officialibus, siue Archidiaconis indicare: quod non solum de præsentî, sed etiam de futuro intelligimus, atq; volumus obseruari.

## DE ECCLESIIS COLLAP- SIS. Const. XXXV.

*Præfatiuncula ad sequentia capita.*

Cap. I.

**Q**Vandoquidem ædes nostras sæpè maximis sumptibus & splendore, ut corpora nostra à tempestatum iniuriâ

## Constitutio trigesimaquinta. 209

Iniuria vindicent, protegant, atq; tueantur, extruñas, sicubi per longi temporis vsum, vel in contignatione, parietibus, fenestris, vel tectis, vitium aliquod contraxerint, instauramus, tignos iniungimus, obturamus, contegimus, ac vndique sollicitè reficimus: quanto magis hoc fieri debere in aedibus Deo constructis, & dedicatis, in quibus precium redemptionis nostræ inhabitat IESVS Christus, cuius sacratissimum corpus, & sanguis illic consecratur, Deo Patri offertur, ipsa Sacramenta, vitę nostrę remedia ministrantur, anime Dei verbo pascuntur, & omnium deniq; fidelium Christianorum pię preces à superno numine exaudiuntur, vt facta tecta, integraq; ab omni detrimento, & iniuria conseruentur, & necessitas, & in primis Christiana pietas efflagitat. Quare cum audierimus nonnullas in Prouincia nostra ruinosas esse Ecclesias, & Capellas, alias verò semiditutas, volentes ex debito officij nostri diuino subuenire cultui, & domorum Dei prouidere necessitati, præsertim vt sacrę Tridentinę Synodi pareamus sanctioni, hæc quę sequuntur statuimus Decreta, ex eadem Synodo Tridentina ferè desumpta, necessitati tamen nostrę Prouincię accommodata.

Sess. 22. cap. 7.  
Decr. de Re-  
form.

### *De ruinosis Parochialibus Ecclesijs resarciendis, & collapsis reficiendis.*

SI quę in nostra Prouincia reperiantur collapsę Parochiales Ecclesię, Paroches actualiter habentes sub se, illas volumus (cuius curam habebunt Ordinarij) ex fructibus, & prouentibus quibuscumq; ad easdem Ecclesias quomodocumq; pertinentibus, refici & instaurari. Qui si sufficientes non fuerint, omnes Patroni & alij, qui fructus quoscumque ex dictis Ecclesijs prouenientes percipiunt; aut in illorum defectu Parochiani omnibus remedijs opportunis ad prædicta cogantur, quacumque appellatio-

Cap. 11.  
c. 1. & c. de his,  
qui, De Ecclesijs  
ædifican. vel  
reparan. & arg.  
c. vnio. 10. q. 3.

Dd ne, exem-

## 210 Constitutio trigesimaquinta

ne, exemptione, contradictione remota. Quòd si nimia egestate omnes laborent, Episcopi illarum Parochialium Ecclesiarum Ordinarij, suo auxilio, & subsidio eisdem restaurandis non deerunt Ecclesijs : quamuis certi simus paucas per nostram Prouinciã esse Parochias, quibus etiam ad facta tecta conseruanda, non adsint sufficientes redditus.

*De Ecclesijs etiam non curatis, sed fidei populo utilibus, & redditus annales habentibus, instaurandis, & alijs loco minus commodis transferendis.*

Cap. III.

De Ecclesijs ædificandis, c. 4.

Conc. Trid.

Conc. Trid.

De cons. d. 1. c. ligna,

Glo. in c. qu. semel. 19. q. 3.

**A**llarum verò non curatarum Ecclesiarum, siue Capellarum, vetustate, siue quomodocumq; collapsarum, si quæ sufficientibus dotatae sunt prouentibus, & in locis utilibus, ac commodis, extant populis Christianis, tales ex suis redditibus omnino reædificari, ac restaurari volumus atq; mandamus. At si aliquæ similes in locis essent fidei populo inutilibus, veluti campetribus, vel adeò tennes haberent fructus annuos, quibus restaurari non possent, tunc sacri Tridentini Concilij autoritate concedimus, vt Episcopi eorundem locorum Ordinarij, huiusmodi Ecclesiarum titulos, cum omnibus emolumentis, & oneribus, illarum tamen patronorum interueniente consensu, in matriculas, seu eorundem locorum, vel viciniorum, secundum, quorum interest, arbitrium, Ecclesias alias, iuxta Concilij Tridentini traditionem, possint transferre, & antiquas, ruinosasque funditus destrui mandare : hac tamen conditione, vt in quolibet tali loco crux erigatur, & quòd lapides, cementum, ferramenta, ligna & id genus alia eorundem locorum, ad prophanam adhibeantur ædificia, nisi Episcoporum autoritas, ex iusta causa intercesserit, quod enim semel Deo consecratum est, ad mundanos vsus transferri non debet.

*Abrutorum accessu muntenda esse sacella, atq; altaria, extra Ecclesias constructa.*

**S**acella quoq; & altaria extra Ecclesias constructa, cum-  
 Cap. III  
 eis aperta, procurent Episcopi, vt ita sepian-  
 tur, ne brutis pateant animalibus.

## DE PROPHANANTIBVS,

Ecclesias, vel cœmiteria.

Const. XXXVI.

*Quomodo plectendi sunt, qui loca sacra polluant.*

**Q**uoniam non sine dolore intelleximus, nonnullas  
 Cap. vnicum  
 quandoq; Ecclesias, & cœmiteria, per nostram Pro-  
 uinciam constituta, à quibusdam vel temere, vel incogi-  
 tanter pollui: cui inconuenienti consulere cupientes, sta-  
 tuimus, vt quicumq; Ecclesiam, vel cœmiterium, violenta  
 sanguinis, aut voluntaria humani seminis execrauerit  
 effusione, vel infidelis, aut hæretici, seu excommunicati,  
 sepultura, acerrimè, iuxta Canones, puniatur, & vt expen-  
 sis pro reconciliatione impendenda, si quidpiam fuerit  
 exponendum, satisfacere teneatur: Si verò soluendo non  
 fuerit, talis pro Diocesani arbitrio publicè puniatur. Quod  
 si rebellè se ostenderit, per brachiū seculare coërceatur.

## DE REBVS ECCLESIA-

rum, & Monasteriorum non alie-

nandis. Const. XXXVII.

*Nec res Ecclesiæ alienentur, neque dissipentur, aut distra-*  
*bantur, sed tanquam propriæ conseruentur.*

Dd a

Cum

Cap. I.

§ sacre res. Inft.  
derer, diuif. l.  
in tantum §. fa-  
era. ff. eod. tit.  
Apostolorum  
can. 39.

C. monemus,  
cum c. seq. 12.  
q. 3. Auth. de  
non alien. aut  
permut. reb.  
eccl. in præfat.  
Præced. Conc.  
Salisb. ti. eod.

**C**VM Ecclesiarum bona, non humani, sed diuini iuris, & ideo in nullius nisi Dei Opt. Max. bonis sint, cuius diuinæ Maiestati à fidelibus oblata, atq; secretorum coelestium vñsibus dedicata sunt, dicente Apostolico Canone; Omnium negotiorum Ecclesiasticorū curam Episcopus habeat, & ea velut Deo contemplante, dispense; nec ei liceat ex eis aliquid omnino contingere, & parentibus proprijs, vel alijs (quæ Dei sunt) condonare; Nos, nostriq; Episcopi, ac cæteri Prælati, hac in Synodo congregati, præteriti Salisburgen. Concilij constitutionem super hoc concinnatam renouantes, statuimus & mandamus, ne quisquam Episcopus, Abbas, Præpositus, Decanus, Parochus vel qualiscumque sacerdos, aut Clericus alius (quod & de monialibus intelligimus) ea quæ ad suas Ecclesias, Monasteria spectant, vel beneficia, tanquam sua & propria tractent, siue vsurpent, sed vt Christi patrimonium, in eum vsum, in quem fundatores, pio in Deum animo deputauerunt, destinent, & distribuunt. Ea enim, quæ ad Ecclesiæ iura pertinent, vel peruenerint, tanquam ipsam sacrosanctam & religiosam Ecclesiam intacta conuenit venerabiliter custodiri; vt sicut ipsa religionis, & fidei mater perpetua est, ita eius patrimonium iugiter seruetur illæsum.

Impp. Leo &  
Anthemius in  
l. iubemus c. de  
sacro, eccl.

*De non alienandis rebus Ecclesiasticis immobilibus, seu  
mobilibus insignitoribus, sine Ordinariorum licentia,  
in scriptis obtenta.*

Cap. II.

c. nulli liceat,  
de reb. Eccl.  
alienan. vel nō  
iubemus. C.  
de sac. eccl.

**I**Nsuper licet Oecumenica Concilia, sanctorum Patrum traditiones, Summorum Pontificum Decreta, Imperatorumq; leges, omnia deniq; tam diuina, quàm humana statuant iura, bona Ecclesijs semel dicata, ab eis nunquam esse subtrahenda, neq; prophananda; nihilominus cum à multis



# Constitutio trigesimaseptima. 213

multis contrarium tentari perspexerimus, omnibus, ut supra, pariter inhibemus, ipsisq; sub pœna priuationis administrationis, & suspensionis officiorum ipsorum, ne de rebus suarum Ecclesiarum aut Monasteriorum, seu beneficiorum immobilibus, alienationes, siue quomodolibet contractus perpetuos, sine suorum Episcoporum petita & obtenta licentia in casibus à iure permisis, aut aliàs cum autoritate Sedis Apostolicæ, facere audeant. Neq; etiã res mobiles insignes, aut notabiles contra Iuris formam, & à suis Ordinarijs obtentam in scriptis licentiam, quomodocumque alienare præsumant. Quod si secus factum fuerit, ultra pœnas iam nominatas, contractus ipsos etiã annullamus, nullumq; robur firmitatis obtinere decernimus.

f. quia verd.  
Auth. de non  
alienan. aut  
permut. reb.  
Ecclesiast.

C. cassellas, cñ  
c. seq. 10. q. 2. c.  
Apostolicos. 12.  
q. 1. l. sanctimus  
c. de sacris. ec-  
clesiæ. 1. extra.  
de pignorb.  
f. lisdē pœnis.  
Auth. de non  
alien. aut. per-  
mut. reb. eccl.

*Ne rerum Ecclesiasticarū dispensatores æs alienum contrahant, neq; res sacræ oppignorentur, nisi in euidenti necessitate & utilitate.*

**S**tatuimus quoque & ordinamus; quòd præfati rerum Ecclesiasticarum dispensatores nullum mutui debitum contrahant, neq; obligationes bonorum Ecclesiasticorum huius occasione faciant, nisi (si opus fuerit) constare & probari possit, pecuniam mutuo receptam in utilitatem Monasterij, Ecclesiæ, vel beneficij esse conuersam.

Cap. III.

*De conscribendis prædijs, & redditibus Ecclesiarum, ipsisq; sub tuta custodia conseruandis.*

**E**T quia sæpè contingit, quòd prædia, & redditus Ecclesiarum, Capitulorum, & monasteriorum, à paucis, & ab his tantum, qui in officijs constituti sunt, vel fuerunt, plenè cognoscantur, quò fit, ut aliquando propter negligentiam Officialium, & statum temporum inæqualem,

Cap. IIII.

aliqua deperdatur, vel destruantur: Ideò statuimus, quòd prædia, & redditus Ecclesiarum, iuxta distinctionem officiorum, sub sigillis Prelatorum, Capitulorum, & conuentuum, plenissimè conscribantur & custodiantur.

*De rationibus propter annuos redditus præstandis.*

Cap. V.

**N**E etiam res Ecclesiasticæ in vsus non debitos conuertantur, & fidelitas Prelatorum clarius elucescat, maiorum nostrorum vestigia sequentes, & antiquas constitutiones renouantes, diffinimus, vt de bonis Ecclesiæ semel in anno Prælatus cuiuslibet Ecclesiæ conuentualis, conuentui suo de omnibus redditibus, & prouentibus Monasterij, plenam faciat rationem, & eiudem rationis registerum, manibus fratrum conuentualium subscriptum, & vestigio suo Ordinario transmittat. Qui Prælati etiam bis, vel ter, in anno, à suis Officialibus monachis, vel Laicis, computationem discretam & fidelem recipiant: alioqui Prælatus qui præmissa posthabuerit, & lapso anno intra duos menses huic statuto non satisfecerit, ab ingressu Ecclesiæ tam diu sit suspensus, donec se obedientem ostenderit, & absolutionem à suo Ordinario impetrauerit.

*Prælatos, vel quomodocumque beneficiatos, qui sui iuramenti immemores, propria temeritate bona Ecclesiastica alienauerint: tanquam periuros, & suæ Ecclesiæ defraudatores accerrimè puniri debere.*

**E**T quia non tam iure, quàm longa consuetudine introductum est, vt Prælati in receptione confirmationis suarum Electionum, atq; sacerdotes curati, & non curati, quando eos ad suas Ecclesias, & beneficia instituire per Ordinarium contingit, inter cætera se iureiurando astringant,

gant, de non alienandis bonis Prælatorum, & beneficiorum suorum, Episcopo suo inconsulto, reperimus tamen liquidò, quòd nonnulli sui iuramenti quoque non memores, in cellitudinis diuinæ offensionem, monasteriorum, Ecclesiarum, & beneficiorum damnum, ipsorum Ordinariorum iniuriam, ac salutis animarum suarum dispendium, propria temeritate alienationes facere, non vereantur: Quod exindè fieri strictius prohibemus. Quicumque enim temeritate sua non deposita, simile quicquam posthac facere attentauerit, contra eum, ac eos, non tantum ad poenas superius expositas, sed etiam tanquam contra periueros Ordinarij procedi facient.

*De inuentarijs bonorum Ecclesiasticorum tam mobilium, quam immobilium conscribendis, eo tempore, quo illarum Ecclesiarum datur possessio.*

**V**T autem tam Ecclesiarum pastores, quam beneficiati, Cap. VII  
circa bona Ecclesiastica eo diligentiores sint, & res, Ecclesiasticæ eo minus deperdantur, atque illicitis attentionibus maturius occurrì possit: Ideò statuimus & ordinamus, quòd ab omnibus beneficiatis curatis, & non curatis, tempore quo possessiones suorum beneficiorum accipiunt, debita inuentaria, & inscriptiones omnium bonorum, tam mobilium, quam immobilium, ad ipsa beneficia spectantium, fiant per Notarium publicum, si haberi poterit, aliàs in præsentia personarum fide dignarum, puta Officialium, Archidiaconi, aut Decani ruralis, vel Commissarij alterius illorum, item Patroni, aut alterius eius nomine, vnius ad minus presbyteri, & vitricorum Ecclesiæ, adnotando omnia vasa sacra, vestes, suppellectilia, fundos, agros, domos, cum qualitatibus, & confinibus suis: quo inuentario confecto, vnum exemplar apud se retineat

## 216 Constitutio trigesima septima.

neat beneficiatus, alterum tradatur patrono beneficii, siue Vitrici, & tertium superioritati Ecclesiasticæ præsentetur, ad eum quidem effectum, vt cum beneficiatum à suo beneficio cedere, vel decedere contigerit, inuentaria primum conspiciantur, & cum inuentum fuerit aliquid deesse, hoc de bonis cedentis, vel decedentis, restaurari, Ecclesiæq; vel beneficio restitui valeat.

*Clericos, præsertim beneficiatos, studiosè inquirere debere qualescumq; occupatores, seu detentores, aut spoliatores rerum Ecclesiasticarum tam immobilium, quam mobilium, eosq; suis patefacere Ordinarijs.*

Cap. VIII.

**I**tem statuimus & ordinamus, vt omnes Clerici, præcipuè autem beneficiati, studiosè inquireant, si qui sunt detentores iniusti, seu occupatores, & spoliatores bonorum Ecclesiasticorum, & decimarum, siue etiam prædiorum, tam vrbanoꝝ, quam rusticorum, domorum, & censuum, etiam si fuerint per aliquem contractum alienata, impignorata, seu aliàs obligata. Et si quid horum repererint, ad Ordinarium illius loci, in qualibet Diocesi nostræ Prouinciæ proximum deferant, vt contra tales illicitos detentores, debita possit fieri prouisio, atque iniuste alienata, vel obligata, in pristinum reduci statum.

*Modus conseruandi Ecclesiarum indemnitatem.*

Cap. IX.

**T**Andem circa hunc articulum ordinamus, vt quoties se casus obtulerit, quo vni, aut alteri Ecclesiæ, vel beneficio, circa illorum prouentus, aut liberam beneficiati administrationem, rerum ad Ecclesiam, vel beneficium spectantium, impedimentum, seu diminutio aliqua inferri volue-

## Constitutio trigesima octaua. 217

voluerit; Ex tunc beneficiatus illud suo Ordinario tempestiue denunciaret, vt indemnitati Ecclesiarum, & beneficiorum, eo citius consuli possit.

### *De pœna abutentium bonis Ecclesiasticis.*

**P**ORRò autem iustum est, vt Prælati, atq; beneficiati, qui- Cap. X.  
cumq; bonis Ecclesiasticis, quæ pia deuotione fidelium c. Episcopus, 14. q. 1.  
ad cultum diuinum, atq; ædificationem populi Christiani deuota sunt, non abutantur, neq; ea male profundant, sed ad necessaria vitæ, & beneficiorum conseruationem applicent, de eo autem quod superest, pauperibus quoq; suam partem tribuant. Commonemus enim omnes & singulos beneficiatos, quòd non tantum contra eos, qui bona Ecclesiarum & beneficiorum iniuste alienant, sed & contra eos, qui fructibus ab eorundem beneficiorum bonis perceptis, perperam vtuntur, Ordinarij singuli ad dignam emendationem, atq; si opus fuerit, etiam ad priuationis pœnam sint procelluri. c. quoniam quid, 16. q. 1.

## DE IMMUNITATIBVS, ET priuilegijs Ecclesiarum, & Clericorum. Const. XXXVIII.

*Admonetur magistratus secularis, ut defendat, ac conseruet immunitates & priuilegia Ecclesiarum.*

**C**VM Ecclesiarum, atq; Ecclesiasticarum personarum Cap. I.  
immunitates, & priuilegia, nò solùm à summis Pontificibus, sed etiam à supremis Principibus concessa, deceat esse mansura; Ideoque tam furi quàm æquitati congruit, vt principes seculares, & magistratus ciuiles, in hisce conseruandis sint eis auxilio, eorumq; Decreta fideliter E c  
exequan-

## 218 Constitutio trigesima octaua.

Seff. 15. cap. 20.  
De cr. de Refor-  
mar.

De immun. Ec-  
cle c. 10. Et in  
6. ti. eod. c. 5. Et  
clem. c. 1. Et in  
extra. c. 1. §. C.  
de Episcopo,  
& Cler. & pri-  
uileg. eorū. Et de  
Ecclesiast. et de  
priuileg. Et in l.  
placet. C. de sa-  
cros. Eccles.

exequantur, suosq; subditos cogant obseruare, vt iurisdic-  
tio, & libertas, ac immunitas Ecclesiastica Imperatorum  
legibus, & à sacris Canonibus, ipsis Ecclesijs, Episcopis,  
ac reliquis Clericis tributa ac firmata, conseruetur. Quod  
vt fiat, Principes omnes, ac reliquos magistratus secula-  
res, vnà cum sacro Tridentino Concilio obnixè rogatos  
esse volumus; nostris verò in temporalibus subditis Præ-  
fectis, & huius generis Officialibus alijs, sub nostra, no-  
strorumq; Coëpiscoporum grauissima indignatione, ite-  
dem ab ipsis obseruari seriò præcipimus. In quibus verò  
hæc ipsa immunitas & libertas consistat Ecclesiastica, v-  
trunq; ius Ciuile, & Canonicum, satis est plenum, quibus  
in locis censuræ etiam describuntur, quas contrahunt me-  
ritò transgressores, à sacro Tridentino Concilio pariter re-  
nouatas atq; corroboratas.

*Ne quis Clericorum seculari se subdat domino, neque de  
manu Laici, Prælaturam, aut beneficium curatum, vel  
non curatum, eiusdemq; inuestituram accipe-  
re præsumat.*

Cap. II.

**H**anc quoq; Ecclesiasticam libertatem tueri cupientes,  
districte prohibemus sub pœna suspensionis à perce-  
ptione fructuum beneficij, ne quisquam nostræ Prouin-  
ciæ Clericus, cuiuscumq; Ordinis, cuiquam seculari Do-  
mino, vel personæ, cui prius in nullo penitus fuerat obli-  
gatus, sub colore defensionis, vel protectionis, absque sui  
Episcopi licentia, se subiectum constituat, vel censualem:  
Nec quisquam Prælaturam, aut beneficium aliquod cura-  
tum, vel non curatum, eiusdemq; beneficij inuestituram, à  
manu Laicorum, contra expressam Canonum inhibiti-  
onem, recipiat, sub pœna nullitatis actus, atq; inhabilitatis  
ad omnia in futurum beneficia.

*Ne*



*Ne ob delictum, uel culpam, aut debitum ministri, ple-  
tatur, aut cogatur Ecclesia.*

**Q**uamuis Iura etiam disponant, quod delictum mini-  
stri non debeat in detrimentum Ecclesiæ vergere,  
neq; bona Ecclesiarum, vel beneficiorum, ob debita mini-  
strorum (quæ in eorum utilitatem notabilem uersa non  
sint) contracta, esse obligata, cum propter alienum debi-  
tum Ecclesia grauari non possit, cuius conditionem mini-  
stro meliorem, non deteriore facere licet; Comperimus  
tamen Iura illa atque Ecclesiarum priuilegia à nonnullis  
minimè obseruari, imò nonnunquam creditores ministro  
debitori fauent, & à quo uiuente debitorum suorum solu-  
tiones benè consequi possent, studiosè usq; dum obierit,  
debita exigere negligunt, ut postea in bonis Ecclesiarum  
& beneficiorum, pro libito bacchari possint, ex quo fit, ut  
nonnunquam morientibus ministris, non tantum bona  
defuncti, sed & Ecclesiarum, & beneficiorum, ita distra-  
hantur, & perdantur, ut vel nullum amplius ministerium,  
& possessorem nancisci possint, aut si utique aliquem ac-  
quirant, is ære alieno grauatus, vel bonis ac prouentibus  
Ecclesiæ, vel beneficij admodum diminutis, debitam su-  
stentationem habere non possit, ut in breuì cogatur, quod  
acceptauerit, relinquere. Quare huius statuti tenore, Offi-  
cialibus, Archidiaconis, Decanis, Fiscalibus, & Cursori-  
bus quarumcumque Diocesium nostræ Prouinciæ, seriò  
præcipimus, ut quilibet in suo districtu & officio diligen-  
ter attendat, & inquirat, si quis Presbyteros beneficiatos,  
curatos, vel non curatos, qui suorum propriorum atq; ad  
beneficium suum spectantium bonorum fuerint improbi  
dissipatores, aut debitorum tardi solutores, in suo habeat  
districtu. Quorum si aliquem indagauerit, hunc absq; ul-  
teriori dilatione requirat, illiq; diem certam pro reddendâ  
ratione suæ administrationis assignet, quam rationem

Cap. III.

c. fraternitatē  
de donationi-  
bus l. qui fun-  
dum, §. tutor.  
ff. pro empt. &  
l. ignorantis, ff.  
de procurat.

Ec 2

etiam

etiam die statuto ab eo, in præsentia duarum, vel trium personarum honestarum recipiat, in qua si debita enormia, & quæ facultatibus beneficiati, non, aut vix respondeant, inuenerit; illic sibi statuat terminum solutionis; simul ac edicto publico emisso, denunciari omnibus faciat, quòd creditores istius dissipatoris curent sibi satisfieri. Cæteri verò quicumque sibi caueant, ne debita aliqua, aut credita cum eodem contrahant, cum certificatione, quòd si vltra hanc admonitionem forsan cum ipso contraxerint, vel antiqui debitores post admonitionem sibi factam, solutionem fieri distulerint, quodcumq; debitum remanserit, eo ab beneficio cedente, vel decedente, quo ad successorem pro indebito censeri, nulliq; penitus solutioni subiacerere sciat. Quod si quis temerario ausu, & siua potentia abutens, bona beneficii pro debito prætenso inuadere præsumperit, contra talem Ordinarij locorum, tanquam contra violatorem Ecclesiasticæ libertatis & pacis, ad pœnas Canonicas procedant; Officiales autem, & quicumq; surrogati in officijs existentes, si circa inquisitiones dissipatorum Clericorū, atq; processum, iam supra sibi præscriptum, contra tales instituendum, negligentes fuerint, eos, ac eorum quemlibet, postquam de negligentia affectata, sufficienter, & legitime constiterit, ad solutionem restantium debitorum condemnamus.

## DE IUDICIALI FORO ECCLESIASTICO. Const. XXXIX.

*De conseruanda iurisdictione spiritali, quam Laicalis Magistratus usurpare nullo pacto debet.*

Cap. 1.  
In Decretali.  
Sexto de Cle-

**Q**Valem causarum Ecclesiasticarum, tam personarū, quàm rerum cognitio, & iurisdicctio, etiam contentiosa,

tiosa, requirat Iudicem, non tantum humanæ, sed etiam diuinæ ostendunt tradiuiones, quod non Laica, sed Ecclesiastica esse debeat persona, quemadmodum vnusquisque qui sacras literas, Concilia, & Canones antiquos, atque Imperatorum leges perlustrauerit, facile inueniet: Vnde sacratiss. Imperator Constantinus meritò magnus nuncupatus, cum Episcopi, qui ad Synodum Nicœnam conuenerant, ei libellos obtulissent, in quibus nonnullorum aduersus alios causæ continebantur & querelæ, quibus conuocatis dixit; Deus vos constituit sacerdotes, & potestatem dedit de nobis quoque iudicandi: & ideò nos à vobis rectè iudicamur; Vos autem non potestis ab hominibus iudicari, propter quod Dei solius inter vos expectate iudicium, & vestra iurgia, quæcumque sunt, ad diuinum referuntur examen. Vos etenim nobis à Deo dati estis Dii, & conueniens non est, vt homo iudicet Deos. Et pijsissimus Imperator Valentinianus; Mihi cum vnus de populo sim, fas non est talia perscrutari: verum sacerdotes, quibus hæc cura est, apud semetipsos congregentur, vbi voluerint &c. Et Christianiss. Imperator Iustinianus; si quis contra aliquem Clericum, aut monachum, aut diaconissam, aut monastriam, aut ascetiam habeat aliquam actionem, adeat prius sanctissimum Episcopum, cui horum vnusquisque subiaceat. Quod Nos, nostrique Coepiscopi, per nostram Prouinciã omnino obseruari volentes (præsertim contra quosdam ventosos, qui non solum sacris Canonibus, sed etiam Imperialibus legibus contrasacientes, omne ius Ecclesiasticum sibi vsurpare nituntur, cuius farinae homines imperiosos, etiam inter nostros, nedum Coepiscoporum nostrorum Præfectos Prouinciales comperiri audimus) vetera nostrorum Prædecessorum statuta Prouincialia innouantes, has quæ sequuntur præscribimus leges.

ment. De foro competenti. Auth. vt Clerici apud proprios Episcopos conueniantur primis, & postea apud Ciuil. iudic. Correcta est autè hæc Constitutio. per. l. statum. C. de Episcopo & Clerico. In histor. ecclesiast. & c. continua. §. ut Constantinus, cum c. sacer. 1. q. 1. & c. futura 12. q. 1. De his quoque Pomponius Lectus in vita Constantini. Ex trip. hist. lib. 7. c. 12. 11. q. 1. c. de persona presbyteri. Iustinian. in §. si quis contra. Auth. de sanctiss. Episc. & Martiano, Imp. in l. cum Clericis, Item Leo, & Anthemius in l. ois. & Auth. causa. & Frideric. Imp. in l. statum. C. de Episc. & Clerico. §. sed neque; pro quolibet. auth. ead. vt supra.

Ec 3

Ne

*Ne Clericus citetur ad forū seculare, & quæ poena huius  
sanctionis transgressoribus immineat.*

Cap. 11.  
c. futuram, 11.  
q. 1. c. nullus  
iudicum, 11. q.  
1. vsq; ad c. iu-  
dices, & c. per-  
uenit, vsque ad  
c. Clericū, ibid.

**I**N primis statuimus & ordinamus, vt in omnibus causis de iure vel consuetudine, ad forum Ecclesiæ spectanti- bus, nulla persona Ecclesiastica quomodolibet ad iudi- cium trahatur seculare, vel ei respondeat. Quod si secus factum fuerit, Actor, si Laicus fuerit, in criminali causa, etiam si sententiā pro se obtinuerit, causa cadat: in ciuili verò, integra manente causa, sententiā ipsa viribus careat, & irrita, ac pro nulla habeatur: sed si actor Clericus fue- rit, eum vltra præmissa, excommunicationis sententiā ipso facto incurrere declaramus: Iudex verò quicumque fuerit, qui huiusmodi personam Ecclesiasticam, per se, vel per alium directè vel indirectè, quouis quæsito colore, præter iuris communis dispositionem, ad suum tribunal trahit, vel coram se litigare, aut respondere compellit, aut cautionem, vel fidei iussionem exigit, aut impedimentum & molestiam infert, aut procurat, quod minus in foro Ec- clesiastico liberè agere, & suam causam defendere possit, præter omnipotentis Dei iram, & nostram, nostrorumq; Coëpiscoporum indignationem, se Bullę in cœna Domi- ni censuram illicò incurrissē sciāt, à qua etiā absolui ab habente auctoritatem non poterit, nisi prius omni dam- no & interesse ad plenum satis fecerit, condignamq; pœ- nitentiam egerit. Et si talis iudex ex nostris, siue nostrorū Coëpiscoporum fuerit Præfectis, vel ex alijs Officialibus Laicis, vltra prædicta, etiā ab omni Præfectura, & alio quocumq; officio, illum deponi iubemus absq; spe vllum vnquam à nobis, seu à nostris Coëpiscopis recuperandi gradum, vel officium.

*Crimino*

*Criminosos Clericos, ubi de fuga timor est, à seculari magistratu simpliciter capti, & Ordinarijs præsentari posse &c.*

**C**Um autem nonnunquam accidat Clericos in crimine aliquo scandaloso deprehensos, per seculares Iudices & Officiarios, propter Ecclesiasticorum Iudicium defectum capi, & deinde Ordinarijs præsentari, quod licet Canonibus, Clericorumq; immunitatibus sit aduersum: nihilominus cum criminum enormitas, aut nimium scandalum seuerius aliquid postulet, aliquatenus tolerari volumus, præsertim si magnum esset facinus, & de fuga Reus dubitaretur, ita tamen, ne tales captiui sacerdotes, vel Clerici, apud seculares potestates examinentur, vel in minimo molestantur, neque plus viginti quatuor horis detineantur, ne quod sub custodię nomine geri dicitur, in pœnam conuertatur; sed ad suos Ordinarios, vel eorum Officiales, sub bona custodia mittantur.

Cap. III.

*Quibus uiris prospectum esse debeat Consistorio, & à quibus ijdem se abstinere debeant.*

**F**Oro autem Ecclesiastico, quod & Consistorium vulgo nuncupatur, de uiris tanto tribunali dignis, idoneisq; ac correspondentibus provideatur; ita ut Iudices ipsi, Ecclesiastici sint, ætatis maturæ, vitæ honestæ, famæ integræ, atque Iurium periti, & in sacris constituti, inque reddendo iudicio non segnes, atq; in iudicando omnino iusti. Quibus & sub pœna depositionis ab Officijs suis, atq; perpetuæ infamæ inhibemus, ne à partibus coram se litigantibus, vel litigari verisimiliter sperantibus, munera quæcumque accipiant, nisi sint esculenta, vel poculenta, quæ ad summum in tribus diebus consumi possunt, nec tamen

Cap. IIII.

c. qui recte. & c. non licet. 11. q. 3. & c. nō sane. 14. q. 5. & c. De poen. iudic. q. malè iudic. vel eius, q. iudicē, vel aduersar. corrumpere curauit. p. tot. tit. l. quisquis. C. si cert. petat.

Deut. 16. Exo-  
di 23. Leuit. 19.  
l. 1. § optamur.  
C. de off. p̄fect.  
p̄tor. & c. cū  
olm. ibi glōf.  
in verb. concessi-  
mus. extra. de  
Consect.

tamen eadem affectent, postulent, aut exigant, sed vltro oblata ad declinandū inciuitatem recipiant. Cum enim iura ciuilia, etiam mutuantem pecuniam iudici, vnā cum iudice relegationis poena iubeant afficere: quantō magis puniendi fuerint, qui acceperint munera, quæ excæcant oculos sapientum, & mutant verba etiam iustorū. Omnes autem Iudices (vt etiam Iustiniāno Impera. placet) secundū voluntatem, & timorem Dei, & Principis ordinationem, sic administrationes suas gubernare studeant, vt nullus eorum aut cupiditati sit deditus, aut violentias aliquas, vel ipse inferat, vel vlli alij inferri permittat. Quod si Iudex ipse nō fuerit iuris peritus, iuxta supradicta Affessorem sibi conducatur, iurium gnarū, & qui rerum, negotiorum, & processuum iuridicorum experientiam habeat.

*Ut quilibet Iudex Ecclesiasticus suum habeat Notarium,  
procuratores, & cursorem unum, uel plures, iuxta  
necessitatem, omnes iuratos &c.*

Cap. V.  
c. quoniam cō-  
tra. de proba-  
tionib.

**S**Tatuimus etiam & ordinamus, quōd quilibet iudex Ecclesiasticus per nostram Prouinciā, habeat suum Notarium, suos pariter Procuratores, tales, qui foro Ecclesiastico sint conformes, atque iurati. Insuper & cursorem, vel cursores, iuxta causarum & negotiorum multitudinem, qui etiam sint ad officia iurati, & non tantū mandata & literas hinc inde deferant, & domesticis dominorum suorum negocijs studeant, sed etiam per suum districtum, ad vitam & transgressiones Clericorum aduertant atq; inquirant, & quotiens aliquem reprehensibilem inuenerint, iudici eum denuncient: In locis verō nostrę Metropolitanę, & cathedralium Ecclesiarum, vbi maiora vigent Consistoria, volumus & ordinamus, vt in quolibet dictorum locorum, vltra generales causarum procuratores, spe-



## Constitutio trigesimanona. 225

res, specialiter vnus habeatur procurator fiscalis, non quidem vt ex sacerdotum, vel Clericorum delictis, Fisco Episcopali quæstum faciat, sed vt in facinorosos Clericos aduertat, atque vt tales canonicis pœnis afficiantur, contra eos processus legitimos instituat, simul ac diligenter curret, ne causæ Ecclesiasticæ à suo tribunali decidant, & forsitan ob Ecclesiasticorum negligentiam, à secularibus Iudicibus vendicentur & vsurpentur, quod si factu euenerit, volumus quòd nobis, alijsq; Episcopis nostræ Prouincię, talis vsurpatio abq; dilatione indicetur.

### *Ne corporalis pœna conuertatur in mulctam.*

**N**olumus etiam, atq; omnino prohibemus, ne pro delictis, quæ per iudicem Ecclesiasticum puniri debent, pœna pecuniaria facile imponatur: casu autem quo hoc fieri contigerit, nolumus tamen quòd talis pecunia in nostrum, aut Coëpiscoporum nostrorum iudiciũ, sed in piæ alicuius causæ vsum conuertatur, ne vbi animarum salus quæri debeat, quæstum nos quæsiisse à quopiam videamur. Cap. VI.

### *De honestate Iudicum, Notariorum, Procuratorum, & cursorum Consistorij.*

**P**rohibemus etiam hac nostra Synodali constitutione, Cap. VII.  
ne Iudices, Notarij q; causarum Procuratores, Cursores, aut aliæ personæ consistoriales, cum personis in iudicio comparentibus, siue clientulis, quicquam inhonestè, aut turpiter agant, nullius pudicitiam attentent, ad lasciuiam & inhonestam perpetranda non sollicitent. Nam quisquis de hoc conuictus fuerit, etiam si actus conatum non sit secutus, statim ab officio cadat, & seuerè arbitrio Ordinarij, iuxta delicti qualitatem, puniatur: atque ab actis

Ff

consisto-

## 226 Constitutio trigesimanona.

consistorialibus per totam nostram Pröuinciā excludatur. Quòd si actus sollicitationem secutus fuerit, etiam corporali pœna per Ordinarium affligatur.

### *De publicandis citationibus, mandatis, executorialibusque.*

Cep. VIII.

**Q**uia autem aliquando propter termeritatem, & ausum iniquum aliquorum, ad hos, qui, vel citari, aut quibus mandata, executoriales, vel aliæ literę Ordinariorum intimari debent, tutus non patet accessus; ne huius igitur causa, vel impediatur iustitia, vel digna animaduersio in malè meritos supprimatur: Idcirco prouida & necessaria deliberatione volumus & ordinamus, vt contra tales, citationum, mandatorum, & executorialium edicta apud parochialem ipsorum Ecclesiam, publicè & legitime per nostros nuncios iuratos, aut ipsos prædicatores proponantur: quòd si & circa hanc publicationis formam, ipsis executoribus periculū aliquod immineat, volumus quòd huiusmodi citationes, mandata, executoriales, & aliæ literę Ordinariorum, in nostra Metropolitana, in his quę nostram Diocesiā contingunt, aliàs in cathedralibus Ecclesijs nostrę Pröuincię, tribus diebus dominicis continuis in ambone publicentur, dummodo hi, quos negotium concernit, à cathedrali Ecclesia, infra vnā diētam sint constituti: quòd si remotius absint, ad quindecim dies, ita vt præmissum est, publicentur solemniter, intra quos si nō obtemperauerint, contra tales, ac si personaliter requisiti fuissent, procedatur, ne in alicia his patrocinetur, quibus debita pœna merito irrogari debeat.

*De causa in citationibus assignanda, & Aduocatis, Procuratoribusq; etiam extraneis, à partibus citatis assumendis.*

Tandem

**T**Andem quo minus erretur, & vnusquisque statim ex Cap. 1X.  
 ipsa citatione intelligere valeat, an causa propter quā  
 ad forum Ecclesiasticum citatur sit talis, quod in eo foro  
 merito conueniri & respondere debeat: igitur statuimus  
 & ordinamus, vt post hac in tota Prouincia nostra expri-  
 matur in citationibus, in causis ciuilibus tantum, specialis  
 causa, vel causæ, ob quas, vel quam, aliquis citatur: conce-  
 dimus quoq; quod partes citatæ, & præsertim Laicæ, in  
 causis ad forum Ecclesiasticum spectantibus, Aduocato,  
 & Procuratoribus, etiam extraneis, citra tamen præiudi-  
 cium iuratorum procuratorum, & consuetudinis Consi-  
 storij illius, in iudicio Ecclesiastico vni possint, dummodo  
 tamen libellos, producta & alia necessaria idiomate lati-  
 no inducant, & proponant, atque in omnibus processum,  
 morem, & obseruationes Consistorij Ecclesiastici obser-  
 uent. Qui autem se huic foro conformare noluerint, hos  
 ad turbationes & confusiones vitandas, & maximè pro-  
 pter appellationes, in quibus acta causarum, etiam ad ex-  
 teras nationes facile deuenire possent, recipere non pos-  
 sumus.

## DE NOTARIIS FORI EC- clesiastici. Const. XL.

*Quales sint cooptandi Notarij, & de iuramento,  
fideiq; professione eorum.*

**Q**Voniam ex imprudentia, aut malitia quorundam Cap. vnicum  
 Notariorum, nostris foris Ecclesiasticis quandoq;  
 non pauca, neq; minima, cum partium detrimento accide-  
 re possunt incommoda; idcirco ordinamus & statuimus,  
 ne quisquam in Notarium cuiusuis nostræ Prouinciæ fo-  
 ri Ecclesiastici asciscatur, nisi aliquis prouectæ fuerit æta-  
 tis, non

## 228 Constitutio quadragesima.

tis, non infamis, neq; vlla censura irretitus, honestus, prudens, & in sua arte peritus, atq; tempore aliquo, in ea versatus; ita vt coram Episcopo, vel eius generali Vicario, siue Officiali altero, eius peritiæ per examen sufficienter reddat rationem, deindè sequentem cum iuramento faciat suæ fidei ac fidelitatis confessionem.

*Fidei ac fidelitatis confessio cum iuramento, à promotò in fori Ecclesiastici Notarium facienda.*

**E**GO N. promotus in notarium huius Consistorij N. omnia & singula, quæ in sacrosancta Tridentina Synodo, & alijs vniuersalibus Concilijs, definita & statuta sunt, palam accepto, simulque hæreses omnes à sacris Canonibus, & generalibus Concilijs, præsertim à prædicta Synodo Tridentina damnatas publicè detestor & anathematizo, nec non & veram obedientiam summo Pontifici Romano & vobis Reuerendissimo D. D. & c. (si præsens Ordinarius fuerit, sin verò alius eius loco surrogatus esset, vobis obmittatur) vestrisque vel suis Successoribus, canonicè intransibus spondeo, & constitutionibus mandatisque vestris, vel suis obtemperabo: nec non & instituta officij, siue Officialium Consistorij honesta iussa serua- bo: secretaque eiusdem Consistorij, siue fori Ecclesiastici, & causarum, nemini propalabo, præsertim attestations te- stium, & consilia Assessorum, & conclusas sententias iudicum, donec publicatæ, prolatae, & per eum, vel eos, ad quem, vel ad quos spectat, fuerint subscriptæ: promittens me in omnibus omnem daturum operam, vt iniunctum mihi munus, sine querela fideliter ac diligenter, iuxta formam fori huius Diocesis, exequar.

DE

## DE DECIMIS, OBLATIONIBUS, &amp; Collecturis.

## Const. XLI.

*Decimas ueteri ac nouo iure persolendas esse.*

**Q**Voniam officij nostri esse nouimus, ea quæ ad S. fidei Catholicæ sustentationem spectant, integra conseruare, distracta colligere, & quæ longissimo temporum interuallo interierunt, recuperare, & in pristinum statum reuocare: ne dum ea, quæ cognoscimus ad nostri Ordinis qualitatem pertinere, aut non corrigendo, aut (quod nefas est) silentio pretereundo, socordia, & negligentia culpam incurramus: nonnulla de decimis in medium producere censuimus necessarium. Leges namque non solum humanæ, sed etiam naturales & diuinæ, consulentes sacerdotibus ac ministris Ecclesiarum, pro hæreditaria portione, omni populo præceperunt decimas fructuum suorum locis sacris præstare, ut nullo labore impediti, per res illegitimas, spiritualibus possint vacare ministerijs, quas leges Christianorum cætus longis temporibus custodiuit intemeratas. Nunc autem paulatim præuaricatores legum penè Christiani omnes offenduntur, dum ea quæ non tantum humanitus, sed & diuinitus sancita sunt, adimplere negligunt; magnum facinus perpetrantes: quæ de re non solum in anima verum & in temporalib. à Deo puniuntur bonis, quibus patres nostri abundabant, quando in soluendis decimis, proprijs non parcebant redditibus. Idcirco non incongruè D. ait Augustinus: Maiores nostri ideò copijs omnibus abundabant, quia decimas Deo dabant, & Cæsari censum reddebant: Modo autem, quia discessit deuotio Dei, accessit indictio fisci. Nolumus partiri cum Deo decimas; modò autem tollitur totum. Hoc

Ff 3

tollit

Cap. I.

Ex Concil. Marticonesi. 2. c. 5.  
 Gene. 14. & 28.  
 Exo. c. 12. & 13.  
 Leuit. 27. Numer. 5. & 18.  
 Malach. 3. & 2.  
 Paral. 31. Nemer. 13. Luc. 10.  
 1. Cor. 9. & 10.  
 & c. reuertimini, cum sequentibus. 16. q. 1. cap. decimas, vsque ad cap. maiores. 16. q. 7. & de Cõsecr. dist. 5. cap. quadagesima, & extra, de decim. primit. & oblat. p. tot. tit. ibiq; D. D. Exempla etiam præter Abraham, & ceteros, veteris legis Patres, habemus in Cõstantino magno, Carolo magn. Henrico 2. &c. Quib. idè, quod Esæchiæ sacerdoti cõtingit. li. 2. Paralip. c. 21. D. Aug. quod & recitatur 16. q. 7. c. maiores.

## 230 Constitutio quadragesima prima.

& in l. Lucius  
Titius ff. de iur.  
fide. Et ex præ-  
ced. Concilio  
Salisb. c. 1. tit. de  
decimis.

tollit fiscus, quod non accipit Christus. Ita quòd duplici afficiuntur iactura, qui aut in nullo, aut male & perperam, sua annua decimant bona, quia suas dānant animas, Deum offendentes, & quod iniquè sibi collocant, accipit alter. Quibus malis ex officij nostri debito consulere volentes, statuimus & decernimus, vt mos antiquus inter fideles obseruetur, & decimas Ecclesiasticis famulantibus Deo, populus omnis inferat, quibus sacerdotes in sui sustentationem, & pauperum subuentionem, aut Ecclesiarum reparationem, vti possint; ac deinde meritò suis orationibus pacem populo ac salutem impetrent. Si quis autem istis nostris saluberrimis statutis contumax fuerit, iuxta demerita, acerrimè puniatur. Omnes autem, omnium cum charitate, & modestia, atque prudentia prius sunt admonendi, & bene instruendi: quod munus erit Prædicatorum verbi diuini: qui cum se occasio offert, populum circa ius ipsum decimandi, & debitum soluendi, fideliter non prætermittent docere; ita tamen ne cupiditas Pastorum charitatem exuperet ouium, sed ita prudenter debitum doceatur, vt ordinatio diuina quàm optimè à populo percipiatur atq; diligatur.

*Ex omnibus fructibus decimas dari debere.*

Cap. II.

Locis supra  
tatis,

**C**Um igitur decimæ, tributa sint egentium animarum, quas dominus in signum vniuersalis dominij pro ministris Ecclesiæ sibi retinuit, cumq; canonicæ sanctiones iubeant eas de omnibus fructibus cum integritate persolui: statuimus & ordinamus, quòd Laici ipsi de agris, & noualibus, ac de omnibus his fructibus, quos in qualibet Diocesi, seu parochia decimari ab antiquo solitum est, his ad quos pertinet, & liquidum ius habent, nullis deductis expensis, siue messorum sit præcium, familia, aut mercenariorum, etiam iuxta locorum consuetudines, si de  
vno



## Constitutio quadragesimi prima. 231

vno fundo, & vno anno pluribus vicibus crescant atque  
proueniant plures fructus, omnino integrè, etiam semine  
non reento, neq; censibus & tributis annuis deductis, &  
similiter in locis, vbi consuetudo est, de animalibus, atque  
alijs licitè acquisitis, & secundum vniuscuiusq; Diocesis  
consuetudinem decimari solitis & consuetis, sine fraude  
qualibet tribuant integrè, atq; sub pœnis canonicis sol-  
uant. Quod vt efficaciter fiat, Nos, ceteriq; Episcopi no-  
stræ Prouinciæ, apud subditos nostros in temporalibus,  
debitis mandatis pœnalibus, & aliter, prout iustum fuerit  
prouidebimus, adhortantes seculares potestates in domi-  
no, vt pro obedientia omnipotenti debita, & sustentatio-  
ne ministrorum præcipuè Ecclesiæ, apud suos subditos id  
agant, vt decimæ omnes, tam maiores, quàm minores fi-  
deliter, & sine fraude & dolo soluant, memores istius san-  
cti Ambrosij exhortationis: Quicumq; recognouerit in se  
quod fideliter non dederit decimas suas, modo emendet,  
quod minus fecit. Quid enim est fideliter dare, nisi vt nec  
peius, nec minus aliquando offerat de grano, aut de vino,  
aut de fructibus arborum, aut de pecoribus, aut de horto,  
aut de negotio, aut de venatione sua?

In Sermonem  
quadragesimæ,  
Ecclesiæ, 16. q.  
7. c. quicumq;.

*Oblationes, & Collecturas, iuxta antiquam huius  
Prouinciæ consuetudinem fieri præ-  
cipitur.*

**Q**uod autem ad oblationes & collecturas attinet, volu-  
mus & mandamus, vt iuxta antiquam & semper ob-  
seruatam huius nostræ Prouinciæ laudabilem consuetu-  
dinem, suis stant temporibus.

Cap. III.

DE

232 Const. quadragesima secunda.  
DE SACROSANCTIS SA-  
cramentis Ecclesiæ Dei, ac eo-  
rundem administratione.  
Const. XLII.

*De septem Sacramētis, eorumq; uirtute, & quæ pub-  
licitus de hisce sint emunctanda.*

Cap. I.  
De Sacramētis ac  
eorundem admini-  
stratione.

Liber Agēdarij cuius  
hic & alijs in locis  
Synodus memin-  
debebat esse vnus, ac  
duas partes comple-  
tebatur: vnā de do-  
ctrina & instructione  
Sacramentorum; de  
benedictionibus, &  
processionibus, ritibus,  
Ecclesiasticis in admini-  
strandis Sacramen-  
tis, alijsq; rebus agē-  
dis alteram. At verò  
post Synodum à fan-  
cta Sede approbatā,  
qua idem ob causas,  
visum est, ut is liber  
in duo opuscula diui-  
deretur, & hæc quidē  
pars, quæ est de rebus  
agendis, seorsum im-  
primeretur; Agēda-  
riumq; inscriberetur:  
illa verò de doctrina,  
& instructione Sacra-  
mentorum &c etiam

**N**Os, nostriq; Coepiscopi, alijsq; minores Prælati,  
nec non & ceteri in hac nostra sancta Synodo  
de iure, vel consuetudine congregati, totam hanc no-  
stram Salisburgen. Ecclesiæ representantes Prouin-  
ciam, nostrorum Prædecessorum sequentes vestigia,  
Synodiq; Salisburgen. Prouincialis præteritæ reno-  
uantes Decreta, cum sancta Catholica, Romana Ec-  
clesia, & omnibus Oecumenicis Concilijs, septem fa-  
temur esse Sacramenta, quibus delentur peccata, con-  
fertur gratia, & cœlorum aperitur ianua, Baptismum,  
Confirmationem, Pœnitentiam, Eucharistiam, Ordini-  
nem, Matrimonium, & Extremam Vnctionem. Quæ  
propterea tanquam salutis nostræ necessaria, cum om-  
nibus & singulis circa ipsa, à sacris Oecumenicis, præ-  
sertim Florentino & Tridentino Concilijs tradita,  
recipimus, atque amplectimur, & à nostris subditis  
vtriusq; sexus Clericis, & Laicis, idem fateri, illaq; re-  
cipi, & amplecti, sub omnipotentis Dei indignatione,  
& nostra animaduersione, mandamus & præcipi-  
mus: Ordinantes omnibus animarum curam habenti-  
bus, præsertim Parochis, atq; eorundem Cooperato-  
ribus, siue Vicarijs, & verbi diuini Concionatoribus,  
ut hæc ipsa septem Sacramenta, & quid circa vnum  
quodq; ipsorum sit credendum, simul ac eorum virtu-  
tes, &

# Const. quadregesima secunda. 233

tes, & efficaciam, iuxta ea quæ à supradictis duobus generalibus Concilijs, tum etiam ex Catechismo Romano, nuper decreto Concilij Tridentini, sollicitudine Pij V. nostri Pontificis Max. condito, sunt præscripta, suum doceant populum, ijs tamen iuxta diligentissimè obseruatis, quæ in nostro Agendorum describuntur libro, breui, Deo dante, in lucem prodeundo, in quo tum in communi, tum in particulari quàm breuiter, cum sacrarum etiam scripturarum approbatione, euident, atq; essentialis vniuscuiusq; doctrina, & cuiuslibet administrationis exhibetur instructio.

scorsim, quam Manuale Parochorū appellari placuit, & ita factū est. Cum itaque Synodus hucce in locis non ad secundam partem, sed ad primam semper se reterat, an, madue. cas o po ter, nō Agendarium, sed Manuale parochorū intelligendū ac consulendū esse. Id quod clarins distinctiusque ex eius libri epistola accipies.

*Declaratio Sacramentorum magna ex parte re-  
turnad librum Agendorum.*

**M**ulta etenim non solum ad Sacramentorum declarationem, sed etiam eorundem ministrandorū instructionem, tum vt nonnulli orti tollantur abusus, ipsorum ministris essent præscribendæ leges & statuta: sed quoniam consultius iudicauimus, hæc ipsa in Agendorum, de quo supra, opusculo describi debere, cō quòd liber ille propter continuam Sacramentorum administrationē, nostrorum Clericorum vsui frequentior futurus est, quàm istarum Synodalium sanctionum Codex: idcirco ea omnia, quæ nobis circa illa ipsa visa sunt digna, atque necessaria, in eodem Agendario concinnari curauimus, Ordinantes, atq; sub pœna priuationis omnium dignitatum graduum, vel beneficiorum, si quæ illis fuerint, vel alias suspensionis cuiuslibet gradus Ecclesiastici, & alia grauià suis Ordinarijs imponenda pœna, mandantes omnibus & singulis, cuiuscumque sint gradus & conditionis, Sacramentorum ministris, omnia & singula, quæ in Agendario circa ministrandorum Sacramento-

Cap. II.

Gg rum

234 *Constitutio quadragesimalis secunda.*  
rum considerationem, & obseruantiam sunt contenta at-  
que præscripta, ad vnguem omnino seruari, ac si huic no-  
stræ sanctæ Synodo ad verbum essent inserta.

*Etiam hic nonnulla tractari de Sacramentis, in libro  
Agendorum non contenta.*

Cap. III.

**Q**Uamquam in iam nominato Agendorum libro, quæ  
pro administrandorum Sacramentorum instructio-  
ne visa fuere necessaria, abundè sint descripta, nihilomi-  
nus & nonnulla alia hoc in loco tum in communi, tum in  
particulari annotare censuimus, non indigna neque inuti-  
lia; quinimò necessaria.

*Ministros Sacramentorū inculpata uitæ, bonorumq; mo-  
rum esse debere, sicut Sacramentorum uirtus accipien-  
ti non adimatur propter ministri ini-  
quitate.*

Cap. IIII.

**L**icet Sacramentorum uirtus accipienti non adimatur  
propter ministri iniquitatem, Ministros tamen admo-  
nemus, ut in administrandis ipsis Sacramentis, inculpate  
se gerant, nè dum ipsi alios à peccatis lauant, ipsi inqu-  
rentur. Cum enim Sacramenta sint utique sacra, decet ut  
ab innocentibus, & incontaminatis manibus consecren-  
tur, rectè tractentur, & deuotè administrentur.

*De constituenda commoditate administrandorum Sacra-  
mentorum in locis à parochia distantibus.*

Cap. V.

**E**Os præterea quibus cura inest animarum, admonitos  
esse volumus, atque illis sub omnipotentis Dei indi-  
gnatione, & nostra interminatione præcipimus, ut super  
greges

## Constitutio quadragesima secunda. 235

greges suos omnium sollicitudine vigilent, & attendant, ne cum necessitas exposulauerit, in administrandis Sacramentis deficiant. Et quoniam nonnullæ per nostram Prouinciã Parochiales extant Ecclesiæ, quarum pars populi extra ciuitatum, & oppidorum mœnia consistit, & alicubi satis longè distat, quo fit, vt Parochi, atque eorum Cooperatores, seu Vicarij, nocturno, tum etiam diurno tẽpore, seu quoties necesse fuerit hominibus illis, non nisi magna cum incommoditate, atq; sanctorum Sacramentorum non minimo periculo, & dedecore, præsertim hyemali tempore, subuenire possunt: Cui incommodo succurrere volentes, mandamus, vt Episcopi partes huiusmodi, commodiori vniant Parochiæ, aut etiam inuitis Rectoribus, ex Constitutione Alexandri III. & Decreto

Seff. 11. c. 4. Decree. de Reformat.

### *De sustentatione sacerdotum recentiorum Ecclesiarum curatarum.*

**I**llis autem sacerdotibus, qui de nouo fuerint Ecclesijs nouiter erectis præficiendi, competens assignetur portio, arbitrio Episcopi, ex fructibus, ad Ecclesiã matricem quomodocumque pertinentibus, & si necesse fuerit, compellere possit populum ea subministrare, quæ sufficiant ad vitam dictorum sacerdotum sustentandam: quacumq; reseruatiõne generali, vel speciali, vel affectione, super dictis Ecclesijs, non obstantibus. Neque huiusmodi ordinationes, & erectiones possint tolli, nec impediri, ex quibuscumq; prouisionibus, etiam vigore resignationis, aut quibusuis alijs derogationibus, vel suspensionibus.

Cap. VI.  
Ex Concilio  
Trid. loco re  
sup.

*Iustam prouisionem sacerdotum circa numerosam plebem fieri debere.*

Gg 2

Ex

## 236 Constitutio quadragesima secunda.

Cap. VII.  
Leco vt sup.

**E**X Decreto pariter Concilij Tridentini etiam ordinamus, vt Episcopi in omnibus Ecclesijs Parochialibus, vel Baptismalibus, in quibus populus ita est numerosus, cui vnus, & alter Rector pro ecclesiastica administratione non sufficiat, eos ipsos tot sibi sacerdotes ad hoc munus adiungere, quot sufficiant ad Sacramenta exhibenda, & cultum diuinum celebrandum, compellant.

*De Cæremonijs circa sacram administrationem, iuxta Catholicæ Rom. & vniuersalis Ecclesiæ traditionem, obseruandis.*

Cap. VIII.  
Ex Concilio  
Meldenſi de ijs  
quæ ad Sacra-  
mentorum ad-  
mini. gen. per-  
tineat. f. 2.

**C**vrabunt etiam Episcopi, vt in suis cathedralibus Ecclesijs, in omnium Sacramentorum administrationibus, atque id genus alijs, præsertim in sponſorum benedictionibus, ritus seruentur, & cæremoniæ, secundum traditiones sanctæ Romanæ & vniuersalis Ecclesiæ: Alij verò omnes inferiorum Ecclesiarum qualiumcumq; Rectores, in his omnibus à cathedralium Ecclesiarum obseruatione, nulla ex parte discedant, sed eis omnino se vniformes reddant.

*De Sacramentorum explanatione, cum administrantur, ab Episcopis, atq; Parochis facienda.*

Cap. IX.  
Ex Concilio  
Meldenſi ti, vt  
sup. f. 10.

**E**piscopi præterea in administrandis Sacramentis, illorum vim & vsum pro eorum, qui sumpserint, siue adfuerint intelligentia, diligenter explicare debent: Quod & Parochi, cæteri que Sacramentorum administratores præstare non deerunt, iuxta normam in Agendario prodeundo traditam, adhibita semper, circa vnum quodq; Catechismi Romani explanatione.

DE



## DE BAPTISMO.

Const. XLIII.

*Baptismum infantium ultra octiduum non esse  
differendum.*

**C**VM hoc salutiferum Baptismi Sacramentum, prin- Cap. I.  
cipium sit, quo mortalibus regni cœlestis aperitur  
ianua, non immeritò aliquis præponitur, circa quod præ-  
ter ea quæ in Agendorum libro continentur, quæ omni-  
no obseruari volumus atq; præcipimus, hæc paucula etiã  
illis addere decreuimus. Et in primis ordinamus atq; sta-  
tuimus, omnibus quorum ea est cura, mandantes, ne vltra  
octiduum, infantes à suis natiuitatibus differant sacerdo-  
tibus proprijs, aut eorum vices gerentibus, in Ecclesijs  
Parochialibus offerre baptizandos; quod si quispiam nõ  
præstiterit, illum latæ sententiæ excommunicationem in-  
currisse declaramus, nisi aliqua rationabili causa ductus, à  
Parocho licentiam aliquantisper differendî impetraue-  
rit, quæ tamen breuis debet esse; quia non est iustum, vt  
res, quæ tam magna, tam præclara creditur, neglectius, aut  
tardius quàm expedit, protrahatur; propterea benè ait D.  
Augustinus: Rogo vos fratres, vt quicumque aut filium, Ser. 7. de tem-  
pore.  
aut vernaculum suum baptizari desiderat, iam nunc cum  
Ecclesiæ offerre non differat.

*De instruendis obstetricibus circa subitaneum  
Baptisma.*

**S**TATUIMUS etiam cum salus animæ ab hoc maximè pen- Cap. II.  
deat Sacramento, vt obstetrices, quæ sapius necessita-  
te imminente infantes baptizare solent, postquam à secu-  
lari potestate, aut his, quibus eas assumere competit sunt  
assumptæ,

## 238 Constitutio quadragesimatertia.

assumptæ, locorum Plebanis statim præsententur, vt ab eisdem (quemadmodum & in Agendis habetur) doceantur, atq; instruantur, in quibus casibus, & sub qua forma ipsæ Baptismum impendere valeant, ne cum irrecuperabili, & miseranda infantum iactura, eas errare contingat.

*Quibus non liceat, nisi in Ecclesijs Baptizari.*

Cap. III.

**L**icet in Agendario siue sancitum, neminem nisi in Ecclesia Baptismali, vt in loco ad suscipienda Sacramenta ordinato (nisi aliud cogat necessitas) baptizari debere, nihilominus quia nonnulli fraudulentè id ipsum interpretantes, in domibus Aedituorum aut Parochorum, ad ipsas Parochiales Ecclesias pertinentibus, suos procurant, cum eorundem sacerdotum applausu & consensu (proh nefas) baptizari filios, asserentes perinde esse ac si in Ecclesijs fieret, eò quòd huiusmodi domus cum ipsis Ecclesijs, quibus vel earum cœmiterijs communiter sunt annexæ aut contiguæ, pro eadem re habeantur; coacti sumus in hac sancta Synodo, taliũ malitiæ ob stare, hoc Decretum edere; omnibus Parochis, atq; eorundem in cura animarum regenda Cooperarijs præcipientes, ne Baptisma nobilissimum Sacramentum, non solum in proprijs, aut amicorum, sed neq; etiam in Parochorum, aut edituorum domibus (quantumuis Ecclesijs Parochialibus contiguus, aut annexis) seu alio in loco, quàm in Ecclesijs baptismalibus cuiquã conferant, nisi euidentissima alicuius infantuli emerferit necessitas, propter quam absq; illius periculo ad Ecclesiam accessus haberi nequeat: Vel nisi Regum, Principum, & etiam Illustrium extiterint liberi, quibus deferri conceditur, dummodò in aliquo eorundem Arcis, siue Pallatii sacello, debitis modis, & cæremonijs, ab Ordinario Parocho, seu ab alio ab eo misso, baptizentur, & ita Ordinario ex aliqua iusta causa visum fuerit.

*Quicumq;*

## Constitutio quadragesimaquarta. 239

Quicumq; autem sacerdos contrarium facere præsumpserit, ab officij sacerdotalis exercitio, vsq; ad sui Ordinarij beneplacitum, sit ipso facto suspensus, aliacq; corporali pœna ab Ordinario corripicndus.

### *De diligentia circa unctionem Chrismatis.*

**C**Auere quoque debent Parochi, ne sacrum Chrisma in Cap. IIIL  
Baptismate, à Laicis attingatur; Ideoq; parare sibi debent bombycem, seu linteolum aliquod, quo statim post unctionem ipsimet abstergant Chrisma, ne obstetrices, aut nutrices, siue Compadres, aut Commatres tangant, sed ipsi sacerdotes à Baptismate igni tradant.

## DE CONFIRMATIONE.

### Const. XLIII.

*Ut Episcopi frequentent usum Confirmationis, & quot annorum debeat esse Confirmandus.*

**Q**Voniam in opusculo Agendorum, de virtute huius Cap. I.  
Sacramenti, deq; ipsius Ministris, nec non & de populorum instructione, à Parochis facienda, est sufficienter explicatum; idcirco ne idem repetamus hec in loco, aliud circa ipsum statuere nolumus: Episcoporum tantummodò negligentiam hic loci redarguendam, apud quos hoc ipsum Sacramentum hactenus minus est frequentatum, eodemq; vnà admonendos esse operaprecium iudicauimus, vt in posterũ subditos suos, quotquot adhuc eodem Sacramento initiati non sunt, consuetis caeremonijs confirment, & insigniant, quod & Nos (Deo auxiliante) obseruabimus, atque idem à Coëpiscopis nostris obseruari mandamus, vt hoc tam vtili Sacramento curent, vel per seipsos, aut (ipsis impeditis) per alios Episcopos

## 240 Constitutio quadragesimaquarta.

scopos, in maioribus quidem & amplioribus Diocesisibus in annis quatuor, singulo anno eam maiorem, quam poterit partem: in minoribus verò Diocesisibus, in duobus annis, singulo anno dimidiam partem insigniri. Sed animaduvertant ne minori quàm septem annorum ætatem habentibus hoc Confirmationis Sacramentum exhibeant.

*Ut Concionatores competentis tempore hoc Sacramentum populo exponant, atq; declarent.*

Cap. II.

**Q**Vandoquidē Sacramenti huius vsurpatio tam apud Metropolim, quàm cathedrales ciuitates, nescimus qua remissione, retroactis annis adeò fuerit infrequens, ut apud plerosq; obliuioni tradita, & iuuentuti penè sit incognita: Ordinamus & mandamus, ut non solum Parochi, sed & Concionatores Verbi diuini in suis sermionibus, vim atque virtutem huius Sacramenti fideliter edoceant plebem, ut quid circa illud credere debeant, sciant; & quid per huius Sacramenti susceptionem consequantur, cognoscant. Quod eo præsertim tempore fieri volumus, quo Episcopi ad ipsos ea de re sunt profecturi, de quorū aduentu iidem Prædicatores & Plebani suos semper facient certiores Parochianos, quibus etiam diem denuntiabunt, in qua Episcopi Confirmationis actum habituri sunt.

*Tempore, quo Episcopi hoc Confirmationis Sacramentum sunt ministraturi, uisitationes iuxta per eandem partem Diocesis fieri debere.*

Cap. III.

**H**iscæ etiam temporibus poterunt, imò debent uisitationes (de quibus infra particularis habetur Constitutio) & inquisitiones, per eam partem cuiuslibet Diocesis (quæ tunc per Episcopum, vel in pontificalibus eius Vicarium

## Constitutio quadragesimaquinta. 241

Vicarium peragetur) celebrari; quia multò melius quid circa vnamquāque Ecclesiam, necessariò ordinandum fuerit, siue in Pontificalibus, seu in alijs spiritualibus, etiā (si opus fuerit) in temporalibus, in præsentia ipsius Ordinarij, vel eiusdem Suffraganei, ordinari, disponi, atque expediri poterit.

### *De spirituali cognatione circa Baptismi, & Confirmationis Sacramenta, contracta.*

**Q**uantum verò ad spiritualem spectat cognationem, Cap. IIII. quæ in supradictis duobus Baptismi, & Confirmationis contrahitur Sacramentis, satisq; pro necessitate in Agenda, iuxta sacri Tridentini Concilij, & Pij V. Pont. Max. limitationem, sunt edocta, ea omnia omnino seruari volumus, atq; statuimus. Quapropter Ecclesiarum Pastores diligenter animaduertent; ne illos qui tali fuerint vinculo irretiti, matrimonialiter inuicem copulent.

## DE POENITENTIA.

### Const. XLV.

#### *De usu confitendi peccata, & qualitatibus Confessorum.*

**C**um in sæpè nominata Agenda nedum essentialia Cap. I. Pœnitentiæ & Confessorum qualitates requisitæ, verùm & quomodo ad pœnitentiam populi sint a suis proprijs sacerdotibus inducendi, disponendi, instruendi, atq; preparandi, nec non & in ipso confessionis actu audiendi, & pœnitentes absolucendi, atque id genus alia ad hoc ipsum Pœnitentiæ Sacramentum spectantia, cum omnibus tam Papalibus, quàm Episcopalibus casibus, etiam

Hh

censuris,

## 242 Constitutio quadragesima quinta.

cenſuris, & irregularitatibus, diffuſe ſatis & competenter ſint aſſignata, Confeſſoribusq; ipsis præſcripta, quæ ad vnguem prorsus obſervari volumus, mandamus, & præcipimus; Idcirco in eiſdem hic repetendis immorari nolumus, niſi quòd Nos, noſtrosq; Coëpiſcopos admonemus, vt Deo, noſtrisq; ſatisfaciamus conſcientijs, & Confeſſorum, conſitentiumq; conſulamur animabus, ne quiſpiam à Nobis, ſeu quoquam noſtrorum Coëpiſcoporum admittatur in Confeſſorem, niſi illis quinque qualitatibus eodem in libro Agendorum deſcriptis, fuerit inſignitus: & ita per rigorosum exa-men repertus. Tales enim ſacerdotes, qui confeſſionibus ſunt præficiendi, viri eſſe debent integri, maturi, nullo crimine publicè diffamati, non ebrioſi, non leues, non cupidi, non ad quæſtum intenti, neq; exploratores nimium curioſi, ſed ab his vitijs prorsus alieni, prudentes, patientes, ſilentij tenaces, ſenſibus perfecti, modeſti, de animarum ſalute ſoliciti, eruditi, vt inter lepram & non lepram, ac lepram & lepram diſcernere ſciant, ne intricatam conſitentium conſcientiam extricare ignorantes, ſeipſos & illos perdant, opusq; Dei deſtruant, iuxta illud, cæcus cæcum ducens, ambo in foueam cadunt.

### *In quibus admonendi ſint Confeſſores.*

Cap. 11.

**I**llud quoq; ab Episcopis obliuioni non eſt tradendum, vt cum aliquos præmiſſo examine inſtituunt Confeſſores, non prætermittant eos admonere, & iniungere illis ſub pœna condigna, in audiendis confeſſionibus, & iniungendis pœnitentijs, rebusq; alienis reſtituendis, ac pœnitentibus abſoluendis, atq; caſibus, cenſurisq; reſeruatjs, ne eorum iora quidem prætereant, quæ in libro traduntur Agendorum.

De



# Constitutio quadragesimaquinta. 243

*De Pœnitentiarijs instituendis, ubi non habentur,  
& eorum officio.*

**V**T sacri Tridentini Concilij nō modo pareamus Con-  
stitutioni, verū etiam nostræ Prouinciæ consula-  
mus necessitati, antiqua Prædecessorum nostrorum vesti-  
gia sequentes, & Prioris Salisburgen. Synodi decretum  
renouantes, ordinamus & statuimus, vt in nostra Metro-  
politica, ac qualicumque alia cathedrali Ecclesia, aliquis  
Doctor, aut Licentiatus in Theologia vel iure Canonico,  
annos quadraginta natus, seu alias, qui aptior pro loci  
qualitate reperiatur, secundum Synodi Tridentinæ de-  
terminationem, ab Ordinario in Pœnitentiarium, vbi nō  
habetur, instituatur, semperq; retineatur, ac foueatur; qui  
personam sui Episcopi repræsentans, ipsiusque omnem  
absoluendi potestatem habens, non solum à casibus, &  
censuris, suo Ordinario reseruatis, pœnitentes ad se re-  
currentes valeat absolvere, sed etiam reliquos Confesso-  
res, in casibus intricatis, seu non intellectis, illum consu-  
lentes, possit edocere atque instruere, siue illis in casibus  
non concessis, autoritatem petentibus succurrere: &  
missos à Plebanis, siue etiam ab Archidiaconis, vel rura-  
libus Decanis, aut alijs Officialibus, siue minoribus Præ-  
latis propter aliqua delicta occulta, seu publica, iuxta rei  
exigentiam, expedire. Qui tamen neque à confitentibus,  
neq; à pœnitentibus, aut eis, qui ipsum consulunt, super  
precio aliquo paciscatur, neque quicquam exigat, sed suo  
contentus sit stipendio: Qui etiam cum vacat, quandoq;  
veluti semel, aut bis in hebdomada non tantum confesso-  
ribus, verū & cæteris sacerdotibus, conscientia præle-  
gat casus, illosq; interpretetur.

Cap. III.  
Sess. 14. cap. 8.  
Decr. de Refor-  
mat.  
De pœnitentijs  
& remissioni-  
bus c. primo.

Loco vt sup.

Hh 2

Neg

## 244 Constitutio quadregesima quinta.

*Neque simplici sacerdoti, aut extraneo, licere absolvere, nisi is fuerit legitime deputatus: neq; exposito, à casibus non concessis, nisi obtenta prius facultate.*

Cap. IIII.

**V**T autem proteruorum obstemus temeritati, pusillorumq; occurramus simplicitati, statuimus, atq; precipimus omnibus sacerdotibus, ne (exceptis locorum Parochis, eorumq; Cooperatoribus, seu Vicarijs approbatis) quispiam, præter excommunicationem, quam huiusmodi temerarios contrafacientes se incurrisse sciant, sub pœna carceris trium mensium, & alia ab Ordinario loci, iuxta facti enormitatem, infligenda, audeat in confessionem ab Ordinario non admissus, quemquam sine necessitate imminente, etiam in casibus non reseruatis, vel ad cōfessiones audiendas expositus, in casibus, seu censuris, sibi non concessis, sed superioribus reseruatis, absolvere.

### *De publicatione Confessorum.*

Cap. V.

**N**E verò quispiam pœnitentium decipi possit, ordinamus, vt in foribus cuiuslibet Ecclesiæ, vbi confessiones audiri, & Confessarij plures esse solent, affigatur tabella, in qua nomina & cognomina Confessorum approbatorum sint descripta.

### *De annotatione, & animaduersione in eos, qui confessionem intermiserint.*

Cap. VI.

De Sacram. pœnitentiæ. c. vltimo.

**C**Æterum cupientes nostrorum subditorum saluti consulere, & Constitutioni Capituli vtriusque sexus, volentes satisfacere, quam districtius, sub his pœnis quæ ibi statuuntur, obseruari, precipimus: Decretum prioris Synodi Salisburgen. renouantes, ordinamus & statuimus iniungendo omnibus Sacerdotibus per nostram Prouinciā

## Constitutio quadragesimaquinta. 245

ciam vbi libet constitutis, etiam regularibus exemptis, & non exemptis, atq; mendicantibus, quòd quilibet eorum omnes sibi cōfiteutes, tam pro prima, quàm secunda confessione, quolibet anno in Regestum diligenter conscribat, ac quilibet pastor, tribus hebdomadis post festum Paschæ proximis, tam suum, quam Cooperatorum, & deputatorum à se Confessorum Regesta conferat, atq; exinde quas personas ipsi sciuerint inobedientes, & mandatis Ecclesiæ non paruissè, nostris Officialibus, Archidiaconis, vel Decanis ruralibus, ante festum Pentecostes, vnà cum transmissione Regestorum in scriptis significant. Quæ subindè quilibet Officialis, Archidiaconus, & Decanus ruralis, suo Episcopo præsentet. Ita tamen quòd antequam denuncientur, prius per pastores suos de faciendâ Christiana confessione paternè admoneantur: Qui si proteruè in impietate sua perrexerint, tunc demum ad superiores deferantur, vt coram ipsorum inobedientium superioribus pro obedientiæ debitæ præstatione sollicitari, vel ex officio Pastoralis, canonico modo contra tales procedi valeat.

### *De Confessione sacerdotum, & eius rei testimonio.*

**H**oc vnum etiam non est prætereundum, quinimò maxime considerandum, quòd multi sacerdotum Sacramentalem suorum peccatorum confessionem penitus omittunt, alij verò vix semel in anno, sua confitentur peccata, qui quotidie grauissimè offendunt Deum, & scandalizant proximum, multas perpetrantes iniquitates: quorum impietati, pro nostri Pastoralis officij debito volentes succurrere, illorumque salutì consulere, ordinamus & sancimus, vt sacerdos quilibet simplex, vel beneficiatus, Parochus, vel Cooperator seu Vicarius, quotienscumque confitetur, à suo confessario testimonium in scriptis acci-

Cap. VII.

## 246 Constitutio quadragesimalis sexta.

piat, vt tempore vifitationis, vel ab Ordinario requisitus, ostendere pofsit. Quod fi quis nō obseruauerit, tanquam propriæ conscientiæ immemor, priuatus beneficijs, etiam acerrimè, iuxta Canones puniatur, vt non solum secularibus sit exemplo, sed etiam ipsius anima lucrifiat. Si laici ex præcepto saltē semel in anno obligantur consiteri, vt placeant Deo, & suæ consulant cōscientiæ, & satisfaciant Ecclesie, quantò magis sacerdotes, qui quotidie pro se, & Dei populo orare debent, & sæpè diuina mystéria cōtrectant, non solum semel in anno, sed totiens, quotiens se Deum mortaliter offendisse sciant atq; comprehendant, hoc agere tenentur, vt immaculati assistant Deo omnipotenti.

## DE SENTENTIIS EXCOMMUNICATIONUM, aliarumque censurarum, & irregularitatis.

### Const. XLVI.

*Pœnas censurarum Ecclesiasticarum, & irregularitatis &c. per iura recentiora non reuocatas &c. in suo robore permanere.*

Cep. I.

**P**OENAS censurarum Ecclesiasticarum quaruncumq; & irregularitatis, quæ in sacris Concilijs Oecumenicis, Patrum Decretis, & summorum Pontificum Decretalibus, atque pœnis, & censuris Antecessorum nostrorum statutis Prouincialibus inueniuntur, neq; per iura recentiora reuocata, vel emendata, aut contraria, legitima & canonicè præscripta consuetudine, non sunt abolita, decernimus in suo robore permanendas, quibus eas etiam connumeramus censuras, quæ hisce nostris Prouincialibus insertæ sunt statutis.

De

# Constitutio quadragesimal sexta. 247

*De excommunicatione moderate usurpanda.*

**Q**uamuis autem excommunicationis sententia gladius sit, & neruus Ecclesiasticæ disciplinæ, & ad continendos in officio populos valde salutaris, nihilominus eam, quæ ab homine, hoc est, Iudice Ecclesiastico potest infligi, volumus & statuimus cum sacrosancto Tridentino Concilio post hac, nisi magnam ob causam, haud esse inferendam, & tunc etiam parcius, præsertim in causis civilibus, ubi vel legum dispositio obseruari, vel alia temporalis pœna vsurpari potest; cum experientia doceat, si temerè, aut leuibus ex rebus incutiat, magis contemni, quàm formidari, & perniciem potius parere, quàm salutem. Verùm si necessarium vt inferatur, fuerit iudicatum, tunc, obseruatis tamen quæ ex sacris Canonibus in libro Agendorum sunt descripta, poterit inferri, præ oculis autem Iudex semper habens & obseruans Decretum à Tridentino Concilio super hoc æditum; quod etiam in alijs censuris inferendis haud erit prætereundum.

Cap. II.

Sess. 25. c. 3. De cre. de Refor.

Loco vt sup.

*De animaduersione Decreti Constantiensis Concilij  
super ipsis censuris obseruandi.*

**A**d vitandum quoque scandala ac multa pericula, subueniendumq; conscientijs fidelium timoratis, statuit hæc sancta Synodus, vt Decretum à Constantiensis Concilio, sub Martino quinto, super eisdem censuris publicatum, & ab Ecclesia Catholica acceptatum, approbatum, & vsitatum, diligenter ab omnibus, præsertim Clericis, & maxime Prælati, animaduertatur, atq; obseruetur, quod est tale. Christi fidelibus tenore præsentium misericorditer indulgemus, quòd nemo deinceps à communione aliquius in Sacramentorum administratione, vel receptione, aut alijs quibuscumq; diuinis, vel extrâ pretextu cuius-

Cap. II 4

Ex Concilio Constantiensi. quod recitatur à Anton. Arch. Flo. & à Cater. in Sum. de excom. min. primo, f. 1.

cumq;

## 248 Constitutio quadragesimalis sexta.

cumq; sententiæ, aut censuræ Ecclesiasticæ, à iure, vel ab homine generaliter promulgatæ, teneatur abstinere, vel aliquem vitare, aut interdictum Ecclesiasticum obseruare, nisi sententia, vel censura huiusmodi fuerit in, vel contra personam, collegium, vel vniuersitatem, Ecclesiam, vel locum certum vel certam terram, à iudice publicata, vel denunciata specialiter & expressè, Cōstitutionibus Apostolicis, & alijs in contrarium facientibus non obstantibus quibuscumq;, Saluo, si quem pro sacrilega manuum iniectiōe in Clericum, sententiā latam à canone adeò notoriè constiterit incurrisse, quòd factum non possit aliqua tergiversatione celari, nec aliquo suffragio excusari: nam à communione illius, licet denunciatus non fuerit, volumus abstinere, iuxta canonicas sanctiones.

### *De pœna sacrificantium in excommunicatione constitutorum.*

Cap. IIII.

**C**Lericos etiam admonitos volumus, vt cum acciderit, eorum quempiam aliqua irretiri censura, præsertim excommunicationis sententia, quam non rarò post nimias potationes, ob violentas in alios Clericos manus, quàm plurimi incurrunt, à diuinis, Missarum præcipuè celebratione, abstineant, quousq; absolutionem impetrauerint: quod si temerarius quispiam obseruare contempserit, præter irregularitatem, quam incurrit, ordinamus & præcipimus, vt talis sacrorum Canonum, nostrorumque statutorum contemptor, vnus mensis carcere mulctetur, absq; remissione, ter in hebdomada affligendus in pane & aqua, deinde ad beneplacitum sui Ordinarij suspendatur à Missa.

*Cætera in Agendario esse perquirenda.*

In



## Constitutio quadragesima septima. 249

**I**N reliquis verò ad ipsas censuras, & irregularitatē spe- Cap. V.  
ctantibus, omnia & singula obseruari volumus & man-  
damus, quę in libro Agendorum sunt annotata; vbi quid  
vnaquęque sit describitur, & casus Episcopales à Papā-  
libus secernuntur.

## DE AVGVSTISSIMA EV- charistia, & Missę celebratione.

### Const. XLVII.

*Circa Sacramentum Eucharistię, omnia, quę in Agen-  
dario præscripta sunt, esse obseruanda.*

**Q**Voniam in Agenda tanquam Clericis nostris ma- Cap. I.  
gis familiari & domestica, quę ad huius tanti Sacra-  
menti consecrationem, Missę celebrationem, populi circa  
ea ipsa instructionem, atq; obligationem, ad sanctamque  
communione, tum in vita, tum & in articulo mortis,  
pręparationem, atq; dispositionem, & id genus alia spe-  
ctant, diffusę admodum & amplissime sint descripta, & ex  
sacris Conciliorum, etiā Tridentini Canonibus, Patrum-  
que orthodoxorum scriptis, & Sum. Pont. traditionibus  
comprobata, quę omnia & singula, ac si huic nostrę san-  
ctę Synodo de verbo ad verbum essent inserta, volumus  
ac mandamus, sub eisdem pœnis, eo in libro expressis, &  
alijs à nobis, iuxta demerita, imponendis omninò seruari,  
& inuiolabiliter custodiri; idcirco, ne illa ipsa hac in Sy-  
nodo repetere videamur, omnibus prætermisissis, quędam  
duntaxat decreta ad maiorem firmitatem & obseruantia  
eorum, quę de hoc tremendo Sacramento in eodē Agen-  
dorum opusculo sunt sancita, statuere dignum, quinimò  
propter quorundam scelestissimorum proteruitatem ne-  
cessarium duximus.

## 250 Constitutio quadragesima septima.

*De modo consecrandi Eucharistiam, cui si quispiam temerarius contraxerit, quomodo sit plectendus.*

Cap. II.

**Q**Uicumq; sacerdos omni Dei timore positposito, ausus fuerit, sacratissimam Eucharistiam extra sanctissimā Missæ celebrationem conficere, vel vinum absque pane, aut è conuerso, consecrare, vel tremendum Missæ sacrificium non secundum Catholicæ Ecclesiæ ab hac nostra Prouincia semper obseruatam traditionem, ieiuno stomacho, ac tempore opportuno, cum omnibus requisitis hætenus ab Ecclesia Catholica sancitis & obseruatis, & in libro Agendorum annotatis, celebrare, vt hæreticus omnibus spoliatus beneficijs, si quæ habet, acerrimè puniatur.

*De pœna celebrantium, uel quomodocumq; communicantium sacerdotum, sine præuia Sacramentali confessione.*

Cap. III.

1. Corinth. 11.

**S**IMILITER si sacerdos aliquis repertus fuerit grauiter, siue mortaliter Deum offendisse, & proximum scandalizasse, & immemor doctrinæ Apostoli dicentis, Probet autem seipsum homo, & sic de pane illo edat, & de calice bibat: Qui enim manducat & bibit indigne, iudicium sibi manducat & bibit, non dijudicans corpus Domini; absq; suæ conscientiæ discussione, Sacramentali confessione mediante, hoc tremendum sacrificium celebrasse, vel quomodocumq; communicasse (vt supra) mulctetur: Nam qui tale scelus audent perpetrare, profectò ab infectione hæresis alieni non possunt esse, præsertim qui in eodem scelere non erubescunt perseuerare, vt (proh dolor) reperiuntur nonnulli, quos acerbius omnino volumus atque præcipimus à locorum Ordinarijs puniri, omnibusq; beneficijs, & officijs priuari, & à diuinorum celebratione vsque

## Constitutio quadragesima septima. 251

vsque ad Ordinarij beneplacitum suspendi, qui cum illis  
haud dispensabit, nisi prius condignam in talibus cogno-  
uerit emendationem & contritionem.

*De poena non ordinatorum temere sacrificantium, aut  
quidpiam aliud diuinum tractantium.*

**S**imili modo si quispiam vir scelestus, sacris ritè non ini- Cap. IIII.  
tius (immemor exemplorum Regis Oziæ, qui cum 1. Par. 16.  
opus vsurpasset sacerdotale, & à sacerdotibus Domini ad-  
monitus non destiterit, lepra in vltimum vsque vitæ suæ  
diem, sic perseuerans fuit percussus: & Dathan, Chore, & Num. 16.  
Abirôn, quæ ea de re à terra ore aperto, cum tabernaculis  
suis, omniq; eorum substantia, in infernum vsq; viui fue-  
runt absorpti: & ducentorum quinquaginta virorum, qui  
illorum trium consenserant facinori, ab igne à Domino  
egresso pariter fuerunt consumpti) ausus fuerit hoc tan-  
tum corporis & sanguinis Domini mysterium peragere,  
Missam dicendo, vel absq; Missæ celebratione, aut quid-  
piam aliud diuinum facere, quod sacerdotibus, aut leuitis  
duntaxat conuenit, vt hæreticus temerarius, scelestissi-  
mus, sacrilegus, absq; venia & misericordia puniatur: ne  
ira Dei, tanquam talibus conuiuentes, super nos veniat,  
& ignis de cælo descendens nos consumat, aut terra, ore  
aperto, nos viuos absorbeat, & infernus nos sepiat.

*De non porrigendo Sacramento, nisi confessis.*

**S**Vb poena grauissima mandamus deindè omnibus Pa- Cap. V.  
rochis, eorumq; Cooperatoribus, seu Vicarijs, & qui-  
buscumq; huius venerabilis Sacramenti ministris, ne cui-  
quam, siue in Paschate, siue alio tempore, siue in vita, siue  
in vltimo vitæ articulo, sacratissimum Christi corpus ex-  
hibeant, nisi de illius communicandi Sacramentali confes-  
sione

## 252 Constitutio quadragesimaseptima.

1. Corinch. 11.

Matth. 22.

sione præmissa, certò constiterit. Sunt enim non pauci homines profani, qui nihili facientes sententiam Apostoli dicentis: Quicumq; manducauerit panem hunc, & biberit calicem Domini indigne, reus erit corporis & sanguinis Domini; & immemores verborum Christi eos increpatis, qui eò se conferunt, vestem non habentes nuptialem, hoc est animæ candorem, suis indiscussis conscientijs, pleni immunditijs, ad hanc tremendā accedunt Agni immaculatimensem.

*Ut Parochi eas obseruent, quæ in præcedenti Const. de pœnit. cap. sexto sunt dicta, in annotandis uidelicet omnibus & singulis utriusq; sexus, suis capacibus Parochianis, qui temp. Pasch. præmissa sacramentali Confess. communicarunt, & qui id agere contempserunt.*

Cap. VI.

**O**Rdinamus præterea, & Parochis omnibus, tam ruralibus, quàm alijs, sub pœna priuationis eorundem beneficiorū, & alia ab Ordinarijs imponenda, præcipimus, vt ea omnia & singula quàm diligentissimè circa hoc Eucharistiæ Sacramentum Paschali tempore obseruent, quæ in præcedenti Constitutione, De pœnitentia, cap. 6. sunt dicta, annotantes omnes & singulos vtriusq; sexus capaces Parochianos, qui iuxta præceptum Catholicæ Ecclesiæ communicarunt, præmissa confessione, vel contempserunt communicare, vt ex nostri pastoralis officij debito, contra tales canonice procedere valeamus.

*Eucharistiæ contemptores sacra priuandos esse sepultura.*

Rénouan-

# Constitutio quadragesimaseptima. 253

**R**enouantes insuper prioris Salisburgen. Synodi Decretum, iuxta sacros Canones æditum, statuimus etiã, & sub omnipotentis Dei indignatione ac nostra animaduersione mandamus, vt nullus vtriusq; sexus cuiuscumq; sit conditionis, gradus, vel dignitatis, in loco sacro sepeliatur, qui tempore Paschali (si communionis capax fuerit), præmissa Sacramentali confessione, non communicauit, nisi de consilio sui Plebani, ad tempus præfixum abstinendi licentiam obtinuerit, vel ante mortem sacram Eucharistiam petierit. At ybi quem contigerit morte inopinata inconfessum obire, sepultura præfata talem carere nolumus, maximè si aliqua pœnitentiæ obtenderit signa si tamen ipsius Curato constiterit, illum ipsum tempore Paschali, vel paulò pòst de ipsius Parochi consensu, præcepto Ecclesiæ satisfecisse, nec aliud obstiterit canonicum impedimentum. Volumus tamen vt prius Ordinario, vel ipsius Officiali indicetur, & Parochus de suprascriptis fidem faciet.

Cap. VII.  
De sent. ex-  
com. &c. c. 49

De pœn. & re-  
miss. c. 12.

Ex c. 11. de se-  
pulturis.

## *De pœna sacerdotum qui Eucharistiam parum cautè conseruant.*

**O**rdinamus quoque vt Parochi, qui in uisitationibus, vel aliàs sacram Eucharistiam (quam in suis Ecclesijs pro infirmis, quemadmodum in Agenda est dictum, habere semper debent paratam) sub optima custodia, omniq; cum honore & reuerentiã haud tenuisse deprehensi fuerint, acerrimè, iuxta Canones puniantur.

Cap. VIII.

## *Penes quos clauēs S.S. Eucharistiæ, & sacrorum liquorum conseruari debeant.*

**M**andamus etiã Parochis omnibus, ne (sub pœna priuationis omnium suorum beneficiorum) clauēs

Cap. IX.

## 254 Constitutio quadragesimaoctaua.

ad sacratissimam Eucharistiam, vel ad sacros liquores, Aedituis, siue alijs Laicis viris, multò minus fœminis relinquunt, neq; vnquam ad illorum manus peruenire permittant: quas clauēs penes ipsos Parochos, vel suos Cooperatores, seu Vicarios semper detineri ac conseruari volumus, atq; præcipimus.

## DE SACRIS ORDINIBVS.

Const. XLVIII.

*Refert se ad ea quæ superius in Const. 22. & in Agendario sunt dicta.*

Cap. vnicum.

**Q**Uæ circa hoc sacri ordinis Sacramentum volumus obseruari, superius ex sacrorum Conciliorum, præsertim Tridentini Canonibus, in Constitutione de consideratione ab Episcopis habenda in admittendis ijs qui ad sacros ordines aspirant, & in Agenda, satisque pro necessitate sunt præscripta, illa ab Episcopis, ista à Parochis quàm diligenter animaduertenda.

## DE MATRIMONIO.

Const. XLIX.

*Relatio ad Agendarium, in quo satis traduntur quæ ad butus Sacramenti administrationem videntur necessaria.*

Cap. I.

**Q**Uia in libro Agendorum quid, & quantum hoc sit Sacramentum, & quæ celebrationem eius præcedere, vel sequi debeant, quidque in ea omnino agendum, & quomodo progrediendum, ex sacrorum Conciliorum, præsertim



## Constitutio quadragesimanona. 255

præsertim Tridentini sanctionibus, & antiquissima huius nostræ Prouinciæ consuetudine, satis est declaratum superius; vbi præterea, non solum qui & quales à Parochis ad hoc Sacramentum debent admitti, vel reijci, & consanguinitatis, affinitatis, etiam ex fornicatione contractæ, & spiritualis cognationis impedimenta, secundum Concilij Tridentini & moderni Pont. Max. Pij quinti decissionem modificata edocentur; verum etiam tempora per idem Tridentinum Concilium dilatata, in quibus nuptiæ solemniter possunt celebrari, annotantur, ac sponforum benedictiones describuntur; nec non id genus alia, ad hoc ipsum Matrimonij Sacramentum pertinentia: quæ omnia & singula, ac si hac in sancta Synodo de verbo ad verbum essent descripta, approbamus, & ab omnibus Parochis, eorumq; Cooperatoribus, vel Vicarijs, atq; alijs quibuscumq; Clericis, siue Laicis, sub poenis eo in loco, iuxta sacros Canones assignatis, & alijs à suis Ordinarijs infligendis, seruari mandamus atq; præcipimus: Ideò ne bis idem inculcetur, paucis, quinque duntaxat articulis, in Agenda omisissis, negotium hoc expediemus.

### *De ritu benedicendi desponsatos.*

**L**icet in Agenda forma sponfas benedicendi sit tradita, Cap. II. nihilominus quia admoniti sumus huiusmodi benedictiones non nunquam in casibus, vbi impendi debent, ab ipsis Parochis, seu eorū Cooperatoribus negligi, huic morbo volentes mederi, statuimus & ordinamus, vt sacerdotes, desponsatos in facie Ecclesiæ cōiungentes, ipsis ritè atq; more Ecclesiastico benedicant; illis exceptis, qui iuxta Canones in Agenda excipiuntur.

### *Quibus liceat decidere causas Matrimoniales.*

Et

**E**T quia causæ Matrimoniales, & ab eis dependentes, vt sunt floris destitutionis virginalis, vltimæ sobolis educandæ, diuortij, & id genus aliæ propter animarum periculum, quod in ipsis vertitur, graues dicuntur; quæ propter à solis Episcopis, vel eorum Officialibus, seu Vicarijs generalibus, aut ab alijs ab ipsis Ordinarijs surrogatis, debent tractari, audiri, atq; decidi; Ideò inhibemus atq; interdiciamus omnibus nostræ Prouinciæ Christi fidelibus, tam sacerdotibus & Clericis alijs, quàm vtriusque sexus Laicis, quibus à Concilio Tridentino permissum non est; vt nullus ipsorum de causis prædictis, in ea parte, quæ ius, vinculum, aut fœdus Matrimoniale contingit, cognoscere, concordare, transigere, aut diffinire præsumat. Ali- ter enim huiusmodi temerarij transgressoris, & transgressorum processus, sententias, concordias, & transactiones iudicamus, & decernimus (sicut re vera sunt) nullas, inefficaces, & quæ meritò nullum debeant sortiri effectum: ipsos etiã sacerdotes, qui se talibus tractatibus immiscuerint declaramus excommunicationis sententiâ innodari; Laicos verò iudices, vel tractatores talium negotiorum vnâ cum partibus, inter quas de facto actum est, à participatione Sacramentorũ Ecclesiasticorum, donec errorem sum emendauerint, & ab Ordinario suo cum plenaria satisfactione absolutionem Ecclesiasticam obtinuerint, suspendimus; iustum enim est, vt qui se de Sacramentis, aut Sacramentalibus, ad se non pertinentibus, temerario ausu tractandis intromittit, priuatione eius, quod sibi non compete- bat, puniatur.

*Matrimonium clandestinum à Concilio Tridentino  
laudabiliter esse abolitum.*

**N**Otum est, ante Tridentinum Concilium, & nostra, & aliorum tribunalia perplexis contentionibus, rixis, tumulti-

## Constitutio quadragesimanona. 257

tumultibus, ex clandestini Matrimonij copula molestissimè fuisse vexata, quæ nunc, clanculario illo, & fraudulento contractu sublato, eiusdem Tridentini Concilij beneficio, in statum tranquilliorum (quod Diuina bonitati acceptum ferimus) vindicata sunt, atque subindè maiorem expectamus quietem. Quis enim populus, quæ ciuitas, quæ denique Respublica non irritaretur ex furtiuis illis Matrimonijs, imò fornicationibus: quæ plerumque plus aloes (vt est in prouerbio) quàm mellis secum ferunt. Quo pacto autem contractus iste, vt legitimus sit, fieri debeat, id in Agenda, ex Tridentini Concilij doctrina explicatum est.

### *De diuortijs, & eorum accurata tractatione.*

**V**erissimum est quod dici solet, difficile esse, vt bono peragantur exitu, quæ malo sunt inchoata principio. Cap. V.  
Cum igitur omnibus passim notum sit, quàm plerumque peruersa intèntione, & iniusto affectu, Matrimonia cœant, & inchoentur, nemini debet esse mirum, si sepius malè cœpta Matrimonia, pessimo perficiantur exitu, totq; videamus quotidie turpia fieri diuortia. Cui nonnunquam accedit incommodo, quod coniuges, qui seipso disiungunt, vel etiam à Iudice competenti separantur, vim atq; virtutem diuortij non intelligunt: & cum Iudices hisce in causis procedentes, rem ita accelerant, vt in negotio tam magni momenti prius feratur sententia, quàm de origine, ac meritis causæ satis constet: quo fit, vt diuortia plerumq; non pœnam delicti, sed magis occasionē frequentis adulterij, aliorumq; tegumenta vitiorum præstent. Ad tollendam igitur peccatorum, & præcipuè adulterij frequentiam, ne in infinitum pereant animæ, sacro moniti Tridentino Concilio statuimus, vt quoties posthac diuortij causa, ad Ecclesiasticum tribunal (cui soli tales causæ decidendæ

Kk

commit-

committuntur) deducta fuerit, Iudices ipsi summa diligentia (ex officio) inquirent personarum conditionem, qualitatem, conuersationem, & cæteras personarum circumstantias, quæ disiungi ratio postulat, tum etiam causam, qua diuortium fieri petitur. Hæc autem secum conferant, & si quid doli, fraudisue interuenerit, aut rei circumstantiæ rationi repugnauerint, ad sententiam finalem, non nisi cum plenaria causæ cognitione procedant. In principio causæ partes instruantur, quod etiam per sententiam separationis thori, vinculum Sacramenti Matrimonij non dissoluatur, sed quod uterque coniugum nihilominus eo ipso firmissimè constrictus sit, atque maneat: Ita quod nulli, vel ducere uxorem, vel alteri nubere detur facultas: quinimò si alter eorum, cum alio quocumque, vel quacumque coeat, ab adulterij crimine non sit immunis, sed cæteris grauius peccet, quodque ad mutuum conuictum iterum compelli possit.

*De pœna coniugum pertinaciter dissidentium, &  
non cohabitantium.*

Cap. VI.

**S**Tatuimus quoque atque districtius mandamus, ne Parochi apud suas Ecclesias tolerant quomodolibet confugatos, qui non cohabitant nisi sint per iudicium Ecclesiasticum separati: aut ab eodem literas habeant testimoniales, & sufficientes, quod disiunctim habitare, ob iustam causam (quæ literis testimonialibus inseri debet) possint: maxime autem quod constet partem impetrantem, tali disiunctioni causam non dedisse. Quicumque autem nec canonicè separati, nec toleratione digni inuenti fuerint, à perceptione quorumcumque Sacramentorum, nisi in casu extremæ necessitatis constituti, sint suspensi. Quod si in eadem pertinacia, & proposito separationis etiam in extremis constituti permanserint, nec se emendare, atque Ec-  
clesiæ

# Constitutio quinquagesima. 259

clésiæ statutis, si superuixerint, conformare velle promiserint, maneat suspensi, & mortui Ecclesiastica careant sepultura.

## DE EXTREMA VN- ctione. Const. L.

*Ut extremæ unctionis Sacramentum apud Parochos in crebriorem usum, iuxta Agendarij præscriptum modum reducatur, & quæ poena id negligentes maneat.*

**Q**Uamquam in Agenda, quid, qualeq; sit hoc Sacramentum, à Christo institutum, ab Apostolis vñtum, & ab Ecclesia vniuersali semper in magna æstimatione habitum, satis sit ostensum, atque sanctarum scripturarum testimonijs comprobatum, ac sacrorum Conciliorũ, præsertim Tridentini sanctionibus corroboratum; vbi, & quomodo, ac quando, & quibus, à Parochis sit ministrandum pariter est traditum: quæ omnia & singula, ac si huic nostræ Synodo de verbo ad verbum essent inserta, volumus atq; præcipimus obseruari: nihilominus cùm non sine maximo animi nostri mœore perceperimus, non solum in pagis, verum & in ciuitatibus hoc tam vtilissimum Sacramentum ex mera negligentia Parochorum esse penè extinctum, & obliuioni traditum: quæ res in Dei Ecclesia magnum parit scandalum, & ex hac vita decedentibus, non parum detrimenti affert: cupientes ex debito nostri pastoralis officij, Parochorum conscientijs consulere, & fidelium in domino morientium incommodo subuenire, ordinamus & mandamus omnibus Parochis, tam in ciuitatibus, quam villis, ne sua negligentia, & incuria, sine hoc vñctionis Sacramento, ex hac vita emigrare quenquam

Cap. vñicum.

## 260 Constitutio quinquagesima prima.

suorum patientur, idēq; vt dexterius fiat, ægrotantes pro officio suo frequentius visitare, illisq; postulante necessitate, & hoc, & alijs necessarijs Sacramentis, iuxta ea, quæ in Agenda præscripta sunt, ritē subuenire, & si opus fuerit, temporalibus subsidijs consulere debent. Quod si à quoquam perditæ conscientię Pastore neglectum fuerit, ita vt sua incuria quispiam suorum Parochialium absque extrema vnctione ad alteram transierit vitam, volumus (quod & sub anathemate obseruari præcipimus) vt talis Parochus illicò à suo Ordinario priuetur omni beneficio Ecclesiastico: si quis verò non ex negligentia Parochorū, sed sua culpa, qui à suo proprio sacerdote, vel eius Cooperatore admonitus atque persuasus noluit ex manifesto contemptu consentire, absque hoc ipso discesserit Sacramento, anathemate notatus, in sacro haud sepeliatur loco: Id quod etiā in Agenda annotatum est.

## DE FVNERIBVS, SEPVL- tura, & exequijs. Const. LI.

*De ritu inferendi fideles mortuos sepulturæ.*

Cap. I.

**L**icet in Agendorum libro, quàm pium, laudabile, à Deo & Ecclesia valdè commendatum opus sit morientium sepultura in Domino & Ecclesia, ex sacris literis, earumq; orthodoxis interpretibus ostensum est satis, ibidem quoq; modus sepeliendi, cum suis cæremonijs & sanctiss. orationibus est traditus: attamen animi nostri maxima commotione accepimus alicubi tam in villis, quàm oppidis nostrarum Diocesium homines vita functos absq; ullius sacerdotis comitatu, procul omni cruce, atq; lumine, ceu bestiarum cadauera ad sepulturas, nefandum in modum, efferri: alios verò nonnunquam neq; Parochi, neq; alterius cuiuspiam Cooperarij Presbyteri præsentia



## Constitutio quinquagesima prima. 261

sentia gaudentes, sed vnico tantum clericulo, nullis sacris vestibus induto, veteris forsitan amicitia causa comitatos, sine orationibus, vel caeremonijs, plusquam ethnico more ad sepulchra rapit; quod sine dedecore Christianae pietatis, publico offendiculo, & Pastorum supina negligentia accidere non potest. Quam impietatem, atque barbariem, ne quid Christianus noster populus, vel cum brutis, vel infidelibus, vel stoicis tandem, & apathis quibusdam Haeticis commune habeat, auertere, ac penitus e medio tollere enitentes, ordinamus & mandamus (sub poena priuationis omnium beneficiorum) omnibus Parochis in ciuitatibus & extra commorantibus, ne quempiam cuiusque sexus in Christo & Ecclesia defunctum, (pro qualitate tamen loci) ad sepulturam sinant deferri, nisi ipse Parochus siue ad minus Cooperatorum suorum vnus, lineo illo indumento (quod vulgo *Choroc* appellant) amictus, & ad collum appensa Stola, sumus praevia cruce, luminaribus, & aqua benedicta adornatum, conducat, idque precibus, & si Clericorum plures interfuerint, lugubri cantu, more Catholico prosequatur, omnesque caeremonias in leuando funere, eiusque processione, & inhumatione (iuxta Agenda traditam instructionem) sub poena praedicta, omni fraude, ac negligentia semotis adhibeat.

### *De processione funerali.*

**S**I itaque, vt praedictum est, plures vna cum Parocho funeri affuerint Clerici, omnes quidem choralis (de qua supra) veste induti, in cathedralem, parochialem, vel defuncti aedibus viciniorem Ecclesiam conueniant, deinde congruo processione ordine, bini & bini prodeuntes, psalmos, aliasque sacras preces, iuxta ritum Catholicae Ecclesiae, cantantes, modo supra scripto, cruce scilicet praecedente, ad defuncti se conferant aedes. Quod cum peruen-

## 262 Constitutio quinquagesima prima.

rint, precibus, ac cæemonijs, (in Agenda descriptis) à Parocho ritè peractis, mortuum cum candelis accensis ad sepulturam vsq; eundem seruantes ordinem, comitentur: inde non discedentes, quousque sepulturæ traditum fuerit corpus.

### *De sumptibus funerum.*

Cap. III.

**E**Xpensas pro pollinctoribus, libitinarijs, sepelientibus, edituis, campanarijs, candelis, & alijs ad funus parandum necessarijs, hæredes defuncti exoluant, & Parochus non nisi à sponte dantibus quicquam accipiat: quòd si id demortui facultates non ferant, piè & honestè sepe-liatur, nec quicquam vel parochus, vel Ecclesia exigat.

### *De compellendis hæredibus ad pias cæemonias defuncto adhibendas.*

Cap. IIII.

**S**I verò piè defuncti hæredes, vel amici, ita se impiè gesserint, vt religiosum funeris institutum contemnentes, crucem, clericos, & luminaria adhibere noluerint, ab Episcopo, siue Archidiacono, vel rurali Decano, aut Parocho mediante seculari brachio (si necesse fuerit) eas pietatis cæemonias admittere cogantur, & piarum exequiarum contemptores à suo puniantur Ordinario.

### *Vt post funeralia, reliqui dies exequiarum celebrentur, pauperibusq; eleemosynæ erogentur.*

Cap. V.

**V**olumus etiam & statuimus, vt secundum pijsimam Catholicæ Ecclesiæ traditionem, & huius nostræ Pro-utinciae semper obseruatam consuetudinem, post funeralia, exequiæ septimi, trigésimi, & anniuersarij celebrentur defunctorum, & pauperibus eleemosynæ erogentur.

Ne

## Constitutio quinquagesima prima. 263

*Ne quid ultra morem solitum in exequiis habendis exigatur.*

**C**Auere autem debent Parochi, & sacerdotes alij, ne pro huiusmodi diuinis celebrationibus quicquam exigant, aut petant, vel quidpiam aliud committant, quod simoniacæ labis, aut auaritiæ suspicionem sapiat, sed iuxta *Cap. VI.* *piam consuetudinem, quod eis datur, accipiant.*

*De modo in posterum circa exequiarum sumptus constituendo.*

**E**T quia circa huiusmodi funeralia, exequias, & anniverſaria, huiusq̃ generis alia, partim ob ruditatem, & inurbanitatem subditorum, partim ob quorundam Ecclesiasticorum auaritiam & cupiditatem, nonnulla quandoque existunt indecora, quilibet Ordinarius in proxima Synodo Diocesana, vel uisitatione futura, vtriusq̃ partis auditis querelis & rationibus, iuxta rei necessitatem, constituet modum & ordinem, vt posthac vnusquisque sciat quantum dare, vel accipere debeat. *Cap. VII.*

*De modestia in parentalibus seruanda.*

**Q**Voniam autem non semel apud nos, nostrosq̃ Coëpiscopos auditum est, in parentalibus, cæterarumque exequiarum conuiujs, quæ in defunctorum memoriam nonnunquam exhiberi solent, tam insolenter, & immodestè se gerere Clericos, vt alijs hominibus maxima offerant scandala; ad quorum emendationē, antiquum sacri Concilij Maticensis, vel secundum aliam literam, Nanetenſis decretum, huc repetendum & inserendum duximus non indignum: Cuius verba sunt hæc; Nullus presbyterorum quando ad anniuersarium diem, XXX. aut VII. vel III. *Concil. Matic.* alicuius

## 264 Constitutio quinquagesima secūda.

alicuius defuncti, aut quacumque vocatione ad collectam conuenerit, se inebriare vllatenus præsumat; nec precatus amore sanctorum, vel ipsius animæ bibere, aut alios ad bibendum cogere, vel se aliena precatione ingurgitare, nec plausus, & risus inconditos, & fabulas inanes ibi referre, aut cantare præsumat; aut turpia ioca vel vrsō, vel tornatricibus ante se fieri patiatur: nec laruas dæmonum ante se ferri consentiat: quia hoc diabolicum est, & sacris canonibus prohibitum. Quæ omnia volumus à nostræ Prouinciæ sacerdotibus obseruari, cui si quispiam contrarium fecerit, vltra pœnas superius circa ebriosos, & inhonestè viuentes Clericos statutas, pro sui Ordinarij arbitrio, acrius puniatur.

*Qui à sacra sepultura sint arcendi.*

Cap. IX.

**A**Dmonere præterea volumus Parochos, & omnes alios Ecclesiarum rectores, ne non baptizatos, etiam sanctorum infantulos, vel hereticos, schismaticos, excommunicatos, desperatos, simoniacos, vsurarios, ac quoscumq; peccatores publicos, in loco sacro sepeliri permittant, nisi in vltimo vitæ argumentum non vulgare ostenderit pœnitentiæ; aliàs si quis hoc nostrum ex sacris Canonibus desumptum Decretum custodiri non curauerit, sacrorum Canonum, & huius nostræ Synodi reus erit.

## DE SIMONIA. Const. LII.

*De vitanda Simonia, quauis hæresi pestilentiore.*

Cap. I.

**L**Icet inter casus Papales, in libro Agendorum descriptos, etiam Simonia contineatur, nihilominus cum Deo & Ecclesiæ ita sit abominabilis, quòd omnia reliqua crimina

## Constitutio quinquagesima secunda. 265

crimina longissimè superet, dicente Canone, Tantam esse De Simonia.  
c. 7.  
labem huius criminis, quòd quilibet criminoli admittan-  
tur ad eius accusationem, & omnis sacerdos peccator ad  
missam cantandam, præter Simoniacum, quem quælibet  
etiã meretræ acculare potest. Quinimò tolerabilior (in-  
quit Tharastius Constantinop. Episcopus) est Macedo-  
nij, & eorum, qui circa ipsum sunt Spiritus sancti impu-  
gnatorum impia hærelis, quàm hæc Simoníaca pestis:  
quia illi creaturam & seruum Dei Patrís & Filij Spiritum  
sanctum delirando fatentur, isti verò Spiritum sanctum  
efficiunt suum seruum. De quo genere hominum Chri-  
stianus scriptor rectè exclamat.

O Simon mage, ô miseri sequaces,  
Qui res diuinas, quæ bonitatis  
Debent esse sponsæ, uos rapaces  
Ob aurum, & argentum adulteratis.

Quapropter ab omnibus Christi fidelibus, tanquam De Simonia.  
c. 6.  
flamma vorax tales debent vitari. Sicut Simoníaca pestis  
(inquit sanctissim. Sum. Pont. Lucius) sui magnitudine  
alios morbos vincit: ita sine dilatione, mox, vt eius signa  
per aliquam personam claruerint, de Ecclesia Dei debet  
eliminari, atq; repelli: tum quòd nostris temporibus hoc  
tàm detestabile crimen, non parum in quàm plurimis scia-  
mus vigere hominibus, eò deductis, vt nec salutis pro-  
priæ, neq; ministerij, quod gerunt, memores, atq; famæ fa-  
cti sint planè prodigi: vt cordibus nostrorum Clericorum,  
atq; etiã Laicorum hoc tantum scelus vitandum magis  
affigatur, ne officij nostri obliti arguamur, Antecessum  
nostrorum circa hoc abominabile crimen Prouincialem  
constitutionem, ex sacris Canonibus desumptam, hoc in  
loco renouare, & repetere duximus dignum, atq; oppor-  
tunum; cum hic finem imposuerimus sacrarum rerum col-

## 266 Constitutio quinquagesima secūda.

De Simonia c.  
8.9. & per totū.

lationibus, atq; ministracionibus. Non solū enim in beneficiorum collatione, sed etiam in Presbyterorum in Ecclesiam introductione, & Sacramentorum administracione, nubentiumq; benedictione, & mortuorum sepultura, ad dantibus & recipientibus, hoc horribile constat monstrum. Quare districtē omnibus & singulis, cuiuscumque sint conditionis, gradus, & dignitatis, præcipiendo interdici-mus, ne quisquam pro beneficiorum collatione, præsentatione, aut electione, siue renunciacione, aut alicuius alterius Sacramenti administracione, seu nubentium benedictione, vel defunctorum sepultura, paciscatur de pecunia, aut re alia æquiualente, sibi vel alteri danda; sed volumus iuxta sacros Canones, beneficiorum collationes, præsentaciones, electiones, renunciaciones, confirmaciones, beneficiariorum introductiones gratis concedi, & Sacramenta absq; venalitate administrari, atq; id genus alia similiter peragi, omnibus mandantes Parochis, alijsq; curam animarum habentibus, vt ea ipsa Sacramenta, atq; reliqua spiritalia, omnibus suis subditis exigentibus (ad ea tamen percipiēda idoneis) pro loco, & tempore congruis, absq; dilacione administrent, & secundū Catholicæ Ecclesiæ ritum exhibeant. Si quis autem contra sanctionem istam quid commiserit, is portionem non tantū cum Simone, verū & cum Giezi, se nouerit habiturum: quem propterea nisi condignam egerit pœnitentiam, ad Ecclesiasticam sepulturam suscipi prohibemus, & prorsus vetamus.

A. d. c. 8.  
4. Reg. 5.

*Qui circa hanc labem plectendi ueniant.*

Cap. II.

**V**T etiam omnis ad Simoniam aditus intercludatur; declaramus non solū Simonix actores, sed etiā eius mediatores, internuncios, & interpretes, atque Notarios Simoniacæ instrumenta conficientes, hanc Simonix labem incurresse.

*Iustas*



## Constitutio quinquagesimatertia. 267

*Iustas exactiones, non esse negligendas.*

**V**erum quia rationis, & explorati iuris est, quod socij Cap. 111.  
palsionum, sint etiam socij consolationum, permittimus & concedimus sacerdotibus, ut ea quæ in consolationem laborum suorum, iuxta Ordinariorū determinationem, dari consueverunt, nedum accipere, sed etiam tanquam debitū exigere valeant; Dignus est enim operarius mercede sua. Siquidē eis spiritualia seminarunt, dignum quoque est, ut etiam de illorum temporalibus, pro sua sustentatione, aliquid metant. Luc. 10.  
1. Corinth.

## DE ROGATIONVM PRO- cessionibus. Const. LIII.

*De causa & origine supplicum precum, uel, ut uocant,  
Processionum, earumq; frequentatione.*

**Q**vandoquidē ad Deum rogationes absolutē & simpliciter sunt utiles & necessariae, sacra scriptura attestante, & infinitis locis ad eas nos admonente; quanto magis erunt commodæ, si à nobis cum ieiunijs, & sacrorum locorum visitatione celebrentur: Cuius rei magnum nobis illud est testimonium, quod apud Viennam Galliarum, tempore sancti Mamerti Viennens. Archiepiscopi contigit, ubi cum incendia crebra, terræ motus assidui, & nocturni audirentur sonitus, ita ut homines se sylvestres ingererent, & ut pauidi cerui per angusta portarum usque ad fori loca penetrarent, nec ullis orationibus, & simplicibus precibus ullo modo cessarent, tandem rogationum processionibus, quas supradictus sanctiss. Vienn. Antistes, superno numine inspiratus excogitauerat, penitus fuerunt liberati. Ad cuius rei mirabilis exemplum, in prima Aurelianensi Synodo fuit sancitum, huiusmodi rogationum Cap. I.  
c. 19.

## 268 Constitutio quinquagesimatertia:

De conf. d. 3. c.  
rogationes.

tionum processiones, tribus diebus ante Domini Ascensionem debere in illa Prouincia celebrari, cuius sanctam, & fidelibus vtilem institutionem, Vniuersalis Ecclesia est amplexata, ab omni Christiano populo custodiendā. Deinde ad illorum trium instar dierum, non solum in diuersis Ecclesijs pluries, determinatis tamen temporibus, huiusmodi rogationum processiones celebrari est institutum, verum etiam cum quidpiam a Deo sit implorandum, talibus rogationum processionibus, totiens, quotiens opus est, supplicatur. At cum non sine magna huius sacrae Synodi perturbatione audierimus, quibusdam in locis, ob Parochorum incuriam, eas neque necessitate imminente obseruari, neq; praefixis temporibus, tum ab Ecclesia vniuersali, tum a suis particularibus Ecclesijs determinatas custodiri, sed vt abolitas relinqui; illas omnino restituere volentes, vt nostro satisfaciamus pastorali debito, & omnium nostrum consulamus vtilitati, ordinamus & statuimus, vt annuatim, statutis saltem temporibus, praeter alias ab vniuersali Ecclesia institutas, non solum iuxta huius Prouinciae, sed etiam cuiuslibet particularis Parochialis Ecclesiae antiquissimam, & laudabilem consuetudinem, Parochi suas habeant rogationum, siue supplicationum processiones, infra scriptis tamen animaduersis, & populis suis quam diligentissimè expositis, ac declaratis.

### *De ritu, ac caeremonijs litaniarum, seu Processionum.*

Cap. 11.

**P**ARochi cum sacras rogationum processiones sunt celebraturi, choralis veste induti, praegestata cruce, proficiscantur, quos Laici viri primo loco, mox feminae, at separatim, sequantur, a quacumq; leuitate, risu, colloquio, & confabulatione, & id genus alijs, quibus magis Deus  
ad

# Constitutio quinquagesimatertia. 269

ad iram prouocatur, quàm ad exauditionem inducitur, abstinentes, sed deuoto animo, & spiritu humiliato, ac contrito, ad Deum, psalmis, hymnis & alijs pijs precibus acclamantes, & animaduertentes, ne à Laicis cantilenæ recitentur hæreticæ, sed à Catholica Ecclesia approbatæ: & cum vltra vnus diei iter ad aliquem sacrum locum est proficiscendum, ibique pernoctandum, vt viri à mulieribus maneant separati, & à crapula abstineant, præsertim potatione, scientes ebriosos Deo esse abominabiles, ne pro gratia impetranda, Dei in se concitent indignationem, maximè cum huiusmodi piæ supplicationes, cum ieiunij obseruatione, quæ ad alliciendam Dei gratiam magnam vim habet, sint institutæ. Deindè suos admonere debent Parochi, ne quispiam ordinem in processione citra necessitatem deserat, antequam ad Ecclesiã vnde profecti sunt redierint. Quæ omnia, vt ex sententiã succedant, curabunt pariter Parochi aliquos ex suis Parochialibus honorationes cæteris præfici, quibus curæ sit, vt hæc omnia pio seruentur ordine, neque verò liceat solis Laicis sine Clericis celebrare publicas supplicationes, & litanias: quin etiam sacrosanctæ crucis signum penes se habere, ac deinceps loco sacro reponere debent, quod etiam ante mille annos antiquorum Rom. Imperatorum legibus sancitum fuit, quibus exilij pœna cautum erat, ne quis cuiuscemodi processiones vlla iniuriã afficeret: conspicientes itaque consuetudinem hanc litaniarum non esse nouum quoddam, vel temerarium inuentum (vt impij homines calumniari solent) sed apud antiquissimos Christianos in frequenti vsu & maxima veneratione habitam, non decet nos ab illis maiorum nostrorum laudatissimis moribus degenerare, sed subindè in cultu Diuino proficere, ad gloriam Dei, animæq; nostræ salutem.

Concil. Aurelian. 1. Et de conf. d. 3. c. rogationes.

Auth. sed nouo iure. C. de Episcopo, & Clerici, & s. omnib' autē. Auth. de sanctiss. Episc.

270 Constitutio quinquagesimaquarta.  
DE CANTIONIBVS, DI-  
uerfis temporibus, in Ecclesijs can-  
tandis. Const. LIII.

*Vt plebi, statis anni temporibus, solita ac approbata in  
Ecclesijs maneant Cantiones vulgares in Agendario  
descriptæ, aut ab Ordinarijs approbata.*

Cap. vnicum,

**V**T antiquissimæ & laudabiles huius nostræ Prouin-  
ciæ piæ perseuerent consuetudines, approbamus mo-  
rem antiquum, quo in Ecclesijs, iuxta diuersitates tempo-  
rum, diuersæ cantilenæ à fidei, ante & post conciones, ca-  
nuntur populo, à Prædicatoribus incœptæ, ita tamen vt  
nulla cantio canteretur, quæ in Agendorum libro cuiusque  
Diocesis non contineatur, aut ab Ordinario non sit ap-  
probata: vbi suis festiuitatibus, & temporum diuersitati-  
bus suæ accommodatæ sunt cantilenæ, quas, nec alias in  
Ecclesijs volumus, atq; mandamus cantari. Quod si alicu-  
bi haud fuerit obseruatum, præcipimus, vt Parochus, vel  
Concionator, qui aliam in Agendario non contentam ca-  
nere incæperit, vel cani permiserit, vt omnibus beneficijs  
priuetur, & in carcere tanquam traditionum Ecclesiasti-  
carum contemptor, & de hæresi suspectus, acrimè pu-  
niatur.

DE DIEBVS FESTIS, ET  
eorum sanctificatione.  
Const. LV.

*Instructio & annunciatio festorum dierum, ex  
Agendario discenda.*

Cum

## Constitutio quinquagesimaquinta. 271

**C**Vm in libro Agendorum quid sit dies festus, & quales, ac quot, qui per hanc nostram Prouinciā, tūm de præcepto, tūm de consuetudine sunt celebrandi, & quomodo sanctificandi, atque obseruandi, satis sit ostensum atq; descriptum, ideò longiori mentione opus hoc loco non est, cum illic ex mandato nostro declaratum abundè sit, quo modo Parochi, & ceteri eius conditionis Clerici, singulis diebus Dominicis iuxta antiquum morem Ecclesiæ Catholicæ, tempore summi Officii, Plebi indicent, atq; manifestent, quot, & quales de præcepto, vel consuetudine, in illa sequenti hebdomada habeantur dies festi, & quomodo sint obseruandi, quodq; in ijs præceteris diebus maior diligentia cultui diuino, & verbi Dei concionibus debeat, & alia, quæ latius in Agenda, non solum sub hoc ipso titulo explicata, sed etiam in capite de instruendis fidelibus ad intelligentiam consecrationis (quæ vulgo vocatur Missa) tanti sacrificij corporis & sanguinis Christi annotata, vbi ex sacris Canonibus etiam edocetur, vnumquemq; fidelium, omnibus diebus festis, sub præcepto teneri, Missam à principio introitus, vsq; ad benedictionem, quæ in fine datur, audire, ibiq; eo vsque perseverare, si peccatum mortale noluerit quis incurrere.

Cap. vnicum.

De conf. d. 1. r. s.  
omnes fideles,  
& c. Missas, &  
c. cum ad.

## DE OBSERVATIONE IEIUNIORUM. Const. LVI.

*De indicendis, atq; obseruandis Ecclesiæ ieiunijs, & poena prauaricantium.*

**L**Icet in Agenda non minus de ieiunijs, quàm diebus festis, instructionē dederimus sacerdotibus, eorumq; Cooperatoribus, seu Vicarijs, ac reliquis animarum curam gerentibus, vbi traditum est, quid ieiunium, & in quibus

Cap. vnicum.

bus diebus, & quomodo sit ieiunandum, & in quibus, etiā  
 præter ieiunij dies, à carnibus sit abstinendum, vt ipsi suis  
 subditis inter concionandum, diebus præsertim Domini-  
 cis, ea maximè quæ in illa sequenti occurrunt hebdoma-  
 da, explanent, & inculcent, eoq̃ magis, cū diaboli frau-  
 de, hominumq̃ effrænata libidine, atq̃ gula eò res (proh  
 dolor) redacta sit, quod magna pars hominum, Deum  
 ventrem suum constituentes, resectio Christi iugo, sacra-  
 tissimis æquè ac saluberrimis ieiunijs, toties à Prophetis,  
 imò Christo ipso, eiusq̃ Apostolis nobis inculcatis, nun-  
 cium penè remiserint, adeo vt nec indictis ieiuniorū die-  
 bus à carnium esu abstineant: à quo scelere nefario etiā  
 Clericorum nostrorum quosdam, & quandoq̃ Pastores  
 ipsos, vna cum suis collaboratoribus immunes haud esse,  
 non sine maximo dolore percepimus: quod tanto peius  
 est, quanto magis isthæc nefanda lues in sacra sacerdotum  
 penetralia irrepsit, & qui alijs vitæ sobrietate ad salutem  
 præire deberent, eos pari ingluvie irretitos, perniciosis-  
 simo exemplo, ad insatiabilem infernalis voracitatis ri-  
 ctum secum trahere videntur: cui horrendo scelere, ex no-  
 stri officij debito prouidere volentes, Prædecessorum no-  
 strorum Constitutiones, iuxta sacros Canones æditas, re-  
 nouantes, ordinamus & statuimus, atq̃ sub omnipotentis  
 Dei indignatione, & nostra animaduersione præcipimus,  
 vt ieiunia, & à carnibus abstinentia, in omnibus diebus,  
 in Agenda notatis, ab omnibus vtriusq̃ sexus Clericis, &  
 secularibus, his duntaxat exceptis, qui de iure, ob aduer-  
 sam valetudinem, seu alias legitimas causas excipiuntur,  
 obseruatis tamen obseruandis, seruentur & custodiantur.  
 Cui nostro, imò Christi, & antiquissimo Ecclesiæ Catho-  
 licæ statuto, à Christi fidelibus semper obseruato, si quis  
 Laicus contra fecerit, carnes præsertim comedendo, à ma-  
 gistratu, iuxta demerita plectetur: sed si Clericus fuerit, &  
 talē nequitiam perpetraverit, omnibus beneficijs priua-  
 biur,



## Cōstitutio quinquagesimaseptima. 273

bitur, & in carcere triduo quidem in hebdomada, solo pane & aqua emacerandus tanto tempore detineatur, quousq; firmissimam suæ contritionis, & veræ pœnitentiæ significationem dederit; qui neq; tunc erit liberandus, nisi hæresi prius abiurata, in fide Catholica, se perseueraturū sponderit, vt tandem (iuxta Prophetæ illius adhortationem) discat conuerti ad Dominum Deum nostrum in toto corde suo, in ieiunio, planctu, & fletu, & in posterum exemplo Dauidico humiliet animam suam in ieiunio. Iohel. c. 1.  
Psalm. 14.

## DE DISCIPLINA POPVLI. Const. LVII.

*Præfatio continens ex corpore naturali comparisonem  
secularis status ad corpus mysticum, cuius uelut  
anima censentur Clerici.*

**Q**uoniam nos omnes vtriusque sexus in Christo baptizati, Clerici & Laici, vnum teste Apostolo corpus sumus, eodem asserente: quicumque in Christo baptizati estis, Christum induistis, quod nil aliud est, quam Christi corpus effici, vt idem alibi testatur inquit: Vos autem estis corpus Christi, quod est vnum; & rursus, vnus panis, vnum corpus multi sumus omnes, qui de vno pane, & de vno calice participamus; quemadmodum enim se habent membra ad corpus vnicum naturale; ita & nos in vno Christi corpore conuenimus mystico, vt sicut illud ex anima & corpore, & corpus diuersis ex membris; diuersas actiones habentibus, constituitur: ita & hoc, cuius animæ locum pars obtinet spiritalis, quæ est Ecclesiastica, reliquam verò corporis compaginem Laicalis representat status. Quapropter sicut naturale corpus concutitur, & patitur, si vel anima affligitur, aut minimum

Cap. 1.  
Galat. 3.  
1. Cor. 3.  
1. Cor. 10.  
Mm corpus

corporis membrum læditur seu infirmatur: eundē in modum hoc Christi corpus mysticum patitur, atq; angitur, si vel spiritalis, aut laicalis pars peccādo infirmatur, cui nō secus atq; naturali corpori pro recuperanda pristina sanitate, sunt adhibenda pharmaca, ad morbos quoscumq; depellendos idonea. Quare cum nemo ignoret, non alteram tantum, sed vtrancū huius corporis mystici partem, spirituales scilicet & corporeā, quæ est Ecclesiastica & Laicalis, vt varijs morbis affici, sic opportunis quoque in medelis indigere: quam ob causam, eandem ipsam instituiamus Synodum, vt partī vtriq; consulatur. Præscriptis autem remedijs ad necessitatem spiritalis corporis spectantibus, operæ precium & omnibus modis necessarium iudicauimus, ei partī, sine qua anima rectē valere vix potest, saluberrimis remedijs subuenire, vt tandem & anima & corpus, scilicet & Ecclesiasticorum simul ac Laicorum vterq; cætus, ex æquo curetur, ne saluo tantū capite, cætera mystici illius corporis membra languere, vel negatis pharmacis, penitus interire patiamur.

*De reuerentia populi in Clerum, & obedientia  
erga proprios sacerdotes.*

Cap. II.

**L**icet autem in suprascriptis nostris Constitutionibus, tum etiā in Agendario sparsim diuersis in locis, quàm plurima ad populi communem disciplinam sint tradita; nihilominus, vt ea omnia, & alia his similia, ad hoc institutum pernecessaria, magis in promptu sint, & cordi ac memoriæ facilius mandentur, non inconsultum existimauimus illorum aliqua, hoc in loco, vnā cum alijs opportunis præceptis attexere. Quæ vt congruo sequantur ordine, hinc initium aptè sumi credidimus, vt postquam fidelis populus Dei, quæ sit Catholica & Apostolica Ecclesia, vnica columba, & sponsa Christi, extra quam salus non est,

# Constitutio quinquagesima septima. 275

est, cognorit ex concionatorum orthodoxorum admonitionibus, suorumq; Magistratum exemplo, eiusdem Ecclesiæ Antistites, Prælatos, Pastores, ac Sacerdotes amore, obseruare, ac reuereri discat, memor antiqui cuiusdam Canonis, in Concilio Matisconensi secundo tempore Pelagij secundi circiter annum Domini 580. aditi, qui incipit: Et quia ordinatione sacerdotum &c. cui consonant verba D. Pauli dicentis: Qui bene præsumt presbyteri, duplici honore digni habeantur, maxime qui laborant in verbo & doctrina. Et hoc non tantum, sed etiam eis, præsertim quibus commendati sunt, absque contradictione obedire, Apostolo Paulo iterum asserente: Obedite Præ-

M m 2. scipules

Ex 2. Concilio  
Matisconensi, c.

15

Hebr. 13.

Osæ 4.

1. Reg. 15.

Ex epistola 3.  
De offi. sacer. &  
Cler. &c.

Luc. 10.  
Matth. 10.

## 276 Cōstitutio quinquagesima septima.

scipulos magistris inobedientes, vel proteruos existere: Notimus enim primum hominem per inobedientiam cecidisse; idcirco omnes hoc vitium summo perē cauere monemus. Et paulò post; Episcopum quasi Christi locum tenentem honorare omnes debent, eiq; seruire, & obediētes ad salutem suam fideliter existere, scientes quòd siue honor, siue iniuria, quæ ei defertur, in Christum redundat, & à Christo in Deum. Audire ergo eum attentius oportet, & ab ipso suscipere doctrinam fidei; monita autem vitæ à Presbyteris inquirere, à Diaconibus verò ordinem disciplinæ. Contradictio etenim populi qua suis contradicit Pastoribus, plerumque non minima causa est, quòd aliquando mala Ecclesiæ contingant: sunt enim illa hæreticorum, & schismaticorum, omniumque perturbatorum initia: cuius rei non pauca (proh dolor) Nationes, atque Regna, suæ perniciiei atque ruinæ nobis exempla reliquere.

*Quòd Prælati, & Parochi, etiam dyscolis,  
sit obediendum.*

Cap. III.

Matth. 23.

**E**T si Episcopi, aut alij Prælati, vel Parochi aliud (quod absit) agant, quàm doceant: nihilominus tamen eis (nisi in fide, quod omen Deus auertat, errauerint) omnino à fideli populo est obediendum, Veritate ipsa Salvatore nostro Iesu Christo testante: Omnia, quæ dixerint, ac præceperint, non quæ egerint, esse seruanda, fore enim ut aliud dicant, & aliud agant.

*De supercilio plebeio uitando, id est, ne Clerum iudicare, uel carpere præsumant.*

Cap. IIII.

**H**Oc præterea populo inculcandum fuerit, ne vel suos, vel alios Prælatos, Pastores, sacerdotes, seu personas Ecclesiasticas, licet parum spectatæ vitæ, temerè iudicent,  
vel

vel reprehendant: cum facta paſtorum oris gladio ferien-  
da non ſint, quamquam reprehendenda recte videantur:  
neq; verò his obloquantur: non verbis contumelioſis aut  
iniurioſis, non illuſorijs, minas autem maledictis inceſ-  
ſant, non cantica ignominioſa de iſſis effingant, vel ficta  
depromant, neq; aliud quidpiam in dedecus Eccleſiaſticae  
dignitatis vel ordinis committant: non ſegniter præ ocu-  
lis habentes quanta hiſ imminet condemnatio, qui, teſte  
ſcriptura, peccant in parentes, inter quos non minimum  
locum tenent paſtores ac ſacerdotes. Quis enim dubitat  
(inquit Gregorius) Sacerdotes Chriſti, Regum & Prin-  
cipum, omniumque fidelium Patres & magiſtros cenſerit  
Si enim Cham pater Chanaan, quia patris pudenda non  
operuit, ſed cæteris fratribus promulgauit, in ſemine ſuo  
fuit maledictus: quantò magis, & multò amplioris con-  
demnationis rei efficiuntur, qui Patribus legatione Dei  
fungentibus (quos ceu parentes animæ, vt eos S. Hieron.  
vocat, amare debent) contumeliam inferunt: Hoc ipſum  
olim egregiè obſeruabat Conſtantine, qui, vt legimus,  
hanc memorabilem ædidiſſententiam: ſe cum proprijs  
oculis videre contingeret ſacerdotem Dei, aut aliquem  
eorum, qui monachali habitu circumamicti ſunt, peccan-  
tem, chlamydem ſuam expoliaturum, & eum, ne ab alio  
videretur, cooperturum: Quo exemplo (deſideratiſſimi  
filijs) commonemini, vt quemadmodum fide, religione, ac  
honoris ſplendore huic adæquari ſtudetis: ita quoq; ſum-  
miſſione ac deuotione eidem ſimiles, & quantum in vo-  
bis eſt, etiam ſuperiores fieri modis omnibus contendat-  
is: adeò vt hoc propoſito exemplo, ceu calcari ſtimulati,  
eum, qui ſine exemplo cum tanta laude ſe geſſerat, accu-  
mulato ſtudio certatiſſimè vincere conemini. Sed hoc quidẽ  
diximus, cautos vos reddere cupientes, quod ſi Clericis  
& ſacerdotibus (animarum Patribus) aliquid durius eue-  
nire perſpexeritis, & ſi quid fortè horrorem pijs mentibus

d. 96. c. quia

Gen. 9.

De vita Cle. ad  
Nepotianum.  
Et d. 95. c. eſto.  
Nicol. 1. ad Lu-  
dovic. Imper.  
Germ. & ad  
Michaële Imp.  
Conſt. Et ha-  
betur d. 96. c.  
In ſcriptura.

## 278 Cōstitutio quinquagesima septima.

ingerere possit, non perfricte frontis hominem Chamum, sed cæterorum Noæ filiorum pudorem, ac modestiam æmulantes, paterna verenda piè obtegatis, vt ea vobis, quæ illis, omnium bonorum compensatore Deo annuente, accedat gratia, & rerum prosper succellus.

*Malos sacerdotes à Deo propter populi peccata  
quandoq; dari.*

Cap. V.

Esa. 24.

Osee 4.

Osee 4.

**A**Dmonendus quoq; populus est, malè feriatos sacerdotes propter subditorum malignitatem, & flagitia, pœnæ cuiusdam loco à Deo dari, vt si quoties malus fuerit populus, & viâ illorum praua in conspectu Dei, tunc eorum merito euenire, vt etiam à similibus regantur Pastoribus, atq; sacerdotibus; dicente Domino Deo per os Esaïæ prophætæ: sicut populus, sic sacerdos, & sicut seruus, sic Dominus eius, & sicut ancilla, sic Domina eius, sicut emens, sic ille qui vendit; sicut fœnerator, sic is qui mutuum accipit; sicut qui repetit, sic qui debet; dissipatione dissipabitur terra, & direptione prædabitur, luxit & defluxit terra, & infirmata est; defluxit orbis, infirmata est altitudo populi terræ, & terra infecta est ab habitatoribus suis: quia transgressi sunt leges, mutauerunt ius, dissipauerunt fœdus sempiternum; propter hoc maledictio vorabit terram, & peccabunt habitatores eius; ideoque infamient (ecce) cultores eius. Et per Oseam; sicut populus, sic sacerdos, & visitabo super eum vias eius, & cogitationes eius reddam ei: & comedent, & non saturabuntur; fornicati sunt, & non cessauerunt; quoniam Dominum dereliquerunt, in non custodiendo &c. Quæ verò pœna vtrosq; maneat, idem mox indicat Propheta: Corrues hodie (inquit) & corruet etiam Prophetia tecum. Quod si noster populus probiores, ac moratiores sacerdotes habere, vt par est, maluerit, se ipsum corrigan, vitam emender, Deum  
pro



## Cōstitutio quinquagesimaseptima. 279

pro se, & pastoris sui salute imploret; sic fiet, vt diuina bonitas eiulcemodi datura sit Pastores, qui scientia, & exemplo viam veritatis doceant, & obsequentes subditos ad vitam perducant gloriosam. Conuertimini filij, quia ego vir vester: & assumam vos vnum de ciuitate, & duos de Hierem. j. cognatione, & introducam vos in Sion: & dabo vobis pastores iuxta cor meum, & pascant vos scientia & doctrina, sic dicit Dominus omnipotens.

### *De reconciliatione populi per pœnitentiam.*

**P**Ræterea, vt populum nostrum Deo per viam pœnitentia acceptiorem reddamus, ideò præcipimus, vt Cōstitutio capituli Vtriusq; sexus, quæ Laicos atq; quorumcumq; aliorum ad debitam Deo & Ecclesiæ per pœnitentiam faciendam reconciliationem adducit, sub pœnis eadem in Constitutione comprehensis, & alijs à nobis, nostrisq; Cœpiscopis addendis, ab omnibus nostræ Prouinciæ Christi fidelibus, qui ad annos peruenerint discretionis, ac vsum habuerint rationis, secundum formam & modum in Agenda, & superiori capitulo, de pœnitentia, traditum, obseruetur. Et ne quispiam prætextu ignorantia conetur se excusare, omnium Ecclesiarum parochialium Rectoribus seriò iniungimus, vt prædicta Constitutio, quolibet anno in omnibus suis Parochialibus Ecclesijs, singulis quadragesimæ Dominicis, per ipsos, vel eorum Cooperatores, seu Vicarios, populo aperte prælegatur ac declaretur, salutaribus semper adiunctis admonitionibus.

### *De instructione populi circa pœnitentia usum.*

**E**T quoniam nulla pœnitentia ad reconciliandum Deo peccatorem sufficere potest, nisi pœnitens ex intimo cordis, in ieiunio, planctu, & fletu, conuersus fuerit, & omnia

## 280 Cōstitutio quinquagesima septima.

omnia Dei & Ecclesiæ sanctæ mandata, quantum humana permittit fragilitas, seruare statuerit: iubemus, vt Patrochī, cæterarumq̃ Ecclesiarum Rectores, verbiq̃ue concionatores, iuxta ea, quæ etiam in Agenda passim dicta sunt, quemadmodum ieiunia, & à carnium esu abstinencia statutis diebus, item festorum celebratio, sacrosanctæ Missæ deuota & integra auscultatio, & totus deniq̃ Dei cultus sit peragendus, atque obseruandus, populum non minus fideliter, quàm diligenter instruant, atq̃ edoccant.

### *De oratione Populi.*

Cap. VIII.

Matth. 14.

Marc. 13.

Iacobi 5.

1. Reg. 17.

Iacobi 5.

Matth. 11.

A& 2.

**Q**Vandoquidem verò non sat est peccatori se Deo per pœnitentiam coram Cōfessore reconciliasse, nisi deinceps quod benè incœpit, ad bonum quoq̃ finem perducat, & rectè inculpateq̃ viuendo pergat, dicente Salvatore; Qui perseuerauerit vsq̃ in finem, hic saluus erit: perseuerare autem nemo melius potest, quàm oratione mediante: multum enim valet deprecatio iusti assidua. Elias Propheta homo erat similis nobis passibilis, at oratione effecit, vt non plueret super terram annos tres, & menses sex: & rursus, eo orante, cœlum dedit pluuiam, & terra dedit fructum suum. Propterea rectè nos admonet sanctiss. Apostolus Iacobus: Orate pro inuicē vt saluemini. Idcirco instruendus quoq̃ est populus, vt orationibus sit intentus, & precando assiduus, quandoquidem in sacris scripturis tot habeamus promissiones propter frequentem, & continuam orationem, & Christus ipse nobis sanctè polliceatur, nos accepturos, quicquid credentes orando petaturi simus: & quo felicius atque dexterius nobis succedat oratio, iubet nos mutuò remittere peccata, vt hac ratione, cœlesti Patri ampliorem præbeamus occasionē, vt & is erratis nostris ignoscat: hinc legimus Apostolos, & cæteros Christianos in nascentis Ecclesiæ primordijs vnanimiter in orationibus perseuerasse.

*De*

# Cōstitutio quinquagesima septima. 281

*De oratione peragenda in Ecclesia, siue templo,  
utpote orationis domo.*

**A**Dmoneantur porro fideles Christiani, quòd etsi ora- Cap. 12.  
tio deuota, Deo sit vbique grata, nihilominus diuinæ

bonitati eam ipsam longè acceptiorem fieri, si in domo  
orationis, quod Dei templum est, oreitur. Id enim disertis

verbis testatur Deus ad Salomonem, de templo sibi tūm 2. Paralip. 7.  
Idem terè &  
3. reg. 6. 9.

extructo loquens: Elegi locum istum mihi in domum sa-  
crificij (inquit) si clausero cælum, & pluuiæ non fluxerit,

& mandauero & præcepero locustæ, vt deuoret terram, &  
misero pestilentiam in populum meum, conuersus autem

populus meus, deprecatus me fuerit, & exquisierit fa-  
ciem meam, & egerit pœnitentiam à vijs suis pessimis; &

ego exaudiam de cœlo, & propitius ero peccatis eorum,  
& sanabo terram eorum, oculi mei quoque erunt aperti, &

aures meæ erectæ ad orationem eius, qui in loco isto ora-  
uerit. Elegi enim, & sanctificaui locum istum, vt sit nomen

meum ibi in sempiternum, & permaneant oculi mei, &  
cor meum ibi cunctis diebus. Si enim in templo illo, in

quo bruta duntaxat in figurâ veri sacrificij corporis Sal-  
uatoris nostri Iesu Christi sacrificabantur animalia, tam

grata oratio fiebat Deo, ita vt etiam filius Dei ipsum visi-  
tare voluerit, & vendentes ac ementes ex illo flagellis ex-  
pulerit, mensasque mercium subuerterit, dicens: scriptum

est, Domus mea, domus orationis vocabitur: vos autem Matth. 21.  
Marc. 11.  
Luc. 19.  
Ioan. 10.  
Esa. 56.

fecistis illam speluncâ latronum: quantò magis ergo cre-  
dendum est orationes nostras Deo gratiores esse, quæ in

templo, in quo ipse verus Dei filius vnigenitus consecra-  
tur, atque sub panis & vini speciebus præsens videtur, &

adoratur, cuius vetera illa tantum vmbra fuerunt & figu-  
ra: Ideò benè ait Alcuinus: Si filius Dei in templo, in quo

caro brutorum animalium offerebatur, ambulare voluit,  
quantò magis nostram orationis domum, in qua caro &

*In c. 10. Ioan,  
ubi legitur, Et  
amb. Iesus in  
templo &c.*

**N**n sanguis

sanguis eius consecratur, visitare gaudebit? Propterea & Apostoli post Ascensionem Christi, quotidie erant perdurantes in templo. His igitur exemplis moti nostri in Christo fideles, hanc domum Dei visitare, ibique supplices preces effundere, & Deum Patrem per Iesum Christum filium eius vnigenitum exorare non cessent, vt quod obtineri desideratur, facilius impetretur. Et ne quemadmodum accidit Iudæis, à templo propellantur orantes, vel ad iram magis prouocetur Christus, quàm ad indulgentiam, operæpretium fore duximus, verba Decreti Gregorij X. in Concilio Lugdunens. publicati, eo quòd obseruatione dignissima sint, hic recensere, quæ etiam ex superioris Synodi Salisburgen. autoritate sequenda, & custodienda esse volumus.

*De modestia & deuotione exercenda in Templis.*

Cap. X.  
Ex Decr. Greg.  
X. in Concil.  
Lugd.

**D**ECET domum Domini sanctitudo: decet vt cuius in pace factus est locus, eius cultus sit cum debita ueneratione pacificus: sit itaque ad Ecclesias humilis, & deuotus ingressus, sit in eis quæta conuersatio, Deo grata, insipientibus placita, quæ considerantes non solum instruat, sed & reficiat: conuenientes ibidem, nomen illud quod est super omne nomen, à quo aliud non est sub cœlo datum hominibus, in quo saluos fieri credentes oporteat, nomen videlicet Iesu Christi, qui saluum fecit populum suum à peccatis eorum, exhibitione reuerentiæ specialis attollant: & quod generaliter scribitur: Vt in nomine Iesu omne genu flectatur, singuli singulariter in seipsis implentes, præcipue dum aguntur Missarum mysteria, gloriosum illud nomen quandocumque recolitur, flectant genua cordis sui, quod vel capitis inclinatione testentur. Attendant in locis eisdem intentis præcordijs sacra solemnia, deuotis orationibus insistatur. Nullus in locis eisdem,

## Cōstitutio quinquagesima septima. 283

dem, in quibus cum pace & quiete vōta conuenit celebra-  
ri, seditionem excitet, conclamationem moueat, impe-  
tumue committat. Cessent in illis vniuersitatū & societa-  
tum quarumlibet concilia, conciones, & parlamenta ces-  
sent vana, & multò fortius fœda, & profana colloquia,  
cessent confabulationes quælibet, sint postremò quæcum-  
que alia, quæ diuinum possunt turbare officium, aut oculo-  
rum diuinæ maiestatis offendere, ab ipsis prorsus extranea,  
ne vbi peccatorum est venia postulanda, ibi peccandi de-  
tur occasio, aut deprehendantur peccata cōmitti. Cessent  
in Ecclesijs, earumq; cœmiterijs negotiationes, & præci-  
puè nundinarum, ac fori cuiuscumq; tumultus: omnis in  
eis secularium iudiciorum strepitus conquiescat, nulla in-  
ibi causa per Laicos, criminalis maximè, agitetur, sint loca  
eadem à Laicorum cognitionibus aliena. Ordinarij loco-  
rum hoc faciant obseruari, suadenda suadeant, interdicta,  
authoritate huius canonis, compescant, ad hoc alios etiā  
in Ecclesijs ipsis magis assiduos, & ad præmissa idoneos  
deputando. Et nihilominus processus iudiciorum secula-  
rium, ac specialiter prolata sententiæ in eisdem locis, om-  
ni careant robore firmitatis. Qui verò præmissas inhibi-  
tiones animo petulanti contempserit, præter processum  
ordinariorum, & deputandorum ab ipsis, diuinæ vltio-  
nis & nostræ poterunt acrimoniā formidare, donec suum  
confessi reatum, à similibus firmato proposito delibera-  
uerint abstinere. His verò hæc quæ sequuntur pauca nos  
addere iudicauimus, non minus necessaria, quæ ab omni-  
bus pariter obseruari volumus.

*De mercatoribus, nundinarum tempore à liminibus, por-  
ticubus, & continentijs Templorum arcendis.*

Nueterata penè cūm in nostra Prouincia, tūm in reliqua Cap. XI.  
ferè Germania, & deprauata consuetudo, ne dicamus sa-

Nn a      crilegium,

## 284 Cōstitutio quinquagesimaseptima.

crilegium, & abominabilis impietas inoleuit, vt Nundinarum diebus, mercimoniorum cumulus, emptionis, venditionisq; strepitus, hominumq; mutuo contrahentium turbæ, non solum cœmeteria, verum etiam omnia templi limina, porticus, atq; ambitus occupent, vt vix ad cultum Dei contendentibus pateat accessus: clamores deniq; rixæ, ac fœminarum garrulæ voces, totius intima templi peruagantes hominum aures ita oppleant, vt quid inter sacrum agatur vix percipiant, & peristrepentium obiectio fastidio orationes cœptas, ipsumq; diuinum cultum penitus deferere cogantur: tacemus nunc discurrentium per Ecclesias immodestia, qui studio emendi, vendendi, spectandi, decipiendi, nonnunquam etiam furandi, ceu furij agitati insanorum modo, tanquam per theatra, & prophanisima quædam loca diuagantur, non magis honorem, ac reuerentiam diuinis rebus, quam Pagani, vel Iudæi exhibentes. Quæ res Iudæorum impietatem, & avaritiam, amplissimo scelere superare planè videtur. Nam illi solemnitatum tempore, quæ ad holocausta, victimas, & cætera sacrificia Iudæorum ritu necessario celebranda, vt oues, boues, columbas, & his similia, illic vendendo disfrahebant: nostri verò in locis sacris, neq; ea quæ ad Ecclesiam, vel Dei cultum spectant, venalia habent, sed Mamone iniquitatis operam dantes, eas exponunt merces, quæ animos varijs illecebris irritant: cum interim emptores nonnulli, & vicissim venditores mutua inter se certent vafritia, qua alter alterum immodico lucri studio circumuenire queat. Cui hominum insano generi leges contrahendi præscribere, nostrum institutum non est. Hoc autem officij nostri esse arbitramur, vt zelo Christi admoniti huiusmodi collybistas, mensarios, & mercatores, à liminibus templi repellamus. Nec verò nobis obstat illud Iurecōsulti dictum, Inueteratam nempe consuetudinem pro lege seruandam esse: quod tamen si loco suo falsum sit minime:

nos



## Cōstitutio quinquagesima septima. 285

nos tamen potius mouebimur alterius sentētia: Quod videlicet, ratione introductum non est, sed errore primum, deinde consuetudine obtentum, id in alijs similibus non obtinere: mala enim consuetudo ex longo tempore non confirmatur. Quamobrem ex ea, qua fungimur auctoritate, summis cathedralium Ecclesiarum Custodibus, cæterarumq; Parochis, Vicarijs, ac ædituis quoq; omnibusq; alijs personis, quæ hactenus vel cœmeteria, porticus, ambitus, vel alia quęcumq; loca sacrata, accepta stipe, Mercatoribus, vel cæteris quibuscumq; circulatoribus ex locato concesserunt, modis omnibus præceptum esse in perpetuum volumus, vtab hac illicita locatione, siue nundinarum, siue quocumq; alio tempore non solum abstineant: quin etiam illos, si ad cuiuscumodi locum aliquem sacrum, vel religiosum, vendendi causa se contulerint, sine mora vel per se, vel alios, inde arceri curent. Præuaricatores autem huius nostræ saluberrimæ Constitutionis, non solum iram & indignationem eius, qui mercatores de templo flagellis pepulit, sed & censuras Ecclesiasticas, aliasq; meritis poenas certò se incidisse nouerint.

Celsus in l.  
quod non, ff.  
eod. Auth, vt  
nulli iudic, &c.  
§. ii.

*Ne, præsertim inter sacra, uel conciones, utensilia  
ferantur per templa.*

**H**ic detestando negotiationis abusui affine est id, quod etiam longa quadam, sed pessima consuetudine in vsum venit, vt tam viri, quam foeminae, tam inter tremendi mysterij celebrationem, quam sacras etiam conciones, per templa passim cum utensilibus, vasisue, qualibet materia impletis, vel vacuis, seu quibuscumq; alijs rebus perindè, vt per publicas plateas transeant, atque discurrant: idque non solum ad contumeliam domus Dei, sed etiam eorum, qui sacris officijs intenti sunt, scandalum, & offensionem. Cùm itaq; Christus Dominus, & acerrimus

Cap. XII.

Mench. 11.

domus suæ vindex ipso facto prohibuerit, ne quisquam vas, vel simile quidpiam per templum transferret, equum non est, vt nos vestigia eiusdem insequi cupientes, talia negligamus. Sancimus itaque ac decernimus, vt Ecclesiæ, verbiq; diuini Concionatores, primis post huius Synodi nostræ publicationem concionibus, plebem admo- neant, vt posthac ab eiusmodi prophanatione absti- neant, & sacrosanctas Ecclesias maiori veneratione co- lant. Hoc etiam muneris omnibus & singulis Aedituiis cōmissum esse volumus, vt dum sacra & conciones fiunt, portas Ecclesiarum custodiant, ac ne quid interim pro- phani transportetur, obseruent, sed huiusmodi baiulos a foribus abigant quod: si facere neglexerint, carcere pu- niantur.

*De non ingrediendo Ecclesias cum armis maio-  
ribus alijsq; profanis.*

Cap. XIII.  
In Cod. Theo-  
dosiano, & præ-  
termittis, C. lu-  
rianiana.

**P**ARi ratione interdicimus, ne quispiam cum venaticis canibus, volucris, aut bombardis, seu hastis, & hu- ius generis alijs armis Ecclesias ingredi audeat, melius enim (vt Theodosius, imperator olim dicebat) religionis nomine, quàm armorum præsidio quisq; munitur.

*Ne mendici inter sacra homines eleemosynarum  
exactione turbent.*

Cap. XIII.

**P**Ræterea ne mendici, quæstus gratia, per Ecclesias va- gentur, quos extra ianuas consistere volumus, cuius rei curam quoq; habebunt Aeditui.

*De usurarijs, & foeneratoribus extirpandis.*

Cap. X v.

**C**Æterum his, quæ ad cultum diuinum spectant, proli- xè tractatis, res postulare videtur, vt etiam de externis moribus,

## Cōstitutio quinquagesima septima. 287

moribus, & honestate populi, nostros cōmonefaciamus: quod cum ad communem fidelium disciplinam pertinere videtur, inter alia primo loco censuræ subijcienda occurrit Vsuræ, seu fœnus Deo odiosum, hominibus verò, si vel æternam, siue temporaneam poenitentiam spectes, perniciosum peccatum: quod cum hisce calamitosis temporibus omni penè hominum statui commune sit, in capite poni placuit. Olim enim mercatores potissimū, & diuites auari efficiebantur vsurarij; hodie autem non illius generis homines solū, sed etiam nobiles, ciues, plebei, atq; rustici (& vtinam non etiam Ecclesiasticæ sortis homines) isthoc detestando (proh dedecus) crimine mirum in modū sunt infecti; ita vt vix vicinus vicino, affinis affini, neque consanguineus consanguineo, licet in magna necessitate constituto, exiguum quid mutuo dare velit pecuniarum, nisi certior fiat, se plus dato recepturum. Quam vsurariā voraginem detestantes, hac sacra approbante Synodo, tam Clericis, quàm Laicis, ne pecunias quomodocumque mutuent, nec propolia, seu præemptiones detestabiles faciant, neq; alios quoscumq; cōtractus vsurarios, vel actus damnatos exerceant mandamus. Cui nostro Decreto si quis contrafecisse, vel facti euidentia deprehensus, siue iudicialiter conuictus, aut in extremis, vel in vita, sponte & clarè confessus fuerit, talis nouerit se pœnas canonicas, tanquam manifestus & notorius fœnerator & vsurarius, incidisse; cuius rei doctrina, cum apud Canonistas abunde tractetur, eam hic latius recensere superuacancum iudicauimus. Vniuersis autem sub pœna excommunicationis inhibemus Prælati, Archidiaconi, Decani ruralibus, Plebanis, & cæteris quibuscumq; religiosis, & secularibus Clericis, ne aliquē dictorum criminū, sic vt præmissum est, manifestè reum, satisfactione ac restitutione iniquæ acceptorum non præmissa (ad quam tamen eosdem induci volumus omnibus modis possibilibus) Ecclesiasticæ

## 288 Cōstitutio quinquagesima septima.

stica tradant sepultura. Vt autem à tam abominabili crimine noster abstineat populus, Parochi, atq; concionatores verbi Dei (quos præsenti constitutione exhortamur) sapius huius vitij enormitatem inter concionandum reprehendant, populo fideliter quid sit criminis declarantes, & ab huiusmodi vsurarijs contractibus, tanquam à peste & fraternæ dilectionis extinctione, dehortentur. Et quia rustica simplicitas, siue inurbanitas, exiguum forsitan in huiusmodi re habet iudicium, suam cupiditatem atque affectum sequens talia perpetrat, nullius momenti esse peccatum existimans: ideo à Parochis maiori cum diligentia & sollicitudine est commonefacienda, & ad saniores intellectum ac rationem reducenda. In communi autem volumus obseruari, vt omnes Parochi, & Prædicatores hac de re tribus anni temporibus, nempe in ferijs Natiuitatis Domini, In quadragesima, & in Assumptione B. virginis Mariæ, peculiaribus ad hoc institutum concionibus, populo criminis huius abominationem, & causas, curà Christiano homine angue peius odio haberi, euitarique debeat, & quæ poenæ etiam hac in vita sint talibus constitutæ, declarent, vt si non proximi, vel Dei amore, saltem poenæ formidine, ab hoc tam nefando abstineant delicto.

*De inuocatione brachij secularis pro euellendis publicis criminibus & flagitijs, præsertim blasphemia, adulterio, concubinato, siue fornicatione publica, cum ebrietate, & id genus alijs.*

Cap. XVI.

**V**T etiam ab alijs omnibus detestandis criminibus plebs fidelis abstrahatur, atq; in viam iustitiæ & salutis reducatur, à Parochis & concionatoribus, loco & tempore opportunis admoneantur; quòd si ob suam proteruitatem  
non

## Cōstitutio quinquagesimaseptima. 289

non paruerint, sed in omni luto flagitiorum volutari perrexerint; ne mala crescant, & respub. Christiana quid durius propter impunitatem facinorum patiatur: Nos quoscumque Principes seculares, Potestates, & Magistratus huius Prouinciæ, cum omni synceritate obtestamur, hortamur, atq; per viscera misericordiæ Dei nostri, & salutem animarum, ipsis non minus ac nobis commissarum, obsecramus, vt iustitiâ postulante, gladio Cex vindicis Dei manu dato, vrantur in facinorosos, idq; stringant in blasphemos, quos Deus odit; in adulteros suam potestatem exerceant, in concubinarios, seu fornicatores publicos, ne opus sit nos gementes cum Hieremia Propheta clamare, Hierem. 23. quoniam adulterijs repleta est terra: stringatur gladius in stupratores, atque incestuosos: quod aliquantò commodius accidet, si quæstuarîa lenocinîa tam vetularum quarundam, quàm malè feriatorum nebulonum coërceantur. Explodatur ebrietas, & omnium compotationum genera. Si enim, docente sancto Paulo, cum ebrîjs ne commisceri quidem debemus, nec cibum cum ipsis sumere, vt 1. Cor. 5. quid communicamus ijsdem?

### *De homicidijs. siue homicidis tollendis.*

**H**omicidia quoq; postquam cœperunt pecunia redimi, cœperunt etiam multiplicari: modo satis constat quantum Deo exosi semper fuerint viri sanguinum: tollenda est igitur pecuniæ cupiditas, vt tollatur occidendî crudelitas. Cap. XVII.

### *De puniendis fraudulentis, & impostoribus.*

**H**omicidio proximum est defraudare proximum: dicit Cap. XVIII. enim scriptura; Qui defraudat pauperem, homo sanguinis est. Qui aufert in sudore panem, quasi qui occidit proximum suum; Qui effundit sanguinem, & qui fraudem Ecclesiast. 34. facit

Oo

## 290 Cōstitutio quinquagesimaseptima.

*Pſalm. 5.*

facit mercenario, fratres sunt. Et alibi; Virum sanguinum & dolosum abominabitur Dominus: hinc em̃ in quibusvis negocijs, furta, latrocinia, rapinæ, falsa testimonia, vsuræ prodeunt, & circumuentiones; fraude & dolo fraterna extinguitur charitas, pessundantur leges, pereunt quæuis (dum tolerantur) bonæ ordinationes, perdūtur Respublicæ, & (quod omnium pessimum est) si per Potestatem non vindicetur, Deus vindex est: Qui ergo non vult habere vindicem Deum, ipse vindicet, qui à Deo ad vindictam positus, & cui gladius, ad vindicandum traditus est. Non enim omnia possunt per sacerdotum monita reduci, sed necesse est vt gladius secularis, vbi opus fuerit, gladio spirituali suffragetur.

*1. Theſſ. 4.*

*1. Pet. 3.*

*Rom. 13.*

### *De cura lactantium circa infantes.*

*Cap. 19.*

**A**Dmoneri mandamus omnes & singulos parochianos vtriusq; sexus, sub cura quorumlibet presbyterorum Prouinciæ Saltzburgeñ. degentes, quòd non audeant filios, vel filias suas, saltem per annum vnum, à die natiuitatis eorum, secum communi lecto ad lactandum, seu dermiendum tenere & collocare, ne negligentia, vel culpa eorum suffocentur, vt sæpè contingit, vnde ipsimet parentes homicidij, vel parricidij rei inueniantur, & sub prætextu frigoris, non sunt facienda bona, vt proueniant mala. Quem casum nobis specialiter reseruamus: præcipimusq; tam presbyteris parochis (extra confessionem tamen) quàm ipsis Parochianis, quod scientes dictam transgressionem, statim reuelent nobis, aut Vicarijs nostris, hoc est Officialibus.

*Exemplum est  
in lib. 3. Reg.  
cap. 3.*

**AD**



Constitutio quinquagesima octaua. 291

AD PRINCIPES, ET ALIOS

Dominos, in Prouincia Salisburgen. sæ-  
cularem iurisdictionem habentes, co-  
rumq; delegatos Magistratus.

Const. LVIII.

*De potestate ac imperio Principum, & Magistratum  
in subditos exercendo, eosq; in unitate Catholica  
Ecclesie retinendo.*

**Q**Uonia inter membra corporis Christi mystici, par-  
tis exterioris, quam Laici obtinent, primum tenet  
locum temporalis potestas; vt sicut omnia membra cuius-  
libet corporis humani à capite, mediante intellectus vir-  
tute, siue ratione, ad totius conseruationem subiecti re-  
guntur; ita etiam omnia huius corporis Christi membra à  
potestate temporalì, mediante spiritalis virtutis (quæ  
animæ tenet locum) instructione, debeant dirigi, atq; gu-  
bernari, ne corpus totum offendatur; idcirco omnes &  
singulos Principes, & Magistratus seculares per ipsum  
corpus Christi, cuius membra non infima ab eodem Sal-  
uatore constituti sunt (nam omnis potestas à Deo est) ad-  
monitos atq; rogatos esse volumus, pro instauratione &  
conseruatione corporis Christi in hisce nostris regionibus,  
vt non solum se ipsos, sed etiam (quemadmodum &  
superius in Constitutione de immunitatibus, & priuile-  
gijs Ecclesiarum, & Clericorum est dictum) suos subditos  
in vnitae Christi corporis velint retinere, amplecti, con-  
seruare, & quæ pro salute huius corporis, ab Ecclesia Ca-  
tholica, à sacris Concilijs, præsertim Tridentino (quod ea  
etiam de re sacratissimum Imperatorem, Reges, Respub.

Cap. 2.

Rom. 13.

Sess. 25. cap. 20.  
Decr. de Refor-  
mat.

& Principes omnes admonere non est oblitum) & ab hac sancta Synodo tanquam pharmaca necessaria & salutifera, omnibus nostris in Christo subditis instituta, & exhibita sunt, executioni mandare.

*Principes non solum liberales esse in Ecclesias, sed etiam earundem priuilegia & immunitates tueri debere.*

Cap. II.  
Auth. de monach, in fi.  
coll. X.

Ep. inter claras, C. de sum  
Trinit. & fid.  
cath.

**Q**Vandoquidem Principes (vt Iustinianus Christianissimus princeps scriptum reliquit) nihil diuinarum rerum, & quæ custodiri iustum est, negligere, sed per omnia studere debeant, vt communis reipub. status ex magni Dei, & seruatoris nostri Iesu Christi erga homines amore fructum afferat: at cum labijs regat Rex, & cor Regis in manu Dei sit, & quocumq; voluerit, inclinet illud: hoc est enim quod firmat imperium, quod regna & Principatus conseruat. Nam pax Ecclesiæ, religionis vnitas, autorem facti in sublime prouectum, grata sibi tranquillitate custodit. Neque enim parua ei vicissitudo à potentia diuina tribuitur, per quem nullis rugis Ecclesia diuisa scernitur, nullis insertis maculis variatur. Scriptum est enim, quia cum Rex iustus sederit supra sedem, non aduersabitur ei quicquam malignum. Quamobrem Principes ac Magistratus summos in Christo pie admonemus, atq; adeo hortamur, vt meminisse velint, quam gloriosi, potentes, atque scelices, tum in veteri, tum in nouo testamento extiterint Reges, Principes, ceteriq; Primates, qui cultui fauentes diuino, Ecclesiæ Catholice iura, & immunitates, non solum conseruando, & stabiliendo: verum etiam priuilegijs maximis, opibus, atq; redditibus dotando auxerunt, & ab hæreticorum, aliorumque hostium insultatione defenderunt; & vicissim quam infelices, infortunati, omnibusq; copijs & viribus fuerint destituti, qui contemptis

# Constitutio quinquagesima octaua. 293

contemptis rebus diuinis, sacrosanctam aut neglexerunt Ecclesiam, ve eam, vt lupi rapaces fraude, ac præda inuaserunt, immemores antiqui prouerbij, aurum habere Tolosanum, hoc est, misere perire omnes, quicumq; à sacris rebus non abstinent manus violentas: eorum etenim miserabilem exitum tam veteres, quam recentiores Historiæ significant: cuius rei etiam nostræ ætatis exempla, si non essent odiosa, & locus hic ferret, recenseri possent. Quapropter ipsos Principes & Magistratus omnes in Domino iterum atq; iterum obsecramus, rogamus, atque obtestamur, vt antiquos pijsimos, religiosissimosq; suos Prædecessores (quorum memoria in benedictione est) imitari, Ecclesiam Catholicam (iuxta sanctâ & paternam sacri Concilij Tridentini & huius sanctæ Synodî, hic & supra in Constitutione de immunitatibus, & priuilegijs Ecclesiarum, & Clericorum factam admonitionem) cum omnibus suis iuribus, & immunitatibus, libertatibus, ac priuilegijs, non modò per se, sed & ministrorum, & Officialium suorum studio defendere, ac tueri velint: cum, quod quisq; per alium, id ipsum per se facere, vel admittere dicatur: ne delegatorum suorum peccata olim luere cogantur, neq; dictum illud sapientis in eos quadret, vt iudex populi, sic & ministri eius: quin bonorum illorum Principum exemplo, suis potius diuitijs, opibusq; Ecclesias adiuuent, instaurent, exornent, eorumq; ministros aliant: nam si apud Ethnicam antiquitatem Tolosani (vt legitur) ex priuatis fortunis auxerunt sacram pecuniam, vt magis Deum sibi reconciliarent, quantò magis id Christianis faciundum, vt verum atque æternum, non fictum aliquem sibi reconcilient Deum. An non ingratitude nostram, & auaritiam repræhendunt Iudæi, qui in tabernaculis Domini ædificandis adeò luculenter suas conferebant opes, vt artifices venire compulsi dicerent Moyse, plus offerre populum quam necessariū esset, quapropter

Sess. 24. c. 10.  
Decr. de Refor.

C. qui per aliū.  
de reg. iur. in 6.  
l. is damnū ff.  
cod. tit.

Ecclesiast. 10.  
Strabo Geograph. lib. 4.

Exod. c. 36.

propter Moyſes præconis voce, publicitus proclamare iuſſerat, ne quicquã præterea offerretur ad opus ſanctuarij. Neq; verò diſſidant Principes, quòd ſi Eccleſiam viribus omnibus fouerint, adiuuerint, conſeruarint, fore, vt ſicut fidelis Dauid, cæteriꝑ Deo dilecti Reges, ac Principes, in iſthac mortali vita bonis omnibus affluant, & poſt deinceps certum in cœlo, ac definitum locum, vbi beati æuo ſempiterno fruantur, ſint habituri. Pientiſſimus eſt enim Deus, qui nunquam deſerit ſperantes in ſe: maximè verò Principes, quos poſuit ad regendum populum ſuum, quem redemit ſanguine ſuo: ſi quos enim fideles conſtituit Deus Principes, fieri non poteſt, quin eorum omni loco, & tempore, curam gerat. Scit equidem Pater cœleſtis, quibus indigeant, quorum etiam capilli ſunt numerati: veruntamen regnum Dei primum debent querere, & iuſtitiam eius: deinde omnia ea, quæ ad animi, corporisꝑ dotes ſpectant adiſcientur eis, diuinoꝑ afflatu, ſine quo nemo vnquam magnus euasit, ſubinde adiuuabuntur.

Luc. 12.

*De prudentia, & circumſpectione Principum circa delegatos ſuos, quos inferiores magiſtratus uocant.*

Cap. III.

**H**OC præterea noſtrorum temporum neceſſitas adhortatur Principes, atq; Magiſtratus, vt oculos ſuos perpetuò vigiles in omnes angulos ſuarum terrarum, & iuriſdictionum conijciant, atq; præuideant, ne quid perperam vllibi fiat. Cum verò humana natura per ſe tanta laborat caligine, vt nihil ferè, niſi quod coram eſt, ſentire, vel circumſpicere queat: ideo Principum oculi, fideles eſſe debent adminiſtri, quos Delegatos Magiſtratus, Præfectos, Prepoſitos, Capitaneos, vel alio nomine, pro cuiusꝑ Regionis more appellare ſolent. Hi non lippì, non cæci, vel alio vitio corrupti; ſedlympidì, perſpicaces, hoc eſt, homines vigilēs, puri, innocentes, & ab omni labe auaritiæ, libidinis,

# Constitutio quinquagesima octaua. 295

libidinis, & Inprimis Hærescos alieni sint, necesse est. Nullum enim vitium tetrius, atq; nocentius est in Magistratu, quam Hæresis, quæ vnus viri exemplo in subditos deriuatur, actandem vt cancer serpens, breui per vniuersam Regionem grassatur: cui vitio, imò flagitio proximum est Auaritia, quæ hominum mentes ita obstrictas tenet, vt eas nullo tempore respirare permittat: tùm etiam subditorum animos non raro in ipsos Principes, tametsi immeritos, perniciosissimè excitet. Habere autē quæstui repub. non modo turpe est, sed sceleratum, & nefarium: quamobrem abstinentia, & continentia, multitudinis beneuolentiam sibi comparare debent, illaq; politica præcepta, nostræ etiam Christianæ legi conuenientissima, mordicus teneant, scilicet, subditorum sic tueantur vtilitatem, vt quicquid agant, ad eam referant, obliti commodorum suorum. Deindè, vt totum corpus suæ iurisdictionis curent: ne cum parte aliquam tuentur, reliquas deserant. In primis autem operam dabunt, vt quisq; subditorum Catholicam & Apostolicam religionem gnauius obseruet, atq; in timore Domini ambulet: proximè verò curabunt, vt iuris & iudiciorum æquitatem suam quisq; teneat, vt neq; tenuiores propter imbecillitatem circumueniantur, neq; locupletibus, ad sua vel tuenda, vel recuperanda, obsit inuidia. Meminerint bono Magistratui non minor curæ esse debere, qualis respub. post mortem suam futura sit, quam qualis hodie sit. Sed hæc omnia vt rectius accendant, necessarium fuerit viros deligere ad Magistratum, timentes Deum, in quibus sit veritas, & qui oderint auaritiam, qui etiam bona existimatione noti sunt, & in exercenda iustitia plurimum reposuerunt sollicitudinis, qui proindè imperium inter subditos, aliter quàm Pater inter filios non exerceant: vt diligant quidem eos, si crimine vacui sint: coërceant verò, ac puniant, si criminibus videantur obnoxij. Populo autem, quocumque se verte-

Erod. 18.  
§. proinde. Nouel. Vt præsid. absq; vlla data &c. Const. viij. Auth. de promunc. præsidib. coll. X.

runt,

## 296 Constitutio quinquagesima octaua.

rint, pietatis, honestatisq; specimen præbeant; cum enim vulgus plerumq; dependeat ab eiusmodi suis Præfatis, eorumq; exemplo, vel in malam, vel bonam partem facile trahatur, admodum necessarium fuerit, vt religioni, cultuiq; diuino dediti sint, vt quod subditi ex Pastorum suorum orthodoxa percipiunt doctrina, id Magistratuū suorum actionibus, ceu auctario & calcare quodam excitati, æmulentur. Si itaq; Principes subiectos suos eiusmodi Magistratibus gubernari curabunt, dubium non est quin pacato, atq; tranquillo in statu vitam suam bene, ac suauiter traducere possint.

*Vi Episcopi & Prælati alij iurisdictionem temporalem habentes, circa delegationes suorum Officialium seu Magistratus gerentium sint pariter cauti, ac diligentes.*

Cap. I III.

Matth. 7.  
Luc. 6.

**N**E autem nobis, nostrisq; Coëpiscopis cæterisq; Prælati, iurisdictionem temporalem habentibus, hoc ipsum, quod alijs cum veritate persuadere conamur, apud nos parum obseruari, in eodemque luto nos hæere obijciatur. Quare de oculis nostris hanc trabem eijcere volentes, vt facilius de oculis aliorum Principum secularium eijciamus festucam; omnibus nostræ Prouinciæ Episcopis; Abbatibus, Præpositis, alijsq; quibuscumque iurisdictionem temporalem habentibus Prælati, sub omnipotentis Dei indignatione mandamus, vt (quod & Nos prestare atq; obseruare promittimus) neminem suis iurisdictionibus præficient, vel Magistratum creent, nisi Catholicum Christianum se ore, atq; opere profiteatur, & fidem Catholicam pro viribus, citra omnem simulationem, se protecturum spondeat. Eos verò qui pridem, nulla religionis præuia inuestigatione, accepti atq; delegati essent, diligenter



diligenter animaduertant, atq; inquirant: & si quis eorum suspitione aliqua hæreseos notatus fuerit, alio lynceiore huic suspecto, amoueatur.

# DE SCHOLIS, ET EARVM moderatoribus. Const. LIX.

## *De instructione Ludimoderatorum.*

**Q**Vanta pro educanda & instituenda iuuentute sit adhibenda diligentia, id non modo sacræ, verum etiam profanæ abundè testantur literæ. Filij tibi sunt, inquit Ecclesiasticus, erudi eos à pueritia, & noli subtrahere disciplinam à puero, ne infelix fiat: nam sicuti terra fructuosa est iuuentus, quæ si negligitur, multas producit spinas. Cum itaq; educatio, & disciplina mores faciant, & in hominem cum animo crescere debeat ætas, cum ætate iustitia, & fides eo perfectior, quo senior: id autem fieri vix poterit nisi adsint, qui instituant, informant, & viua voce erudiant: habet enim nescio quid latentis energiae viua vox, & in aures discipuli (teste S. Hieronymo) de doctoris ore transfusa, fortius sonat. Quam ob causam scholæ institutæ sunt, ubi non solum in literis, sed in primis pietate, ac moribus est instituenda iuuentus: nam prius animas, & postea linguas fieri eruditas oportet, ad stipulante Iustiniano. Statuimus itaq; vt in singulis, omnibusq; nostræ Prouinciæ ciuitatibus, oppidis, & castellis, iuxta cuiusq; loci necessitatem, Scholæ publicæ, seu ludj literarij habeantur, in quibus honesta ingenia erudiantur, atq; ad vsum, commodumq; reipub. Christianæ idonea reddantur. Quamuis proindè nullum munus reipublicæ afferre maius, meliusue possumus, quàm si doceamus atque erudiamus iuuentutem: non tamen perindè omnes Scholæ, magistri, seu Preceptores prestare, atq; conferre videntur:

Cap. 1.

Eccles. 7.

Prouerb. 14.

Chrysost. super

Matth. homil.

49. Senec. lib.

de morib.

Hiero. de cont.

Virg.

Hierony. super

illud Matth. 12

Magister, sci-

mus quia verax

es &c.

In proem. pan-

dect. §. illud

verò: circa fin.

Cic. lib. 3. de

diuina.

## 298 Constitutio quinquagesimanona.

reperiuntur enim alicubi clanculariæ Scholæ, in quibus aliqui, sed non optimi plebis, liberos suos malunt institui, vt iuxta humaniorum literarū principia, etiam recentioris doctrinæ venena imbibant, quibus ita à teneris imbuti, tanquam in herba inficiuntur, & enecantur, vt ad nullius frugem veræ Ecclesiæ peruenire queant; quæ Scholæ penitus extirpandæ, & nullo in loco Christiani nominis tolerandæ sunt. Priuatas quoq; & quas Poëticas vocant, improbamus, censentes publicas magis habendas, atque fouendas, in quibus vnâ cum bonis moribus, bonæ doceantur literæ. Licet enim inter patrios parietes adolecentes possint educari, & erudiri, consultius tamen fuerit, id in publico fieri, vt qui olim publicis præficiendæ sunt functionibus, ij quoq; in publico discant. Quomodo autem, & quales sint ad regendas Scholas acceptandi, paulò post dicitur.

### *De Scholis instituendis, augendis, & conseruandis.*

Cap. II.

**P**ORRò cùm sacerdotum quoq; penuria, qua passim laboratur, per multas exigit scholas, vt plurimi erudiantur studiosi iuuenes: ideo mandamus nostræ Metropolitice, cæterisq; cathedralium, & collegiatarum Ecclesijs, & Monasteriorum Præpositis, Abbatibus, Decanis, atque Capitulis, vt qui penes suas Ecclesias & Monasteria, scholas habent, easdem sustentare non desistant, sed omni diligentia conseruent, & augeant; non habentes autem, sub pœna diminutionis fructuum & prouentuum, pro arbitrio Ordinariorum taxandæ, in spatio sex mensium, scholas pro loci commoditate, atq; necessitate instituant, Magistros idoneos honesto stipendio adsciscant, & puero- rum ingenia ad reipub. Christianæ vsum, piè informari curent.

*De*

# Constitutio quinquagesimanona. 299

*De subsidio contribuendo ad alendos egenos  
studiosos.*

**Q**Vo verò studiosa iuuentus, & bona ingenia, quorum Cap. II  
virtutibus obstat res angusta domi, paupertas scilicet, alantur, emergant, atq; ad bonam frugem perueniant: Nos quidem animati sumus in hunc tam pium, ac necessarium usum subsidia quædam præbere, haud ambigentes, quin etiam nobis senatus nostri Capituli, Prælati, atque huius nostræ ciuitatis Salisburgen. Decurionatus, auxiliares sint adhibitori manus, vt exemplo nostro, cæteri quoq; Coëpiscopi, Prælati, ciuitates &c. idem faciant & hac quoq; in parte laboranti Reipub. succurrant. Quod vt omnino agant, seriò hortamur, atq; præcipimus.

*De ludimoderatorum delectu, atq; eorundem  
fidei professione.*

**C**Um autem in delectu ludimoderatorum, Magistrorum, Præceptorum, atq; Pædagogorum haud vulgaris Cap. III  
adhibenda sit diligentia, Nos superioris Synodi Salisburgen. renouantes Constitutionem, ordinamus & statuimus, ne à quoquam, cuiuscumque sit status, dignitatis, gradus, vel conditionis, quispiam scholæ Rector, Præceptor, Magister, Didascalus, vel collaborator, siue publicus, siue priuatus, qui discentes, cuiuscumq; sexus, vel ætatis, etiam si vnus tantum fuerit, in scholis, vel domi, aut alibi, publicè, vel priuatim, quascumque lectiones triuiales, cuiuscumque artis, vel linguæ, etiam Germanicæ, tametsi gratuitò legeret, interpretaretur, aut repeteret, constituitur, nisi prius suo Ordinario, vel eius Officiali, Vicario generali, aut Commissario ad hoc deputato fuerit præsentatus, vt de cuiusq; religione, fide, moribus, vita, conuersatione, atq; eruditione periculo factò, pueri sub illorum Tit. de Scholis  
Pp 2      ferula

## 300 Constitutio quinquagesimanona.

ferula eò securius & vtilius militare possint. Qui Pæd-  
tribæ etiam, neque ab Ordinarijs admittantur, nisi primò  
Catholicæ fidei fecerint professionem, superius in titulo  
de Tridentini aliorumq; Conciliorum Constitutionib;  
insertam, atq; descriptam.

*De non assumendis neq; admittendis in ludimoderatores,  
uel collaboratores, seu pædagogos &c. qui in uniuersitati-  
bus, siue scholis infectis, aut suspectis operam dederunt li-  
teris, nisi per triennium proximè præteritum inter Ca-  
tholicos, & Catholicè fuerint conuersati, cuius  
rei sufficiens habere debent testimonium.*

Cap. V.

**I**nterdicimus autem, ne quispiam eorum, qui in vniuer-  
sali quadam, seu particulari, cuiuscumq; loci schola, vbi  
reprobæ religionis doctrina dominatur, studuit, ab aliquo  
nostræ Prouinciæ, in Rectorem, vel collaboratorem, siue  
pædagogum assumatur, nisi per triennium saltem inter  
Catholicos, Catholicè fuerit cōuersatus, cuius in scriptis,  
vel aliàs fidedignum habeat testimonium; & exhibita co-  
ram Ordinario, vel Officiali, fidei Catholicæ professio-  
ne, cum iuramento, quòd illius doctrinæ opiniones, li-  
bros, picturas, chartas, scripta, siue calamo exarata, siue ty-  
pis expressa, abijcere, relegare, atq; penitus delere, neque  
eorum quicquam penes se tenere, vel sectarium quid pro-  
fiteri, sed per omnia Catholicam, & Apostolicam IES V  
Christi doctrinam sequi, & obseruare velit.

*De authoribus iuuentuti prælegendis.*

Cap. VI.

**M**andamus deniq; ac statuimus, vt cuiuscumque ordi-  
nis, vel gradus Pædtribæ huius nostræ Prouinciæ,  
hoc tantum prælegant, doceantq;, quod illius ætatis inno-  
centiæ

# Constitutio quinquagesimanona. 301

centiæ conuenit, & ingeniorum capacitas fert: perpetuo cauentes vt non solum libri à Concilio Tridentino dampnati, & peculiari catalogo comprehensi: sed neq; his similes iuxta infecti, contagiosi, aut de labe hæresis suspecti; vel vlla alia obscæna, tamosa, turpiaue scripta, cuiuscumq; sint facultatis, legantur, aut doceantur: quæ, & id genus alia, cum suis authoribus, omnino per vniuersam nostram Prouinciã exauthorari, reijciq; volumus, atq; præcipimus. Eadem lege & statuto priuatarum quoque scholarum magistros, & singulorum puerorum, qualiscumque conditionis sint pædagogos, vt cæteros ligari, & astringi volumus, ac decernimus. Cuius rei rationem habebunt, in ciuitatibus quidem cathedralib. summi Scholastici, in alijs verò, Archidiaconi, & rurales Decani, exceptis Scholis, quæ singulis Monasterijs, siue Prælati subditæ sunt, quarum curam gerent accuratam ipsi Prælati.

## *De diligentia Magistrorum circa instituendam iuuentutem tam in moribus, quàm doctrina.*

**P**Ræterea ludimoderatores solliciti, atque adco assidui Cap. VII  
sint, dum prælegendo, tum etiam studiosorum profectum sollicitando, eosq; & in moribus, & bona disciplina, potissimum verò in fide Catholica, frequenter instituendo, examinando, ac retinendo. Lynceis oculis circumspiciant, ne commissa fideliter bonæ spei ingenia, instigante diabolo, à subdolis ac peruersis hominibus seducantur, corrumpanturq;. Si verò in scholasticorū grege deprehenderentur (quod Deus auertat) vel religione infecti, vel moribus adco corrupti, vt nec verberum, nec verborum vllō remedio curari possent, hi tanquam scabiosæ pecudes à caulis repellantur, & iuxta delictum puniantur. Resecandæ sunt enim putridæ carnes, inquit S. Hieronymus, & scabiosa ouis à caulis repellenda est, ne tota domus,

24. q. 3. c. res-  
candæ.

Pp 3      massa,

massa, & pecora ardeant, corrumpantur, putrescant, intereant: quoniam horum temporum hæreses cum in scintilla quadam adhuc delitescerent, & in principio extinctæ non essent, earum flamma (heu) per totam Germaniam populata est. Quamobrem, ut ipsa iuuentus in ædificio fidei cò firmius iaciat fundamentum, ut etiam cùm senuerit non recedat ab ea Catholica doctrina, iubemus, ut saltem festis diebus, pijs atq; Christianis Catechismis (Lutheri, Caluini, Melancthonis, & huius farinæ procul abactis) atq; institutionibus fidei, utpotè à Petro à Sotto, Canisio, Groppero, Merseburgensi, Dietenbergio, & Catechismo Romano in Compendium redactò, nec non ab alijs nonnullis orthodoxis viris, utiliter conscriptis, exerceantur.

*De methodo docendi, ac disciplina modestia.*

Cap. VIII.

**Q**Uod ad reliquum docendi genus attinet, Ludimod-ratores, ac ceteros Præceptores, atque informatores omnes exhortatos cupimus, ut eum modum, seu methodum in erudiendo, quæ sibi ipsis laudi, discipulis verò, seu scholasticis suis commodo futura sit, obseruent: id quod ipsi ex politiorum authorum lectione potius, quàm nostra instructione petent. Hoc interim animaduertant, ut ad ingeniorum diuersitatem se accommodent. Quod enim in omni genere causarum, id quoque in hoc Didascalico necessè est, beneuolum, attentum, atq; docilem faciant auditorem. Beneuolos autem facient, si eos pueros, qui & morum, & literarum doctrinam prompto ac facili accipiunt ingenio, laudis & gloriæ triumpho vehant, quo liberalia ingenia, ceu calcari excitantur, ac subindè promptiores efficiuntur: duriores verò ac tardiores, diligentiorum stu- uenum exemplis si stimularint, & iuxta ferulam, etiam cum mansuetudine tractauerint. Nihil enim foedius est præceptore furioso (ut testatur sanctus, & æquè doctus

vir

Cic. lib. 1. Rhetor.



## Constitutio quinquagesimanona. 303

vir Hieronymus ) qui cum debeat esse mansuetus & humilis ad omnes, ex diuerso, toruo vultu, trementibus labijs, rugata fronte, effrenatis conuiuijs, facie inter pallorē & ruborem variata, clamore perstrepat, & errantes non tam à bono retrahit, quàm ad malum sua sæuitia præcipitat. Sua porro industria, & facilitate attentos facient, ac dociles, si nihil intermiserint, quod adolescentium ingenia allucere valeat. Itaq; in docendo non pigri, non lassi, neque inuidi sint, sed fideles. Qua in re illis optanda foret mens Annij Senecæ, qui præclare admodum dicere solebat, se cupere omnia quæ sciret, in alium transfundere, & in hoc gaudere, quòd aliquid discat, cum doceat: nec se vllam rem delectare, quantumuis eximia, & salutaris esset, quàm sibi vni secuturus: si cum hac exceptione detur sapientia, vt illam inclusam teneret, nec enunciaret, potius reiecturum. Nullius enim boni sine socio iucundam esse possessionem. Quòd si docendo, & instruendo æquē fideles ac diligentes fuerint, non dubium est, quin rei publicæ Christianæ laboris sui vtilissimos fructus sint producturi: ipsi verò non minus, quàm antiquitus, & viuendi, & discendi præceptores erunt, & omnium sententia beati putandi, quamuis consenuerint vires, atq; defecerint: neque in futuro sæculo sua mercede fraudabuntur.

Super epist. ad Tit.

Senec. ad Lucid. ep. 17.

Cic. lib. 1. de Orat. Idem in Caton. maior,

### *De stipendijs Ludirectorum.*

**V**erùm enim uerò cum omnis mercenarius sua mercede dignus sit, Prælati, ac ceteris Magistratibus, omnino curandum est, vt Ludimagistris digna decernantur & honesta stipendia, vt egenos gratis, nulloq; penitus accepto precio instituere possint. Quocirca Innocentij III. Decreta ac reliqua in Concilio Lateranen. promulgata hac de re ædita prorsus obseruari volumus. Siquidē verò monasteriorum, vel aliarum Ecclesiarum Prælati, siue Ca-

Cap. 1X.

De Magistris, & ne aliquid exigatur pro licentia docendi. c. 1. & in sequent, pitula 23. & 4.

304 Constitutio quinquagesimanona.  
pitula in hisce curandis fuerint negligentes, in eos Ordina-  
rij dignis poenis, vel tempestiue animaduertant.

*Ne scholasticis mendicantibus liceat vulgares, neq; infe-  
ctas, aut nouas ab Ecclesia Catholica non appro-  
batas decantare cantilenas.*

Cap. X.

**N**ON solum vulgi, quod rerum nouarum semper cupi-  
dum est, verum etiam aliorum quorundam hominū,  
quibus antiquæ Christianitatis pietas sordescere videtur,  
curiositate, mos hinc inde ingruit, quem & in hac nostra  
Metropolitana ciuitate gliscere audimus, vt quidam non  
infimæ conditionis homines, atq; ciues, egenos, scholasti-  
cosque tuuenes ostiatim pro depellenda fame cantantes,  
ditioremq; opem implorantes minimè exaudiant, neque  
sua elemosyna dignentur, nisi cantilenas in lingua vul-  
gari compositas occinant. Aliquos enim hoc palam ad-  
mittere, alios, ne quid de se suspicionis emergat, eiusmodi  
cantillatores intra domos, & vestibula recipere, vt illic  
tanquam remotis arbitris, patris, matrisue familiās titil-  
lantes & curiosas aures noua quadam cantilena demul-  
ceant, latinis, & Ecclesiasticis, tametsi veræ pietatis plenæ  
sint, omnino repudiatis. Manifestum autem est, eas ipsas  
cantiones (quas vulgus nunc spirituales vocat) ex magna  
parte re vera nouas esse, & antiquæ pietatis nihil habere:  
cæteræ tametsi rerum diuinarum, & Euangelij encomia  
resonare videntur, infectis tamen rithmis mixtæ, venena  
sub melle, amarumq; dulci mixtum, Syreneis quibusdam  
modulis simplicium auribus instillant: quædã verò aper-  
tè impiæ sunt, & conuicijs refertæ, quæ tamen non paucis  
in locis plebeculæ fascinatæ pro veris hymnis, atq; Dau-  
idicis psalmis obtruduntur. Vsq; adeò mille artifex est hu-  
mani generis hostis, vt complurimos sub specie pulchri  
decipiat.

## Constitutio quinquagesimanona. 305

decipiat. Cuius calliditati hac etiam in parte occurrere  
studentes, in Christo mandamus, & seriò iubemus, vt no-  
stræ Provinciæ Ludimoderatores quicumq;, suos schola-  
sticos in posterum & verbis & verberibus ab eiusmodi  
nouellis cantilenis, ceu Diaboli laqueis planè dehorten-  
tur: tergiversantes autem flagris acriter coërceant, quod  
si ab hac perditâ consuetudine quis, nulla monitione vel  
castigatione motus, disistere nollet, res ad summum Scho-  
lasticum deferatur, vt is dyscolum illum non modo ex  
grege scholastico, verùm etiam ipsa ciuitate ejiciatur. In  
oppidis verò, vbi præceptoris monitioni locus non fue-  
rit, Magistratus autoritas, & pœna accedat. In illarum  
itaque cantilenarum theutonicarum locum, Ecclesiastica  
responsorialia, antiphonas, ceterasq; pietatis sincerae can-  
tiones restitutas volumus. Porro subditis nostris quibus-  
cunq;, siue in ciuitatibus siue in oppidis, cuiuscumq; or-  
dinis, vel conditionis, etiam si ex curiæ nostræ familia fue-  
rint, modis omnibus, ac sub graui nostra indignatione in-  
terdicimus, ne posthac vlllos pueros, vel etiam adultiores  
scholasticos, quia alia quàm latina, & Ecclesiastica cantica  
cecinerint, ante, vel intra fores admittant; vel nummis, vel  
esculentis, vel alia quacumque re, ad eorum, de quibus di-  
ctum est, pseudopsalmerum decantationem alliciant: Id-  
que Pandocheis, Oenopolis, ceterisque publicis hospitibus  
cum primis interdictum volumus, adeò vt ne hospitibus,  
vel combibonibus, siue aduene sint, siue incolæ, eiusmodi  
libidinem permittant. In huius nostræ constitutionis  
transgressores (qui singulari studio notari cura-  
buntur) pœna arbitraria, pro modo obstinatiæ acriter  
animaduertemus.

*De cura, & Officio vulgarium scholarum  
Magistrorum.*

Qq

Postre-

## 306 Constitutio quinquagesimanona.

Cap. XI.

**P**ostremò vt etiam in scholis theutonicæ linguæ ordo, atq; decorum seruetur, iubemus, vt earum Moderatores, puellas scorsim à pueris masculis instituunt, neq; confuse mixtos, vt pecora quædam teneant: seduloq; curent, ne quid conmerciij pueris cum puellulis sit: sic fiet, vt vtriuslibet sexus pars disciplinæ suæ diligentius incumbat, & ad pudicitiam in primis quoq; annis assuefiat. In cæteris omnibus, vt pietate in primis, & Catholicæ fidei præceptis, literis legendis & scribendis, bonisq; moribus iuuentutem instituunt, non minus atq; latinitatis Præceptoribus mandatum esse omninò volumus, pœna negligentibus pro arbitrio, non suo, sed Magistratus constituta.

*Visitatores scholarum inspectionem curare debere.*

Cap. XII.

**V**T autem ea omnia quæ supra recensuimus, ritè, ordinèq; succedant, & absq; fraude peragantur, sancimus, vt cum in qualibet Diœcesi visitationes celebrantur ordinariæ, ipsi ludimoderatores cuiuslibet loci visitandi, se Visitorum examini præsentent, vt de sua conditione, ac professione rationem reddant, & de interrogatis respondeant.

*De scholasticis iuuenibus ad Chorales cantiones assuefaciendis.*

Cap. XIII.

**V**olumus etiam vt hi qui in scholis nostræ Metropolitice, Cathedralium, Collegiatarum, Monasteriorum, & ciuitatum Ecclesiarum docentur, diebus festis, & alijs quoq; iuxta cuiusq; Ecclesiæ consuetudinem, ad vespertinas preces, atq; summum officium, Chorum ingrediantur, Deum illic vnâ cum Clero in hymnis, psalmis, & canticis laudaturi; Bonum est enim viro ab adolescentia sua portare iugum Domini; nec parum proderit, si ritus, & cæ-

Tit. 3.

remonias

remónias Ecclesiárum, ab ipsa pueritia videant & assure-  
 scant: tardius enim excidit, & firmius hæret, id quod quis-  
 que in iuuentute, vel vidit, vel didicit.

## DE SEMINARIO CLE- ricorum. Const. LX.

*De utilitate Seminariorum, & de quibus ea  
 sint instituenda.*

**L**icet pro nostræ Prouinciæ Ecclesijs de sacerdotibus Cap. I.  
 prouidendis, præter ordinarias ciuitatum, oppido-  
 rumq; scholas, alias præterea ab omnibus, primum nostra  
 Metropolitana, deinde cathedralibus, atq; collegiatis Ec-  
 clesijs, nec non & Monasterijs institui, studiosos gratis  
 erudiri, atque magna ex parte alimentis subleuari, vt tan-  
 dem suæ doctrinæ fructum metentes sacerdotio apti sint,  
 & Ecclesiæ necessitati subueniri possit, iam olim curatum  
 sit: veruntamen (nescimus quo malo, vel negligentia po-  
 tius) nos spe concepta defraudatos esse, nostrasq; Eccle-  
 sias in priori ferè necessitate laborare conspicientes: ta-  
 met si enim complurimi fuerint aliti, atq; edocti, pauci ta-  
 men ad frugem, & Ecclesiæ vtilitatem peruenire, sed pro-  
 pter nimiam viuendi libertatem atq; licentiam, superin-  
 tendentium negligentia concessam, secundum sua deside- Iud. c. 1.  
 ria ambulantes, parum in literis, minus in bonis moribus  
 profecerunt, neq; proficiendi studiū fuit: adeò quòd ciui-  
 cemodi dyscolis bacchantibus, Ecclesie ministeria, etiam  
 si maxime vellent, tuto committenda nō sint, cum nec do-  
 ctrina, nec moribus, nec exemplis respondeāt. Hinc (proh  
 miseria) fit, vt Ecclesias planè desertas relinquere, aut vi-  
 lissimos & quouis rustico imperitiores homines, contra  
 nostram voluntatem Ecclesijs præficere cogamur. Cui de-

Qq 2 flenda

flendæ necessitati, Nos, nostriq; Coëpiscopi succurrere, & consulere cupientes, nostraq; in hoc negotio consilia iam pridem conferentes, nō aliud oportunius esse remedium censuimus, quā quod in nostra Metropolitana, & cæteris cathedralibus Ecclesijs collegia instituantur, in quibus bonæ spei iuuenes ad Ecclesiæ venerabiles conditiones aspirantes, in literis humanioribus, iuxta & diuinis, ac optimis moribus, Ecclesiasticaq; disciplina, diligentissimè erudiantur, ibiq; (vt contra cuiusvis subdoli spiritus afflatum, & imposturam communiti sint) sub accurata & continua alicuius excellentis Rectoris, ac Præceptorum retineantur disciplina tantisper, donec in literis, moribus, & pietate tales progressus fecerint, vt suæ probitatis, ac diligentiae gloriam consecuturi, à triuiio scholastico ad domum Dei, perinde vt portum tutissimum, hoc est, ad sacros ordines, & Ecclesiæ sanctissima ministeria, & verbi Dei præconia, tanto honore digni acceptentur, & in eo vitæ genere ita strenuè militent, ita præclare se gerant, vt locis Ecclesiasticis vacantibus, illic tanquam in stationes, concionando, sacrificando, orando, diuinæq; ministeria, optimis de se exhibitis exemplis, pro salute reipub. Christianæ, pro conseruatione Ecclesiæ Dei, pro seipsis deniq; contra Diabolum, Hæreses, inferorum portas, cum laude ac victoria pugnare, dimicare possint. Alioquin fieri vix posset, vt Ecclesijs nostris rectè consuleretur. A dolescentium etenim ætas (quod benè Tridentina quoq; Synodus admonuit) quæ ad mundi prona est voluptates sequendas, nisi à teneris annis antequam vitiorum habitus totum hominem possideat, rectè instituat, & ad pietatem & religionem informetur, in eisdemq; per aliquod temporis spatium exercitata detineatur, ita vt habitum optimi viri Ecclesiastici adepta fuerit, nunquam perfectè, & sine maximo, ac singulari propemodum Dei omnipotentis auxilio, in disciplina Ecclesiastica poterit perseuerare. Eam  
verò



verò rem sic se habere, nostra, & aliæ forsitan plures orthodoxæ Ecclesiæ, non sine maximo incommodo expertæ sunt. Atque tamen ad hanc non vulgarem necessitatem, tum temporis maturo iudicio pensatam, & diuino instinctu consilium captum, Tridentinæ Synodi sacratissima autoritas accesserit; nihilominus grauissimis occupationibus ineuitabili modo distracti, & præpediti, tam salutare, & à Deo datum consilium, hætenus neque Nos, neque nostri Coëpiscopi valuimus executioni mandare: quamuis aliàs quoque eiusdem rei gratia non parum laborauerimus, sed frustra, cum multa, & inexpectata interciderent, quæ huic negotio damnosam inducerent moram. Nunc tandem remotis magna ex parte impedimentis, hoc opus eò usque intermissum, posthabitis omnibus alijs, alacri animo aggredi cœpimus: ne in opere Domini remissiores, vel Spiritui sancto resistere videremur: sed ut defectuum incommoda ab Ecclesijs nostris ocyus declinaremur, per hanc præsentem nostram Constitutionem decernimus, ut in hac nostra ciuitate Metropolitana, ac deinceps in quatuor nostræ Prouinciæ primarijs ciuitatibus, Frisingensi, Patauiensi, Ratisbonen. & Brixinensi, certæ domus seligantur, cæque in formam Collegij, cum auditorijs, habitationibus, atque alijs, iuxta formam Concilij Tridentini, pro certo numero studiosorum iuuenum, eorumque Præceptorum necessarijs, componantur, ita ut in semestri spatio, ab istarum Constitutionum publicatione, ad vsum habitationis, atque literariæ exercitationis paratæ, accommodatæque sint. Ordinarij autem eorum locorum, de domibus ad hunc vsum, situ, loco, & commoditate circumspici curabunt. Quod negotium, si (vti speramus) executioni fuerit maudatum, non dubitamus, quin breui, non solum idoneos sacerdotes, & Ecclesiasticas, sed etiam pios, doctos, & impigros scholarum magistros (quibus æque indigemus) scimus habituri. Si enim dictorum quo-

sess. c. & ti. vt  
sup.

libet loco, tres duntaxat Rectores, animarum scilicet custodes, & educandæ iuuentutis Moderatores, nec non & Magistratus haberentur, qui pietatis cultores, fidei Catholicæ propugnatores, atq; promotores, tum etiam literarum, morumque informatores egregij forent, fieri non posset, quin huius nostræ Prouinciæ populū haud multò post in meliori tranquilliori, atque beatorum statu conspecturi essemus. Quod ut ex voto accidat, etiam Principes suam impendent operam; cuius rei gratia etiam superius à nobis pie sunt admoniti, ut nempe singulis Regionibus, vel ut aliàs vocantur, Præfecturis suis tales præficiant Magistratus, & Officiarios, quales Christiana pietas, & publica necessitas requirit: Nos itidem, nostriq; Cœpiscopi, cæteriç Prælati, omnem nauahimus operam, ut sue diligentia nostram coniungentes, ex nostrarum scholarum seminarijs, eisdem suis Regionibus, commodis tum Clericis, tum etiam Pædotribis prospiciamus. Speramus etenim indubiè, nos inde præclarum fructum breui temporis curriculo collecturos esse. Faxit diuina bonitas, ut quod bene instituiamus, optimè succedat, ad gloriam nominis sui, & Christianæ Ecclesiæ salutem.

*De conscribenda forma Seminariorum.*

Cap. II.

**Q**Uod cæterum ad eiusmodi Collegiorum, vel Seminariorum sustentationē attinet, sacri Tridentini Concilij ea de re Constitutio, & Nobis, & cæteris Cœpiscopis nostris &c. modum ac viā præscribit, quam sequi, & quid porrò necessarium sit, collatis suffragijs decidere, consentaneum fuerit. At ut singula pro huiuscemodi conseruandis collegijs ritè disponantur, curabimus quandam formam, seu ordinationem præcisè iuxta Oecumenici Tridentini Concilij traditionem, peculiariter ac separatim conscribi, ad cuius præscriptum quæuis Seminaría per nostram constituenda, & regenda venient Prouinciā.

*De*

*De alendis scholasticis à quatuor inferioribus  
suffraganeis.*

**C**um verò ceteri nostri suffraganeatus, utpotè Gurcen. Cap. 111.  
Chiemen. Seccouien. & Lauantinus, ob suam tenuita-  
tem eiusmodi Collegijs extruendis non sufficiant, ne ta-  
men eorum fructu penitus careant, decernimus, quòd eo-  
rum quilibet certum studiosorum iuuenum numerum  
(quantum opes suæ ferent, atq; à nobis præscribetur) in  
nostro Salisburgen. Seminario, suis impensis alat, quo-  
rum operam tandem in suæ Ecclesiæ commodum vertere  
quisque possit.

## DE XENODOCHIIS, QUÆ hospitalia dicuntur. Const. LXI.

*De incommodis Xenodochiorum reparandis.*

**C**hristus omniū Pastor pientissimus, Apostoli, Pro- Cap. 1.  
phetæ, & omnes sacræ scripturæ, inter omnia pietatis  
opera hoc vnum maximè commendant, ut pauperum cu-  
ram habeamus: itaq; Saluator ipse iuramento affirmavit, Matth. 25.  
ut quoties alicui egenorum vel minimo (quos fratres ap-  
pellare non dedignatur) vel beneficij, vel malefacti ali-  
quid impendissemus, perindè se id habiturum, atque si in  
seipsum collocatum foret. Quid enim grauius (inquit S. Sup illud Psal-  
Ambros.) quàm fratres nostros pauperiores superbo de- mi, increpati  
spicere oculo? Conformes nobis intolerabili repellere superbos &c.  
fastidio? nostra indignos gratia iudicantes, quòd sint ino-  
pēs; cum paupertas, quàm thesaurus, Deo sit acceptior.  
Hinc meritò Valentinian. & Martianus Christianissimi  
Impp. humanitatis opus esse dicebant, egenis prospicere, l. privilegia s.  
& operam dare, ut pauperibus alimenta non desint. Quis omnes, C. de  
autem sacros. Eccles.

I. si quis ad de-  
clinandā s. vbi  
autem, C. de  
Episc. & Cleri.

autem pauperior est (Iustinianus ait) hominibus, qui & inopia tenti sunt, & in Xenone repositi, suis corporibus laborantes, necessarium victum sibi afferre non possunt. Quamobrem in primis necessarium, & ex usu fore duximus, vt in commodis, quæ circa Xenodochia, eorumque reddituum dispensationem, non sine pauperū detrimento iam pridem irrepserunt, occurramus, ne longius cum pernecie progrediantur. Hac etiam in parte conscientia; animarumq; nostrarum saluti consulentes, hoc negotium dexterius nos aggredi vix posse existimauimus, nisi sacri Tridentini, & cæterorum Conciliorum, vnà cum S. S. Patrum, & Antecessorum nostrorum pias sequeremur sanctiones, & iuxta superioris Synodi Salisburgen. normam peculiarem, paucis quidem articulis comprehensam, ædederemus Constitutionem.

Tit. de Hospi-  
tal, &c.

### *De Xenodochiorum œconomis.*

Cap. II.  
Ex Conc. Tri-  
dentino Sess. 7.  
Decret. de Re-  
form.

**I**N primis itaque præcipimus, vt hospitalia & Xenodochia quæcumque à suis administratoribus, vel Oeconomis quocumq; nomine censeantur, etiam quomodolibet exemptis, fideliter, & diligenter gubernentur, Constitutionis Concilij Viennensis, quæ incipit; Quia contingit &c. forma seruata, quam quidem Constitutionem eadem sancta Synodus innouandam censuit, & innouat, cum derogationibus in ea contentis. Æquum enim est, & cum primis pium, vt ea quæ pro subleuanda miserabiliū pauperie à pijs hominibus pie sunt data & constituta, vt etiam pie non modo administrentur, sed conseruentur quoque, quin etiam augeantur. In omnibus autem huiusmodi casibus cœlestem iracundiam sacrosanctarum rerum Administratores expectent, si qualecumque lucrum ex huiusmodi gubernationibus sibimet acquirerint: vel si hoc committi ab alio consenserint, & non grauissima pœna,

## Constitutio sexagesimaprima. 313

pœna, & interminatione, quod perperam factum est, corrigere studeant, quod & Iustinianus Imperator lege publica olim seriò admonuit, quod propter pauperum emolumenta, hodie, omniq; tempore inculcandum est.

### *De ratiocinijs Oeconomorum.*

**D**Eindè iuxta idē sacrum Tridentinum Concilium iubemus quoq; vt Administratores cuiuslibet Hospitalis, Xenodochij, vel aliàs pij loci, singulis annis Ordinatio suæ administrationis rationem reddant, consuetudine, vel Priuilegijs quibuscumq; huic nostræ sententiæ aduersantibus, sublati; nisi secus fortè in institutione & ordinatione talis loci, expresse (quod nō putamus) cautū sit. Quod si ex cōsuetudine, vel priuilegio, vel constitutione quadā loci, alijs ad id deputatis ratio reddenda foret, tunc vnā quoq; adhibeatur Ordinarius: secus autem concessæ liberationes, Administratoribus minimè suffragentur.

Cap. III.  
Sess. 21. c. 9. Decret. de Reform.

### *De uisitatione Xenodochiorum, eorumq; reductione, in quantum possibilitas permittit, ad Fundatorum institutionem.*

**S**Ed ea omnia vt certo fiant ordine, ac fine, Superioris Synodi Salisburgen. renouantes Constitutionem, hac de re æditam, volumus, vt quantò citius fieri potest, singuli nostræ Prouinciæ Episcopi, quæcumq; suarum Diocesium hospitalia uisitent, aut per suos Commissarios Ecclesiasticos, ad hoc oneris exequendum aptos & idoneos, uisitari curent; uisis ergo tam primæ, quàm subsequentiū foundationum literis, inter reformandum, huc præcipuè sint intenti, vt cuncta ad eam dirigant utilitatem, ad quam ipsa constituta sunt Xenodochia. Quòd si forsitan ratio temporum, aut aliæ circumstantiæ, quæ omnes

Cap. IIII.  
Ti. vt sup. de hospital. &c.

Rr diligenter

diligenter à Visitatoribus ponderari debent, antiquam dispositionē tolerare non possent, eam sic moderabuntur, vt licet primæ institutioni non ex omni parte respondeat, tamen quantum fieri poterit, ab eadem nō longe recedat. Et ante omnia studiosissimè provideant; Vt Xenodochia collapsa, in Monasterijs, vel alijs locis, vbi olim fuerunt, instaurentur, & in vsum pristinum restituantur: cuiusmodi visitationem semper fieri volumus, quando Nos, vel Coëpiscopi nostri visitationes annuas (de quibus infra sub titulo de visitationibus Ordinariorum) habituri sumus.

## DE VISITATIONIBVS. Const. LXII.

*De necessitate, ac utilitate visitationum.*

C. p. I.

**S**I quis Oeconomiam (quæ domestica quædam res pub. & Monarchia priuata est) considerat, is deprehendet Patrem familiars, amplissimam familiam habentē, ex omni parte circumspēctum esse debere, atq; non solum quid demā agatur curare, verum etiam vt in villis, prædijs, omniq; suo rure singula diligenter administrentur, dispicere, fundos circuire, cognoscere quomodo culti sint, quæ opera facta, infecta que sint: villicos interrogare, quid operis, quando, & quam benè sit confectum, quæ durare possint, quid restet, aut quæ reliqua sint conficienda. Quod si opus non appareat, & villicus dicat se fecisse sedulo, seruos non valuisse, tempestates malas fuisse, seruos aufugisse, vbi eas, aliasq; causas multas dixerit, ad rationem operum, operarumq; reuocabit. Sic Pater quoq; familias in Euangelio, redde rationem villicationis tuæ, inquit. Et in hunc propemodum, Booz inuisit mellores, & Patriarcha Iacob, qui cum filios suos alibi, in Sichimis, haberet, oues suas pascentes,

At. Cato, de re rust.

Luc. 16.

Ruth. 3.  
Gen. 37.



## Constitutio sexagesima secunda. 315

scientes, eò (cum ipse id tùm curare non posset) misit filium Ioseph, vt an circa fratres suos, & pecora, cuncta succederent prosperè, & quid ageretur, diligenter perlustraret, idq; patri renunciaret: quam diligentiam, atq; curam si non adhiberet Paterfam. œconomi, villici, atq; serui, non solum agenda omitterent, & quilibet pro sua libidine vlueretur, sed etiam tota eius œconomia sensim periret, domus negligeretur, fundus incultus desereretur, pecora interirent, bonaq; perniciosè dissiparentur. Idem quoq; accidit his, quos Deus in imperio quodam, siue Ecclesiastico, siue seculari collocauit: nisi enim subditorum vitam, mores, religionem, studia, & doctrinam intueantur, inquirant, examinent, reprehendant, & corrigant, sit, vt quilibet in suo statu, & functione euadat remissior, & nimia licentia deterior: hinc oriuntur, Magistratus contemptio, diuersa studia nouitatis, rebellio, dissensiones, schismata, hereses, factiones, & quæuis alia flagitia. Impunitate enim, nimiaq; licentia omnes hominum conditiones corrumpi, hæc nostra sæcula varijs exemplis calamitosi edocuerunt, præsertim verò in statu spirituali, vbi nonnunquam quo sanctiores esse debebant, eò corruptiores comperti sunt: qua peruersitate, Christianæ Catholicæq; Ecclesiæ grauissima, & deploranda mala illata sunt, cum nemo (teste Augustino) Ecclesiæ Dei amplius noceat, quam qui peruersè agens, nomen sanctitatis, & sacerdotis habet. Delinquentem namq; hunc redarguere nullus præsumit, & in exemplum vehementer extenditur, quando pro reuerentia ordinis peccator honoratur: Episcopum itaque, qui talium crimina non corrigit, magis dicendum esse canem impudicum, quam Episcopum: consentire enim videtur erranti, qui ad refecanda, quæ corrigi debent, non occurrit. Nō autem faciliè remitti pœnam, sed deprauata emendare, ac corrigere publicè interest: & in hoc summi numinis speratur venia, per quod multorum salus, & incolumitas procuratur.

c. de mo. dist. 82.

c. consentire, ead. dist. 1, si operis. C. de pœn l. prouinciarum C. de ferijs.

### 316 Constitutio sexagesima secunda.

curatur. Quapropter incautè admodum & imprudenter agunt Principes, qui cum ampla habeant territoria, subditorum tamen vitam, & studia, neq; ipsi animaduertant, neque per alios idoneos viros inquire curent. His imprudentiores sunt spirituales Prælati, à Spiritu sancto positi regere Ecclesiam Dei, qui oues sibi commissas rarissimè visitant, vel per probatos viros visitari mandant; qua negligentia, illas non modo perdūt, sed etiam sibi ipsis damnationem accelerant. Inuisere igitur Principes diligenter suas debent regiones, subditorumq; mores, & conatus inuestigare: sed magis hoc faciundum est Ecclesiæ Prælati: illi enim curam duntaxat corporum, hi verò animarum (quæ longè pluris est) exercent: Attendite vobis (inquit Apostolus Paulus) & vniuerso gregi, in quo vos Spiritus sanctus posuit Episcopos regere Ecclesiam Dei, quam acquisiuit sanguine suo: sed quomodò vniuerso gregi attendere poterunt Episcopi, nisi per crebras visitationes illius intelligant necessitatem: Quis autem visitationes nō maximopere necessarias esse videt, qui statum, ac vitam Ecclesiasticorum intuetur? Apostolorum quidem antesignani, Petrus ac Paulus, ceteriq; omnes non cessabant, quas fundauerant, illas visitando, contemplari Ecclesias, vt eas in fide corroborarent, & quæ componenda fuerant, cōponerent. Hosce imitati sunt sui discipuli Timotheus, Titus, Clemens Romanus, & alij deniq; sanctissimi Pontifices Romani, & omnes Episcopi orthodoxi. Cum autem istorum Patrum familias cura, hoc est, Episcoporum, ceterorumq; Prælatorum sollicitudo visitandi, circumspiciendi, & inuestigandi, perniciosa quadam sommolentia, in totius Ecclesiasticæ œconomix detrimentum, sæpius interquiesceret; necessum fuit eam modis omnibus refuscitari. Quare non solum à summis Pontificibus Romanis, verum etiam à sacris Concilijs, iuxta antiquam consuetudinem, sancitum atq; decretum est, vnum quemque Episcopum,

## Constitutio sexagesima secunda. § 17

Episcopum, suam Dioecesim visitare debere (vti Tarraconen. & Toletanum. 4. ac Braccaren. 2. testantur Concilia: postremò etiam Concilio Tridentino & alijs compluribus, etiam Salisburgenfibus à nostris Prædecessoribus celebratis, itidem attestantibus) tùm etiam Archiepiscopum, totam Prouinciã (si expedire visum fuerit) post suam Dioecesim visitare posse, assignata tamen prius causa, & in Concilio Prouinciãli approbata. Quare vt & nostre consulamus cõscientiã, & Pastoralis officij debito satisfaciamus, sanctorum Patrum exempla sequentes, sacrorumq; Conciliorum, etiam Salisburgen. Synodi Decreta amplectentes, Antecessorum quoque nostrorum Archiepiscoporum obseruationes, consuetudinẽ, & statuta Prouincialia repetentes, statuímus, vt Ordinarij curent commissas sibi oues, omni sollicitudine ab insidijs inimici generis humani, qui circuit tanquam leo rugiens quærens quem deuoret, diligenter custodire; ac subindè (cui legi & Nos, atq; successores nostros etiam subiicimus) per se, aut si legitimè impediti fuerint, per suos Officiales, seu Vicarios generales, aut viros idoneos, graues, prudentes, & in sacris constitutos, ad hoc negotij deputatos, Dioeceses suas quotannis visitent: Si verò vnus anni spatium tanto negotio perficiendo non sufficeret fortè, propter Dioecesis illius amplitudinem, saltem eius maiorem partem lustrant, ita vt reliquum sequentis anni exiguo tempore confici queat. Visitatores autẽ informia reformant, iniqua æquent, mala corrigant, vitiosa emendent, & quæ reparatione digna fuerint, ea reparent. Quod negotium, quantò magis est vtile, ac necessarium, eò citius in vsum ferri, ac reduci oportet. Quamobrem volumus, atq; hortamur, quòd quilibet nostrorum Cõpiscoporum hoc præsentia anno, post octauas corporis Christi, prima data occasione huic initium det. Quod si horum quicumq; absq; rationabili causa (quam nobis, aut successoribus nostris

Tarraco. c. 7. &  
10. q. 1. c. De-  
creuimus, &  
Tolet. 4. c. 35.  
& nt. vt sup. c.  
Episcopij per.  
Et Braccar. 2. c.  
1. & ti. vt sup.  
c. placuit: Et  
Concil. Trid.  
Sess. 24. c. 3. De-  
cre. de reform.  
Et præced. Cõ-  
cil. Salisb. ti. De  
visitationibus.  
De censib. c. 1.  
in 6.  
Ex Conc. Tri-  
dent. Sess. 24.  
c. 3. Decret. de  
Reform.  
1. Pet. 5.

scripto exponere debet) intermiserit, is poenas sustinebit  
canonicas.

*De ordine uisitandi quasq; Ecclesias.*

Cap. II.

**V**isitatio autem in primis à Metropolitana, & cathedralibus inchoanda est Ecclesijs, deinde cum alijs, in ipsis Metropolitana, & cathedralibus ciuitatibus constitutis Ecclesijs Parochialibus, vel collegiatis, aut quomodocumque beneficiatis, cum omnibus vtriusq; sexus religiosorum continuanda est Monasterijs. Posthæc ad alias per Dioceses tam collegiatis, quàm Parochiales, & quomodocumq; beneficiatas transeundum est Ecclesias, nec non virorum, & mulierum monasteria; ubiq; tam in ciuitatibus, quàm extra diligenter perlustrando hospitalia: nusquam prætereundo Bibliothecàs (si quæ alicubi reperiuntur) & puerorum scholas, studiosorum collegia, & seminaria, postea quàm fuerint constructa, & in usum redacta. Interea præ omnibus alijs diligentissimè animaduertant, & scrutentur vitam, mores, & diligentiam Archidiaconorum, Decanorum ruralium, atque omnium aliorum Officialium, vt de hisce, alijsq; occurrentibus, vel Metropolitanò, vel cuiusq; Diocesis Episcopo, certissima possit reddi ratio.

*De uisitatione Prælatorum, & Officialium  
Ecclesiasticorum*

Cap. III.

**I**n uisitatione verò Metropolitanæ, Cathedralium, & omnium cæterarum Collegiatarum Ecclesiarum, ante omnia, vita, mores, & diligentia Prælatorum, aliorumq; Officialium sunt, iuxta distinctionē suorum officiorum, inuestiganda, & si opus fuerit, emendanda: nam si isti, qui præfunt, fuerint improbi, parum certè præclari expectandum erit de plebe commissà: & si ductores cœcutiunt, &

hallucinan-

## Constitutio sexagesima secunda. 319

hallucinantur, fieri non potest, quin vnà cum suo grege, vel in deuia tendant, vel in præcipitia ruant. Hæc verò, quæ sequuntur, potissimum sunt expiscanda. An cuiusvis ordinis Clerici rectè viuendo, Ecclesiasque frequentando, Clericis reliquis, ac secularibus bonum præbeant exemplum. An tam extra, quàm intra Ecclesias, canonica seruari curent statuta, ad sua officia spectantia. An omnia diligenter corrigant, ac reprehendant, quæ in Canonibus, nostrasq; Synodales sanctiones, & statum Clericalem committuntur. An sint acceptores personarum, hoc est, an ditioribus conuiuant, ob spem lucri, vel fauoris; in pauperes verò prætextu iustitiæ, sint seueriores. An bonorum ad sua officia spectantium diligentem curam habeant. Et in primis an diuina ritè, ac decenter celebrentur. An facellis, & altaribus, iuxta foundationum requisita, per omnia sit prospectum.

### *De uisitatione minorum Clericorum.*

**D**Ehinc visitandi sunt Canonici, Vicarij, ac cæteri Clerici, præsertim beneficiati, apud quos videndum est, an iuxta superscripta suo satisfaciant muneri, si qui sint inobedientes, rebelles, contumaces, negligentes, aliqua labe infecti, vel malis moribus imbuti, infames, suspecti, ebriosi, venatores, concubinarij, blasphemæ, scandalosè incedentes, percußores, iracundi, impatientes, furriones, tumultuosi, & præcipue, an libros legerint, vel tenuerint infectos, atque prohibitos. An ieiunia Ecclesiæ obseruent &c. Cap. IIII.

### *De uisitatione sacrarum ædium &c.*

**P**Roindè visitandæ sunt earundem Ecclesiarum officina, quomodo custodiantur, præsertim, an Ecclesiæ ipsæ ab ædituiis, debitis horis benè claudantur, clausisq; portis, omnes Cap. V.

tis, omnes Ecclesiarum anguli sedulò perlustrentur, ne quid sacrilegij, vel pollutionis accidat. Item arca sanctissimi Sacramenti corporis Christi, & sacrae vñctionis, & fons baptismatis, quomodo sint benè munita, & qua habentur reuerentia. Postremò sacraria cum omnibus vasis, alijsq; Ecclesiarum ornamentis, quomodo conseruentur.

*De uisitatione Parochialium Ecclesiarum.*

Cap. VI.

**P**ARochiales etiam Ecclesie tam in ciuitatibus, quam extra, non sunt prætereundæ. Meminerint autem Visitatores, vt in primis ab Archidiaconis, vel ruralibus Decanis, eius plebis, quam inuisuri sunt, informationem accipiant: cum verò deinceps ad aliquam peruenerint Parochiam, primò Parochū vnā cum omnibus Clericis eius loci cōuocabunt, quibus congregatis, Visitatorum aliquis, habita præfatione oportuna, Parochum interrogabit, an ipse principalis Rector sit, vel Vicarius mercenarius, vel ordinaria autoritate admissus, nec ne: si quidem Vicarius alicui præest Parochiæ, videndum, qua de causa, vel priuilegio, verus absit Parochus. Deindè, an aliquis ipsorum adsit monastica quadā religione imbutus: & si quispiam affuerit, qua autoritate, & licentia, & cur sine habitu monastico incedat, quærendum est,

*De inquirendo numero Cooperatorum retinendorum, & concione in uisitationibus habendā.*

Cap. VII.

**P**Reterea inquiretur quot habere debeat Parochus Cooperatores, & quothabeat. Et an huic Parochiæ aliæ sint tiliales Ecclesie. Et si quæ, vel altaria aliqua annuis redditibus peculiariter dotata fuerint, an ipsis, iuxta illarum foundationem, sit de idoneis sacerdotibus prouisum. Quibus peractis, admonebitur Parochus, vt pulsū campanæ,  
dic



## Constitutio sexagesima secunda. 321

die sequenti, hora sacri celebrandi, populus conuocetur ad concionem, quam aliquis habebit ex visitatoribus: in ea populū adhortabitur, vt vitam in timore Dei exigant, in sinceritate fidei Catholicæ perseuerent, suisq; Prælatiis tam spiritualibus, quàm secularibus obediant, præcepta Dei, & Ecclesiæ obseruent, & id genus alia, iuxta necessitatem loci. Postremò admonebitur, vt si quid controuersia cuiquam sit contra Parochum, seu Cooperatorem aliquem: aut si defectum quis pateretur, in causa præsertim spirituali, is contra Parochum, vel Cooperatorum quempiam Visitatores accedat, qui eum benigniter audient, eique iuxta rei necessitatem succurrent.

### *De quibus inuestigandum sit apud Parochos, & eorundem Cooperatores.*

**A**Nte quidem, & post concionem, inuestigandum fuerit de fide, eruditione, ac doctrina Parochi, & Cooperatorum, & quo modo verbū disseminetur diuinum, frequenterne, & Catholicè: an sacramenta omnia ad ipsos spectantia administrentur: an calleant omnia, quæ ad sua spectant officia: an diuinum officium in Ecclesia canendo, legendoque ritè geratur: an sacrosancta Eucharistia, cum Chrismate, & sacra vñctione, sacro fonte, sanctiisq; reliquijs securè, decenterque custodiantur: an sanctissimo corporis Christi Sacramento lumen continuè adhibeatur: an ea, quæ supersunt, vestes, calices, patenæ, corporalia, mappæ, libri, & reliqua eius generis instrumenta, & ornamenta, quæ ad altarium, & Ecclesiæ ministerium, & ad diuina officia sunt necessaria, sufficiant, vel desint, & an rectè, mundèq; asseruentur, sacrisq; altaribus debitus honor impendatur: an Ecclesiæ ab ædilibus facta tecta conferuentur: an ab Aedituis, constitutis temporibus, præcipuè noctu (siue interdiu, si opus est) claudantur: an

Cap. VIII.

Ss domus

domus Parochialis à ruinis vindicetur : an vllæ rerum Ecclesiasticarum alienationes fiant. Quæ omnia, & siquid præterea animaduersione dignum fuerit, in visitatione cuiuslibet filialis, vel beneficiatæ Ecclesiæ, obseruanda sunt : vt autem cunctorum exacta sumatur notitia, omnia perlustrabuntur. Si verò de Parochi, Vicarij, vel collaboratoris alicuius fide, synceritate, atq; doctrina, non planè constaret, si quidem res postularit, Visitatores eundem, qualiscumque sit, semel saltem ad plebem concionantem auscultabunt, & arrectis auribus, præsentique animò, an fortè sono quodam sit proditurus mentem malè sanam, animaduertent. Non enim ineptè Philosophus quidam homini cuipiam dicebat ; loquere, vt te videam : considerans id, quod Christus ad Phariseos dicebat : Quomodo potestis bona loqui, cum sitis mali : & rursus ; Bonus homo de bono thesauro profert bona : malus autem de thesauro suo quid nisi mala : sic etiam illi audiendi sunt, quid proferant : at ne technis, vel strophis quibusdam decipiatur, caueant Visitatores : cum falsi fratres, instar sui Magistri Diaboli, soleant esse versipelles, ac subdoli. Et si Visitatoribus visum fuerit, vt maiorem Parochi sufficientiæ, & synceritatis cognitionem, informationemq; suscipiant, poterunt ipsum Parochum audire ad populum concionantem. Ex vna enim concione, satis superq; percipi poterit, quid ceræ & mellis in illo contineatur.

### *De morum inquisitione.*

Cap. IX.

**P**ORRò inuestigandi sunt mores, atq; vita, tam Parochi, quam suorum Cooperatorum ; numnam in habitu decenti, cum tonsura incedant Clericali : num sint infames, adulteri, concubinarij, vel prætenso Matrimonio irretiti, sceneratores, aleatores, ebriosi, crapulatores, maledici, contumaces, percussores, tabernarij, seu tabernas sollicitantes, cuius

## Constitutio sexagesima secunda. 323

cuius exercitiij, quid faciant, num studeant, & quibus libris, qui quotq; illis sint, quam diligentissimè inspiciatur, qui si fuerint vel infecti, vel ob autorem suspecti, tollantur, & loco ipsorum Catholici illis tradantur, Clerici verò horum lectores acriter puniantur. Singulari quoq; studio explorandum est, an Sacramentaliter confiteantur, & sæpe, ac quotiens in anno, & an canonicas dicant horas, & Missam ieiuni celebrent: an Ecclesiæ obseruent instituta ieiunia, neq; carnes vorent diebus prohibitis: an eorum aliquis censura irretitus, sacra celebrauerit. Quæ omnia ex senioribus, & sanioribus Laicis illius Parochiæ, vel etiam alijs vicinis sacerdotibus expiscari poterunt.

### *De inquisitione populari, & educatione iuuentutis, atq; uisitatione Xenodochiorum.*

**P**osthæc querendum est diligentissimè, an Parochiani Cap. X.  
in articulis fidei, decem præceptis, oratione Dominica, ac cæteris populi Christiani rudimentis, rectè sint instituti: an omnes Dominicis, alijsq; festis diebus ad Parochiæ conueniant, Missam, verbiq; Dei prædicationem audiri, & hisce ad finem vsq; (quod planè fieri oportet) intersint, an in Ecclesijs, præsertim sub sacro garriant, nugas fabulasue tractent, vel in ipsis Ecclesijs, cœmiterijs, aut porticibus obambulent: An semel in anno saltem ritè confiteantur, & sacrosanctam percipiant Eucharistiam. An omnes qui conuenientem attigerunt ætatem, sint sacro Confirmationis sacramento insigniti. Deinde circumspiciendum vigilantissimè, an in illa Parochia ullus hæreticus delitescat, aut schismaticus, seu ea dere suspectus: an hæresis aliqua clanculum struatur, vel in aliqua domo, prædio, agro, aut quouis alio loco conuenticula fiant; aut receptores, fautores, defensores, seu ministri cuiuscumq; sectæ, ab Ecclesia Catholica alienæ reperiantur. Contumaces, ob-

## 324 Constitutio sexagesimasecunda.

stinati, vel rebelles, de coetu fidelium remoueantur. Item videndum, an sortilegia, diuinationes, incantationes, superstitiones, atque id genus alia, quibus mens humana à Deo viuo per diaboli fraudes seducitur, exerceantur: an periuria, blasphemia, seditioes, conpirationes, coniurationes, susurrations, rixæ, inimicitia, percussiones, sacrilegia, stupra, adulteria, vsuræ, ebrietates, & similia crimina, ob quæ iratus Deus in nos gladiū iræ suæ vibrat, aperte, vel clam perpetrentur. Vtrum censuræ Ecclesiasticæ sint in vsu, vel contemptu: An omnia Ecclesiæ suscipiantur ac participentur Sacramenta: An dies festi, & cum pijs cæremonijs, ieiunia ritè obseruentur Ecclesiastica: & an decimæ soluantur, & oblationes fiant: ac Parocho debita præstetur obedientia, ac reliquis presbyteris conueniens honos & reuerentia exhibeatur. Deindè intelligendum est, quo pacto, & à quibus illius Parochiæ pueri, in moribus & literis instituantur. Et si aliquod ibidem reperitur Hospitale, Xenodochium, vel ptochotrophium, eius pariter accurata fuerit habenda consideratio.

### *De inuestigatione pauperum Xenodochij.*

C. p. XL.

**I**N visitandis autem eiusmodi hospitalibus, præter ea quæ superius in Constitutione de hospitalibus sunt statuta, interrogandi maximè fuerint pauperes, quomodo tractentur: an eis omnia exhibeantur, quæ in institutione illius hospitalis continentur. Et an infirmis debita adhibeantur remedia, accersitis Medicis. Hæc & alia similia, quæ Visitatoribus pro sua circumspectione, & prudentia facile occurrent, in qualiscumq; Parochiæ visitatione obseruabuntur.

*De admonitione, & correctione lapsorum in hæreses,  
nec non aliorum criminoforum.*

Quibus

## Constitutio sexagesima secunda. 325

**Q**uibus peractis, seorsum vocabuntur, qui de aliquo Cap. XII.  
accusati sunt crimine, eos priuatim iuxta necessita-  
tem, admonendo, increpando, & etiam corrigendo, illos  
maximè, qui quomodocumq; à fide Catholica, seu ipsius  
ceremonijs, aut pijs cōsuetudinibus dissentiunt: hic enim  
securis ad radicem est apponenda, vt seducti per verbum  
Dei, in viam veritatis, & vnitatem reducantur Ecclesie, &  
qui contumaces fuerint, & rebelles, è catu exturbentur.  
Deinde Visitatorū aliquis, conuocato populo, concionē  
habebit, quam auditorum captui, loco & tempori accom-  
modabit, ita tamen vt crimina communia in Visitatione  
reperita, acerrimè arguantur, & populus ad pœnitentiam,  
vitæque emendationem, & innocentiam, pacem, concor-  
diam, religionemq; Catholicam obseruandam vehemen-  
ti cohortatione inducatur, atq; instruat.

*Visitationes per eadem loca, eademq; tempora fieri debe-  
re, in quibus Episcopi Sacramentum conferunt  
Confirmationis.*

**H**ic autem non est prætereundum, quod superius in Cap. XIII.  
Constitutione de Confirmatione c. 3. est ordinatum,  
vt visitationes per illam partem, eodemq; tempore fiant,  
quam, & quando Episcopus, siue eius in Pontificalibus  
Vicarius, illam collationis Sacramenti Confirmationis  
gratia, est peragaturus, vt eodem tempore, non solum  
eiusdem Episcopi functione non confirmatis satisfiat,  
verum etiam alijs occurrentibus subueniatur necessitati-  
bus, præsertim Ecclesijs, seu altaribus, aut cœmiterijs, in-  
uentis non consecratis, aut pollutis, seu violatis, quibus  
per Episcopum omnino est subueniendum; vt quæ non  
sunt consecrata, consecret, & quæ fuerint polluta, aut vio-  
lata, reconciliet.

## 326 Constitutio sexagesima secunda.

*Per uisitationes generales non tolli speciales, quæ ab inferioribus Officialibus fieri solent.*

Cap. XIII.  
Ex Conc. Trident. Sess. 14. c.  
3. Decr. de Reformatione.

**P**ER has verò uisitationes generales, tolli non intelliguntur speciales, quæ ab Archidiaconis, seu Decanis ruralibus, vel capitulis uisitandi auctoritatem habentibus, peraguntur: ita tamen ut Visitatoribus generalibus ipsi Archidiaconi, vel alij inferiores, aut Capitulorum instituti Visitatores, uisitationis habitæ infra mensem rationem reddere, & depositiones testium, ac integra acta exhibere teneantur: non obstantibus quacumque consuetudine, etiam immemorabili, atque exemptionibus, & privilegijs quibuscumque. Quinimò volumus, ut etiam de ipsorum Archidiaconorum, Decanorum ruralium, aliorumque similium Officialium vita, moribus, sollicitudine, administrationeque à generalibus Visitatoribus diligens fiat inquisitio.

*De uisitatione Archidiaconorum, & aliorum Ecclesiastica munera ferentium.*

Cap. XV.

**I**N inquisitione autem Archidiaconorum, & Decanorum ruralium, atque aliorum huius generis Officialium, post debitam vitæ, & morum factam inuestigationem, explorandum pariter fuerit, de illorum officijs, an eisdem satisfaciant, & quomodo, an sint sufficientes, solliciti, prudentes, expediti, & iusti, vel iniusti, auari, munerum cupidum, pœnas pecuniarias imponentes, personarum acceptores, delicta non punientes, sed dissimulantes, iustitiam, & æquitatem petentibus morem non gerentes, & an id genus alia, quæ ad se spectant, præstent, nec ne.

*De uisitatione Monasteriorum.*



## Constitutio sexagesima secunda. 327

**I**N visitatione verò vtriusq; sexus Monasteriorum, præter ea quæ superius de Ecclesiarum cathedralium, & collegiatarum Prælati, Canonicis, atq; Clericis alijs, annotata sunt (quæ etiam in vtriusq; sexus religiosis visitandis, omnino obseruari volumus) ordinamus, vt magna cum animaduersione exploretur, sigillatim religiosos interrogando, quomodo tria vota custodiantur, & regulæ illorum ordinis, cum silentio, & ieiunijs seruentur: An in choro sint solliciti. An inter eius Monasterij personas sit pax, & concordia, an verò simultates, & rixæ: An iuxta necessitatem, omnibus victus & amictus suppetat: An in habitu suæ religionis incedant, & in communī mensa victitent: Et quomodo in studijs proficiant, quibus authoribus studeant, & à quibus præceptoribus iuniores instruantur. Cap. XVII

### *De inquisitione Prælatorum religiosorum.*

**D**Eindè an Prælati sacra peragant, & insulati Pontificalia exerceant, vitamq; à conuentu segregatam agant, an communem: Num sæpè celebrent Capitula, subditosq; exhortationibus sollicitent: An cameras subditorum visitent: An sint benigni, affabiles, humani, hospitalis, charitatem exercentes. Cap. XVII.

### *De uisitatione Officialium monasticorum.*

**I**Taque visitentur & reliqui Monasteriorum Officiales, veluti, Prælatorum Vicarij, Prædres, Decani, Cellarij, Sacristæ, Procuratores, & id genus alij, quocumq; nomine nuncupentur, singuli iuxta suorum officiorum necessitatem, officinæq; illorum perlustrentur. Cap. XVIII.

### *De ratiocinijs Monasteriorum.*

Item

## 328 Constitutio sexagesima secunda.

Cap. X IX. **I**tem an rationes Monasteriorum ab Officialibus omni anno corā senioribus reddantur, & quotiens: easq; volumus & ab ipsis generalibus Visitatoribus perlustrari.

### *De numero conuentualium perquirendo.*

Cap. X X. **D**Eniq; an ex conuentualibus illius Monasterij, quod tūc visitatur, aliquis desit, vbi sit, quid faciat, quantum temporis abfuerit, & qua authoritate, an in habitu, vel extra: Sic itaq; deprehensus, ab Ordinario postea citetur, & iuxta demerita puniatur.

### *De uisitatione Monialium.*

Cap. X X I. **C**irca monialium inclusionem, & custodiam, maximā quoq; est adhibenda ratio, atq; inquisitio, vt ea omnia seruentur, quæ superius in Constitutione de monialibus, ex sacris Conciliorum, etiam Salisburgen. prioris, & Tridentini canonibus, sunt annotata.

*In uisitationibus utriusq; sexus religiosorum, tam ea quæ in hac, quàm quæ in superiori Const. xxx. sunt notata, obseruari prorsus debere.*

Cap. X X I I. **H**Æc & alia omnia superius in Cōstitutione de vtriusque sexus religiosis descripta, in illorum uisitationibus prorsus obseruari volumus.

### *Adhortatio ad Monasteria ab Ordinarijs Episcopis exempta.*

Cap. X X I I I. **Q**uod autē ad regulares, præsertim mendicantes, exemptos, eorumq; uisitationes attinet, eos penes suorum ordinum, & priuilegiorum relinquimus prærogatiuas;  
quos

## Constitutio sexagesima secunda. 329

quòs tamen omni cum charitate, & benignitate admone-  
mus, vt se vnà cum suis visitationibus, his nostris confor-  
mare velint Constitutionibus; quòd si in spatio decem  
mensium proximorum non prestiterint, Nos, nostrique  
Coëpiscopi, in supplementum negligentiae suorum Præ-  
latorum, circa eadem Monasteria id effecturos statuimus,  
quæ nobis de iure conueniunt, & à sacris Canonibus, &  
Tridentina Synodo conceduntur, absque violatione ta-  
men noui priuilegij eis à moderno Pio V. Pontif. Max.  
concessi, quemadmodum diffusius dictum est superius in  
Constitutione de Mendicantibus. Non enim solum ini-  
quum, sed & scandalosum, malicj exempli foret, si alijs re-  
ligiosis debitè reformatis, ipsi interim licentia in medijs  
vitijs sorderent.

### *De scopo, & summa Visitationis.*

**O**Mnium autem earum Visitationum præcipuus sco-  
pus esto (vt optimè docet sacrosancta Synodus Tri-  
dentina) sanam, orthodoxamq; doctrinam, expulsis hæ-  
resibus, inducere; bonos mores tueri, prauos corrigere,  
populum, cohortationibus, & admonitionibus, ad reli-  
gionem, pacem, innocentiamq; accendere; cetera, prout  
locus, tempus, & occasio feret, ex visitantium prudentia,  
ad fidelium fructum constituere. Quæ vt facilius, felicius-  
que succedant; monentur prædicti omnes, & singuli, ad  
quos Visitatio spectat, vt paterna charitate, Christianoq;  
zelo omnes amplectantur; ideoq; modesto contenti equi-  
tatu famulatuq;, studeant quàm celerrimè, debita tamen  
cum diligentia, visitationis negotium absoluerè.

Cap. XXXIII,  
Sess. 24. cap. 1.  
Decr. de Refor-  
mat.

### *De uisitationum sumptibus, atq; eorum moderatione.*

**Q**uod ad sumptus Visitationis habendæ attinet, volu-  
mus ea, quæ Tridentino in Concilio hac de re tradi-  
ta sunt,

Cap. XXV.

Tt      ta sunt,

Ex Concilio  
Tridentino  
loco vt sup.

### 330 Constitutio sexagesima secunda.

ta sunt, obseruari: quam sanctionem hic interferi debere putauimus: ea sic habet. Caueant Visitatores, ne inutilibus sumptibus cuiquam graues, onerosiue sint; neue ipsi, aut quisquam suorum, quidquam procurationis causa pro visitatione, etiam testamentorum ad pios vsus, præter id, quod ex relictis ad pias causas iure debetur, aut alio quouis nomine, nec pecuniam, nec munus quodcumq; sit, etiam qualitercumque offeratur, accipiant: non obstante quacumq; consuetudine, etiam immemorabili: exceptis tamen victualibus, quæ sibi, ac suis frugaliter, moderateq; pro temporis tantum necessitate, & non vltra erunt ministranda. Sittamen in optione eorum, qui visitantur, si malint soluere, id quod erat ab ipsis antea solui, certa pecunia taxata, consuetum; an verò prædicta victualia subministrare: saluo item iure conventionum antiquarum cum monasterijs; alijsue pñs locis, aut Ecclesijs non Parochialibus inito, quod illæsum permaneat. In ijs verò locis, seu Prouincijs, vbi consuetudo est, vt nec victualia, nec pecunia, nec quidquam aliud à Visitoribus accipiat, sed omnia gratis fiant; ibi id obseruetur. Quod si quisquam, quod absit, aliquid amplius in supradictis omnibus casibus accipere præsumpserit; is præter dupli restitutionem, intra mensem faciendam, alijs etiam pœnis, iuxta Constitutionem Concilij generalis Lugdunensis, quæ incipit exigit &c. nec non & alijs pœnis in Synodo Prouinciali arbitrio Synodi absq; vlla spe veniæ, mulctetur. Patroni verò in ijs quæ ad Sacramentorum administrationē spectant, nullatenus se præsumant ingerere, neque visitationi ornamentorum Ecclesiæ, aut bonorum stabilium, seu fabricarum prouentibus, immisceant; nisi quatenus id eis ex institutione, ac fundatione competat: sed Episcopi ipsi hæc faciant, & fabricarum redditus in vsus Ecclesiæ necessarios, & vtilis, prout sibi expedire magis visum fuerit, expendi curent.

## DE POENIS.

## Const. LXIII.

*Udelinquentes meritis afficiantur poenis.*

**M**Anifestum est, grauem nobis à Deo imminere vindictam, & rebus pub. perniciosissimum esse, si scelerata impunita maneant, quandoquidē vel vno saltem peccante, ira Dei super omnem populum veniat. Qui enim vitijs nutriendis parcit, ac fauet, ne contristet peccantium voluntatem, is non tam est misericors (vt S. Augustinus ait) quàm qui non vult cultrum rapere puero, ne audiat plorantem, & non timet, ne vulneratum doleat, vel extinctum. Impunitas certè summum illum sacerdotem Heli sacerdotio pariter priuauit, ac filijs, adeò perniciosum est omnibus licere quidquid libet. Quamobrem quidā Romanus Consul, pessimum sub eo Magistratu viuere dicebat, sub quo maxima licentia esset quibuslibet: ea quippe in facinorosos lenitas, quid aliud est, quam in bonos crudelitas: cum bonis noceat, qui malis parcit, & vt Seneca inquit, ad posteros vitia transmittit, qui praesentibus culpis ignoscit. Non rarò ipsi etiam in suspicionem sceleris cadunt, qui malefactis conuiuent, dicente scriptura: non tantum qui faciunt, sed etiam qui consentiunt facientibus, participes delictorum iudicantur: Et error cui non resistitur, approbatur: Veritasq; indefensa opprimitur: Sacris etiam patrum traditionibus docetur, inferiorum ordinum culpas ad neminem magis referendas, quàm ad desides, negligentesq; Rectores, qui multam saepe nutrant pestilentiam, dum austeriorem dissimulant adhibere medicinam. Quod nos considerantes, & approbante sacro Concilio, diuinam vindictam effugere volentes, omnibus & singulis nostris, nostrorumque Coepiscoporum &

Cap. I.  
23. q. 5. c. qui vitijs.  
1. Reg. 2.  
Senec. de morib.  
Rom. primo.

T t 2

suffra-

332 *Constitutio sexagesimatertia.*

suffraganeorum Officialibus, Vicarijs, Archidiaconis, Decanis ruralibus, & quibuscumq; alijs rerum, personarum, & negotiorum Ecclesiasticorum Iudicibus, atq; Fiscalibus districtè mandamus, vt tam de Clericis, quàm Laicis facinorosis, qui ratione delictorum in Ecclesiasticum forum incidunt, diligenter inquirant, & contra delinquentes quoscumq; ad pœnas sacris Canonibus atq; Prouincialibus hisce nostris statutis comprehensas, absq; indulgentia (quam iustis causis nobis tantum, singulisq; Coëpiscopis nostris, cuilibet, in sua Diœcesi faciendam reservamus) procedant, & executionem faciant; ita tamen quòd ad sententias maiorum pœnarum, vt sunt damnationes in monasteria temporales, vel perpetuæ, ad longum tempus, vel perpetuis carceribus, aut exilio deputare, flagellis corpora submittere, dignitatibus Ecclesiasticis, aut beneficijs priuare, perpetuo deponere, aut degradationi reali adiudicare, manus suas nequaquam extendât, absque suorum Episcoporum præcedente noticia, & expresso in scriptis mandato speciali.

*Ne multa ob avaritiam exigatur.*

Cap. II.

**I**Nhibemus etiam præmissis nostris, ac reliquorum Episcoporum nostræ Prouinciæ Officiarijs, neq; pro corrigendis excessibus, & criminibus puniendis, a Clericis, vel Laicis, pœnam pecuniariam sibi ipsis, vel etiam nostro, aut Episcoporum fisco applicandam exigant, vel imponant: nec alia agant, quæ Canonum aduersantur institutis, & de radice cupiditatis & avaritiæ prodire videntur: si quæ tamen pecuniaria multa imponenda sit, illa in pauperum subuentionem, vel Ecclesiæ fabricam, aut alios pios vsus conuertatur.

*Ne*



*Ne pœna excedat delictum.*

**Q**Uoniam autem sacri canones constituunt, vt in pœ- Cap. III.  
 nis canonicis infligendis debitus ordo seruetur, &

non in quolibet crimine, vel delicto, maximè leuiori, statim à principio, à magis rigorosa pœna incipiat, ob id

potissimum quòd odio debeant haberi peccata, non homines; Nemo enim prudens (vt rectè animaduertit Seneca)

Senec. de morib.

punit tantum, quia peccatum est, sed ne peccetur: res quidem optima est, non sceleratos extirpare, sed scelera:

non igitur sœuienti, sed medenti animo, quis plectendus est, cum asperitatis nimix increpatio, nec increpationem

recipiat, nec salutem. Itaque iureconsultus quidam iudicantes benè admonet, ne quid durius, aut remissius consti-

Martian. in l. respiciendum. ff. de pœna.

tuant, quàm causa deposcit; nec enim aut seueritatis, aut clementix gloriam affectandam, sed perpenso iudicio,

prout quæque res postulat, statuendum esse. Cauendum verò in primis est, ne respectu nocentis, innocens patia-

tur: satius enim est (vt præclare dixit Vlpianus) impunitum relinqui facinus nocentis, quàm innocentem dam-

l. si. in fi. C. de his qui latron. occid. l. prægnantis. ff. de pœna. l. absentem. ff. eod.

nare: ibi namq; pœna esse debet, vbi noxia est. Quamob-

causam statuimus, vt Officiarij & Iudices Ecclesiastici nostræ Prouinciæ se dispositioni & ordinationibus canonicis in pœnis infligendis, quantū eius fieri potest, accom-

l. censimus e. eod. tit. l. quod si Ephesi ff. de eo quod cert. loc. & c.

modent; ne (quod leges quoq; prohibent) Iudices sint legibus seueriores: æquitatem etenim ante oculos semper

habere, imò in leuioribus causis proniores ad lenitatem esse, in grauioribus verò pœnis seueritatem legum cum

aliquo temperamento benignitatis subsequi debent. In pœnis præterea imponendis, causa, obedientia, emenda-

d. l. respiciendum. ff. de pœna.

tiō, & animus eius, qui deliquerit, & vicissim contumacia, impatientia, frequentia, atq; incorrigibilitas delinquentis, diligenter obseruentur, nam iuxta eas circumstantias, pœnæ, vel remittendæ, vel acuendæ veniunt.

DE SYNODIS CELE-  
brandis. Const. LXIII.*De institutione, diuisione, usu, commodo, necessitate,  
ac tractatione Synodorum.*

Cap. I.

**Q**uid autem Cleri, populiq̃ue Christiani excessibus, malis moribus, controuersijs, abusibus, perperam commissis scandalis, communiq̃ue necessitati prodesse visitationes, nisi Constitutiones Synodales certas quasdam pœnas, ceu Colophonem ijs adijcerent: neque verò vix vllam legem latam fuisse constat, quàm non pœna cōstituta corroboret, atq̃ firmet. Propterea sancti Apostoli post Christum primi institutores nostri, cū imminenti necessitati prouidendū esse cognoscebant, congregabantur, & collatis consilijs, quid circa emergentes casus statuendum esset, decernebant. Id quod Apostolicarū actionum historia testatur. Horum autem vestigia secuti Ecclesiæ Catholicæ Patres, idem non modò obseruarunt, verū etiam omni posteritati obseruandum reliquerunt. Eas autem congregationes, seu conuentus, Concilia, vel Synodos nominabant. In his opera dabatur, vt nouis erroribus, vel controuersijs, aut quibuscumq̃ alijs periculis emergentibus, nouis obstatetur decretis, ac re medijs, antiquis verò morbis renouatis, antiqua quoq̃ renouarentur pharmaca. Nos itaq̃ eorundem, cū Apostolorum, tū sanctiss. Patrum vestigia sequi, haud minus vtilitas, quam necessitas postulat. Quod si à nobis, atq̃ alijs Ecclesiæ Antistitibus negligeretur, facile accideret, vt tam salutarium sanctionum vsus, non tantū in desuetudinem, atq̃ contemptum abiret, sed etiam penitus interiret. Proinde duobus modis eiusmodi Concilium, vel Synodus olim celebrabatur. Altero quidem modo, omnes totius Christiana-

Act. 1.6.15. &  
31. & c.

## Constitutio sexagesimaquarta. 335

Christianitatis vniuersaliter conuocabantur Praelati, presertim maiores; & tales, Synodi Oecumenicę fuerunt appellatę. Altero verò modo vnus duntaxat Prouincię Episcoporum, reliquorumq; Praelatorum cętus conuenire solebat; & hę Prouinciales Synodi, seu Concilia Prouincialia nuncupabantur. His equidem pręsunt, ac pręesse omnino debent Metropolitani; Illis verò generalibus conuentibus semper, vel per se ipsos, vel per legatos, summi pręfuerunt, & etiānum pręsunt Pontifices Romani, quorum autoritate, quemadmodum olim, sic hodię quoq; celebrantur. Quamobrem ad summorum Pontificum beneplacitum, iuxta necessitatem hactenus fuerunt celebrati, debentq; celebrari, ita quòd ab Apostolis huc vsq; decem & septem solùm huiusmodi fuerunt conuocatę Synodi Oecumenicę: Prouinciales verò ex Decretis Ecclesiasticis singulo quoq; anno conuocabantur, vti Antiochenum, Carthagieneñ. 3. Aurelianeñ. 1. & 5. ac Toletanum 4. & 12. & Lateraneñ. sub Innocentio 3. celebratum testantur Concilia; quinimò secundum Chalcedoneñ. & Decretalem Epistolam Hormisdę sanctiss. Pontificis summi, ad Hispanię Episcopos scriptam, & alios his singulis annis cogebantur celebrari: cuius consuetudinis mentionem facit & Concilium Toletanum 4. c. 3. & D. Gregorius Epl. 3. lib. 1. 2. atq; Iustinianus Imperator, qui sub Bonifacio secundo Ioanne item secundo, Agapeto primo, Syluerio, Vigilio & Pelagio, Rom. Pontificibus ante mille annos Imperij habenas rexit, in suis Authenticis. Sancti Apostoli, & Patres (inquit) definierunt bis in vnoquoq; anno fieri debere Synodos sanctissimorum sacerdotum (Episcoporum) in vnaquaq; Prouincia, & emergentes causas excuti, & competentem accipere correctionem: Vnam quidem in quarta septimanę sanctę Pentecostes, alteram verò Octobris mense. Tandem propter diuersa impedimenta, quibus Coepiscopi detinebantur,

Antioch. c. 10.  
Et Carthag. 3.  
c. 1. Aurelian. 2.  
c. 1. Et Aurel. 5.  
c. 11. & Tol. 4.  
c. 3. & Tol. 12.  
c. 12. & Later.  
sub Innocen. 3.  
c. 6.  
Chalcedoneñ.  
Concil. c. 18.  
Hormisda Pa-  
pa.  
Concil. Tol. 4.  
c. 1.  
D. Greg. epi. 3.  
lib. 12.  
Iustinię, Imp.  
§. sancti igitur  
Apostoli, Auth.  
de ordinat.  
Cleric. & Epi-  
scop. coll. 109.

# 336 Constitutio sexagesimaquarta.

Conc. Matisco-  
nenſ. 2. Can. 10.

D. Greg. Epi. 31  
lib. 12.

Præced. Conc.  
Salisb.  
Trid. Conc.

D. Greg. Epiſt.  
14. lib. 1. ad Io-  
an. Conſt.

bantur, ne omni anno, non ſolùm bis, ſed neq; ſemel con-  
gregari valerent, illud annale ſtatutum, iuxta Matisco-  
nenſis Concilij ſecundi ſanctionem, in triennium fuit  
tranſmutatum; id eſt, vt hæc ipſa Concilia Prouincialia,  
de triennio in triennium differi poſſint; ita tamen vt qui-  
libet Epiſcopus, ſecundum Magni Gregorij Pont. Max.  
virique ſanctiſſimi ordinationem & decretum, ſingulis  
annis, ſuæ Diœceſis minorum Prælatorum conuocet con-  
uentum, in quo de corrigendis exceſſibus, & moribus re-  
formandis, controuerſijsque diſcutiendis, iuxta ſuorum  
Conciliorum Prouincialium conſtitutiones, diligens,  
cum Dei timore habeatur tractatio: qui conuentus, Diœ-  
ceſana Synodus appellatur: Cui determinationi fidem  
faciunt & alia Concilia, etiam præcedens vltimum Pro-  
uinciale Salisburgenſe, cui tanquam optimè conſideratæ,  
& Synodus Oecumenica ſubſcripſit Tridentina, idem  
concludendo. Itaq; tres Synodorum celebrandarum ſunt  
ſpecies, Oecumenicarum, ad ſummorum Pontificum be-  
neplacitum; & Prouincialium, de triennio in triennium;  
& Diœceſanarum, ſingulis annis conuocandarum. Quod  
ſanctum à Deo datum Decretum, ſi in hac noſtra Prouin-  
cia fuiſſet cuſtoditum, in qua ab anno 49. ad hūc diem vſ-  
que præſentem, nulla Prouincialis, & Diœceſanæ in qui-  
buſdam locis pauciſſimæ, cum non parua noſtrarum Ec-  
cleſiarum iactura (proh dolor) ſunt celebratæ: quæ longa  
intermiſſio (vt ſuſpicari licet) in fide diſſenſionibus, er-  
roribus, abuſibus, diſcordijs, inobedientiæ, contentioni-  
bus, atque rebellionibus, haud anguſtam aperuere fene-  
ſtram. Nam vt quidam probè admodum dixit: Salus Ec-  
cleſiæ, terror hoſtium eius, & fidei Catholicæ ſtabilimen-  
tum, ſunt Synodi: Vnde ſacroſancta Chalcedonenſ. Syno-  
dus magna, illarum quatuor vna, quas ſanctus Gregorius  
ſanctis Dei comparauit Euangelijs, Can. 18. ad ſupradi-  
ctorum corroboracionem ait: Peruenit ad noſtras aures,  
quòd

quòd in Prouincijs constituta Episcoporum Concilia, minime celebrentur, hoc ex eo probatur, quòd multæ, quæ correctione opus habent, Ecclesiasticæ res negligantur; statuit ergo hæc sancta Synodus, secundum regulas patrum (temporibus scilicet ab Ecclesia statutis) in vnum conuenire per singulas Prouincias Episcopos, vbi singula, quæ emerferint, corrigantur. Idem affirmat & quartum Toletanum Concilium inquit: Nulla penè res disciplinæ mores ab Ecclesia Christi magis depulit, quàm sacerdotum negligentia, qui contemptis canonibus, ad corrigendos Ecclesiasticos mores Synodum facere negligunt. Ob hoc à nobis vniuersaliter definitum est, vt quia iuxta Patrum antiqua Decreta, bis in anno difficultas temporis fieri Concilium non sinit, saltem vel semel à nobis celebretur. Sic etiam pie admodum Iustinianus, ad Synodos celebrandas, Episcopos olim cohortatus est, vbi conuenitur multos eò maxime in peccata fuisse delapsos, quòd non fuerint habitæ Synodi, iuxta ea, quæ à sanctis Apostolis, & Patribus definita sunt: Si enim hoc fuisset obseruatum (ait) quilibet metuens grauem in Synodo accusationem, studuisset utique & sacras ediscere liturgias, & temperanter viuere, ne condemnationi diuinorum canonum subiaceret. Qui autem sacros canones custodiunt, eos Domini Dei adiutorio dignos esse: qui verò eos transgrediuntur, hosce semetipfos iudicio reddere obnoxios; & maiori condemnationi subiacere Episcopos, quibus concreditum, & commissum est, & canones inquirere, & conseruare, si quod eorum prætermisum fuerit, indemnatum, atque impunitum reliquerint. Si enim illa (idem inquit) quæ à Laicis peccantur, generales leges non concedunt extra inquisitionem, & vindictam manere: quomodo à sanctis Apostolis, & Patribus, super omnium hominum salute canonicè statuta despici patiemur? Sed cur prolixius ad hoc persuadendum, hunc protrahimus sermonem, cum

Chalcedonens.  
c. 18.

Conc. Tolet. 4.  
c. 3.

d. Auth. de ordinat.  
Cleric. &c.  
in prin.

# 338 Constitutio sexagesimaquarta.

Præced. Concil.  
Salisb. tit. cod.  
c. 1.

Concilio Tri-  
dent. Sess. 24. c.  
1. Decr. de Re-  
form.

Tit. cod.

hoc ipsum expressè ac dilucidè præcedens Synodus Prouincialis nouissimè hîc Salisburgi celebrata fateatur, his verbis; Interim enim quòd Synodales conuentus cessarunt, apicis Episcopalis auctoritas, simul & obedientia corruit, diuinus cultus confusus, & absque ordine iacet, omniumque criminum radix, licentia, omnis generis sceleribus aperuit ianuam: Nos igitur sacro hoc approbante Cõcilio, præmissis, vt tenemur, prouidere volentes, mandamus, quòd Synodi tam Diocesane, quàm Prouinciales, in suum denuò, iuxta Conciliorum Basileen. & Tridētini Decreta, restituantur locum. Præterea Nos, nostriq; Cõpiscopi, ac reliqui, hac in sancta Synodo congregati, vt nō solum Cõciliorum ( præsertim Tridentini dicentis, Concilia sicubi omissa sunt, pro moderandis moribus, corrigendis excessibus, controuersijs componendis, alijsq; ex sacris Canonibus permisis, renouentur ) sacris pareamus canonibus, sed etiam conscientia satisfaciamus, & nostræ Prouinciæ quieti, obedientia, & subditorum salutis consulamus, Antecessorum nostrorum exempla sequentes, & Prioris Salisburgen. Synodi constitutionem renouantes, sancimus atq; præcipimus, ea quæ sequuntur perpetuis temporibus sub omnipotentis Dei indignatione, & sacrorum Canonum incurusione, diligenter custodiri, ac inuiolabiliter obseruari.

## *De Synodis diæcesanis.*

Cap. II.

**P**rimò quidem, vt iuxta nouissimorum Conciliorum, maxime Tridentini constitutionem, annuatim in singulis Diocesibus nostræ Prouinciæ, per ipsos Episcopos, vel his canonicè impeditis, per duos saltem vniuscuiusq; Commissarios, viros sacris initiatos, honestos, doctos, religionisque zelum habentes, Archidiaconis, vel ruralibus Decanis adiunctis, in locis, ab ipsis Ordinarijs depu-  
tandis,



## Constitutio sexagesimaquarta. 339

tandis, Synodī celebrentur Diœcesanæ. Quòd si còntin-  
geret ab aliquibus nostræ Prouinciæ Archidiaconis, seu  
ruralibus Decanis (quod tamen absq̃ sui Ordinarij con-  
sensu fieri non decet) cum suis subditis Parochis, alijsq̃ue  
sacerdotibus, Synodos celebrari: cum satis exploratum  
habeamus, solos Archidiaconos, vel rurales Decanos, in  
Synodis celebrandis, parum proficere, necessarium ducim-  
us, eis etiam per Nos, atque nostros Coëpiscopos (qui  
nomine nostro præfideant) semper Cōmissarios adiungi.

*Singulo quoque triennio, Prouinciales Synodos  
esse habendas.*

**P**Rouinciales verò Synodos de triennio in triennium Cap. III.  
celebrandas omnino mandamus, decernentes ac sta-  
tuentes, ne loca tam pro Diœcesanis, quàm Prouinciali-  
bus Synodis faciendis, in eadem semper ciuitate, vel op-  
pido, aut loco, sed pro qualitate distantiarum, maxime in  
latis Diœcesibus, locis mutatis, conuocentur, ne vel pro-  
pter itineris longitudinem, expensarum onus, aut proli-  
xam, & latam distantiam à suis Ecclesijs, rebusq̃ domesti-  
cis, aliqui præter modum se grauari sentiant.

*Synodis habendis nunc certum tempus præ-  
figi non possit.*

**T**Empus autem pro quibuscumque celebrandis Syno- Cap. IIII.  
dis aliquod constituere, cum propter occurrentium  
negotiorum inæqualitatem, tum etiam ob personarum  
comparentium varietatem, iudicamus esse superfluum.

*De controuersijs in Synodis proponendis, ac  
dirimendis.*

V. v. a. Quoniam

Cap. V.

**Q**uoniam verò hæ Synodis non tantum ad mores reformatos, excessusque & abusus tollendos, sed etiam controuersias dissoluendas, à principio (vt dictum est) sunt institutæ; ideò volumus cuilibet esse liberum, tam Laicis, quàm Clericis, suas querelas, grauamina, atq; controuersias, proponere, ita tamen quòd tales propositiones in scriptis, omniq; cum modestia fiant Christiana; ne ubi quis æquitatem sibi administrari cupierit, ob reprehensibilem immodestiam, se ipsum culpabilem, & poena faciat dignum.

*De publicatione Constitutionum Synodaliū.*

Cap. VI.

**C**onstitutiones quoq; ac alia omnia, quæ in eisdem, tam Diocesanis, quàm Prouincialibus Synodis fuerint conclusa, determinata, atque decisa, volumus ac mandamus, vt semper vltima die ipsius conuentus, toti congregationi Synodali publicentur.

*De inspectoribus defectuum constituendis.*

Cap. VII.

**V**T autem omnium quibusuis in Synodis tam Diocesanis, quàm Prouincialibus plenior Nos, nostriq; Coëpiscopi sumamus notitiam, iubemus, vt singuli nostræ Prouinciæ Episcopi, prouidas, idoneas, & honestas deputent personas, quæ per totum annum simpliciter, & de plano, absque vlla iurisdictione, inuestigent, ac inquirent, quæ correctione, vel emendatione digna sunt, & ea fideliter ad Nos, vel ad suos Ordinarios perferant, in futura Synodo Diocesana, vel Prouinciali (si res ita exposulauerit) decidenda.

DE

# DE FINE HVIVS sanctæ Synodi.

*Gratiarum actio ad Deum propter bonum  
Synodi finem.*

**H**æc sunt, quæ diuinæ bonitatis auxilio, in hac sancta Synodo, ad Dei gloriam & honorem, Ecclesiæq; Catholicæ ædificationem, ac huius Prouinciæ publicam vtilitatem, ex præcepto sacrosancti Concilij Tridentini, & adhortatione Domini nostri Pij V. Pont. Max. officioque nostro decerni, statuiq; cœpta, atq; peracta sunt; quædere, Nos, nostriq; Coëpiscopi, ac cæteri, qui huic sancto interfuimus conuentui, immortales diuinæ Maiestati agimus gratias: quam coniunctis, supplicibusq; votis rogamus, & obsecramus, vt quemadmodum ea, quæ ad Ecclesiæ suæ commodum, in Prouincia nostra fuerant præscribenda, ad optatum perduxit finem; sic quoq; laudabiliter atq; vtiliter sancita, passim fideles nostros subditos vtriusque manibus acceptare, & fructum apud eos centuplum afferre iubeat, neq; reuertantur vacua, sed faciant quicquid in illis mandatur, & prosperentur in his, ad quæ misimus ea, ad laudem, & gloriam nominis sui, quod est amplificatum, atq; benedictum in omne æuum. Amen.

Cap. I.

Eliæ 55.

*Approbatio Synodaliū Constitutionum per  
Metropolitanum.*

**V**T verò omnia, hac in Prouinciāli Synodo constituta, suum habeant robur, debitumq; sortiantur effectum; Nos Ioannes Iacobus Ecclesiæ Salisburgen. Archiepiscopus, & sanctæ sedis Apostolicæ legatus, omnia & singula

Cap. II.

gula in hac Synodo de consilio, & assensu R. R. D. D. Coëpiscoporum nostrorum consultata, decreta, & statuta (ut moris est) approbamus, ratificamus, atque auctoritate Metropolitica, in quantum ea se extendit, per huius decreti nostri interpositionem confirmamus. In nomine Patris, & Filij, & Spiritus sancti, Amen.

*De obseruatione harum Constitutionum  
Synodaliū.*

Cap. III. **D**Eindē eadem auctoritate nostra, qua hac in parte fungimur, ea ipsa statuta, præsentēs Constitutiones, per Nos, nostrosq; Coëpiscopos, & Suffraganeos, ac reliquos, hac in Synodo existentes, æditas, ab omnibus & singulis Episcopis, Abbatibus, Præpositis, Decanis, Archidiaconis, & alijs personis, in Ecclesiastica dignitate constitutis, Ecclesiarum Metropoliticae, & Cathedralium, ac Collegiatarum Capitulis, & singularum canonicis, atq; monasteriorum conuentibus, parochialium quoq; Ecclesiarum Rectoribus, presbyteris, religiosis, Cooperatoribus, Beneficiatis, Capellanis, & quibuscumq; Clericis, & Laicis, per Prouinciā, Diocēsim, & ciuitatem nostram Saltzburgensem, vbilibet residentibus & constitutis, prout eos, ac eorum quemlibet respectiue attingunt, concernunt, vel ad eosdē quomodolibet spectare poterunt, ea in posterum inuiolabiliter obseruari volumus: mandantes nihilominus omnibus, etiam singulis Episcopis, eorumq; Vicarijs, & Officialibus generalibus, Archidiaconis, Decanis ruralibus, cæterisq; omnibus, quibus super præmissis intendere quomodolibet commissum est, atq; conditio suorum Officiorum se extendit Prouinciæ nostræ Saltzburgen. prædictæ: Quibus omnibus & singulis, etiam per præsentēs committimus, & mandamus, quatenus ipsi, & eorum quilibet, statuta, Constitutiones, & ordinationes huius-

huiusmodi, & horum singula, per se ipsos obseruent, & per Diocesum, & ciuitatum suarum subditos, Clericos, & Laicos firmiter obseruari curent, prout nos quoque ea omnia (Deo adiutore) obseruabimus, & per Diocesim, & ciuitatum nostrarum subditos, tam Clericos, quam Laicos inuiolabiliter, & serio obseruanda curabimus, atq; mandabimus: Contradictores, & Præuaricatores, per poenas in hisce expressas, censuras Ecclesiasticas, & alia iuris remedia strictissimè coërcebimus.

*Protestatio de saluo iudicio, & auctoritate  
Apostolica.*

**P**rotestamur autem solemniter, & expressè in optima Cap. IIIL  
Iuris forma, quòd in his nostris Prouincialibus Constitutionibus, noluerimus, neque intentio nostra vllò pacto fuerit, hæc ipsa statuta amplius vel intelligi, vel extendi debere, nisi in quantum auctoritas, facultas, & potestas nostri iuris Metropolitici se extendit. In his enim quæ sanctæ Sedis Apostolicæ auctoritatem contingere possunt, eidem, Nos, vt tenemur, planè cedimus, eamq; in sua firmitate & robore prorsus permanere volumus. Quinimò hæc ipsa omnia & singula, quæ in hac sancta Synodali congregatione acta, sancitaque sunt, cum omni, qua debemus humilitate, & reuerentia, obedientiaque, auctoritati, iudicio, & censuræ ipsius sanctæ Sedis Apostolicæ, omnium Ecclesiarum matris, & magistræ, emendanda, corrigenda, atque confirmanda exhibemus atque subiicimus.

Actum in ciuitate nostra Salisburgen. die Lunæ 28. mensis Martij, anno à Redemptoris nostri Natiuitate, Millesimo, Quingentesimo sexagesimonono.

In quorum omnium robur, testimonium atq; fidem perpetuo obseruandam, hi qui sequuntur, Reuerendissimus

mus & Illuſtriſſimus Metropolitanus, Reuerendiſſimi  
Coëpiſcopi, abſentiumque Legati, Reuerendi Abbates,  
Præpoſiti, & Capitulorum quatuor ſupremarum Eccle-  
ſiarum Cathedralium Mandatarij, atque Archidiaconi,  
& Decani rurales, ac communis Cleri procuratores, ſuo  
cæterorumque omnium, quotquot huic Synodo de iure,  
vel conſuetudine interſuere, hiſ quæ à ſe, vnanimi atque  
concordi Spiritu in Deo congregatiſ, conſtituta ſunt,  
propria manu ſubſcripſerunt, & ea, partim Secretorum &  
annulorum impreſſione, ad perpetuam rei memoriam &  
firmitatem, obfirmarunt, &c.

*Idem Ioannes Iacobus Archi-  
epiſcopus Salisburgenſis,  
m. ppria.*

<i>Urbanus Epiſcopus Pata- uienſis manu propria.</i>	<i>Io. Thomas à Spaur Coad- iutor Brixinẽ. m. ppria.</i>
<i>Urbanus Epiſcopus Gur- cenſis ſſt.</i>	<i>Caspar Macer S. Theolo- giæ doct̃or &amp;c. Eccle- ſiæ Ratiſponenſis ora- tor &amp;c.</i>
<i>Chriſtophorus Epiſcopus Chiemenſis m. ppria.</i>	
<i>Petrus Epiſcopus Secco- uienſis manu propria.</i>	<i>Constantinus Præpoſitus ſancti Andrea, Eccle- ſiæ cathedralis Lauan- tinenſis &amp;c.</i>
<i>Erneſtus Adminiſtrator Friſingenſis Bauariæ Dux m. propria.</i>	



Christophorus Præpositus Salisburgen. V Vilhelmus de Trautmanstorf Decanus Salisburgen. Antonius Comes Lodroni, Canonicus Salisburgenf.	Ioannes ab Adelzhausen, Decanus Frisingensis. Ioachimus à V Vembling, Canon. Frisingen.	Ioannes Eberhardus à Thürrhaim Canonicus Ratissponen. Viricus à Raderbuech, Canonicus Ratissponensis.	Bernhardus Schwarz Decanus Patavinus. Conradus Schwaigerius S. Theologiae Doctor, Canonicus Patavinus.	Blasius Aliprandinus, Canonicus & suffraganeus Brixinensis.
Benedictus Abbas sancti Petri Salisburgen. m. ppria subscripsi Ord. sancti Benedicti.	Georgius Abbas de monte S. Georgij & c. Ord. S. Benedicti.	Stephanus Præpositus & Archidiaconus Pamburgen. Canonicus regularis.	Laurentius Præpositus & Archidiaconus Seccanensis, Canonicus regularis.	
Ioannes David Præpositus Rotto, Archidiaconus Styriae.	Georgius Agricola I. V. Doctor, Archidiaconus Carinthiae inferioris.			
Bartholomaeus Vnsfeldt Parochus in Burckhausen.	M. Christophorus Spadeliu pastor Myldorffensis subscripsit m. ppria.	Thomas Nobilis Parochus in Saluelden ppria manu se subscripsit.		

Suprascripti Patres nomine suo, & omnium, qui huic interfuerunt conuentui, ex decreto ipsius sacri Prouincialis Concilij, nō solum subscripserunt Originali Constitutionum ipsius sanctæ Synodi, verum etiam unusquisque ipsorum eidem Originali cum propriæ manus subscriptione proprium apposuit Sigillum, uti ex ipso Originali constat.



**I**N nomine sanctissimæ ac indiuiduæ Trinitatis Amen, Vniuersis & singulis hoc præsens publicum Instrumentum lecturis, audituris, pariter & inspecturis, pateat euidenter, & notum sit, Quòd Anno à Natiuitate domini nostri Iesu Christi Millesimo, Quingentesimo, Sexagesimo nono, Indictione duodecima, Die verò subscripta, Pontificatus sanctissimi in Christo patris & domini nostri, domini Pij Diuina prouidentia Papæ Quinti, Anno Quarto, cum sacri Canones, tum etiam sacrorum Oecumenicorum Conciliorum, præsertim Concilij, superioribus annis Tridenti celebrati, Constitutiones, Synodos tam prouinciales quàm diocesanas celebrare præcipiunt, atq; demandant: Ideò Reuerendissimus in Christo Pater ac Illustrissimus Princeps & dominus, dominus Ioannes Iacobus Archiepiscopus Ecclesiæ Metropolitanæ Salzeburgens. Apostolicæ Sedis Legatus &c. Dominus noster clementissimus, tanquam Pastor gregis sibi à Deo nostro Salvatore commissi vigilatissimus, ac zelotes disciplinæ Ecclesiasticæ, & religionis sacre fortissimus, vestigijs sanctorū Patrum inherens, cupiens ex paterno & pastoralis & ardēte affectu sacre religioni & Ecclesiasticæ disciplinæ iam iam labescenti, & ruinam imminenti, in subsidium (adiuante

uante Deo ) venire, ne easdem serpens antiquus & humani generis perpetuus hostis obruat, & funditus extirpet, ] diem Lunæ post Dominicam Oculi Quadragesimæ, quæ fuit Decimaquarta mensis Martij, prædicti Anni Sexagesimi noni, pro Synodo Prouinciali celebranda constituit atq; præfixit. Ad quam omnes Reuerendissimos, Reuerendosq; in Christo Patres, & venerabiles viros dominos Episcopos, Suffraganeos, Abbates, Præpositos, Prælatos, Archidiaconos, Decanos rurales, & Clerum per Dioccesim & Prouinciam Salzeburgeñ. constitutos, sibi Reuerendissimo ac Illustrissimo Principi & Metropolitano Salzeburgeñ. ratione suæ Metropolis Salzeburgeñ. subiectos & incorporatos, per literas autenticas citari & euocari curauit. Aduenientibus die & termino præscriptis, comparuerunt omni cum obedientia Salisburgæ in Aula Archiepiscopali, & veteri Cancellaria, ibidem ad hanc Synodum præordinata, Reuerendissimus ac Reuerendi in Christo Patres & domini, dominus Vrbanus Episcopus Patauieñ. Vrbanus Gurceñ. Christophorus Chiemensis, Petrus Percicus Seccouieñ. respectiuè Ecclesiarum Episcopi & Suffraganei, Reuerendissimi ac Illustris princeps & domini, dominus Ernestus Comes Palatinus Rheni, ac vtriusque Bauariæ Dux &c. Ecclesiæ Frisingeñ. Administrator, &

Thomas Brixineñ. Ecclesiæ Coadiutor, & eiusdē  
 Ecclesiæ Episcopi domini Domini Christophori  
 sacre Romane Ecclesie Cardinalis Legatus, & no-  
 mine Ecclesiæ Ratisponeñ. Venerabilis dominus  
 Caspar Macer sacre Theologiæ Doctor, Canoni-  
 cus ibidem, ac dominus Constantinus Præpositus  
 sancti Andreę Vallis Lauanting, tam pro se, quàm  
 nomine Reuerendi domini Herculis Episcopi La-  
 uantineñ. & Capitulorum præscriptarum Eccle-  
 siarum Nuncij, necnon Abbates, Præpositi, Archi-  
 diaconi, Decani rurales, & Cleri, in dicta Prouin-  
 cia Salzeburgeñ. constituti, plures in eorum pro-  
 prijs personis, absentium verò legitimi & consti-  
 tuti Procuratores, & Mandatarij, omnibus præ-  
 scriptis comparentibus, & ordine sedentibus, in  
 nostrorum Notariorum subscriptorum præsentia,  
 præscriptus Reuerendus Pater dominus Vrbanius  
 Episcopus Gurceñ. die superscripta quartadeci-  
 ma Martij, hora septima ante meridiem, causas hu-  
 ius conuocationis Synodalis, breuib; germanicis  
 verbis proposuit & recensuit. Deindē duo Brevia  
 à sacrosancta sede Apostolica, Vnū videlicet Re-  
 uerendissimo domino Archipræsuli Salzeburgeñ.  
 Alterum verò suis præscriptis Coëpiscopis trans-  
 missa, summa cum reuerentia, publicè legi curauit.  
 Sumpto verò prandio denuò in vnum hora prima  
 conuenerunt, loco quò supra, & determinarunt die  
 sequenti

sequenti initium dandum esse Synodo &c. Et sic dies ipsa fuit absoluta: Altera verò die Martis immediate sequente, Omnes præscripti, ad hanc Synodum vocati, manè circa horam sextam ad maioris campanæ pulsum in præscripto loco præordinato, omni cum obedientia conuenerunt, & Reuerendissimum dominū Archipræsulem Salzeburgens. &c. eorum Metropolitanum, ad chorum Ecclesiæ Metropolitanae reuerenter, ac processionaliter conduxerunt, eò peruentum, & ibidem locatione & protestatione facta, videlicet, quòd si forte contigerit, aliquos debito in loco nō sedere, & sententiam etiam sub verbo Placet proferre, congregationibus interesse, & alios quoscumq; actus facere, durante Synodo, nulli propterea præiudicium generetur, nulliq; nouum lus acquiratur &c. His peractis, statim idem Reuerendissimus dominus Metropolitanus, indutus vestibus Pontificalibus, & mitra, cum baculo Pastoralis, summum altare accessit, & officiū de sancto Spiritu, cum choro & organis, summa cum deuotione decantauit: cui, ipsa sacra Synodus, cum suis sedulis precationibus, vsq; ad finem interfuit, Diuinum illud numen intimo ex corde, pro felici inchoatione & successu huius Synodi inuocantes, oratione per Reuerendum ac clarissimum virum sacrae Theologiae doctorem, dominum Felicianum à Morbino,

nio, ac Reuerendissimi domini Metropolitanus Salzeburgen. &c. Consiliariū Ecclesiasticum, in suggestu habita. officio & oratione sic finitis, Reuerendissimi patres, & alij Prælati acceperunt pluuialia, & mitras: Clerus verò superpellicia: Reuerendissimus dominus Metropolitanus tanquam Præsidentens ante dictum altare, in eius cathedra sedens, chorus, siue cantores inceperunt Antiphonam, Exaudi nos domine &c. qua finita Diaconus clamauit, Flectite genua & leuate, Omnes Prælati & Clerus flexerunt genua, & preces effuderunt. His & alijs consuetis precibus per dominum Præsidentem absolutis, statim fuerunt cantatæ Litanie: in medio earundem, Dominus præsidens vertit se ad Synodum benedictionem cantando, videlicet, vt hanc sacram Synodū &c. Deindè publicè dictis duobus Breuib; Apostolicis repetitis, & Capitulo Concilij Basilien. xv. Sessionis per præfatum Reuerendum patrem dominum Felicianum doctorem prælectis, adhibitis etiam & celebratis omnibus & singulis alijs solemnitatibus, cæremonijs, concionibus, collectis, &c. in præmissis necessarijs, requisitis, & consuetis, postmodum ex Reuerendissimi domini præsentis commissione, Magister cæremoniarum Patres præsentis interrogauit, dicendo videlicet: Placet ne vobis Patribus, ille Actus iam celebratus? Quilibet de super respōdit, Placet.

His



His omnibus peractis, Synodus præfatum Reuerendissimum dominum Metropolitanum ad suū Palatium reconduxit: deinde eadem die, hora ferè secunda à prandio, omnes Prælati conuocati, de nuò conuenerunt in curia Archiepiscopali, in loco superscripto, ad hoc deputato: quibus omnibus ibidem congregatis, Reuerendissimus dominus Metropolitanus perlecta ab ipso oratione, Mentès nostras &c. causas conuocationis huius Prouincialis Synodi per Reuerendissimum dominum Episcopum Gurcensem latinè repeti voluit, & articulos, siue propositiones hac in Synodo tractandas legi iussit: postea illis quasdā Constitutiones prius conceptas, ad prælegendum, de superq̃ consultandum, & quæ huic sacre Synodo sint necessaria, & fructuosa agenda, tractanda, ac etiam, si opus foret, in aliquibus corrigenda, emendanda, & cōcludenda, tradidit & assignauit. Qui quidem domini vocati, siue Synodus, debita cum reuerentia, huiusmodi Constitutiones ad manus receperunt, quas & eadem die summo cum studio perlegere, de superq̃ consultare inceperunt. Tertia verò die, quæ fuit Mercurij, decima sexta eiusdem mensis Martij, hora sexta, audita prius Missa in Capella Diui Ioannis Baptistæ, in curia Archiepiscopali sita (quod singulis diebus actum atque obseruatum est) in loco solito conuenerunt, & vsque ad horam prandij

prandij consultare super Constitutionibus, à Reuerendissimo Metropolitano eis exhibitis prosequuti sunt: quod & à prima hora post meridiem vsque ad horam cœnæ est custoditum, & deinde diebus sequentibus eadem forma, vsque in finem Synodi est obseruata: tandem easdem Constitutiones vnà cum eorundem consultationibus desuper habitis & factis, prænominato Reuerendissimo Domino Metropolitano cum humillima subiectione præsentarunt, sese suæ Reuerendissimæ Dominationis præceptis atq; mandatis submittentes: Reuerendissimus verò Metropolitanus supranominatas Constitutiones itaq; conclusas atque stabilitas, & in vnum librum redactas, penultima die eius Synodi, quæ fuit vigesima septima Martij, denuò in publica & generali congregatione illis exhibuit ratificandas: Quæ ab omnibus, nemine contradicente, fuerunt ratificatæ. Deinde ab omnibus fuit stabilitum, vt die sequenti, vltima huius Synodi Sessio celebraretur, & in eadem supradictæ Constitutiones, iuxta consuetudinem, publicè sub summo officio approbarentur, & à Reuerendissimo Metropolitano confirmarentur, quod & factum est. Nam vigesima octaua ipsius Martij, quæ fuit vltima huius sacrae Synodi, in prædicta Metropolitana Ecclesia ad sacratissimæ & indiuiduæ Trinitatis laudem & honorem, officium per Reuerendissimum

disſimum Patrem & dominum Episcopum Patauieñ. omnibus præſcriptis ad hanc Synodum vocatis intereſſentibus, & Deo omnipotenti gratias agentibus, fuit decantatum, Oratione per venerabilem ac egregium virum dominum Chriſtophorum Spandelium artium & Philoſophiæ Magiſtrum, Parochum ciuitatis Mûldorſſeñ. Salzburgeñ. ditionis habita. Qua finita ſacroq̃ue expedito, & Antiph. Exaudi nos domine &c. cum Collecta, Omnipotens ſempiternæ Deus &c. & Letanijs decantatis, alijsq̃ue neceſſarijs & conſuetis ſolemnitatibus adhibitis, prædicti domini Patres Synodales per promotorem ac ſubpromotorem, tresq̃ue Notarios, interrogati atque requeſiti, omnia & ſingula in hac ſacra Synodo acta, actitata, ſtatuta, cõſtituta, decreta, & concluſa, per verbum PLACET affirmârunt, ratificârunt, & approbârunt, ac rata & grata habuerunt, ac quilibet eorum affirmauit, ratificauit, & approbauit, Reuerendiſſimusq̃ Dominus Archiepiſcopus ea omnia ſimiliter approbauit, atque authoritate Metropolitana (vt moris eſt) confirmauit. Quibus omnibus, & id genus alijs requeſitis, peractis, ac finito etiam cantico, Te Deũ laudamus &c. & ſolemni data per Reuerendiſſimum D. Metropolitanum benediſſione, huic ſolemniffimo actui finis eſt impoſitus. Et in maiorem huius ſanctæ concluſionis fidem, & euidentem

testimonium, eadē die conuenerunt omnes in Aula Reuerendissimi Archiepiscopi in loco congregationum solito, in quo huiusmodi Constitutionibus Synodalibus, Decretis, actis, & statutis, in vno volumine conscriptis, proprijs manibus subscripserunt, & eorum appressis Sigillis illa corroborarunt, & sic sese omni cum humilitate sub protectione & tutela Sanctissimi ac Clementissimi domini, domini Pij Papæ, sacrae vniuersalis Ecclesiæ summi Pontificis, pariter atque Reuerendissimi Principis & domini Metropolitanus Salzeburgens. &c. recommendantes & subiicientes. Super quibus omnibus & singulis præmissis, prælibatus Reuerendissimus dominus Metropolitanus Salzeburgens. &c. suæ Reuerendissimæ Dominationis, & alijs sua interesse habentibus, vnum vel plura publicum vel publica fieri atq; cōfici instrumentum & instrumenta petijt. Acta sunt hæc Salzeburgæ in locis & diebus supra specificatis, presentibus ibidem honorabilibus ac egregio viris dominis, Magistro Ernesto Loher, Georgio Pfingstl Capellanis dicti Reuerendissimi domini Salzeburgens. &c. Erhardo Satlperger Vicario chori, Christophoro Lechner Sacellano arcis, Georgio Strockmair Beneficiato, & Andrea Seuer Sacellano supra montem monialium, presbyteris, testibus, ad omnia præmissa vocatis, rogatis, atq; specialiter requisitis.

Et



ET ego Paulus Götschler  
publicus Apostolica au-  
toritate Notarius & cæt. ac  
Reuerēdissimi Archiepisco-  
pi Salisburgen. Ecclesie & c.  
Capellanus, Quia præscri-  
ptis omnibus & singulis,  
dum sic vt præmittitur, fie-  
rent, & agerentur, ynà cum

subscriptis meis Connotarijs & testibus, tam in  
Ecclesia Metropolitana, quàm loco præspecifica-  
tis præsens interfui, eaq; omnia & singula sic fieri  
vidi & audiui: Idcirco hoc præsens publicum In-  
strumentum manu aliena fideliter scriptū, exindè  
cōfecimus, subscripsimus, publicauimus, & in  
hanc publicam formam redegimus, signisque, &  
nominibus nostris solitis, & consuetis, signauimus.  
In quorum omnium & singulorum fidem & te-  
stimonium præmissorum, ad hæc specialiter voca-  
ti, constituti, & requisiti.



ET ego Magister Ioā-  
 nes Stuedler, Publi-  
 cus sacris Apostolica &  
 Imperialiauctoritatibus  
 Notarius, ac Archidia-  
 conatus Ecclesiæ Garl-  
 señ. Salzeburgeñ. dice-  
 ces. Scriba iuratus, quia  
 præscriptis omnibus &  
 singulis dum sic vt præ-  
 mittitur, fierent & age-  
 rentur, vnà cum præ &

subscriptis meis Connotarijs & testibus tam in  
 Ecclesia Metropolitana, quàm loco præspecifica-  
 tis, præsens interfui, eaque omnia & singula sic fie-  
 ri vidi, & audiui: Idcirco hoc præsens instrumen-  
 tum publicum manu aliena scriptū, exindè confe-  
 cimus, subscripsimus, publicauimus, & in publicā  
 formam redegitus, signisque & manibus nostris  
 solitis & consuetis signauimus. In quorum omniū  
 & singulorum fidem & testimonium præmissor-  
 um specialiter vocati, constituti, & requisiti.

Et





ET ego Mattheus  
Schmeckhēpfrill  
publicus sacris A-  
postolica & Impe-  
riali auctoritatibus  
Notarius, in Archi-  
uio Romanæ Curie  
descriptus, ac causa-  
rum Consistorij Sa-

lisburgen. scriba iuratus, Quia omnibus & singu-  
lis præscriptis, dum sic vt præmittitur fierent &  
agerentur, vnà cum præscriptis meis Connotarijs  
& testibus tam in Ecclesia Metropolitana, quàm  
loco præspecificatis præfens interfui, eaque omnia  
& singula sic fieri vidi & audiui. Idcirco hoc præ-  
fens publicum instrumentum, manu aliena fide-  
liter scriptum, exindè confecimus, subscripsimus,  
publicauimus, & in hanc publicam formam rede-  
gimus, signisque & nominibus nostris solitis &  
consuetis signauimus. In quorum omnium & sin-  
gulorum fidem & testimonium præmissorum ad  
hoc specialiter vocati, constituti, & requisiti.

GREGORIUS P<sup>PA</sup>. XIII.

Venerabili fratri Ioanni Iacobo Archi-  
episcopo Salisburgensi.



**V**ENERABILIS frater Salutem & Apostolicam benedict. Quia comper-  
tum habemus Prouincialibus Synodis  
illud esse propositum, vt in moderandis  
moribus, corrigendis excessibus, componendisq; contro-  
uersijs versentur; ac propterea non sine maxima causa à sa-  
cro generali Tridentino Concilio decretū esse, vt singulis  
triennijs celebrarentur; ea de causa magnam in Domino  
latitiam accepimus, cognoscentes fraternitatem tuam in  
Prouinciali tua Synodo nuper cōuocanda, ac celebranda,  
dignam pastorali solitudine diligentiam, curamq; adhi-  
buisse, in qua quidem Synodo, quòd ea decreta fuerint, quæ  
tuendæ fidei Catholicæ, hæresibus tollendis, corrigendis  
moribus, accommodatissima esse dicuntur; hoc prudentiæ,  
constantiæ, pietatiq; tuæ potissimum acceptum referimus;  
eiusq; rei nomine, & omnipotenti Deo, bonorum omnium  
auctori gratias agimus, & fraternitatem tuam debitis in  
Domino laudibus. Vèhementer commendamus; cuius sa-  
cerdotalis zelus, & in grege sibi à Redemptore nostro  
commissio

commissio custodiendo vigilantia eò maioribus est laudibus prosequenda, quò propter multiplicum hæresum venena talibus remedijs istius Prouinciæ mala magis indigere cognoscuntur. Restat nunc, ut quæ tam salutariter, tamq̃ utiliter in ea ipsa Synodo communi Coëpiscoporum tuorum consensu statuta esse intelligimus, hæc vt ab omnibus his, qui tuæ diocesis subiecti sunt, fideliter obseruètur, omni studio, diligentiaq̃ efficere contendas: quam quidem ad rem fraternitatem tuam sic hortamur, vt eam meminisse velimus, frustra tot, tantosq̃ ab ea labores in conuocanda, celebrandaq̃ Synodo susceptos fore, si ea, quæ rectè statutis rebus maxime desideratur, executio defuerit. Proinde necesse est, vt non solum ipse pro tua pietate cures illa, quæ semel decreta sunt, seruari; sed etiam ceteros Coëpiscopos tuos, qui eis ipsis decretis sancientis interfuerunt, vt idem faciant, diligenter admoneas: quod eo quoq̃ studiosius, diligentiusq̃ fraternitatem tuam facere volumus, quia pro comperto habemus, eorum ipsorum decretorum executionem, & cetera, quæ restituendæ in ista Prouincia religionis Catholicæ causa præclara effici possunt, ex fraternitatis tuæ potissimum auctoritate pendere, quippe cui ad benedicti Ecclesia Dei sanctaq̃ hac Sede Apostolica merendum, neque voluntas, neque facultas desit. Hæc igitur, (Venerabilis in Christo frater) & quæ alia sunt officio pasto-

pastorali digna, quod tibi ab omnipotenti Deo commissum est, sedulo meditare, atque exequere, atque ad gregis tue fidei crediti curam constanter inuigila, eos, qui integram, incorruptamq; fidem Catholicam hucusq; seruauerunt, ad perseuerantiam hortare, errantibus ad Ecclesiæ gremium reuertendi viam ostende, deniq; nihil earum rerum præmitte, quæ animarum pretioso Redemptoris nostri sanguine redemptarum saluti necessaria, atque vtilia esse iudicaueris, ut eò copiosioris remunerationis mercedem expectare possis, quò uberiores aduenienti æterno iudicii laboris tui fructus obtuleris. Plura à fratre Feliciano tuo, quem libenter vidimus, multumq; amamus, accipies. Datum Romæ apud sanctum Marcum sub annulo Piscatoris, die XXVIII. Iunij. M. D. LXXII. Pontificatus Nostri Anno Primo.

*Ant. Buccapadulius.*

## GREGORIUS PP. XIII.

Venerabili fratri Ioanni Iacobo Archi-  
episcopo Salisburgenſi.



*E*nerabilis frater Salutem & Apostolicam  
benedict. Inter eas literas, quas permultas vn-  
diq; accepimus, tum à dilectis filijs, tum à Ve-  
nerabilibus fratribus nostris partim gratulantibus, partim  
suam erga nos, atq; hanc sedem beneuolentiam, & obser-  
uantia testificantibus, gratissima fuerūt nobis literæ Fra-  
ternitatis tuæ, in quibus & illa agnouimus, quæ tibi cum  
cæteris communia sunt: & quod nos summopere delectat,  
perspeximus summum quoddam tuum desiderium extermi-  
nationis hæreticæ impietatis, fideiq; Catholicæ propaga-  
tionis; quo quidem desiderio vt nobis cõiunctissimus es, sic  
nos tibi sumus voluntate, atq; amore cõiunctissimi: incre-  
dibile enim est, quantopere cupiamus Catholicam verita-  
tem, omni cum vitæ, & morum sanctitate agnosci, & co-  
li; hanc autem neq; possunt hæretici agnoscere, qui à Deo  
desciscunt, Deus enim veritas est; neq; impuri homines,  
& flagitiosi; qui enim dicit se nosse Deum, & mandata  
eius non custodit, mendax est, & veritas in eo non est.  
Laudamus igitur summopere tuum, ac fratrum tuorum la-  
borem, pro puro ac pio Dei cultu susceptum ex decreto sa-  
cri Concilij Tridentini in consficienda Synodo prouincia-

li, eamq; Synodū legimus, vehementerq; probamus, quam quidem tuā summa vigilantia, atque opera custoditam iri non dubitamus. Fratri Feliciano à Morbinio tuo, quo minus ad te redeat, moræ, aut impedimento non sumus, Synodum ei Apostolica auctoritate confirmatam vñd cum Agendario reddidimus; literasq; ad alios istius Prouinciæ Episcopos, ad Principes, ad Canonicos & Capitula, ad ipsum Maximilianum, nostrum in Christo filium carissimum dedimus, quibus monemus, vt eā Synodum diligentissimè obseruari faciant, cum quibus etiam hoc ipsum coram Felicianum vehementer nostro nomine agere, eiusq; verbis illos fidem adhibere volumus, quæ omnia fusius ab eodem Feliciano accipies. Quod verò ad te attinet, sic confirmamus, nihil esse imminutam eam beneuolentiam, qua te ante Pontificatum prosequeremur, quamq; ipse commemoras, atq; hoc etiam magis auctam, quòd ad eam voluntatem, quam tum habebamus, possumus hoc tempore etiam operam adiungere; itaq; pollicemur nos tibi, tuisq; rebus nullo loco defuturos, idq; tuæ pietati nos debere existimamus. Datum Romæ apud sanctum Marcum sub annulo Piscatoris die quinta Iulij. M. D. LXXII. Pontificatus Nostri Anno Primo.

Ant. Buccapadulius.



## DEI GRATIA ARCHIEPISCOPVS

ECCLESIAE SALISBURGENSIS, AC SANCTAE

Sedis Apostolicae Legatus, vniuersis Coepiscopis, Prae-

latis, Clero, populoq; Prouinciae suae, Salutem in

Domino sempiternam dicit.



**V**tmaturo consilio, ac praeparatione bene meditata aggredieremur negocium reformandae prouinciae nostrae, ferendo opem inclinanti religioni, succurrendo salutis, commodisque communibus, intercludendo omnes dissensionum vias, ab animis errorum dispellendo caliginem, vitia extrahendo radicitus, officij disciplinam, ac bene beateq; viuendi adiumenta & auxilia suppeditando, ad Dei cultum, ad veram pietatem, ad virtutes erudiendo, fidei catholicae dignitatem, & decus sustinendo, seruando leges, ac vetustissimarum caeremoniarum à maioribus nostris, quasi per manus summa cum pietate traditarum, iura praescribendo, nihil nisi populi nobis commissi vtilitatem, & fructum quaerentes, hanc Synodum Prouinciae nostrae non minus necessariam, quam salutarem frequenti Patrum conuentu annis praeteritis habuimus: in qua illud primum nobis constitutum fuit, vt Ecclesiasticus ordo, quoad eius fieri possit, vitio careat, caeteris exemplo sit; nec veniat quidem in eum ordinem quisquam vitij particeps; magnum est enim personam tueri sacerdotis, qui non animis solum debet, sed & oculis seruire hominum: tum populi mores ita emendentur, corriganturq; vt pristinus auitae fidei, religionis, charitatisq; splendor appareat: sacerdotum enim vita, victuq; mutato, mores ciuitatis mutari solent: nam quales in ciuitate sacerdotes sunt, tales plerunque reliqui

solent esse ciues. Quibus decretis constituendis, Spiritus sancti aura prouecti, tantum effecisse videmur, vt nemo sit, qui nihil non magnum speret, si ad optatum exitum, finemq; perducantur. Id per nos ne staret, quo minus fieret celeriter, Venerabilem SS. Theologiæ Doctorem, & nobis fidelem, ac dilectum Consiliarium, Felicianum Ninguardam, cum mandatis in Vrbem statim missum, iussimusq; vt nostro nomine causam approbandæ, confirmandæque Synodi cum summo Pontifice tractaret, ac perageret, sine cuius auctoritate, & iudicio nihil magnū vsquam in vulgus dari, nihil constitui in rebus religionis, nihil in apertum proferri debet. Quæ in re conficienda alio quo temporis spatio exacto, anno proximè lapso ad nos redijt, ac secum Constitutiones nostras Synodales examinatas, ratasq; habitas retulit. Eo reuerso in animo erat, quæ salutaria remedia reperissemus huic perturbato, & calamitoso sæculo, errorum, dissensionum, hæreticæ fraudis, & dolis pleno, à Sede Apostolica potestate iam nobis facta, ocyus ea publicare, & imperare Coëpiscopis nostris, vt diligenter vbiq; locorum obseruanda ac custodienda curarent; veruntamen multis vndisque obruti curis, in tantam varietatem, magnitudinemq; negotiorum incidimus, vt nisi mense Augusto proximè sequentis anni septuagesimi tertij, nos explicare non potuerimus: quo tandem superatis difficultatibus omnibus, quæ nobis impedimento fuerant, quo minus id efficeremus, quod maximè cupiebamus, diem vigesimum quartum conuentui habendo indiximus Prouinciæ: ad quem cùm Patres conuenissent, Spiritus sancti numine inuocato, decreta Synodalia promulgauimus, ea que ab omnibus custodiri, ac obseruari iussimus; & multa alia inter nos, cùm moniti à summo Pontifice, tùm nostra sponte consultauius, quæ aditum faciliorem nobis ad vniuersam rationem capeffendæ reformationis factura essent; deinde Coëpiscopis nostris sexis

manda.

mandauimus, vt in Diœcesi sua quisque, idem facere vel-  
lent, & professione fidei Catholicę ab omnibus facta, gra-  
tiusq; Deo actis, domum denique ad benè sancita vtiliter  
exequenda redire omnes permisimus. Cæterum, vt con-  
stitutiones istę tam in Metropolitana Ecclesia nostrę  
Prouincię, quàm etiã per omnes Episcopatus eidem  
subiectos, tempori administrari, & ad optatos effectus  
perduci possent, necessarium planè nobis visum est, ea-  
rum exemplum Coëpiscoporum, cæterorumq;, quorum  
interest, quemque penes se habere debere: quod vt com-  
modius fieri posset, prælo committi placuit. Quod cùm  
effectum sit, & nulla amplius necessitas rei, vel temporis  
institutum impediât, denuo hortamur, monemus, obte-  
stamur, præcipimus, Coëpiscopis quidem nostris, ac Præ-  
latis minoribus, Archidiaconis, & Decanis, etiã rurali-  
bus, vt hæc decreta Synodalia, & ea, quę huc pertinentia  
in postremo Conuentu Prouinciali collatis consilijs ma-  
ture congestimus, atq; decreuimus, publicare ac diligen-  
ter exequi velint: Parochis verò, ac reliquo Clero, vniuer-  
soq; populo, vt imperata diligenter faciant, atq; ita, quisq;  
in statu, ad quem à Deo vocatus est, ambulent, vt à præ-  
scriptis vñs non deflectant, aberrentq;. Ita enim fiet, vt  
cùm vnum membrum in vno corpore fuerimus, & vnum  
ouile sub vno Pastore, ad sempiterna immortalis beatęq;  
vltę pascua, duce Christo capite nostro, peruenturi simus.  
Datum ex ciuitate nostra Salisburgē. Calendis Ianua-  
rijs, Anno à Christo nato 1574.

366 Orationes in hac Synodo,  
ORATIO HABITA IN SY-  
NODI PROVINCIALIS SALISBVR-  
GENSIS INITIO, DIE XV. MENSIS MARTII,  
ANNI DOMINI M. D. LXIX.

*A. F. Feliciano Ninguarda Morbinienſ. Doctore  
Theologo, Reuerendiſſimi & Illuſtriſſimi Archi-  
epiſcopi, ac Principis Salisburgen. Conſiliario.*

A&or. 12.



Am cum beatissimo Apostolorum principe Simone Petro ad nos reuerſi, indubitanter proſectò, per allegoriam quandam, exclamare poſſumus; Nunc verè nos conſpicere, Dominum cœlitus ſuum miſiſſe Angelum, qui hanc noſtram tam amplam, & nobilem Salisburgenſem Prouinciam, duabus artiffimis præuaricationum cathenis vinctam, quatuor quaternionum tartareorum militum cuſtodix traditam, inter duos milites, ſecularia ſcilicet deſideria, & mundanas voluptates, profundiffimo peccatorum ſomno immerſam; at ruruſum ſupernæ gratiæ ſplendore illuſtratam, de manu Herodis Luciferi, omniq; plebis Iudæorum (hominum videlicet incredulorum, hæreticorum, & nouitati ſtudentium) eripuit expectatione. Plurimi nanq; eius fuerunt ſententiæ, & palam affirmare non erubuerunt, magnam, ne dicam maximam, iſtius Prouinciæ, vtriuſq; ſtatus hominum partem, ita præſentis ſeculi illecebris eſſe deditam, & tanquam ad ſyreneos quosdam ſcopulos defixam, quòd vix inde auelli, ac liberari queat; & Clericos in primis à Synodis, earumq; viuendi regulis, & in ſumma, ab omni Eccleſiaſtica diſciplina proruſ alienos eſſe. Iſthæc inquam, vulgi quidem, ac multorum etiam haud plebeiſorum, ſed tamen inuidorum hominum opinio,

opinio, fama, & vociferatio: quasi verò nullus vel penitentiæ, vel correctioni locus esset reliquus: quasi verò in Israël amplius non esset Deus. Adeò cæci fuerunt illi, quòd non considerarunt Dei Opt. Max. potentiam, clementiã, & misericordiam super omnia eius opera esse, & humanas vires infinitis modis superare; qui sperantes in se nunquam deferens, multorum piorum hominum precibus flexus (cum septem milia virorum sibi reliquisset, qui sua ante Baal haud curuauerint genua) diuina sua inspiratione, sui que vniuersalis Vicarij, S. D. N. D. Pij quinti Pont. Max. impigra admonitione, nostriq; reuerendissimi Domini Metropolitanij, D. Ioannis Iacobi, summi totius huius Prouinciæ pastoris vigilantissimi, continua sollicitudine, & omnium vestrũ obedientia, ac promptitudine, hoc tanti ponderis, ac momenti negotium, eum in locum, in quo nunc, maxima cum spe boni principij, melioris mediij, optimiq; finis, versatur, perduxit. Quod utinam, hosce videlicet fœlices progressus, maturius, atque crebrius hæc nostra sensisset Ecclesia; non tot sanè irruissent abusus, vitia, præuaricationes, rixæ, controuersia, disceptationes, offensiones, rebelliones, scandala, sacrilegia; sed neque etiã, quæ apparent hæreses, pullulassent. Magnæ etenim virtutis sunt & potentiæ (qualem Patres, iam nunc tractatis) Synodi, ita quòd non incongruè dixerit ille, Ecclesiæ salutem, hostium terrorem, & fidei Catholicæ stabilimentum, celebrationem esse Synodorum. Hoc idem Chalcedonensis magna illa Synodus affirmat, & Concilia propterea intermittere, ait, quòd multæ, quæ opus habent correctione, res negligentur Ecclesiasticæ. Quod cum ita se habeat, mirari quilibet facile poterit, cures tam salubris & necessaria, iam inde à longissimij temporis spatio, cum tanto Ecclesiæ damno, & Prælatorum non exiguo dedecore, suæq; conscientia graui scrupulo, huc vsque infecta delituerit. Verum quam in causam, in varias ne & grauissi-

3. Reg. 19. &  
Rom. 11.

Chalcedon.  
Syn. c. 18.

grauissimas occupationes, vel Prælatorum negligentiam, & peccata, aut totius, vtriusq; tam secularis quam spiritua-  
lis status populi recalcitrantis enormia vitia, huius rei cul-  
pa sit reiicienda, id Domino Deo, qui est Cardiognostes,  
diudicandum relinquo. Cui in primis, vnà vobiscum, re-  
uerendissimi Patres, habeo gratiam, quod is tandem no-  
stri est misertus, atque id, quod tanquam in obscuro vin-  
ctum detinebatur ergastulo, in lucidam educi permiserit  
libertatem; à vobis omnibus Præfulibus, cæterisque Audi-  
toribus assidue expectans, ne hoc tantum donum, suda-  
rio inuolutum, terræ latebris mandetis; sed nummularijs  
ad mensam exhibeatis, vt veniens, cum vsuris exigit il-  
lud, vobisque dicat, Eugè serui boni, & fideles, quia super  
pauca fuistis fideles, super multa vos constituam; intrate  
in gaudium Domini vestri. Quomodo autem, hoc à Deo  
optimo datum, ad nummulariorum mensam sit exhiben-  
dum, & quemadmodum ad hoc tanti momenti negotium  
vos componere debeat, si benignas mihi adhibebitis aures,  
recensere incipiam.

Reuerendissime, amplissimeq; Archipræful Metro-  
politane, clementissime Princeps, huius laudatissimi cō-  
uentus præses dignissime; Illustrissimi & Reuerendissi-  
mi Antistites, Patres, Principes, ac Domini benignissimi,  
reuerendi, generosi, nobiles, & quotquot præterea hic a-  
destis venerandi, spectabiles, clariss. doctiss. atq; ornatissi-  
mi viri. Sapientes Ethnici olim, & antiquiss. legum lato-  
res, vt pleniorum condendis legibus darent firmitatem,  
tametsi fide in vnicum Deum, creatorem vniuersitatis, &  
quem misit Iesum Christum destituti, sed solo rationis lu-  
mine ducti, cum magni momenti rem essent cœpturi, aut  
quas populo salutare fore sperassent leges lataturi, ad di-  
uina prius, quam ad humana sese conuertebant, cunctaq;  
à Deo exordientes, in ipsum omnia demum referebant  
(quorum pauca exempla, vestra pace, quæ ex profanis  
Ethnico-



Ethnicorum scriptis iam olim didici, in hoc exordio mihi recensere liceat ) Minos etenim à Ioue prius leges petijt, quàm Cretensibus promulgauerit; sic Numa ab Ægeria tradidit Romanis: sic Trismegistus à Mercurio tradidit Ægyptijs: sic Solon ex septem Græciæ sapientibus vnus, à Minerva acceptas, dedit Atheniensibus: sic Lycurgus ab Apolline condidit Lacedæmonijs: sic & huius generis alij pleriq, Dijs quos colebant, acceptas ferebant leges. Rectius autem & longè præstantius hoc ipsum præstiterunt, qui veri Dei veram agnitionem habuerunt, cuius rei exemplum nobis præbuit in veteri Testamento Moses ille sanctissimus, legem Hebræis exhibens, quam in monte à Deo acceptam (vt re verà erat ) se Israëlitis irrefragabili sententia obseruandam proferre prædicauit: sic denique in nouo Testamento Saluator noster Christus, licet ipse Deus esset, Patri tamen cœlesti, Euangelium, quod ab eo hauserat, ob reuerentiam, semper acceptum retulit. Hinc dicit, Sermonem quem audistis, nō est meus, sed eius, qui Ioan. 14. misit me, Patris. Si igitur vel ipsis ethnicis à luce veritatis planè alienis, tanta in negocijs tractandis fuit religio, vt à suis, quos Deos immortales putabant, agendi primordia caperent, quanto magis nobis conueniet Christianis, Patrem cœlestem, cum Filio, & Spiritu sancto inuocare, vt is actiones nostras aspirando præueniat, & adiuvando prosequatur, vt cuncta nostra actio (quemadmodum piè precatur Ecclesia ) & operatio, ab eo incipiat, ac bene cœpta per eundem optimè finiatur. Quamobrem vigilantissimi Præsules, hac in sancta Synodo reformationis constitutiones tractaturi (licet non nouas, sed antiquas plerasque inueteratis abusibus, scandalis, erroribusque corrigendis accommodandas ) vestris affectionibus, & passionibus depositis, sæcularibus desiderijs exclusis, carnalibus voluptatibus eiectis, & reliquis mundanis illecebris omnibus penitus abdicatis ad superos vos prius conuertite & quem nunc Spiritum paraclenum voce inuocastis, eundē

continue nō desinatis etiā corde sollicitare, supernorumq;  
 ciuium patrociniā implorare. Proximum fuerit, codices,  
 tam canonicos quā diuinos consulere, & ex ijs, huic ve-  
 stro populo vtilissimas leges prescribere, sic non vana, nō  
 noua proferetis dogmata; sic nō humanæ, non ex proprio  
 cerebro confictæ, sed à Deo Opt. Max. à quo omne descē-  
 dit bonum, delapsæ videbuntur traditiones; sic vestras,  
 quas laturi estis, Deo acceptas referetis constitutiones, sic  
 vestris Decretis authoritatem dabitis, sic tandem eas fir-  
 mabitis, ac perpetuæ posteritati cōmendabitis. A quibus  
 verò hæ reformationis cōstitutiones sint incipiendę, que-  
 so attendite. Liceat autē mihi, Patres, vobiscum exemplis  
 aliundē, & peregrē quasi adductis, loqui, quandoquidem  
 ea instituto nostro minime incongrua, neque extra rom-  
 bum fore sperem. Solon ille, Græciæ sapientissimus, po-  
 pulum vmbra, Principem stipiti consueuerat compara-  
 re, quandoquidem sicut vmbra stipitis rectitudinem se-  
 quitur, vel curuitatem, sic populus Principis mores. Pro-  
 pterea & Plato in ciuium moribus reformandis, vt Ma-  
 gistratus prius corrigeretur, multum elaborabat, sciens  
 benē constituto Magistratu, etiā populum, qui illius ve-  
 stigia sequeretur, reformatum iri; nec iniuria, cū etiā  
 sacra testetur scriptura, talem fore populum, qualis esset  
 magistratus. Reformato itaque Principe, vel magistratu,  
 præter difficultatem reformabitur & populus. Quomo-  
 do etenim is, & cui tandem imperabit, qui suis non potest  
 cupiditatibus imperare? refrænet primū cupidines (in-  
 quit Tullius) spernat voluptates, iracundiā teneat, coër-  
 ceat auaritiā, & cæteras animi labes repellat: tū alijs  
 incipiat imperare, cū & ipse improbissimis Dominis,  
 dedecori, ac turpitudini parere desierit. A principibus igitur,  
 & Magistratibus inchoandæ sunt reformationis con-  
 stitutiones. Sed à quibus principibus, Magistratibus uē  
 (obsecro) secularibusne, an spiritualibus? Ab his, inquā,  
 à quibus

à quibus animarum pendet iudicium, ligandi, soluendiq;  
auctoritas; à Prælatiis nimirum, cæterisque sacerdotibus,  
Dei ministris, quorum censuram mundani quoq; Prin-  
cipes, infimarum rerum, terrenarum scilicet (vt rectè dicit  
S. Bernardus) potestatem habentes, subire coguntur. Ma-  
gna etenim est hæc spiritualis potestatis auctoritas, qua  
non solum animæ iudicantur, sed etiam secularium Ma-  
gistratuum iudiciâ difficillima decernuntur. Si difficile, &  
ambiguum (inquit Dominus Deus) apud te iudicium es-  
se prospexeris, ascende ad locum, quem elegerit tibi Do-  
minus Deus tuus, veniesque ad sacerdotes Levitici gene-  
ris, & facies, quodcumque dixerint, sequerisq; sententiam  
eorum. Qui autem superbierit, nolens obedire sacerdotis  
imperio, ex decreto Iudicis, morietur homo ille. Si itaque  
in umbra illa, & figura, tanta à Deo sacerdotibus concessa  
fuerat autoritas, quantò excellentior ea est habenda,  
quam res figurata, corpus ipsum, inditam habet? Illa enim  
Testamenti noui duntaxat auctoritatem præ se ferebat.  
Quam agnoscens Constantinus ille maximus, incendio  
datis Episcoporum, aliorumq; sacerdotum, sibi oblati li-  
bellis, Deos eosdem nuncupauit. Vos, inquit, à Deo sacer-  
dotes estis constituti, & nobis dati, vt Dñi, qui ab homini-  
bus iudicari non debetis, sed homines à vobis. Sacerdotes  
nanque, quos nos vocamus Episcopos, non vt sibi æqua-  
les, sed maiores, & imagines diuinas venerabatur. Agno-  
scite itaq; (Præsules dignissimi, vosq; cæteri Pastores, ac  
sacerdotes summi Dei) vestræ sublimitatis dignitatem,  
dignitatisq; sanctitatem, atque sanctitatis, & officij vestri  
celsum. Ciuitatis enim Hierusalem à Deo facti estis  
speculatores. Vos sanctissimi Antistites soli, veris Apo-  
stolis suffecti eos refertis, vos ex officio, primarij Prælati,  
ex annulo, Ecclesiæ sponsi, vos soli sanctioris vitæ ap-  
petem, non in progressu, sed firmissimo statu profiteri tene-  
mini, vos sub Christi vicario summo, Pontifice Romano,

De consil. ad  
Eugen. lib. 10.

Deut. 17.

Lib. 10. Eccle-  
siæ hist. & cau. 19.  
q. 1. c. futuram,

Conciliiorum estis moderatores, & hæresum, abusuum, deformitatumque omnium iudices; Vos, & reliqui sacerdotes omnes, animarum estis custodes: Vos huius Ecclesiæ faciem fuligine obductam, potestis repurgare, & niue candidiorem reddere, nutantem firmare, & collapsam erigere. In vobis huius nostræ Prouinciæ salus tota recumbit, omnium ora in vos obuersa conspiciunt, vosque vt numina venerantur. Considerate igitur dignitatem vestram, illamque (vt decet) sanctitatem, doctrinam, magnanimitatem, sollicitudinem, & pietatem consolidate, vt nil inconsumtum, nil quod à Christi legibus, vel sacris canonibus sit dissonum, in medium afferatis, nihil quicquam prætermittendo, quod contra hæc ipsa exortum esse cognoueritis, adeo vt vestro exemplo terreni Principes, & cuncti populi fideles, ad suam quoque reformationem cō citius, & facilius inducantur, fiantque cordatiores.

Sanctitate inquam, vestram consolidare debetis sublimitatem, vt non solum eius verbis pareatis, qui dixit, Sancti estote, quoniam & ego sanctus sum; verum etiam omnē imperidatis operā, vt à Deo commissos greges faciat sanctos; idque iuxta Apostoli verba, apud fideles efficiatis exēplo; quo verò: in verbo, in conuersatione, in charitate nō ficta, vt profectus vester, omnibus sit manifestus. Hæc namque facientes, vosmetipsos vnā cum illis, qui vestram audiunt doctrinam, incolumes conseruabitis. Quid enim magis in timore Dei subditos tenere potest, quam inculcata Pastoris vitæ? Quis tam duræ ceruicis populus, tam ferrei, vel saxeï cordis, seu adamantini pectoris subditus, qui, licet nequissimus ipse fuerit, sanctam, laudabilem, exemplarem, & irreprehensibilem, sui Rectoris, Parochi, vel quomodocumque Prælati perspiciens vitā, eum ipsum, valedictis vitijs, non sit secuturus? Quæ ouis quantumuis errabunda, suum videns pastorem, per rectam semitam incedentem, ad eum illico non accurret? Consolidate in-

quam

Leuit. 19.

1. Tim. 4.

quam hanc vestram dignitatem sanctitate, consolidate  
eam doctrina, & magnanimitate. Non sat enim fuerit, pa-  
tres animarum esse pios, sed etiam doctos esse oportet, at-  
que animo robustos, vt subditorum animas, non tantum  
exemplo, sed etiam doctrina exhortari, & aduersantes ar-  
guere possint; hic opus, hic labor est: & (vt D. ait August.)  
magnum onus, grauis sarcina, procliuum arduum; nec se  
remorari patiantur, sequens illud Poëtæ dictum; Pauci  
quos æquus amauit Iuppiter, aut ardens euexit ad æthera  
virtus. Cumprimis etenim à quouis animarum curam ha-  
bente, est curandum, ne sit tanquam canis mutus, qui la-  
trare non valet, sed quemadmodum tradit Apostolus, in  
omni doctrina, & patientia, Dei verbum prædicet, oppor-  
tunè & importunè instet, arguat, obsecret, & increpet.  
Quod si Domini sacerdotes, monente D. Augustino, di-  
ligenter attenderimus, eos in grandi periculo versari co-  
gnoscemus, non solum quidem Episcopos, sed etiam cæ-  
teros presbyteros, & omnes Ecclesiarum ministros: Quan-  
doquidem eos Spiritus sanctus contestetur, dicens, Cla-  
ma, ne cesses, quasi tuba exalta vocem tuam, & annuntia  
populo meo scelera sua, & domui Iacob peccata sua. Et  
iterum: Si non annuntiaueris iniquo iniquitatem suam,  
sanguinem eius de manu tua requiram. Quod vtinam  
istis miserrimis temporibus, ab omnibus Dei ministris,  
non per transennam consideraretur: sed vereor ne multi  
vano respectu, aut (quod dolendum est) timore quodam  
mundano retracti, hoc penitus negligant. Vix alia causa  
est, quæ ad arguendos aduersarios, Dei dispensatorem fa-  
ciat pigriorem, quam timor verbi asperi. Dum enim su-  
perborum hominum detractiones, irrisiones, opprobria,  
& insultationes, bonorumq; temporalium diminutiones  
metuuntur, tunc minus etiam, quàm oportebat, æterna  
promouentur. Hinc fit, quòd dum census, ac reddituum  
pericula timentur, peccatorum vulnera excrescant, medi-

Tit. 1. De verb.  
Domini, ser. 11

1. Tim. 4.

Homil. 7.

Esa. 58.

Ex D. August.  
homil. 7.

# 374 Orationes in hac Synodo,

camenta verò deficiant, & breuiter vt dicam, tam diuinæ, quàm humanæ leges intereant. Sed (dicam Patres quod sentio) ego certè magis hoc nobis timendum fore existimo, ne dum temporalibus inhiantes, post habemus æterna, nobis aliquo modo id eueniat, quod cani *Æsopico*, id est, vt truncq; amittamus. Deus enim quandoq; permittit, vt illis, qui ob metum alicuius damni temporalis, negligunt spiritalia, id accidat, quod timebant; iuxta illud; Timor quem timebam, euenit mihi; & quod verebar, accidit. Et alibi; Veh: qui fugerit à facie formidinis, cadet in foueam; & qui se explicauerit de fouea, tenebitur laqueo: quia formido, & fouea, & laqueus, super te sunt. Quasi dicat, incidet in Scyllam, cupiens vitare Charybdim. Nō sic igitur, non sic Patres amplissimi: quia mille vestrū à facie terroris vnus; & à facie terroris quinq;, fugietis; donec relinquamini quasi malus naui in vertice montis, & quasi signum super collem. Propterea piētissimus expectat Dominus, vt misereatur vestri, si fortè omnem vanum repulsuri timorem, & pro suæ legis, atq; gregis defensione, viriliter pugnaturi sitis. In silentio enim, & spe, ac oratione, pugna vestra esse debet, & fortitudo. Quod si præstiteritis, quis aduersum vos præualebit? Recordemini cantici Moysis, quod vnus persequabatur mille, & duo fugarunt decem millia. Recordemini temporis Machabæorū, quod cū populus Dei à Ptolomæi gentibus infinitis obrueretur, sancta Hierusalem, expulsis ciuibus, deserta faceret, arx verò à canibus inhabitaretur, sanctū conculcatur, & omnis à Iacob esset ablata voluptas, cumq; tibia defecisset, & cithara; conuentus in Domino est congregatus & venerunt in Masphat, locum orationis, ieiunantes, & cilicijs induti, cineribusq; conspersi, scissis vestimentis, ac legis expansis libris, voce magna in cælum clamarunt dicentes: Quid faciemus istis, & quo eos duceamus? sancta tua conculcata sunt, & contaminata, & sacer-

dotea

*Iob. 3.  
Esa. 24.*

*Esa. 30.*

*Esa. 30.*

*Deut. 32.  
1. Mach. 3.*



dores tui facti sunt in lucum, & humilitatem, & ecce nationes conuenerunt aduersum nos, vt nos disperdant, tu scis quæ in nos cogitant. Quomodo poterimus subsistere ante faciem eorum, nisi tu Deus adiuues nos? Et tubis clamauerunt voce magna, & gloriosi apparuerunt in conspectu Dei, cum victoria mirabili. Recordemini sanctiss. Antistitis Ambrosij, qui etiam magnum illum Theodosium Imperatorem, non veritus est corripere. Ad memoriam reducite August. Ioan. Chrysost. Hilarium, & id genus alios quàm plurimos Antistites sanctos, qui sua sollicitudine, crucis inimicis, murum pro ouibus suis se opponere non dubitauerunt. Et si in bonis, aut corpore (quod omen Deus auertat) quidpiam aduersi essetis laturi, ne tum quidem præcordia vestra, vllò perstringi terrore patiamini. Estisne veri pastores, aut mercenarij? Si pastores, nõne hoc vobis ex officio competit? dicente summo pastore Christo: Bonus pastor animam suam ponit pro ouibus suis: cuius rei seipsum Christus omnibus præbuit exemplum; Sic eum imitantes fecerunt Apostoli, sic reliqui sancti Antistites gregis Dominici. Non enim est discipulus supra Magistrum, nec seruus maior Domino suo: si me persequuti sunt (inquit Christus) & vos persequentur. Nolite igitur in custodiendo grege Dominico, vobis commisso, eos timere, qui vel bonis temporalibus, aut vitæ propriæ minantur, sed eum timete, qui vos in gehennam potest præcipitare.

Lib. vi sup. a. 4.

Ioan. 10.

Luc. 6.

Ioan. 15.

Matth 10.

Porro consolidare vestri officij debetis dignitatem omni sollicitudine, ac pietate: Non oportet enim (vt bene ait Homerus) Principem virum tota nocte dormire: sed boni, vigilantisque Pastoris est, greges, continuò circuire, indoctos omni cum charitate docere, ac instruere, instructos in fide retinere, meticulosos animare, ægros inuisere, anxios consolari, captiuos Domini redimere, errantes reducere, oppressos defendere, & perditos requirere, iuxta id quod

Luc. 15.

Ezech. 34.

Ex D. August.  
homil. 7.

id quod Saluator noster, bonus pastor, optimo exemplo, vos Patres docuit, relictis nonaginta nouem ouibus in deserto, perditam tantisper, donec reperta fuerit, quaritare oportere, ne de illorum numero reperiaini, de quibus ait Dominus. Væ pastoribus Israël, qui pascebant semetipsos: nonne greges à Pastoribus pascuntur? lac comedebatis, & lanis operiebamini, & quod crassum erat occidebatis, gregem autem meum non pascebatis. Quod infirmum fuit, non consolidastis, & quod ægrotum, non sanastis, quod confractum est, non alligastis, & quod abiectum, non reduxistis, & quod perierat, non quæsiuistis; sed cum austeritate eis imperabatis, & potentia. Et dispersæ sunt oues meæ, eò quòd non esset Pastor: & factæ sunt in deuorationem omnium bestiarum agrî, & dispersæ sunt. Prospicite igitur optimis constitutionibus vobis, & cuncto gregi, à Spiritu sancto vobis commisso, quorum sanguinem de manibus vestris requireret, de quibus illorum animabus, rationem à vobis deposcet Dominus; quod magnum profectò est, & ab ipsis Pastoribus omni momento considerandum. Si etenim (optimi Antistites) in illo metuendo iudicij die, vix poterit vnusquisque pro seipso rationem reddere, quid de sacerdotibus, gregis Domini custodibus, futurum erit, à quibus non solum propriæ, verum etiam omnium suorum subditorum requirantur animæ? Et ideo considerate Patres, considerate Pastores, considerate sacerdotes, periculum vestrum, ne desitis & vobis ipsis, & cuncto gregi vestro: Die, noctuque diligenter, ac iugiter attendite, vt his spiritualia pascua sic administretis, vt pro eis rationem bonam mereamini reddere. Quod facilius poterit fieri, si quibusdam legibus in hac sancta Synodo huius rei gratia conuocata, vitam, moresque humanos corripientibus, vobis, vestrisque subditis; non tantum infimis, sed etiam mediocribus, ac in summo gradu populi constitutis, verbo, & exemplo renouatam recte vi-

etè viuendi normam præscripseritis. Istam siquidem temporum nostrorum calamitas, bella, seditiones, rebelliones, hæreses, quibus Germania scatet, postulant: his nisi in tempore obijciantur repagula, latius breuigrassaturam illam omnium aduersitatum pestem, ac subindè propius ad nos accessuram, vehementer timendum est. Quid igitur moramur? quem expectamus? cur non collatis viribus tanto incendio, pariescùm proximus ardeat, occurratur? Tempus est Patres, tempus est Pastores, tempus est sacerdotes, vt à somno expergiscamini: redite ad cor, reuocate sensum, quid vobis imminet, perpendite, in omnes vestrarum dioecesium angulos circumspicite, pestem agnoscite, diram eius virulentiam probè examine, ac diligenter considerate, hiscèq; vestris constitutionibus, ceu præsentaneis remedijs succurrite. Si enim horum malorum causa est, quòd lux versa sit in tenebras, vos operam date (si fieri potest) vt tenebræ reuertantur in lucem; vel noua lux exoritur. Sin verò illi causæ id accessit quòd sal est infatuatum, nunc per vos resipiscat, vel nouum salex terra eruatur. Si deniq; hæc omnium potissima causa est, quòd Pastores suo deluerint officio, vel partim sint facti mercenarij, partim lupi; nunc ad se redeant, & boni pastoris virtutem induant, animamq; suam, (si res postulauerit) suis pro ouibus ponere discant. Quod si futurum non est, verendum (heu) fuerit, ne eueniat quod Christus his comminatus est verbis: Malos malè perdet, & vineam suam alijs locabit agricolis, qui reddant fructum in tempore; aut, ne sal infatuatum, eiiciatur foras, & conculcetur ab hominibus. De prauis autem, & in sua malitia induratis pastoribus, seu mercenarijs, & qui sua rapacitate, & auaritia in lupos iam euasere, vix aliud sperandū est, quàm quòd Dominus illis minatur per Prophetam: idq; in cum penè modum, vt supra dictum est; Audite Pastores mali verbum Domini: Viuo ego, dicit Dominus Deus, pro eo,

Esaï. 46.

Matth. 21.

Matth. 50.

Ezech. 34.

quòd facti sunt greges mei in rapinam, & oues meæ in deuorationem omnium bestiarum agrî, eò quòd non esset Pastor (neque enim quæsiuerunt Pastores mei gregem meum, sed pascebant semetipsos, greges autem meos non pascebant) ecce ego ipse super Pastores requiram gregem meum de manu eorum, & cessare eos faciam, vt nec gregem, neq; semetipsos, amplius pascant; & liberabo gregem meum de ore eorum, & non erit vltra eis in escam. Et (vt alius Propheta dicit) dabo vobis Pastores iuxta cor meum, & pascent vos scientia, & doctrina. Hæc, Reuerendissimi Patres, sunt verba Dei de cœlo tonantis. Orandum igitur est à nobis omnibus pro Petro, quem (vt à principio diximus) ab Herode comprehensum, in carcere includi videmus, vt Angelus Dei cum lumine veniat, & in habitaculo carceris refulgeat, latusque dormientis percutiat, atq; eum à somno, vt velociter reuigat, excitet, & catenæ de manibus eius excidant, vt Angeli iussu, se ad Euangelij pacis præparationem præcingat, & calceet; seque ornamentis virtutum, quæ bonum decent pastorem, induat, vt sic instructus, sequatur Angelum Dei, Iesum scilicet seruatorem nostrum, ad portam vsq; ferream, hæreticorum, ac falsorum fratrum custodia obfirmatam, quæ vltro aperietur eis. Ad hoc itaque exemplum, vos inclyti Patres, & Pastores ouium, & quotquot discipulos Domini vos esse profitemini, excitari oportet. Sic ad hoc vos componite negocium, vt gregi vestro in tantis periculorum turbinibus, optimè consulatis. Si quid adhuc Spiritus charitatis in vobis, si quæ viscera misericordiæ erga vosmetipsos supersunt; ne in tantis angustiarum fluctibus, atq; procellis, quibus agitur navis Ecclesiæ, cuius bona pars vos estis, populus preciosisimo Christi sanguine redemptus, vobis commēdatus pereat, & vos cum ipsis, salutaribus succurrite constitutionibus, tactique dolore cordis intimo, cum oratione, lacrymis, & clamore

valido,

Hier. 3.

Actor. 12.

valido, in humilitate, & patientia non ficta, & poenitentia  
 dignis fructibus, qui sunt sincera morum reformatio, &  
 noua vita, in luctu, & planctu, in cinere, & cilicio, Domi- Marc. 4. 26  
 num accedite, ipsumq; dormientem his verbis interpella- Luc. 1. &  
 te: Magister adiuua nos, perimus; Exurge Domine, & sal- Math. 8.  
 ua nos. Quamobrem vos iterum atque iterum Apostoli Act. 10.  
 verbis comonco, & exhortor, ut attendatis vobis, & vni-  
 uerso gregi, in quo vos Spiritus sanctus posuit Episco-  
 pos, & Pastores ad regendam Ecclesiam Dei, quam ac-  
 quisiuit sanguine suo. Quod si feceritis, haud dubium est,  
 quin breui temporis spatio, non vnam, sed innumeras er-  
 rantes, atq; perditas oues ad caulas Ecclesiae Catholicae,  
 auitumq; Dei Opt. Max. cultum reducturi, verum etiam  
 totum gregem vestrum, atq; vosmetipsos in posterum in-  
 columes, & ab inferorum etiam portis tutos quoque sitis  
 conseruaturi. Hac tandem ratione Magister excitatus eui-  
 gilabit, & cum imperio ac potestate exurget Dominus,  
 ventos doctrinae falsae, & furias insanorum haeticorum  
 increpabit, dissipabit, & silebunt: mari imperabit, & astus  
 rebellionum, seditionum, atque factionum quiescet, &  
 optata concordiae, tranquillitatisque serenitas redibit, ut  
 cessante omni tempestate, cum gaudio, & gratiarum actio-  
 ne, secunda aura, ad iam diu desideratum feramur portum.  
 Ex quo non solum humanum genus, sed & coelestis indi-  
 cibili afficientur laetitia, rursusq; cantabunt Angeli, Glo-  
 ria in excelsis Deo, & pax hominibus in terra bonae vo-  
 luntatis. Nunc aliud non restare video, Patres ampliss.  
 quam ut negotium ipsum, quapropter in spiritu Dei con-  
 uenistis, aggrediamini, quod, ut vobis ex sententia cedat,  
 & toti Reipublicae Christianae vsui, atq; emolumento sit  
 futurum, faxit is, qui est trinus, & vnus.

380 Orationes in hac Synodo,  
ORATIO HABITA IN FINE  
SYNODI PROVINCIALIS SALIS-  
BURGENSIS, ANNO M. D. LXIX.  
DIE XXVIII MARTII

*A Magistro Christophoro Spandelio Rosenber-  
genſi, Paſtore Myldorffſenſi.*



Vandoquidem Ampliſſime Princeps, idem-  
que Archipræſul Reuerendiſſime, voſq; cæ-  
teri Eccleſiarum Principes & Antifites Cle-  
mentiſſimi, Prælati, Archidiaconi, & Presby-  
teri perpetua obſervantia colendi,  
Doctores non tam virtutibus, quàm ſapientia atq; doctri-  
na clariſſimi: præter meam expectationem mihi deman-  
data eſt ad vos provincia dicendi, quam equidem vberio-  
ri malim optariſſimè doctrina, maioriq; rerum cognitione  
fuiſſe commiſſam, quàm mihi homini certè obſcuro, &  
nullaneque eruditione, neque dicendi ornato facultate:  
quam in primis à dicturo aliquid vtile, humanæq; ſocie-  
tati neceſſarium atque commodum, non tam Demothe-  
nes Græcorum orator diſertiſſimus, quàm Romanæ elo-  
loquentiæ parens Cicero deſiderare videtur: dum vterq;  
docet, nihil ab Oratore in medium eſſe proferendū, quod  
ingenio, labore atq; induſtria, non ſit elaboratum. Verū  
cum mihi planè de vobis Auditores perſuaſerim: voſ ſim-  
plici & tumultuariæ orationi meæ, æquas præbituros au-  
res, facile in hunc conſcendi locum, veſtramq; ampliſſimā  
coronam prodij: qua quid potiſſimum dicerem, cum diu  
multumq; mecum cogitaſſem, exiſtimaui tandem, me nul-  
lum in hunc locum aptius commodiusq; argumentum af-  
ferre poſſe, præter id, quod partim in huius ampliſſimæ  
Synodi



Synodî Prouincialis, à vobis laudabiliter & piè omnino celebratæ, encomio atque laude versabitur: partim in exhortatione quadam mea, qua etsi minimè indigere videamini: tamen præcipuè eò spectandum vobis erit, vt ea, quæ singulari vestra sapientia, consilio prudenti, & diuino quodam ductu atque seruiore, Ecclesiæ Catholicæ, matris nostræ charissimæ, salutis & emolumenti ergò, in hac vestra celeberrima congregatione decreuistis, executioni quoque mandetis: inque vsum primo quoque tempore transferatis. Cæterùm, vt oratio mea, ad id de quo nunc breuiter dicere decreui, reuertatur, non possum Patres amplissimi, etiamsi mihi esset Ciceronis, vel Isocratis (cuius domus *πανοπλία καὶ τὰ σοφῶς λέγειν ἐργαστήριον* fuisse commemoratur) facundia, satis mea oratione celebrare pijsimos vestros conatus, studia, saluberrimosq; labores, quos hac sancta Synodo suscepistis, susceptos, tandem diuino auxilio ad finem salutarem perduxistis: non vt more *κινδύσεως* transituram aliquam vestris compararetis nominibus gloriam, sicut multos multa sæpè vana adductos gloria tentasse legimus, sed potius vt labascentis (proh dolor) & ruinam propemodum minantis Ecclesiæ rationibus & cōmodis, hoc vestro saluberimo conuentu opem feratis, orthodoxam, sacrosanctam, atq; Catholicam nostram religionem, (extra quam, cœlestem & perpetuam beatitudinem consequi nemo poterit) conseruaretis, gloriam & laudem Dei nostri proucheretis, schismata, & hæreses extirparetis, veram pietatem plantaretis, vitia, abusus de medio tolleretis, proborum morum, multumq; violatam disciplinam Cleri restauraretis, deniq; vt pulcherrimā Ecclesiasticæ politæ harmoniam refarciretis, eamque pristino nitori restitueretis. Qua re, aut quo negocio Patres obseruandissimi, quid omnipotenti Deo acceptius? quid filio ipsius dilectissimo gratius? quid salubrius sponsæ filij Ecclesiæ, quam ad eò dilexit, vt eam non

auro corruptibili vel argento, sed preciosissimo sanguine suo redimere dignatus sit; facere potuissetis: Quid vestris nominibus, atq; muneribus honestius, magnificentiuseq; Quid deniq; Reipublice Christiane vtilius, vel magis necessarium à vobis hoc vestro conuentu tractari, definiriq; potuisset? Suscepistis mehercle negotium sanctissimū, & vestris officijs atq; nominibus dignissimum conuenientissimumq;ue. Nam ideo vos Patres, vos inquam, appellamini à Spiritu sancto per Iheremiam prophetam *οὐκ ἔστι* Et ab Apostolo Paulo, *οἱ ἐπίσκοποι*. Cur hic, *ἵνα ἐπίσκοποι ᾦτε, καὶ προσέχητε ἑαυτοῖς, καὶ πάντι τοῖς ποιμνίω, ἐν ᾧ ὑμεῖς, τὸ πνεῦμα τοῦ ἀγίου ἰδοὺ ἐπισκόπους, ποιμαίνει τὴν ἐκκλησίαν τὸ θεοῦ, ἥν περιποιήσατο διὰ τοῦ ἰδίου αἱματος*. Hoc grauissimum Apostoli dictum diligenter vobis Patres considerandum est, in quo docet Apostolus, quæ vestri muneris sit ratio: quidue potissimum vos facere deceat, videlicet vt Ecclesiam salubri verbi Dei pabulo pascatis, & diligenti cura inspiciatis, attendatis, excubiasq; habeatis, ne lupi in gregem fidei atque curæ vestræ commissum, grassentur: aut vulpeculæ illæ callidæ, de quibus apud Ezechielem scriptum est, vineam domini demoliantur. Etsi verò Patres eiusmodi *περσοχοί* (cuius hoc loco Apostolus meminit) semper Ecclesijs salutaris, & necessaria à Patribus iudicata fuit: tamen in primis maximeq; necessaria, & vtilis iudicanda est his præsertim grauissimis atque difficillimis temporibus, quibus non solum hæreticorum prauitas, schismaticorum contrariæ opiniones, apostatarum obstinata malitia, qua se ab Ecclesia Catholica separauere: verum etiam plurimorum sacerdotum, parum considerantium, quid sacra Concilia, quid veterum saluberrima decreta, quid Synodales constitutiones piè & vtiliter statuerint, scandalosa atq; perniciofa viuendi ratio non exigua incommoda atque calamitates, in agrum & vineam Domini Sebaoth importauit, eamq; ità deuastauit, vt non imèritò in nostri ordinis homines dicere possem, grauissimam

Ihere. 6.

Actor. 20.

Ezech. 13.  
Cant. 2.

uissimam illam querelam, qua Deus olim per Iheremiam de malis conquestus est pastoribus dicens. Iheremia 12.  
 שְׁחָתוּ בְּרָקִי: בְּיוֹסֶסוּ אֶת חֶלְקִי: בְּהַגְרֹת אֶת חֶלְקֵי הַמִּדְבָּר לִמְדָּבָר שְׂמִימָה.  
 Pastores multi perdidērunt vineam meam, conculcauerunt prædium meum, posuerunt prædium meum desiderabile, in desertum squalidum. Possē sanè multa alia hoc loco commemorare mala, quæ partim incuria Ecclesiæ procerum, non satis perpendentium id quod spiritus sanctus per Apostolum dicat: Attendite vobis ipsis & vniuerso gregi &c. partim causa delictorum nostrorum, in vineam domini sunt introducta. Verum cum non ambigam hæc incommoda vobis antea probè esse perspecta: Duo tamen (vt alacres quodammodo atq; strenuos in officio vestro vos reddam, & ad considerationem aliquam præsentis Ecclesiæ status, nō parum hoc tempore labefactati, extimulem) commemorabo: vt cognita eorum malorum grauitate, & magnitudine remedium opportunum atque conueniens adhibeatis, simul atq; diligenter consideretis, quid nam vestri muneris ratio à vobis requirat. Primum est ipsa hæretica prauitas, quo certè nihil atrocius, nihil pestilentius nominari aut excogitari potest: Idque eas ob causas primū, quòd hæretica lues plurimos in perniciosissimos errores deducit, eosque segregat ab Ecclesia Catholica, quam idè Apostolus firmamentum & columnā veritatis appellat, quòd sola vera sit, ceteræ falsæ, & quòd sola verum scripturæ sacræ sensum & intellectum teneat: quòd fallere nesciat, errare ignoret, & septem vera sacramenta habeat, deniq; veram salutis viam demonstrat: & quod sit supra Christum & fundamentum Apostolorum, tanquam firmissimam petram extructa & fundata, aduersus quam portæ inferorum hætenus non præualuerunt neq; præualebunt (licet interdum iactari habeat necesse inter grauissimas maris procellas & durissimos scopulos, hoc est, inter Tyrannos, schismaticos atq; hæreticos periclitari:

clitari: tamen eam filius Dei fidelis atq̃ potens Nauiculæ suæ Gubernator, potenter eam (sicut hactenus fecit) aduersus omnia incommoda defendet, nec submergi permittet: verissimum enim est, quod Nazianzenus inquit: *ἄρκος βαπτίζει, κατὰ δὴναι δὲ ὁ θεὸς ἐστίν*. Tingitur quidē Nauicula, verū submergi minimē fas est. Deinde hanc quoque habet naturam pestifera hæresis, quod non modò ab Ecclesia, eos quos miserè captiuos tenet, segreget, verū etiam à tramite & veræ salutis viâ in perpetuam damnationem (quod dictu horrendum) secum rapit. Denique quiduis tragœdiarum, tumultuum atque malorum hydra illa exuscitat. Id quod satis testantur deploranda exempla nostræ Germaniæ, quæ olim propter religionis Catholice studium, exteris quoq̃ nationibus admirationi fuisse dicitur. Nunc verò quantum sit impiorum hæreticorum, impijs & planè inter se pugnantibus dogmatibus, & opinionibus schismaticorum sectariorumq̃ conspurcata atque deformata colluie, credo neminem vestrū esse auditores, qui illud ignoret. Sublata est in locis nostræ miseræ atq̃ calamitosæ Germaniæ plurimis, pietas, vera fides, religio orthodoxa, sublata honestas, sublata optimæ & saluberrimæ leges, sanctorum Patrum sanctissimæ constitutiones, euersa monasteria, plurima profanorum facta habitacula, cum olim fuerint domicilia religionis piorumq̃ hominum, qui vigilijs, indefessis laboribus atque studijs suis, religionem Catholicam plantauerunt, eamq̃ longè lateq̃ propagauerūt, Deumq̃ assidue, ieiunijs, orationibus atq̃ elemosynis coluerunt, ex templis eiecta altaria, exterminate sanctorum hominum & amicorum Dei imagines, sublatum sacrosanctum Missæ sacrificium, quo gratissima hostia, pro salute & incolumitate tam viuorū, quàm mortuorum Omnipotenti Deo offerebatur, Temppla, quibus olim maiores nostri, pijsissimi religionisq̃ Catholice studiosissimi homines, Deo atq̃ sanctis eius gratissimos

tiſſimos cultus præſtitere, nunc falſa religione, erronea hæreticæq; doctrina conſpurcata cernimus: Quæ quidem modò commemorata, certè nullo alio authore niſi ſchiſmate & impia hæreticorum prauitate defluxiſſe quis audebit negare? Quare cùm hæreſis tantum ſit malum, neceſſe erit Ampliſſimi Patres, & Eccleſiarum Rectores, vt conſideratis ſedulò veſtris officijs, illam à patria & prouincijs veſtris lōgè propulſetis. Id quod opinione mea facillimè fieri poterit, ſi frequentiores habueritis viſitationes, ſi hæreſeos ſuſpectos eieceritis, ſi Eccleſijs atq; parochijs veſtris pios, honeſtos, fidei atque doctrinæ probatæ paſtores, præfeceritis, diligenter in gregem Dominicum oculos veſtros & mentem conuerteritis, denique ea, quæ hac Synodo decreuiſtis ſtrenuè executi fueritis. Dixi nūc paucis de primo malo Eccleſiæ: Audiemus porrò de altero, quo his duriffimis temporibus Eccleſia laborat. Illud verò quid aliud eſt niſi Cleri mala viuēdi ratio, quam ſi pauliſper conſiderare volumus, reperiemus certè non paucos Eccleſiarum miniſtros, quibus cura & officium eorum paſtorale, honeſta vita, ſancti mores, vera religio, atq; pietas verè cordi ſit, cùm præ cæteris ſacerdotes officij ſui ſtudioſiſſimi, & pietate atq; honeſtis moribus præditi eſſe deberent ſuisq; auditoribus honeſto præcedere exemplo, ſicut Apoſtolus ſuum diſcipulum Timotheum diligenter docet. Et ipſe quoq; animarum noſtrarum Paſtor, cœleſtisq; Doctor Chriſtus, dicens ad Apoſtolos ſuos, quos iam totius mundi paſtores & ſacerdotes elegerat: Sic luceat lux veſtra coram hominibus, vt videant veſtra bona opera, & glorificent Patrem veſtrum qui in cœlis eſt. Quæ quidem Cleri ſcandalofa vita, quantum hætenus Eccleſijs obſuerit: quantumq; detrimenti ordini noſtro ſacerdotali attulerit, me tacente facilè intelligere poteſtis. Etenim vt de alijs quàm plurimis incommodis, quæ ex laxata Eccleſiaſtici ſtatus diſciplina, & inhoneſta

Ccc

Cleri

Clerici vita secuta sunt, tateam. Quis non videt, multa eaq̃  
 grauiora secuta offendicula? quibus multi offensi: non so-  
 lum ab Ecclesia ad partes aduersarias defecere, sed etiam  
 Ecclesiarum ministros, nostram doctrinam nostraq̃ Sa-  
 cramenta contumelia afficere non dubitauerunt. Vnde  
 Apostolus, quippe non ignorans, quam perniciosum sit  
 ministrum Ecclesiae turpiter & scandalose vivere, diligen-  
 ter hortatur Ecclesiae doctores & pastores, vt sint exem-  
 plum & forma bonorum operum; nec cuiquam dent of-  
 fensionem, ne tali occasione etiam officium & ministe-  
 rium eorum vituperetur. Quis non animaduertit ex tali  
 viciosa licentia secutum extremum contemptum Clerici?  
 quo quid quaeso, (praesertim apud nos Germanos) con-  
 temptius, quid nomine sacerdotis odiosius esse potest? aut  
 quid magis ab omnibus ferè, ludibrio exponitur & sub-  
 sannatur ipso Clero? cum olim nihil venerabilius, nihil  
 honorabilius, nihil sanctius ordine sacerdotali fuerit iu-  
 dicatum; quemadmodum ex grauissimo Constantini Im-  
 peratoris dicto videre est, quo dixisse fertur, plus honoris  
 deberi sacerdoti, quam Regi. Cæterum quæ causa & ori-  
 go huius contemptus sit, facile cognoscere poterimus, si  
 considerauerimus verba illa, quæ scripta sunt apud Ma-  
 lachiam prophetam, per quem Deus eiusmodi poenam,  
 sacerdotibus legem & viam Domini deferentibus com-  
 minatur dicens: Labia sacerdotis custodient scientiam, &  
 legem ex ore eius requirant, vos autem recessistis de via,  
 & scandalizastis plurimos in lege, irritum fecistis pactum  
 Leui, dicit Dominus exercituum, propter quod dedi vos  
 contemptibiles omnibus populis. Ex his & alijs quam  
 plurimis, quæ hoc loco commemorare possem, nisi antea  
 vobis perspecta intelligerem, nunc Patres amplissimi ani-  
 maduertere potestis, quam iuste, quamque opportunè, &  
 necessariò hæc sancta Synodus conuocata atq̃ celebrata  
 fuerit, quæ etsi singulari vestra prudentia, studio commē-  
 dabili,



dabili, denique diuino quodam zelo, erga religionis nostræ  
 Catholicæ conseruationem leges optimas sancijstis, de quibus  
 rebus vtilissimis & Ecclesiæ filij Dei apprimè necessarijs,  
 consultationes suscepistis. Idque in hunc maximè finem, vt  
 (sicut iam dictum) religio nostra conseruari, Ecclesia ab  
 hæresibus repurgari, Clerus ad sanctorum Patrum statu-  
 ta & sacros Canones deduci, Ecclesiastica disciplina, hoc  
 tempore multum labefactata, restaurari possit, tamen Pa-  
 tres in his labores vestri sanctissimi, Deoque gratissimi  
 quiescere non debent: sed vltèrius sese extendere: donec  
 competentibus vijs & medijs in scopum propositum de-  
 uehantur. Quare amplissimi Principes, cum honestum &  
 vtile sit (quemadmodum Xenophon, Plato & Aristote-  
 les docent) publicas leges condere, ac humanam societa-  
 tem ad earum obseruationem astringere, decebit certè, &  
 omnino necessarium erit, vt omni studio incumbatis in  
 id, ne leges duntaxat, statuta, atque Canones conditi, à vo-  
 bis videantur: sed potius, vt ea quæ hoc conuentu, vestra  
 summa diligentia, vigilijs atque cura, tractata & definita  
 fuere, ea qua decet diligentia, obseruentur, inque vsum eo-  
 rum, quorum nomine conscripta sunt, transferantur. Et-  
 enim quid prodesset, si Princeps aut Magistratus quispiam  
 conscriberet optimas quasque leges: quibus, pax, concor-  
 dia, honesta subditorum disciplina, religio, cultus diui-  
 nus, & alia ad hominum externam salutem spectantia, fa-  
 cilè conseruari posset, eas verò in vsum non transferret, nec  
 obseruari curaret, certè parum prodesset, talisque Princeps  
 non solum negligens, sed etiam inanes quodammodo la-  
 bores suscepisse diceretur: Sic quid commodi afferret, si  
 magister quispiam vtilès leges discipulis suis præscribe-  
 ret, quibus non tam solida doctrina, quam agrestes mores  
 bene & rectè informari possent, discipulos verò ad earum  
 legum obseruationem non astringeret, certè frustra labo-  
 rasse diceretur. Sic parum commodi vestra leges & vici-

*εματα* vobis adferent, nisi ea executioni mandaueritis, operamq; dederitis, ut à cunctis vestris imperijs subiectis, custodiantur obseruenturq; & transgressores seuerissimè puniantur. Ne itaque Patres temerè de rebus grauissimis, totiùq; Ecclesiæ saluberrimis, consultasse, & hanc sanctam Synodum celebrasse videamini, opus erit, ut quàm citissimè fieri poterit, vestra decreta promulgentur, & ab omnibus strictè seruentur. Et habetis certè causas grauissimas, quæ vos monent, ne labores vestros differatis, sed maturè ad effectum deducatis. Postulat hoc ipsum à vobis mandatum Dei, quo non tam Politico quàm Ecclesiastico magistratui seuerè mandat, ut mala & inhonesta de medio tollat, bona atq; honesta defendat. Porro qua ratione mala tolli possunt, si magistratus securus dormit, conuiuet, nec suum officium facit? Postulat hoc à vobis vestra professio, vestriq; officij ratio. Nam ideò vocamini per Regium prophetam *נָאִמְ* Principes, ut vestra autoritate, & potestate à Deo vobis tradita, veram religionem, verosque cultus tueamini: hæreses detestemini, nec eas in Ecclesijs vestris spargere permittatis. Ideò quoque vocamini *ποιμνίης* pastores, *ὀφθαλμοί* oculi, & *ἐπίσκοποι* constituti à Deo supra filij sui Ecclesiam: non ut voluptati aut mundanæ gloriæ operam detis, sed ut vobis, & vniuerso gregi attendatis: eiusq; curam diligentem suscipiatis: salubri doctrina, quam sola Ecclesia Catholica habet, pascatis. Quare ne nomine tantum: sed multo magis re ipsa *ποιμνίης*, *ὀφθαλμοί* & Episcopi dici mereamini, attendite, circumspicite, quærite commoda remedia, incumbite in hoc, ut hæreses, abusus, offendicula, & quidquid malorum in Ecclesiam incuria vestra irrepsit, ex Ecclesia rursum eijciatur. Quod vbi à vobis factum fuerit Patres, nemini certè dubium relinquetur, quin propediem sint secuturi vberissimi fructus, & commoda vestris Ecclesijs saluberrima. Etenim si alias sæpe temporibus superioribus

& in eius publicatione habitæ. 389

Synodi (sicut passim in historijs cernere est) ingentes fructus atq; utilitates attulerunt. Quis non audebit etiam similes ex hac vestra amplissima congregatione sperare? Sed fiet credite mihi, diuino auxilio, dummodo seduli vestrarum optimarum constitutionum executores fueritis, vt sublati malis & scandalosis, vitijs, enormitatibus, abusibus ex agro & vinea domini Sabaoth (cuius præcipue vos Patres cultores esse debetis) sit secuturus, status Ecclesiarum tranquillior, hæreseon profligatio, in clero verecundia, honestas, pietas, in sacris obeundis maior deuotio, redibit quoque toti ordini Ecclesiastico sius honos. Dominus Deus noster largiatur suam gratiam, vt ea quæ hac amplissima & sanctissima Synodo, definita atque decreta sunt, ad nominis sui gloriam, Ecclesiæ Catholicæ restauratonem atque conseruationem, totiusque Reipublicæ Christiænæ salutem & emolumentum cedant, & felicem sortiantur effectum, per Dominum nostrum Iesum Christum, cui sit laus & honor cum Patre & Spiritu sancto in sæcula sæculorum.

A M E N.

Ccc 3 ORA-

390 Orationes in hac Synodo,  
ORATIO HABITA IN EVN-  
TE CONVENTU PROVINCIALI

SALISBURGI DIE XXVI. AVGVTI,

M. D. LXXIII.

*A F. Feliciano Ninguarda Morbin. Doctore  
Theologo, Reuerendiss. & Illustrissimi Ar-  
chiepiscopi, ac Principis Salisburgens. Consi-  
liario.*

Iuuauenses dicti  
sunt olim incolæ  
huius Urbis, quæ  
tunc temporis qui-  
dem Iuuauium à  
flumine Iuuauis,  
quod illic præter  
labitur, hodie Sal-  
sa dicto: quemad-  
modum in hoc ipsæ  
historiæ, cum ve-  
tustiss. Saxi Rom.  
litteris exaratis ibi-  
que repertis, pul-  
chrè consonant; nunc  
verò Salisburgum  
vocatur.

Beatus Maximus  
primus fuit, qui Iu-  
uauenses à paga-  
nismo ad Christi  
fidem conuertit, &  
cum alijs 40. mar-  
tyrio coronatus est  
eo tempore, quo  
exercitus Athiliani  
barbara crudelitas  
hæc loca peruasit.  
Post cuius mortem  
eum gens ista fide



T populus Iuuauensis olim (Reuerendis-  
sime & Illustrissime Princeps Metropoli-  
tane, dignissimi Præsules, Patres Reueren-  
tes, atque quotquot præterea adestis, præclarissi-  
mi Auditores) se non minus D. Rudberto, quam B. Ma-  
ximo debere putauit, quia si hic fidei Christianæ funda-  
menta iccit, ille Paganorum iniquitate, & infesta per-  
sequutione, euersam, excisamque penè instaurauit. Si hic  
Gentilium malitiam, & audaciam fregit, ille peruersa  
consilia, ac barbaram crudelitatem Athiliani exercitus  
superauit: si hic veram, solidamque religionem in animis  
hominum satam sanguine suo confirmauit, ille diuinum  
Christianumque cultum pluribus locis, in hoc vestro po-  
tissimum Norico propagatum, cum optimis doctrinæ  
præceptis, tum vitæ sanctissimis exemplis stabiliiuit:  
Ita ego apud me prorsus statuo Prouinciā Salisbur-  
gensē, atque adeo Ecclesiā vniuersam, tantum debere  
vobis, quantum ijs debet, qui religionem tam præclare  
fundatam nobis reliquerunt. Si enim illi Christiani  
nominis signa fixerunt, Vos propè collapsa restituitis:  
si illi optimos mores introduxerunt, vos iam depraua-  
tos corrigitis: si illi falsos Deorum cultus sustulerunt,

vos vanas, & impias hæreses aduersus Christi fidem, eius-  
 que Ecclesiam arcetis, ac prohibetis. Quæ ergo ora, quæ  
 sedes, qui locus erit, in quo non extabunt huius vestræ  
 cum virtutis, tum industriæ, tum animi, tum consilij im-  
 pressa vestigia? Ecquæ posteritas tam ingrata reperietur,  
 quæ se vobis obstrictam memoria beneficij sempiterna  
 nō putabit, cum audiet, vos tot, tantosq; labores, vel in re-  
 tinendis vetustissimis, Dei Opt. Max. cæremonijs, vel im-  
 proborum, ac perfidorum hominum impostura iam labe-  
 factatis in pristinum statum reducendis exantlassē? Ma-  
 gnā laudem, ac gloriā tum consecuti estis, cum con-  
 uenistis, vt ea inter vos maturo consilio decerneretis, qui-  
 bus afflictis prouinciæ rebus magna utilitate succurri  
 posset: nunc verò maximā, quandoquidem eo animo  
 huc accessistis, vt quæ decreta sunt, exequamini; nam  
 (quod in veteri prouerbio est) finis coronat opus. Pro-  
 inde sit, vt vester confessus, ac conspectus iste teficiat, &  
 recreet mentē meā, cum intueor, ac contemplor vnum-  
 quemq; vestrū. Video enim hoc in numero neminem,  
 qui sua sponte animatus, & inflammatus non sit, ad reti-  
 nendam, vel restituendam religionem tantis laboribus  
 fundatā, ad tuendam, propagandāq; pietatē Chri-  
 stianā, tanta virtute stabilitā, & ad defendendas, ac  
 conseruandas cæremonias Ecclesiasticas, tanta Dei be-  
 nignitate auctas, exaggeratasque. Quæ etiā re moneor  
 ego, veteris officij vt memor sim, atq; id nunc quoq; præ-  
 stem, quod tunc Reuerendissimi & Illustrissimi Archi-  
 præsulis nostri, in omnium vestrū gratiam, iussu feci, nō  
 quòd ita necesse sit, sed vt omnia more maiorum geran-  
 tur, qui in causis publicis, & magni momenti, omniū ani-  
 mos præuia semper oratione, aut incitari, aut certē de re  
 tota doceri voluerunt. Quare peto à vobis, vt quæ me at-  
 tentione, ac beneuolentiā eo tempore audiuiistis, ea modò  
 breuiter dicentem pro humanitate vestra benignè profe-  
 quamini.

Christiana a-  
 bolita ad paga-  
 nismum redijt.  
 set, D. Rudberti  
 ex nobilissima  
 Francorum Re-  
 gū familia pro-  
 geniti opera, ac  
 labore, ad Chri-  
 stū, sublato pa-  
 ganismo, omni  
 ex parte redu-  
 cta est, vt meri-  
 to Apostolus  
 huius regionis  
 & habeatur, &  
 appelletur.  
 Prouincia Sa-  
 lisburgensis  
 apud antiquos  
 in Norico re-  
 censēbatur.

Quo-

Quoniam in ea Synodo, quæ proximè superioribus annis conuocata, ac celebrata à vobis est, multa sanè decreuistis, corrigendis Cleri, populiq; moribus, hæresibus tollendis, componendis discordijs, religionique in pristinum splendorem restituendæ quàm maxime accommodata, & Sedis Apostolicæ auctoritate, ac iudicio comprobata, & laudata: hic vnus actus certè nunc restat, vt quæ sapienter, ac prouidè salutarì sancti Spiritus aura præclaros cœptus vestros prouehente, ad exitumq; perducente communi consensu statuistis, ad effectũ adducantur. Nam tot laborũ vestrorum, tot vigiliarum, tot corporis, animiq; contentionum fructus in eo totus positus est, vt res animo egregiè cōceptas, & chartis probè digestas, omnī opera, ac nauitate, sedulò, & instanter geratis, atq; eā, quam mente, condendisq; decretis, Prouinciā conformaltis, contendatis, vt re etiā habeatis. Parum enim, aut nihil omnino profuturum est, habitum esse Prouinciale Concilium, ac de summa rerum conseruandæ, augendæq; religionis deliberatum, si rectè statutis rebus debita executio defuerit. Non tantũ decenter leges ferre (Inquit Imperator Iustinianus) summo bono est, sed etiā sancita accuratè custodire, & ad effectum deducere, transgressoresq; competentibus pœnis subijcere. Quæ enim legum erit vtilitas, si in literis duntaxat consistant, non etiā per ipsa facta, atque opera subditis vtilitatem de se præbeant? An ergo paratis, instructisq; rebus necessarijs ad Prouinciæ vniuersæ reformationem, cū factò opus est, quiescendum vobis, ac dormitandum putabitis? Habebunt equidem hæretici ansam Catholicos eo nomīne criminandi, quòd multa illi quidē decernant, pauca verò exequantur. Nec immeritò, si enim turpe est hominī vel infimo, aut insipienti, atq; à rebus publicis alieno, vt multa deliberet, nihil faciat, multa incipiat, nihil persequatur: quid de ijs sentiendum videbitur, quorum actiones in luce, atq; in oculis omnium sunt,

In auth. de  
prou. præsidib.  
colla. 10.



sunt, quosque Christianæ sapientiæ Antistites esse oportet: Quod si in rebus tam diuinis, quàm humanis, quæ ad vitæ rationem spectant, recti præscriptio satis esset, nec præterea actio quæreretur: Sicq; vos Patres priuatam tantum personam ageretur; sola cognitione, disciplinæq; ac præceptorum traditione possētis esse contenti, vt Plato in Repub. & alij multi fecēre: qui nō tam exquirebant, num res ita se habere posset, quàm quomodo deberet. At vitæ, morumq; magistris, ac publica munera obeuntibus, non idem propositum est, quod Philosophis, qui sola ingenij ostentatione, quicquid meditantur, scribunt, aguntq; metiuntur. Hoc enim maximè inter duas philosophiæ partes, speculatiuam, & actiuam interest: quod illa contemplatione circumscribitur: hæc in actione etiam consistit, immò sine actione nomen retinere suum nullo pacto potest. Quo etiam fit, vt si genus humanum sola legum scriptione constare, si Concilia, cætusq; hominum iure sociati, quæ ciuitates appellantur, conuiuere possent: nec magistratus opus esset, qui ius diceret, nec leges præmia bonis, aut improbis pœnas vllas constituerent. Hæc verò decreta, quæ tam prompto, prudentiq; animo statuistis, ad opus animarum saluti magnopere necessarium, atque vtile faciendum, ad eam philosophiæ Christianæ partem pertinent, quæ politica appellatur. Oportet itaq; vos ea nunc aggredi, & benè exequi, nisi inconstantia, ignauiaq; notam, qua nihil turpius, vobis ad ignominiam sempiternā iniuri, aut omnia casu, ac frustra egisse videri velitis; quod per vos stet, quo minus laborem, qui debet, fructus consequatur. Antiqui legumlatores, ac publici morū censes in constituendis decretis diligentes quidē, at diligentiores in exequēdis fuisse perhibentur. Lycurgus Rex, & Philosophus Lacedæmonijs leges sanctissimas dedit, quibus scribendis operam, & oleum perditurum se putauit, nisi acriter etiam curasset, vt ab omnibus obseruarentur. Pro-

Xenophon. in  
Principe, & M.  
Tullius in Ora-  
tore perfecto.

pterea astrictis ciuisbus Sacramento, quòd tamdiu eas intemeratè obseruarent, donec ipse rediret, è patria nunquà rediturus emigravit, maluitq; vir sapiens, & de Patria benemeritus, hanc vnam ob causam, apud exterarum nationes priuatim viuere, quam domi imperare. Moses Dux & Imperator Iudæorum, labores suos in accipiendis à Deo, deferendisq; ad populum duarum Tabularum decretis, male positos existimauit, nisi etiam elaborasset, vt suis monitionibus, minis, obiurgationibus, publicaq; animaduersione, Iudæi diuina præcepta inuolatè custodirent. Intellegebant optimè maiores nostri, qui tot generalibus, provincialibusq; Concilijs, quot literarum monumētis continentur, & amplius, fidem Catholicam, Christianamque religionem, aut retinuerunt, ne laberetur, aut penè collapsam, durissimis temporibus restituerunt, magnum momentum esse ad cultus diuini cæremonias integrè seruandas, in exequutione Decretorum. Qua in re quid non tentarunt? quos labores non libentissimè susceperunt? quos sumptus vltro non fecerunt? quas potentum hominum inimicitias, persecutiones, exilia, carceres, fortiter, intrepideq; non subierunt? quas tandem difficultates, quæ pericula non facillè superarunt? habebant Reges aduersarios, primùm Gentiles, deinde etiam Christianos, quibus inuitis, ac repugnantibus, quicquid è re Christiana erat, sapienter prouidebant, constanterq; gerebant. Non eos dignitatum blanditiæ, non rei familiaris iactura, non metus suppliciorum, non mortis formido, non alia vlla humana ratio, ab instituto reuocare, aut retardare poterat. Nam Deus Opt. Max. pro cuius religione, atque honore pugnabant aduersus Principes, & Potestates, aduersus mundi Rectores tenebrarū harum, cum eis stabat in acie, quo dure victoriam speciosissimā semper reportabant; de quorum laudibus nulla vnq; ætas conticescet, nullę voces silebunt, nulla posteritas nõ honorificam mentionē semper fa-

per faciet. Hæc Patres exempla domestica ad imitandum vobis proponite; horum præclaris vestigijs insistite: si Dei gloria, si splendor Ecclesiæ, si patria, & auita religio, si vestra vobis, vestrorumq; salus chara est. Videte obsecro, ne quantam maioribus nostris gloriam peperit incredibile conseruandæ, & augendæ veteris religionis studium, tantum vobis dedecus eius recuperandæ, vel retinendæ negligentia afferat. Fuere & illi homines, vt vos, & nunc idem, qui olim, Deus est. Hòc verò eos etiam superatis, quòd ad voluntatem maior facultas adiungitur. Si quid enim difficultatis est, in eo potissimum esse videtur, quòd res sine temporalium magistratuum ministerio, auxilioq; habere eam, quam debent, executionem non possint. At id vos remorari nihil debet, cum vbiq; ferè non spiritua-lem modò, verum etiam temporalem dominatum habeatis, & vbi temporalem non habetis, Principes Christiani, ac Catholici sint, qui sua sponte, ac libentissimi, vobis omnem opem, potestatem, auctoritatemque præstabunt. Huc accedit, quòd res eo loco adhuc sunt, vt paruo labore in optimum statum reduci possint. In Austria, in Styria, in Carinthia, plus fortè negocij aliqui vestrum habebunt, vbi maior factus est de recta semita deflexus; sed industria, ac diligentia vestra plurimum proderit, vt pedem aliquo modo referant. Quod profectò vobis operosum videri non debet, quandoquidem Patres nostri, Gentiles, & religione penitus discrepantes à nobis, tam facile olim ad veri Deicultum perduxerunt. Nam idem Deus, qui illis in difficillimis rebus adfuit, vobis etiam in facilioribus aderit. Si diutius expectare, & his vulneribus, dum recentia adhuc, ac curatione facilia sunt, mederi non velitis, caute, ne culpa vestra insanabilis plaga, & vlus huiusmodi fiat, vt de salute prorsus desperandum sit. Nam & quicquid mali hæctenus accidit, id non nisi summæ præteriti temporis negligentia tribui potest. Si enim Prælati in sibi

subiectorum hominum sceleribus, atq; in maxima vitæ licentia, rerumque omnium libertate nunquam conuiuissent, sed acerrimos se desertorum, ac seditionum punitores prebuisent, non ita nunc de religione laboraremus. Quod Assyriorum, Medorum, Persarum, Græcorum, Macedonum, Romanorum Imperijs contigit, id etiam Reipub. Christianæ vsu venit. Nam quamdiu illi suos in officio continuèrunt, tamdiu pacatum, tranquillumq; Regnū habuerunt. Vbi leges nihili fieri, magistratus seueritatem remittere, & pœna abesse cœpit: corrūere omnia: Ita in quibusdam Reipub. Christianæ partibus factum est, ut cū Prælati segniter, remissè, negligenter disciplinam Ecclesiasticam curarent, charitas paulatim in animis hominum refrigerit, & religio inclinata sit. Natura & ratione ita comparatum est, ut nulla Respub. firma sit, nullum regnum stabile, ac diuturnum, nisi diuinarum, humanarumque legum auctoritate, potestateq; & summis rebus præfectorum seueritate, iudicioq; nitatur. Imperium Romanum, quo nullum florentius, & gloriosius prisca vetustas intuita est, his duabus rebus maximè nitebatur, Deorum cultus obseruatione, ac togæ, armorumq; disciplina. Quarum rerum quousq; seuerissimos custodes omnium gentium victrix ac Domina vrbs habuit, longè lateq; multis Regibus, populis, ciuitatibus, toti denique terrarum orbi imperauit: Ut verò Castrensis disciplina, ac militaris ratio occidit, ut censura pacis Magistra, custosque iacuit, ut pulsa virtute irrepset flagitiorum omnium impunitas, imperare desijt. Expugnentur licet vrbes, corripiantur Gentēs, Regnis manus iniiciantur, nisi rebus cū intus, cū foris officium suum constiterit, partarum rerum cœlo cumulus æquatus, sedem stabilem non habebit. Tantum autem studium antiquis Romanis non solum obseruandæ, sed etiam amplificandæ religionis fuit, ut florentissima ciuitas, & opulentissima ciuitate, decem Principum filij senatus-

natusconsulto, singulis Hetruriæ populis percipiendæ  
 sacrorum disciplinæ gratia traderentur, & nihil vnquam  
 vel in bello, vel domi, nisi auspiciatò gererent, quòd inde  
 initium benè gerendarum rerum duci oporteat, hoc est à  
 Deo immortali, sine cuius nutu, ac voluntate nihil præ-  
 clari effici possit. Quod si quis vel latum vnguem à con-  
 stitutis religionis cæremonijs discessisset, tam graues pœ-  
 nas dabat, vt Lucius Iunius, quòd neglectis auspicijs clas-  
 sem tempestate amisisset, damnationis ignominiam vo-  
 luntaria morte præuenerit. Tam graui etiam in arte belli-  
 ca, cæterisq; rebus, cùm priuatis, tùm publicis, censorum  
 ac consulum supercilio tanta Pop. Rom. amplitudo exa-  
 minata est, & sustentata, vt parentes ipsi filijs orbì viuere,  
 quam publicæ vindictæ deesse maluerint. Exuebant Pa-  
 trem, vt consulem agerent, & satius esse iudicabant genus  
 suum interire, quàm patriam disciplina carere, vt digni ci-  
 uibus viderentur, qui in Rempub. viribus omnibus in-  
 cumberent. At quorsum hæc? quorsum? vt intelligatis fi-  
 lios huius sæculi prudentiores esse filijs lucis in genera-  
 tione, sua: Nam ita religionem suam, vel potius supersti-  
 tionem illi colebant, ita ciuitatis instituta obseruabant,  
 vt hæc fortunis, liberis, ac vita ipsa chariora essent. At nos,  
 qui verum Dei cultum persequimur, quibusq; certa im-  
 mortalitatis spes, ac beatitudinis merces proposita est,  
 tam segnes, tam remissi, tam negligentes sumus in conser-  
 uanda, vel amplificanda religione, vt nihil ad nos perti-  
 nere videatur; ita indulgemus, ac conuiuemus fidei deser-  
 toribus, & seditiosis, vt pudeat dicere, nos post habitis di-  
 uinis, humana, & caduca bona tanti facere; falsis rerum  
 humanarum simulachris delusi, perinde quasi nihil men-  
 tis haberemus, immortalia aspernamur, & vanis diuitia-  
 rum, pomparumq; spectaculis retardati, Dei, nostriq; ob-  
 liuiscimur. An propterea Imperia mandantur, & Ecclesiæ  
 committuntur, vt nihil agamus, nihil cogitemus, dignita-

Posthumius,  
 Tiburtus, Mæ-  
 lius Torqua-  
 tus, L. I. Brutus.

Luc. 16.

tum honoribus tantum fruamur, & sub tecto in vtranque aurem dormientes iaceamus? Immo verò vt præsideamus, laboremur, hominum consilia, ac studia intueamur, honestè, rectèq; viuentes præmijs afficiamus, turpiter, & flagitiosè, puniamus. Neq; enim propterea nati, aut publicis functionibus, magnisque rebus præpositi sumus, vt otiosi, ac desides domi sedeamus, cum nihil adeò reperiri possit, vsquequaque quæras licet, quod in munere suo à Deo immortalis præscripto assidue non exerceatur. Nam quicquid in mundo spectari, aut considerari potest, id ab ignaua quiete ad laborem, ab alienis operibus ad officiū nos excitat, ac traducit. Vt autem altiora, ac maiora prætermittam: cælum continenter mirabili celeritate contorquetur, Sydera cursum suum quotidie conficiunt, ignis volitat, aër impellitur, flumina perpetuò labuntur, ac terra locata in mediâ mundi sede, & modò vestita floribus, modò niuibus tecta, innumerabiles prope rerum species vitæ nostræ necessarias producit, & nunc frigore obriget, nunc solis ardore perurit. Is autem, cuius præpotenti nutu, ac diuina prouidentia omnia reguntur, gubernantur, atque ad certum ordinem diriguntur, Deus est, qui omnium commodis, cum vniuersis, tum singulis prouidet; eadem lex, idem modus, eademq; ratio ciuitatum, & Ecclesiarum, quæ mundi existimanda est. Nam quemadmodum Deus Opt. Max. eam rebus naturam ingenuit, vt infimæ per supremas conseruari debeant; ita inter homines varij ordines cum sint inter se ingenio, prudentia, consilio, varijsque artibus planè distincti, quosdam paucos è multis delegit, cum naturæ donis excellentes, tum virtutū splendore, ac gloriâ præstantes, qui alijs præsideant. Hos imperare, leges dare, pœnas statuere, ius reddere, officiâ docere voluit; illos obedire, monita sequi, & præceptis audientes esse. Hoc autem inter vtrosq; discrimen est, vt si illi ab officio discedant, non tantum periculum sit, quantum



si hi ad munus suum oscitarint. Vt enim terra, si cœlorum motu, ac lumine destitueretur, nihil produceret vsquam, & propter hanc sterilitatem animantia omnia interirent, atq; quiescētibus cœlis, ac cessatione torpescētib; totus mundus rueret: ita si, qui summis rebus præfecti sunt, remittant animum, diligentiam, seueritatemq; abijciant, nō sibi modò, sed etiam cæteris omnibus, in quos imperium habent, maximā perniciem bonorum, vitæ, salutisq; afferant, necesse est. Quod cum animaduertentes maiores nostri, sapientissimè iudicarunt in eo, qui hominū salutem, & Ecclesiæ alicuius gubernacula tractet, cum multa inesse oportere, tū illa maximè, scientiā cultus diuini, vitæ sanctimoniam, zelum religionis, imperandi auctoritatem, laborem in negotijs, fortitudinē in periculis, industriam in agendo, celeritatē in conficiendo, consilium in prouidendo, vt adminicula sint, quibus adiuuetur. Nam ratio curandæ salutis humanæ, tam ampla est, tamq; patens, vt non vna re, aut altera definiri, & coërceri, sed multis, atq; innumerabilibus propè debeat. Ex quo intelligere possumus otio, ac quieti, nullum esse locum, sed semper restare aliquid, in quo cum fructu versari, atque exerceri possimus, modò illud nobis ob oculos ponamus, quantum onus sustineat is, qui animarum salutem curat, cui rei ne tum quidem pro officio satisfiet, si non dies solū, verū etiam noctes omnes, huic vni labori intenti, & assidui, insomnes ducamus. Multa adhuc superessent, quæ in mentem venerant, quæq; dicere constitueram, sed tam longa oratione, quam nec præsens tempus patitur, nec fert consuetudo mea, vereor ne patientia vestra nimium diu abutar, præterquàm quòd ergo temporis angustijs excludor, vestra etiam in me audiendo benignitas tanta, quæ dictionem meam hucusq; prouexit, nunc monet, vt finem dicendi faciam. Quocirca agitedum Patres, excubate, præspeculamini, & memores officij, quicquid oportet, agite. Pastores  
ac cen-

ac censores estis in hac edita, & eminenti Ecclesiæ specula, vt seueritatem cum lenitate exerceatis, vt virtutes benignissimè foueatis, vt vitia seuerissimè vindicetis, vt gregi dominico præsidio sitis, vt insidiantes lupos à caulis arceatis, vt morbis medeamini, vt salutem detis. Ecquando tempus erit, si nunc non est, vt vos ostendatis, qui sitis, eamq; medicinam his tot Prouinciæ incommodis salutariter adhibeatis, quam sapienter reperistis: Præposuit vos Deus suis, vt eos regatis, vt actiones moderemini, vt mores corrigatis, vt res necessarias ad vitam spiritualem suppeditetis, vt in tenebris facem præferatis, vt veritatem doceatis, vt ad cœlestem deniq; patriam deducatis. Enitmini itaq; tantum, quantum potestis, & omnibus neruis contendite, vt cum vobis, tum hominibus fidei vestræ commissis nulla in re desitis, ac tam vestra, quam eorum dicta, factaq; omnia coram Iudice Christo præstare, atque ea, quorum rationem magna prudentiæ, ac zeli vestri laude, ad vtilitatem cum publicam, tum priuatam omnium iniuristis, obire celeriter, vtiliterq; possitis; ita & se vobis plurimum debere omnes intelligent, & Christus grauitatem laborum vestrorum, præmiorum suorum magnitudine compensabit.

ORATIO

& in eius publicatione habitæ. 401

ORATIO HABITA EXTRE-  
MO CONVENTV PROVINCIALI

SALISBURGI DIE III. SEPTEMBRIS.

M. D. LXXIIL

*Ab eodem F. Feliciano Ninguarda Morbin.*

*Doctore Theologo &c.*



**N**EMINI mirum videri debet, si hunc locum conscendi, vt Conuentui iam habito, ac re tota bene acta perorem, cū in eius principio, à quo hæc eadem vestra congregatio dependet, quoque præfatus sim: quòd nouum, ac præter morem videatur, vt is Epilogum etiam agat, qui Prologum egerit. Nā id non tam mea voluntate, quam eorum imperio factum existimate, qui hanc mihi Prouinciā demandare, & voluerunt, & potuerunt. Cum enim is, quem alioquin perorare oportuisset, necessariis rebus impeditus, hoc fungi munere minus possit, imperatū mihi est, eius vice vt id faciam. Quod ego onus eo libentius suscepi, quod inde occasionem habeam dicendi ea, quæ in altera mea oratione breuitate temporis prætermisi. Attentio autem, ac benignitas vestra faciet, vt breuis sim, ac cum instituti mei in dicendo, tūm patientiæ vestræ in audiendo memor.

Gratulor vobis, ac mihi gaudeo (Reuerendissime & Illustrissime Princeps Metropolitane, dignissimi Præsules, Patres Reuerē, atq; quotquot præterea adestis Auditores præclarissimi) quod tandē post multos labores, ac vigilias, tot tantisq; consilijs, & actionibus vestris, de Christianorum vobis creditorum salute curanda, de restituendis moribus, de religione retinenda, optimum colophonem addideritis. Est enim magna laus vestra, quæ nullis sæculis interibit, & quam posteri amulabuntur, quòd

Ecc

ita

ita animati estis, ad bene de Repub. Christiana promerendum, ut toto triennio elaboraueritis, in inuestigandis, inueniendisq; opportunis remedijs, quibus Ecclesijs vestris mederi possitis; & nunc etiam ea statueritis tam diligenter, tamq; officiosè, quæ ad executionem rerum omnium pertinent. Quid igitur superest aliud ad tantum gloriæ cunulū, nisi ut vos operi accingatis? Nam si constitutis decretis multis, quibus & vetus Christiana religio retinebitur, & non pauci ab animæ interitu seruabuntur, in exequendo oscitaueritis, nihil omnino erit, quod possit vos apud Deum, & apud homines excusare, cum nihil videā, quod impedire debeat. An rei gerendæ nouitas? at nihil vetustius, nihil adhuc ab ineunte Ecclesia vsque v̄sitatus est ad nouitates tollendas, abolendasq;. An difficultas, ac timor, ne subiecti homines tumultum faciant? at turpe est id dicere, aut etiam cogitare: cum partim, vos ipsi imperetis, partim habeatis Principes, viros beneuolos, de religione rectè sentientes, & fautores amicos, ut nulla res tanta sit, ac tam difficilis, quam non & consilio regere, & virtute vestra, auxilioq; ipsorum conficere possitis. At cum subditis in gratia esse oportet: Quis bonus ab ijs gratiam inecat, qui per suos errores, & contumaciam in gratia Dei non sunt? At vrgebimur omnium conuictio: Quis eorum maledicta magnopere curet, quibus etiam si bene faciat, blandiatur, indulgeat, nō tamen efficiat, quin obtrecent? At fugient abibunt, à nobis secedent: Quis non iure leatur, Prouinciam tanta peste, & tanta perditorum hominū colluione liberari? At in bonis, fortunisque iacturam faciemus. Hoc nimirum est, quod plerosq; Pastores ad officium pigriores, & tardiores facit; nam dum reddituum, atque obuentionum damna metuunt, dum incommoda rei familiaris formidant, dum toti temporalibus facultatibus curandis, augendisq; sunt intenti, ea, quæ ad Dei religionem, ad salutem proximi, ad debitum munus pertinent,

oculis

oculis veluti clausis prætereunt, quasi non onus, sed honorem duntaxat cum prouentibus acceperint. Væ Pastoribus Israël, qui pascebant semetipsos: nonne greges à Pastoribus pascuntur? lac comedebatis, & lanis operiebamini, & quod crassum erat occidebatis: gregem autem meum non pascebatis. Quod infirmum fuit, non consolidastis, & quod ægrotum, non sanastis, quod cōfractum est, non alligastis, & quod abiectū est, nō reduxistis, & quod perierat, non quaeristis. Errauerunt greges mei in cunctis montibus, & in vniuerso colle excelso, & super omnem faciem terræ dispersi sunt greges mei, & non erat qui requireret, non erat (inquam) qui requireret. Si quis Episcopatum desiderat, bonum opus desiderat, non bonas opes, sed bonum opus (inquit Paulus) hoc est, labores, curas, sollicitudinesq; in curanda cū sua, tū aliorum salute. Nam bonus pastor animam suam ponit pro ouibus suis: si animam, hoc est, vitam; quanto magis corpus, id est bona temporalia? Nam pellem pro pelle, & cuncta, quæ habet homo, dabit pro anima sua. Vos Patres grauem prouinciam sustinetis, Vos Christi personam agitis, Vos eius oues pascendas recepistis: Vos ergo facite, vt ipse fecit. Christus verus pastor humani generis, præter laboriosas totius vitæ molestias, quas omnibus modis pertulit, atrocissima etiam mortis supplicia, cruciatusq; durissimos sponte subire non dubitauit, vt gregem sibi à Patre commissum, è luporum faucibus eriperet, salutemq; daret. Quid igitur vos rerum caducarum, diuitiarumq; damna deterrebunt, quos etiam, si opus sit, vitam, sanguinemq; profundere oportet? Ethnicī Philosophi olim, vt terræ cōditionem, ambitum Maris, syderum motus, totius deniq; mundi naturam commodius perscrutarētur, hæc ludibria fortunæ, quæ nos appellamus etiam bona, ne retinenda sibi quidem putarunt. Reuiuiscat nunc aliquis continētissimorum hominum maiorum nostrorum, quorum in

Ezech. 34.

1. Tim. 3.

Ioan. 10.

Iob. 2.

Ecc 2. domo

# 404 Orationes in hac Synodo,

D. Rudbertus,  
ac D. Virgilius,  
sunt Patroni Ec-  
clesiæ Salisbur-  
gen. hic quidem  
restaurator, ille  
verò fundator.  
D. Corbinianus  
Ecclesiæ Prilin-  
gen.  
D. Maximilia-  
nus Ecclesiæ Pa-  
tauiesi.  
D. Vvolfgangus  
Ecclesiæ Ratis-  
bonensi.  
D. Casianus Ec-  
clesiæ Brixinen.

Matth. 6.

Ioan. 11.

domo nihil opulentum, nihil splendidum, nihil ornatum  
fuit, præ se omnia quasi stercus arbitantes, vt Christo o-  
mnes lucrifacerent; Ambrosius, Hieronymus, Augusti-  
nus, Gregorius, Hilarius, Rudbertus, Virgilius, Corbi-  
nianus, Maximilianus, V Volfgangus, Casianus, & vi-  
deat aliquem summis Christi beneficiis vsum, atq; in ma-  
xima Ecclesiæ dignitate constitutum, tantopere laboran-  
tem, ac sollicitum, ne amplificanda religione, in opibus de-  
trimentum accipiat: nonne hunc hominem ita rideat, im-  
mo nonne ita supercilium ponat, nonne ita succenseat ei,  
vt ne nomine quidem Christiano dignum putet? Nam si  
Christiani sumus, & Christus Dux, & Auctor noster  
paupertatem professus est, rebus necessarijs ad liberali-  
ter, ingenuèq; viuendum, facile contenti simus, nihil que-  
ramus, nihil appetamus, nihil optemus amplius. Tantum  
autem abest, vt id eueniat, quod ita verentur, vt rebus ma-  
gna etiam accessio fiat: vt est apud Matthæum: Quærite  
primum regnum Dei, & iustitiam eius, & hæc omnia adij-  
cientur vobis: Quid porro si ostendam hos tam formido-  
losos homines, in eo ipso, quod Dei religionem propaga-  
tionem fidei, cæremoniarum obseruationem, suis emolus-  
sionibus, rebusq; omnibus iacturam faceret? Audite obse-  
cro. Iudæi cum Deum sanctè, pureq; colebant, cum patrias  
leges obseruabant, cum sacra, ritusque auitos retinebant,  
omnibus populis terrori erant, affluentius diuitiis abun-  
dabant, cuilibet finitimarum ciuitatum imperabant. Cum  
verò diuinos honores falsis Dijs deferebant, cum turpi  
lucro rem quærebant, cum in omni corruptela vivebant,  
cum Magistratus, & Reges Iudiciorum, domesticæq; di-  
sciplinæ seueritatem negligebant, domo, fortunisq; ipo-  
liabantur, è natali solo deripiebantur, inque miseriam  
seruitutem ad remotissima loca abducebantur. Celso  
concilio Pontifices, & Pharisei aduersus Christum, dice-  
bant:



bant: quid facimus? quia hic homo multa signa facit. Si dimittimus eum sic, omnes credent in eum: & venient Romani, & tollent nostrum locum, & gentem. Cayphas autem Pontifex anni illius, dixit eis; Vos nescitis quicquid, nec cogitatis, quia expedit nobis, ut vnus homo moriatur pro populo, & non tota gens pereat. Christus pedibus clauo ferreo traiectis, & passis manibus itidem transfixis, verberatus, contusus, sputis aspersus, contumelijs, ignominijs, & conuitijs iactatus, cruento latere cruci suffixus, ac mortuus tandem est: quam verò id eis expedierit, ipsi viderunt. Nam post venerunt Romani, Vespasiano patre, ac filio Tito Imperatoribus, ut tam execrandum facinus vlciscerentur, & omnibus vijs obfessa Principe vrbe Hierosolyma, in quam omnes fere eius regionis incolæ ad fatalem interitum confugerant, non solum hanc, verum etiam totam Iudæam crudeliter depopulati sunt, ciuitatibus, oppidisq; euerlis, agris omni clade perualtatis, puberib; impuberibusq; partim interfectis, partim sub hasta venditis. In ipsa autem Metropolis expugnatione, atq; excisione, quot mulierum, infantiumq; lamentabiles eiulatus, questus, gemitus, trepidæ ætheris auræ receperunt? quot lacerata ferro corpora Iordanis impatiens tantioneris cruentatis aquis vehere coactus est? quot matrum gladios in filiolos genitricis nomine, & complexu ipso crudelis dextræ misericordiâ implorantes, terra penitus, ac cælum ipsum exhorruit? Quem crudelitatis lachrymabilem habitum, truculentam speciem, violentos spiritus, tetram vocem, terribiles minas, cruenta imperia redundasse in communem omnium perniciem non legimus? Necarunt Christum, prauæ rapti affectionis impetu, iram, & odium omne in Dei filium euomuerunt, non tamen id effecerunt, ut Romani non venirent, & tollerent locum, ac gentem. Nam ita patrio solo, ita Regno, ita libertate à Romanis exuti sunt, ut nullum certum locum, nullam sedem firmam am-

plius habeant, ubi habitare, & certò consistere possint. Vagantur nunc Iudæorum reliquiæ, omnibus orbis terræ partibus, pecudum more, sine Pastore, sine Duce, seruiunt alijs vt vilissima mancipia, vexantur, cruciantur, vix habent, quo viuant. Græcorum gens, Patrum nostrorum memoria (ne semper Ethnicos, & Iudæos loquamur) dum vigilantissimos Pastores, Athanasios, Basilios, Gregorios, Chrysostomos illos habuit, continentes, ac religiosissimos viros, dum illorum monitis paruit, dum cum Ecclesia Romana, & Apostolica sensit, iure semper apud omnes floruit: ab ea nostri, cum doctrinæ, tum vitæ plurima acceperunt exempla; in ea admirabilis sanctitatis dignitas, ac singularis bene constituti imperij species viguit. Vt verò Episcopi, cæterique Prælati remissi esse in corrigendo, monendoq; leges nihil valere, iudicia iacere, mos Christianus occidere; solennes cæremoniæ tolli, nouæ sectæ, noua religio, nouæ hæreses oriri cœpere; à Christi Vicario defecit, desciiuitque à veritate. Quo dissidio factum est, vt tantæ tyrannidis iugo ab Rege Turcarum oppressa iaceat, vt ne respirare quidem possit, amisso Imperio, libertate perditâ, ac nomine Christiano vix sibi retento. Nostri verò temporibus, quid sibi volunt quotannis tot terræ motus? tot fluminum inundationes? tot incendia? tot cæli minæ? tot pestilentia? tanta annonæ, rerumque omnium caritas, ac penuria? vt idem communiter contingere videatur, quod olim Aggæus Propheta suo sæculo obijciens conquestus est: Seminastis multum, inquit, & intulistis parum: comedistis, & non estis satiati: bibistis, & non estis inebriati: operuistis vos & non estis calefacti: & qui mercedes congregauit, misit eas in sacculum pertusum. Hæc enim nostro quoque æuo nimium meticulosis, ac tepidis pastoribus vsu venire quis non videt? Quæ cui tribuatis, nisi ex hoc vno eodem fonte manasse putetis? Capiebam anno superiori ex meis redditibus decem

cem milia aureorum, hoc anno vix quatuor capio: antea ex meo vestigiali aliquid etiam redundabat, nunc ne satis quidem est ad necessarios sumptus faciendos. Vnde enim hæc tam subita, & inopinata mutatio? Quid dicam, nisi dicam diuina hæc esse signa, occultasq; & latentes Christi voces, quibus assiduus nos paternè monet, vt caueamus, ne dum propter opes, religionem negligimus, & vmbra (inftar *Aesopici canis*) pro veris, atq; æternis bonis affectamus, vtrinq; amittamus, idq; cum B. Iob tandem dicere cogamur: Timor, quem timebam, euenit mihi, & quod verebar, accidit. Nonne dissimulaui? nonne silui? quicui? & venit super me indignatio. Vtinam verò his etiam peiora nobis non accidant, secundum illud sapientis: Quia des-  
Iob. 3.  
 spexistis omne consilium meum, & increpationes meas neglexistis: ego quoque in interitu vestro ridebo; & subfannabo, cum vobis id, quod timebatis, aduenerit, cum irruerit repentina calamitas, & interitus quasi tempestas ingruerit, quando venerit super vos tribulatio, & angustia. Penetrauit iam Christiani Imperij nomen ad vltimas orbis terras, fidei nostræ splendor, ac lumen apud Indos illuxit, vbi dici non potest, quantus sit illorum hominum feruor, ac virtus. Si quem ex nostris videant, ita eum quasi de cælo delapsum accipiunt, quod veri Dei cognitionem, disciplinam solidæ religionis, rectæ vitæ institutionem, salutemq; suam nobis acceptam referant. Tam impigri verò sunt, cum superiores ad docendum, & iubendum, tum inferiores ad obediendum, ac faciendum; vt nascentem Ecclesiam apud illos cernas, quæ olim apud Patres nostros fuisse scribitur. An non turpe videri nobis debet, & ignominia plenum, vt nouitij, ac tyrones Christiani, nobis veteranis diligentiores sint, ac meliores? Verendū profectò est, nisi aliam viam sequamur, ac stylum vertamus, ne cum religione, quam tot iam sæculis à maioribus nostris, ab Apostolis, à Christo ipso, quasi per manus tra-

Proverb. 1.

## 408 Orationes in hac Synodo,

ditam accepimus, imperium, & libertatem omnino perdamus. Habemus ante oculos exempla Iudeæ, Africæ, ac Græciæ, quæ nobis certa satis omnium rerum documenta dare debent: vt interea recentia vulnera taceam, Hungariam, & Illyrium, quæ Prouinciæ modo magna ex parte Turcarum Imperio subiectæ sunt, sine vllis ferè veltigijs veteris cultus Christiani. Quare si rectè ratiocinabimur, statuemus Patres, omnia mala, quæ in rebus cùm corporis, tùm animæ, nō in Repub. Christiana solùm, verumetiam in vniuerso terrarum, gentiumque omnium orbe, tam antea cētis sæculis, quàm nostra ætate accepimus, vni religionis diuinæ neglectui, ac contemptui tribuenda esse: vt nihil prorsus esse debeat, quo à curanda religione animi, & conatus nostri deterreantur, atq; auocentur. Quæcum ita sint, licet hortatu meo vos egere non existimem, quòd vestra sponte tam inflammata sitis, vt nihil supra dici possit, mearum partium tamen putauì, non prætermittendum ex more id officij esse, quin vos monerem, vt quæ ad reformandam Prouinciã, & curandam hanc Ecclesiæ Christianæ partem sapientissimè constituistis, nulla interposita mora, diligentissimè etiam exequamini, cum nihil omnino sit, quod vobis moram facere debeat. Agite ergo, & in ea, quæ officio Pastoralì digna sunt, sedulò incumbite, atq; ad gregis vobis crediti curam constanter inuigilate, & omnium humanarum, temporaliumq; rerum sollicitudine posthabita, Ecclesias, quas regendas suscepistis, prudenter gubernate: in hac re ostendite Prouinciæ lumen animi, ingenij, consilij, operæq; vestræ: in vos enim, atq; vestrum nomen se tota conuertit: Catholicos ad perseuerantiã exhortamini, errantibus reuertendi viam ostendite, fideiiores, & paratiores ad obediendum incitate, vt cæteris exemplo sint, excitare segnes, rebelles & obtemperare recusantes, canonicis pœnis ad parendum compellite; nullius potentiam, vim, minasq; formidate, nul-

lam

lam vitæ, bonorum nullam iacturam timeate, non vllis deniq; sumptibus, non molestijs, non quibuscunq; periculis parcite, vt eam religionis Catholicæ disciplinam, quæ animarum salutis necessaria, & vtilis est, quemadmodum instituitis, in pristinum splendorem restituatís, multosq; ab interitu seruetis. Pro hoc nobilissimo, atque excellentissimo opere, pro tot laboribus corporis, pro tot animi contentionibus, pro tot sudoribus, curis, vigiliisq; vestris dignissimam, certissimamq; mercedem, vitæ quidē huius tranquillitatem, ac sempiternæ beatitudinem à Christo Opt. Max. expectate. Nihil est enim illi Principi Deo, qui omnem hunc mundum regit, præcipuè verò Rempub. Ecclesiamq; Christianam, quod quidem in terris fiat acceptius, quam si veræ religionis cultus, humanæ salutis grata, conseruetur, adiuvetur, augeatur; cuius rectoribus,

& conseruatoribus, certus est in cælo, ac definitus

locus, vbi beati perpetuo immortalitatis

æuo cum diuinis mentibus

perfruantur.



*ERRATA QVÆDAM*

*Typographica.*

Pagina 62. Versu 20. lege, defraudatum. 65. 16. in ciuitatibus, siue extra. 68. 1. declarat. 92. 8. audientibus. 142. 16. peruenit. 181. 21. proteruam. 183. 2. ad diuersos spectant monasteriorum prælatos. 194. 14. scandalosos. 233. 7. & 236. 27. prodituro. 246. 23. dele, pœnis & censuris. 246. 27. robore permanere. 247. 16. habeat & obseruet. 277. 4. minus. 292. 13. & cùm labijs. 303. 14. sciturus sit. Ibidem in margine. Sen. ad Lucil. ep. 6. 308. 20. post ministeria, adde, obeundo. 309. 34. simus. 310. 14. nauabimus. 312. 10. eximauimus. 346. 26. labascendi & ruinam minanti.



# INDEX ALPHABETICVS

## RERVM PRAECIPVARVM, QVAE IN

### CONSTITVTIONIBVS HVIVS

#### SYNODI CONTINENTVR.

#### A.

**A**BSENTIA Praelatorum à proprijs Ecclesijs quomodo admittenda, & quamdiu. 63

De Absentia Canonicorum determinatio synodi. 100

Aduocati externi quomodo in Consistorio admittendi sint. 227

Apostatis à uita monastica nemo communicet. 183

Apostatae Monachi redire nolentes excommunicantur lata sententia. 187

Apostatae Ordinarium adeant, redire timentes. 190

Apostatas fouentium poena. 194

Apostatarum pertinacium poena. 199

Archidiaconi iustitiae in primis studeant. (122)

Archidiaconi quales esse debeant. 121

Archidiaconi quos sui officij admonere debeant, & in quos animaduertere. (93)

Assessores non ferant sententiam, sed uotum tantum dent. 69

Assessor Vicarij generatis qualis esse debeat, & eius iuramentum. 68

#### B.

**B**APTISMA in solis Ecclesijs, extra statum necessitatis, conferendum. 238

Beneficiati perfectè expleant suas fundationes. 208

Beneficiatorum sine cura, residentia & officium. 62

Beneficia Ecclesiastica ne uacent. 205

Beneficia habentia curam non conferantur nisi residentibus. 39

Beneficia possessori faciant professionem fidei. 5

Beneficia plura incompatibilia possidentes, uno excepto reliqua resignent. (48)

Beneficia plura possidentium poena. 48

Beneficia plura an quis iure habeat, à quo debeat iudicari. 48

A Beneficiorum residentia qui possint abesse & quomodo. 39

Bibliopole faciant professionem fidei. 13

Bona Ecclesiastica administrantes quomodo fideles esse debeant. 212

Bonorum Ecclesiasticorum alienationes irritae. 213

Bonorum Ecclesiasticorum indices cui & quando tradendi. 215

Bona praediaq; Ecclesiastica quomodo cõseruanda sint. 214

Brachium seculare ad quorum uitiorum extirpationem inuocandum. 289

# Index.

C.	Celebrantis in excommunicatione pos- na. 248
Canonici ad sacerdotium, si etatem ha- bent, obligantur. 99	Ceremoniae Ecclesiasticae seruentur. 9
Canonici alternatis vicibus Episcopo in Pontificalibus celebranti ministrent. (102)	Citationes fori Ecclesiastici & execu- toriales quomodo publicandae. 236
Canonici clericatum deferentes, accepta ab Ecclesia restituere tenentur. 98	Cognatio spiritualis quando & quomodo contrahatur. 241
In Canonici demortui locum quomodo alius subrogandus sit. 116	Cogentes aliquam intrare monasterium, anathematizantur. 273
Canonici in Ecclesijs non sint muti, sed cum reliquis canant. 101	Non communicantes in Paschate ne sepe- liantur in loco sacro. 253
Canonici iuniores qua cura educandi sint. (97)	Concionatores, Christi exemplo, prius faciant quam doceant. 74
Canonicorum numerus ad minorem & determinatum reducendus, & quomo- do. 112	Concionatores inculcent populo Concil. Tridentinum & Synodalia statuta. 74
Canonicos omnes ubique habitum clerica- lem ferre debere. 96	Concionatoris munus male obire pern- ciosum. 71
Canonici plurium Ecclesiarum titulos quomodo habere possint. 112	Concionator non potest sine facultate les- gere libros haereticos. 72
Canonici qui reuera resideant. 101	Concionatores, Patres in explicanda scrip- tura sequantur. 71
Canonici student ut sacerdotis uocabulo digni sint. 103	Concionatores populum modestè de deci- mis persolvendis admoneant. 239
Canonicatus possessio nulli danda nisi sa- cta prius fidei professione. 96	Concionatores qua modestia uti debeant & quid cauere. 74
Canon Martini V. de censuris. 247	Concionatores quibus uti debeant ad He- retica dogmata conuellenda. 72
Cantiones quales populo in Ecclesia per- mittantur. 270	Concionator quos legere debeat. 72
Cantiones scholarium quae prohibeantur. (304)	Concionari proprium Episcoporum & Prælatorum. 70
Cantores, Angelorum in Ecclesijs vicem & speciem gerunt. 93	Concio non habeatur ubi à viginti annis non est haberi solita, & quomodo id accipiendum. 73
Cantores curare debent ut in Ecclesijs, di- uinum officium deuotè persoluatur. 91	Conciones quibus diebus habendae. 70
	Confessariorum approbatorum nomina

# Synodi.

in Ecclesijs esse publicanda.	244	Clerici negotiationes mercatorias deu-	
Confessarij consentium nomina anno-		tent.	143
notent.	245	Clerici ne usuras exercent.	287
Confessarius qualis esse debeat.	242	Clerici non patiatur in domibus suis com-	
Confirmationis sacramentum suscipiens		potationes.	148
quot annos habere debeat.	240	Clericorum post maiores ordines matri-	
Confirmationis dignitas & efficacia pos-		monium nullum.	150
pulo exponantur.	240	Clerici potatores, ebriosi, seuere punien-	
Coniuges non cohabitantes, non seren-		di.	149
di.	250	Clerici publica conuiuia deuitent.	
Consistoriales officiales quamodestia esse		Clerici prohibentur ferre arma.	141
debeant.	225	Clericis prohibetur alearum ac taxillo-	
Consistorio presidentiu qualitates.	223	rum ludus.	152
Claues Eucharistiae &c. ipsi Parochi &		Clerici quaedam etiam iuste possunt exi-	
eorum cooperatores seruent.	254	gere.	267
Clericorum arma quae sint ex D. Ambrosio.		Clerici quomodo familiam instituire de-	
	141	beant.	156
Clerici auaritiam cur merito uitare de-		Clericis quomodo in mutuis & amicorum	
beant.	148	conuiujs uiuendum sit.	
Clerici choris singulariter abstineant.		Clerici sua uina non per se, sed per laicos	
	142	publice diuendant.	148
Clericorum coma & barba qualis.	143	Clerici sunt Christi milites.	136
Clerici diebus uetitis carne uescentes,		Clericalis uestis forma praescribitur.	140
quomodo puniendi.	272	Clericoru uita debet esse inculcata.	138
Clerici a sexminis & luxuria abstineant.		Cooperatores parochorum ubi cibum su-	
	154	ment.	157
Clerici fidem catholicam teneant & pro-		Cultus diuinus in sacellis & locis ubi fun-	
fitentur.	2	datus est persoluatur.	205
Clericos hospitales esse debere, non cau-		Cultus diuinus sponte & ex animo fre-	
pones.	146	quentandus.	108
Clericorum impudicorum poene.	155	Chrismate inunctos sacerdos ipse statim	
Clericorum inopia grauior quomodo sub-		abstergat.	239
leuanda.	146	Cursus iurati Iudicis Ecclesiastici mu-	
Clericorum instituendi communem con-		nus.	214
uictum modus & ratio.	157	Custodes templorum in munus edituorum	
		debent inquirere.	91

# Index

Custodes templorum mundicie altarium  
et uestium sacrarum dent opera. 90.

Custodes templorum quæ in illis necessa-  
ria sunt providere debent. 91

Causas Ecclesiastico iuri reservatas in For-  
um civile trahentium poena. 222

## D.

Damna ex neglectu Dioecesium. 315

Decani maxime inuigilent moribus sacer-  
dotum. 88

Decani non possunt abesse à suis Ecclesijs  
sine licentia. 89

Decani suo tantum muneri insudare de-  
bent. 90

Decimas persoluedi ratio et forma. 230

Decretum concil. Mantichen. de parentali-  
bus. 263

Delinquentes non punire quàm sit noxi-  
um. 331

Desponsati benedicendi et ubi. 255

Diligentia in sententia Diuortij adhiben-  
da. 258

Dimissoria literæ quomodo admittendæ.  
(167)

Dispensationes antiquæ quomodo in po-  
sterum admittantur. 63

Distributiones sunt commodius extrâ  
quàm in Choro, et quare. 104

Distributiones quotidianæ seu præsentia  
solum præsentibus dentur. 103

Distributiones quotidianæ tenuiores au-  
genda sunt. 105

Diuortio coniuges separantur, quo ad  
eboriam, non uinculum. 258

Diuortio seiuncti iterum cohabitare cog-  
possunt. 258

## E.

Ecclesie Catholicae quæ et qualis sint  
contraria. 10

Ecclesie Cathedrales suum quæque habeant  
poenitentiarium. 243

Ecclesie intra quod tempus debeant præ-  
sentare. 207

Ecclesie Parochiales ruinosæ quomodo  
reficiendæ. 209

Ecclesiarum portas æditiui obseruent. 286

Ecclesie quomodo transferri possint. 210

Ecclesie scholas habeant. 258

Ecclesiasticum regimen simile familiæ. 315

Ecclesiasticorum debita quomodo et quas  
tenus persolueda. 220

Ecclesiastici elemosinis distribuendis dent  
operam. 130

Ecclesiastici in quem usum opes suas ero-  
gare debeant. 130

Ecclesiastici ne à laicis inuestituram su-  
mant. 278

Ecclesiasticorum neminem, nisi iter faci-  
entem, tabernam ingredi debere. 250

Electus Episcopus doctrina sue specimen  
præbeat. 24

Electus in Episcopum de quibus interro-  
gari debeat. 23

Electi in Episcopum inquisitionis processus,  
adsum. Pontificem mittatur. 18

De eligendo Episcopo, Leonis et Anthemi  
Imp. Decretum. 18

Electus in Episcopum professionem fidei  
faciat. 25

Non

# Synodi.

Non eligatur in Episcopum nisi sacerdos,  
uel se sacerdotem fore promittens.

(19)

Electorum in Episcopos, Synodus examē  
prescribit.

22

In electi examine qui adhibendi sint.

23

Eligentes Episcopum sequantur Concil.

Basilienſis prescriptum.

19

Electio præter modum Concil. Basilien.

facta, irrita: & eligentium pœna.

19

Episcopos, dum uiſitant, ſimul Confirmat

tionis Sacramentum conferre debe

re.

323

Episcopi extra curiam Rom. ubi debeant

consecrari.

20

Episcopi importatorum librorum inſpe

ctores conſtituant.

12

Episcopi pro collatione ordinum ne

quicquam, etiam ſponte oblatum, ac

cipiant.

34

Episcopi provideant populo Conciona

tores & Conſeſſarios.

55

Episcopus qualibus debeat demandare ne

gotia, quæ ipſe non poteſt obire.

57

Episcopi quando & quoties Sacramen

tum confirmationis adminiſtrare de

beant.

240

Episcopus quàm uigilans & circumſpe

ctus debeat eſſe.

55

Episcopi quid Conſeſſarios monere de

beant.

242

Episcopi quomodo & cuius licentia à

proprijs Eccleſijs poſſint abeſſe.

60

Episcopos reſidere cur ſit utile & neceſ

sarium.

58.59

Episcopi reſideant ſub pœna peccati mor

talis &c.

59

Episcopi, ſi ſuis Patronatus habentes neo

minem præſentent, ipſi beneficia illa

poſſunt conferre & quomodo.

206

Episcopi uiſtent omni anno ſuas Dioce

ſes.

317

Episcopi uita & doctrina qualis debeat

eſſe.

52. 53.

Eucharistiā negligenter conſeruantes

puniantur.

253

Eucharistiā non niſi prius conſeſſo detur.

(254)

Excommunicatione ſobrie utendū.

247

Exequiarum dies celebrandi.

262

Exequiarum expenſe decernendæ, & à

quo.

263

Extremam unctionem ex contemptu re

cuſantes ſuſcipere, non ſepeliantur in

loco ſacro.

260

## F.

Fabricæ templorum cur diligens habenda

ratio.

209

De fide coram populo diſputare non licet

ſine facultate.

15

Festi dies populo denunciandi.

272

Festis diebus quomodo audienda ſit Miſſa

ſa.

272

Funeribus deſunctorum crux præſeratur

& candelæ.

262

Funera pauperū gratis deducenda.

262

Funeris ſumptus qui obligentur facere.

(262)

Ggg 2 Hære

# Index

H.		Iudices Ecclesiastici quæ dona possint ac- ceptare, & quæ non.	
Heredes ad soluenda defunctis iura fune- ralia, etiam inuiti cogendi.	262	L.	224
Hereticorum doctrina ac libri prohiben- tur.	10	Lactantium infantes certus casus, & cui reſeruetur.	250
Hereticorum fautores anathematizan- tur.	10	Laici omnes fidem Catholicam teneant & profiteantur.	2
Contra Hereticorum libros legentes, Theodosij & Valentiniiani Imp. De- creta.	11	Laicus intra quod tempus debeat præ- sentare.	207
Ex Hereticis locis uenientium mores ob- seruentur.	15	Laicæ clauiculari officium prædicationis sibi arrogent.	15
Heretici Ludimagistri eiſciãtur ex scho- lis.	13	Laici ne uſuras exerceant.	287
Hereseos ſuſpicionem qui laborare cenſen- tur.	14	Laici ſine clericis non poſſunt celebrare ſupplicationes publicas.	269
Horæ Canonicas qui legere teneantur.	(160)	Laici diebus uetitis carne uſcentes pu- niendi.	272
Horæ Canonicas non legentium pœnæ.	(161. 162)	Libros importatos iudicantium officium.	(12)
Horarias preces mente ac ſpiritu perſolu- endas eſſe.	164	Libri importati, per deputatos ab Epi- ſcopis uideantur.	12
I.		Libros hereticos ſi qui habent, deponant, & quibus eos offerre debeant.	11
Ieiuniorum dies & abſtinentiam à carni- bus ſeruanda eſſe.	272	Literæ diſmiſſoriæ quibus & quomodo dandæ.	83
Infantes intra octiduũ baptizandos.	237	Ludiſector ſuturus ſciat profeſſionem fidei	300
Innocentij I. Conſtitutio de Epiſcopis, ſeruanda.	34	Ludiſector ſuturus Ordinario præſente- tur.	255
Iudicis Ciuilis, actionem fori Eccleſiaſtici impedientis pœna.	222	Ludimoderatorum officium.	301. 302.
Index Eccleſiaſticus neceſſarius cur ſit.	(222)	M.	
Iudex Eccleſiaſticus Notarium, Procurato- res, Curſorem, iuratos habeat.	224	Magica præſtigia damnantur & quæ eo nomine comprehendantur.	16
		Magi & præſtigiatores occulti deſerantur.	17
		Magia	



# Synodi.

Magistratus Ecclesiasticam immunitatem defendant & conseruent.	218.	Monachi & Moniales, quam Deo uouerunt, castitatem exhibeant.	192.
In Magistratu Hæresis maximum crimen.	(195)	Monachi quando & quàm diu Parochias obire possint.	182.
Ad Magistratum secularem exhortatio.	295.	Monachi quas Parochias obire possint.	(182)
Magistratus quomodo Clericos capere possit.	223.	Moniales concionatorem habeant.	175.
Magistratus contineant subditos in uera Religione.	293.	Monialis quo modo ante professionem probanda.	172.
Matrimonium clandestinum irritum.	257.	Moniales singulis mensibus communicare debent.	204.
Matrimonij administrandi ritus probantur.	255.	Monasteriorum bona mobilia et immobilia quæ debeat administrare.	195.
Matrimonialium casuum à laicis deciso, irrita, & eorum poena.	256.	Extra Monasteria commorantes, reuocantur, & data ipsis licentia abrogantur.	182.
Matutine preces ante Missarum celebrationem absolueudæ.	163.	Monasteria exempta cur denuo Ordinarijs subijciantur.	199.
Mendicantibus ordinibus cur plurima data priuilegia.	200.	Monasteriorum exemptorum instituendæ congregationes.	198.
Mendicantes ordines non abutantur, sed modestè utantur suis priuilegijs. ibid.		Monasteria intra quod tempus presens tate debeant.	207.
Mendicantes quid in confessionibus audiendis obseruare debeant.	ibid.	Monasteria scholas apud se restaurent, uel instituant.	197. 298.
Monachi ad uniuersitates quomodo mittendi sint.	174.	Monasterijs uacantibus quomodo prouidendus Prelatus.	20.
Monachus castitatis transgressor, ad prælituram perpetuo inhabilis.	144.	Monasteria uirorum in nullo officio domesticico habeant mulieres.	193.
Monachorum diligentia in diuino officio.	176.	Monialium claustra, nulli uiro licet ingredi.	202.
Monachis etiam extra monasterium constitutis, ferendum esse habitum.	184.	Monialium claustra, quæ hactenus clausa fuerunt, ne aperiuntur, et aperta claudantur.	202.
Monachorum exercitia ex D. Hieron.	176.	Monialium monasteria qualitercunq; exempta.	
Monastice personæ ab omni uisgodi discursu prohibendæ.	177.		

# Index

- empta Ordinarijs subijciuntur.** 203  
**Monastica uita fundamenta quae sint.** (178)  
**Mortuus repente, quando in loco sacro sepeliri possit.** 253  
**Mulieres uirorum claustra ingredientibus excommunicantur.** 193  
**N.**  
**Notarius Consistorij quid esse possit, et quomodo admittendus.** 228  
**Notariorum et scribarum Episcopatum pretium.** 83  
**Novitios Religiosorum, in literis quoque instituendos esse.** 174  
**Nundinarum apud Ecclesias abusus.** 284  
**Nundine et Mercatores ab Ecclesiarum porticibus remoueantur.** 285  
**O.**  
**Obedientiae regularis laus.** 178  
**Obstetrices de Baptismo informantur.** (238)  
**Officiales Ecclesiarum in suis Ecclesijs et officijs resideant.** 61  
**Officio Ecclesiastico praeficiendus debet facere professionem fidei.** 94  
**Quando Officialibus monialium claustrum ingredi liceat.** 35  
**Ordinarii locorum discipline populi in Ecclesijs curam gerant.** 283  
**Ordinandi à quibus sint examinandi.** 78  
**Ordinandorum examen quanti momenti.** 79  
**Ordinibus indignè se ingerentis poena.** 84  
**Ordinandos inquirendi modus generalis.** 80, 81  
**Ordinandos omnes examinandos esse, et quod in eare discrimin seruandū.** 82  
**Ordinandos quibz praesentare debeat.** 83  
**P.**  
**Parochi adhortentur populum ad sacramentorum usum.** 128  
**Parochi debent catechizare infantes suorum subditorum.** ibid.  
**Parochi frequenter uisitent agrotos.** (260)  
**Parochi habeant statuta synodalia cum libro Agendorum.** 6  
**Parochi infirmos ad perceptionem sacramentorum hortentur.** 260  
**Parochi iuramentū.** 45. **Fidei professio, et modus confirmationis.** 47  
**Parochi libros tres habeant ad cognoscendos subditos.** 115  
**Parochi mores subditorum inquirent.** (125)  
**Parochorum, funera deducere negligentium poena.** (262)  
**Parochi ne haereticis in populum irrepant solliciti sint.** 14. 128  
**Parochi neminem sine extrema unctione decedere permittant.** 260  
**Parochus non adiungat sibi collaboratorem, nisi ab ordinario probatum, et quomodo erga eum se gerere debeat.** (135. 136)  
**Parochi populo constitutionem de agenda poenitentia quādo et quoties promulgare debeant.** 279  
**Parochi populum de usura fugiendam instruunt.** 288  
**Paro.**

# Synodi.

Parochus pro funeris deductione nihil  
exigat. 262

Parochi pro subditorum salute discrimi-  
ni se libenter offerant. 132

Parochus quomodo constituendus sit, quo-  
modo examinandus & confirmandus. 42. 43. 44

Parochus quo cultu indutus funera deducere debeat. 261

Parochi retineant antiquas populi Dei  
consuetudines, & quas. 8

Parochi sacris necdum initiati, iubentur  
fieri sacerdotes, & missas celebrare. (41

Parochi subditos pascant uerbo predica-  
tione. 127

Parochus suspectu de Hæresi ad Ordina-  
rium deferat. (14

Parochi uitæ exemplo subditis pralu-  
ant. (132

Parochi uocati sunt in partem sollicitudi-  
nis Episcoporum. 114

Parochijs recenter erectis necessaria quo-  
modo assignanda sint. 235

Patres Synodi faciunt profess. fidei. 4

Patroni beneficiorum quid spectare de-  
beant. 38

Patroni quando ius presentandi amittant,  
& quam diu. 207

Pauperibus scholasticis subueniant præ-  
lati. 299

Pecuniaria multa in quem usum conuer-  
tenda. 332

Pensiones, sine licentia Sed. Apost. ex re-  
signatis beneficijs prohibentur. 36

Pœna eorum qui fraude impetrarunt di-  
missorias litteras. 168

Pœne grauiore non infligendæ citra cõ-  
sensum Episcopi. 113

Pœnitentiarij officium. 143

Populus ad frequentem orationem ad-  
hortandus. 180

Populus Clero ne detrahatur, aut cum iudi-  
cet. 277

Populus doceatur honorare Ecclesias. 186

Populus in Ecclesijs quæ obseruare, &  
quæ uitare debeat. 183

Populus Prælatis & Parochijs etiam dy-  
sculis obediat. 176

Prædonum Ecclesiæ miser exitus. 192

Præces Deo in Ecclesijs oblate acceptissi-  
me sunt. 181

Præfecti electionis Prælatis, claustrum nõ  
ingrediantur. 11

Prælatorum, bona Ecclesiastica ab alie-  
norum, pœna. 215

Prælatus dispensationis sue annuatim de-  
bet reddere rationem. 214

Prælatum electum confirmans, iubeat litem  
confirmationis confici. 33

In Prælatos electorum examen & inquisi-  
tio qualis esse debeat. 34

Prælati habeant statuta synodalia. 6

Prælati electi iuramentum. 12

Ante prælatorum minorum confirmatio-  
nem quæ sint seruanda. 18. 19. 30

Prælati non præficient muneri Concione-  
toris, nisi examinati ab Ordinario. 73

Prælati quando & quomodo sibi coadiu-  
tores cooptare possint. 51

Prælati rationem dispensationis à subditis  
officialibus exigant. 114.

# Index

<i>Prælata, de futura professione, Episcopū admonet, &amp; quando.</i>	273	<i>Rogationum: processiones nullatenus intermittantur..</i>	ibid.
<i>Prælata eligendæ conditiones.</i>	21	<i>In Rogationum processionibus quæ sit obseruanda modestia.</i>	269
<i>De Prælata electa informatio à quibus suscipienda sit.</i>	35	<i>Rom. Ecclesiæ ritus in administratione sacramentorum seruentur.</i>	236
<i>Prælata una non præficiatur duobus monachis.</i>	83	<i>Si</i>	
<i>Præpositorum Ecclesiasticorum grauius abusus reprehenditur, &amp; quod sit eorum officium.</i>	83	<i>Sacerdotibus &amp; clericis lectio sacræ scripturæ iniungatur.</i>	76
<i>Præsentati ad beneficia, iuxta formam Concilij examinandi.</i>	38	<i>Sacerdotes non habentes iurisdictionem, ne audiant confessiones.</i>	244
<i>Præsentantium indignos poena.</i>	207	<i>Sacerdotes peregrini quæ cautela admitteendi.</i>	265
<i>Præsens interesse diuino officio quibus censendus sit..</i>	107	<i>Sacerdos quilibet sacræ confessionis testimonium à suo Confessario petat.</i>	246
<i>Præsentare se ipsum non licet:</i>	207	<i>Circa sacramentorum administrationem librum agendorum sequendum per omnia..</i>	234
<i>Principes &amp; Magistratus immunitatem Ecclesiasticam tueantur..</i>	232	<i>Sacramenta à puris ministris tractari debent.</i>	234
<i>Principes, scilicet Ecclesiam defendant, fortunatos fore..</i>	294	<i>Sacramenta Ecclesiæ quot &amp; quæ sint.</i>	(232)
<i>Professio quoto anno fieri debeat.</i>	112	<i>Scholasticorum studentium eruditioni &amp; moribus inuigilandum.</i>	93
<i>Priuilegia recipiendi fructus in absentia annullantur..</i>	62	<i>Scholæ ne præficiantur hæretici:</i>	300
<i>Veri fructuosus in publicis scholis, quàm intra priuatos parietes instituuntur.</i>	(298)	<i>Scholæ priuatae &amp; Poëticae dicte, improbantur..</i>	298
<i>In puniendo moderatio adhibenda.</i>	333	<i>Scholæ publicæ habeantur.</i>	297
<i>R..</i>		<i>In scholis suspecti uel hæretici auctores non prælegantur.</i>	302
<i>Non residendi licentiam qui dare debent.</i>	39	<i>In scholis uulgaribus quid obseruandum sit.</i>	308
<i>Resignationes dignitatum ac beneficiorum Ecclesiasticorum quādo admittendæ.</i>	35	<i>Scholarum uisitatores decernantur.</i>	ibid.
<i>Resignatio fiat in manus Ordinarij loci.</i>	(36)	<i>Seminaria cur erigenda, et ubi.</i>	308, 309
<i>Resignatio quando irrita sit.</i>	36	<i>Sepeliri in loco sacro qui non debent.</i>	(264)
<i>Rogationum processiones cur institutæ sint.</i>	268	<i>Simone</i>	

# Synodi.

Simoniack actionibus qualitercunque comman- nicantes, declarantur Simoniaci.	In Synodis querelæ & grauamina pro- ponenda, & quomodo.	340
(267)	Synodi olim duobus modis celebrabantur.	334
Simonia extrema enormitatis peccatum.	Synodi Prouinciales singulis triennijs habende.	339
(265)	Synodis qui in posterum intererunt, faci- ant professionem Fidei.	4
Simonia prohibetur.	Synodus recipit Tridentinum Concili- um.	3
266	Synodalia statuta, ultima cuiusq; Synodi die publicanda esse.	340
Simoniaci, sepulture honore priuentur.	Synodi sunt stabilimentum fidei.	336
(267)	T.	
Scriptura sacra sacerdotibus prelegatur.	Tesium examinis electi in Episcopum qualitas.	24
(76)	Tridentini Concilij Decretum adhorta- torium ad Episcopos.	55
Summum monachi uitium ac uirtus quæ	Tridentini Concilij Decretum de monia- libus.	203
(178)	Tridentini Concilij de pluralitate bene- ficiarum Canon.	49
Summi Scholastici Catholicos & doctos Ludimagistros prouideant.	Tridentini concil sess. 24. Cap. 12. præ- cisè obseruandum.	99
93	Tridentini Concilij de sumptibus uisita- tionis decretum.	339
Superiores religionum Bibliothecas con- seruent & instruant.	Typographi faciant professionem fidei.	(13)
106	V.	
Superiores religionum cum subditis re- gulam suam seruent.	Vicarium generalem, Capitulum sede uae- cante approbare debet.	68
108	Vicarius generalis Episcopo nouiter in- stituto rationem sue administratio- nis reddere debet.	68
Superiores religionum non permittant subditos quicquam habere proprij.	Vicarij	
(195)		
Superiores religionum quomodo subditis abundi facultatem dare possint.		
180		
Superiores religionum suos apostatas pœ- nitentes recipiant.		
189		
Superiori & Confessario monialium quo- modo liceat claustrum ingredi.		
202		
Suspensi qui durante censura in monaste- rium recludendi.		
168		
Synodales constitutiones quomodo & ubi sint promulgande.		
6		
Synodalium conuentuum cessatio, magna damna attulit.		
333		
Synodi cur olim habite.		
334		
Synodi Diocesane singulis annis habenda.		
338		

# Index

Vicarij generalis Iuramentum & fidei professio.	66	Visitationis quis ordo seruandus.	318
Vicarius generalis non potest sibi substituere alium.	67	Visitationis quis <u>finis sit &amp; intentio.</u>	(329)
Vicariorum generalium potestas ab Episcopis dependet.	63	Visitatores in locis ad quæ perueniunt cognitionem habeant.	321
De Vicariorum generalium potestate, synodi Ancyranæ Canon.	65	Visitatores quomodo mores populi inuestigare debeant.	323
Vicarius generalis Episcopi qualis esse debeat.	64	Visitatores quid potissimum de Prelatis debeant interrogare, & quid de clericis.	319
Vicarij generales Episcoporum sunt superiores Archidiaconi.	61	Visitatorum munus.	317
Vicario absentis quid reddituum sit assignandum, & à quo.	40	Vsurarij absolucendi non sunt, nisi restitutionis lege seruata.	288
Vicarium pro absentia perpetua neque constituere, neq; constitutum submo- uere, Episcopo <u>in scio, licet.</u>	39. 40	Contra usuram quo die principalius con- cionandum.	ibid.
Visitare Dioceses quàm sit utile & neces- sarium.	316	X.	
Visitandi ante ceteros ipsi Prelati.	318	Xenodochia ad eam dirigantur utilitatem ad quam sunt instituta.	313
Quomodo visitanda monasteria uirorum.	(327)	Xenodochia collapsa reparanda.	314
Quomodo visitandæ moniales.	318	Xenodochiarum præfati Concil. Viennens- sis constitutionem obseruent.	312
Quomodo visitandæ Parochiales & aliæ Ecclesiæ.	320	Xenodochiorum & piorum aliorum locorum Oeconomi, annuatim rationem suæ administrationis reddant.	313
Visitatio quando inchoanda.	317	Xenodochia quando sint visitanda ab Or- dinarijs.	

Laus Deo.





